

## ЮҚСАК НАФОСАТ ВА МАНГУ ҲИҚМАТ ӨБИДАСИ

Хиндистон энг қадимий маданият бешиги бўлган мамлакатлардан биридир. Унда мелоддан уч минг йил аввал ерни сунъий суғориш тараққий этган, анҳорлар қазилган, тўқимачилик, заргарлик ривожланган, пишиқ гиштдан икки ва уч қаватли бинолар солинган ва ҳоказо. Мелоднинг биринчи асрларидаёқ тиб, риёзиёт, илми нужум, кимё, ҳикмат каби фанлар ривожланган, турли жанрларда бадий адабиёт вужудга келган. «Рамаяна», «Маҳабҳарат», «Куран», «Мегҳадута», «Рагҳуванша», «Кумарасамбхава», «Дашакумачарита», «Панчтантра», «Ҳитопадеша», «Шакунгала», «Малавика ва Агнимитра», «Мудраракшаса» каби машҳур ва маълум асрлар шулар жумласидандир. Булар орасида дунёга энг кўп тарқалтани ва ўзининг илгор ҳамда ҳикматли фикрлари билан ажralиб турдигани «Калила ва Димна»дир (гарчи бу асар баъзи жиҳатлардан юқорида зикр этилган асрлар заминидан майдонга келган бўлса-да).

III—IV асрларда яратилган бу қадимий адабий ёдгорлик ўша даврнинг савииси ва шароитлари тақозо қўилган баъзи гоявий маҳдудлик ҳамда зиддиятларга қарамай, уининг асосида ётган илгор фикрлар катта аҳамиятга эгадир. «Калила ва Димна»даги ҳикоялар ҳайвонлар тилидан олиб борилса-да, ижтимоий ҳёт, одамлар орасидаги муносабат кўзда тутилади.

Табиатдаги мавжӯд барча нарсалар, барча жонлилар орасида инсон энг комил ва улуғ зотдир. Шунинг учун ҳар бир одам шу юқсанек номига муносаб бўлиши керак. Мана шу гоя асарнинг ўзагини ташкил қиласди.

Асарда социал воқеликдаги салбий ҳодисаларга қарши ўтичилиди, ақл, адолат, одамгарчиллик тараннум этилади. Унда ўша жамиятдаги барча нуқсонлар: хиёнат ва жиноят, пасткашлик, ирво, фисқ-фасод, зулм-ваҳшат фош қилинади. Мана шу қора кучларнинг намояндайлар — золим шоҳлар ва уларнинг разилликлари; нопок вазирлар, амандорлар ва уларнинг палид ишлари, сарой ифтиrolари ва ифлосликлари; қотил ва йиртқич табиатли одамлар ва уларнинг шафқатсизликлари; ҳалқлар тинчлигини бузувчи ва мамлакатларни харобага айлантирувчи уруш-ихтилофлар; ҳар нарсани — инсонийлик ва ор-номусни, инсоф ва вижданни мол-дунёга сотувчилар; нафси бузуклиги, очқўзлиги, худбиялиги туфайли ўзгаларни ҳам, ўзларини ҳам фалокат гирдобига ташловчилар; фйтначи, қаллоб, мунофиқ, муттаҳамлар ва уларнинг қўлмиш-қидирмишлари; бегуноҳлар устига ҳар қандай айни юклаб, маломат тошларини отувчи, ўзлари ҳеч нарсага арзимайдиган, қўлидан ҳеч қандай фойдали иш келмайдиган ёки буни хоҳламайдиган, лекин ўзларини барчадан юқори қўйиб, ўзгаларни камситишга, оёқ ости қилишга уринувчи ва шу билан кун кўрадиган гийбатчи ва ҳасадчилар.

Бу — бир олам.

Ақл ва инсоф әгалари, одил ва доно шоҳ, упинг ҳикматли, билим-дон, тадбирчан аркони давлати; фан, ҳунар ва санъат ахларни; одолат ва раият учун жонини ҳам аямидиган, қаҳрамонлик ва жасорат намуналарини кўрсатадиган, қўрқмас баҳодирлар. Ақл-идроқ, инсоф ва тадбирчаниликни ҳар нарсадан устун қўядиган, шулар ёрдами билан энг оғир ва мураккаб масалаларни ҳам ҳал қила оладиган, ҳатто барча учун жуда хавфли ва фоят зўр душманни ҳам енга оладиган вафодор ва садоқатли кишилар.

Бу — иккинчи олам.

Уз даврининг ҳақиқий манзарасини акс эттирувчи бу асарда шундай хулоса чиқади: «Хўжайн ва қарол, шоҳ ва қул бор жойда ҳамиша ўлим ва жазо бўлади». Асарда бундай кўримсиз манзарани, бундай фожиали ҳолатни қайд этиш билангина чекланмасдан, у қораланади.

Мана шу бир-бирини истисно этадиган олам, улар орасидаги кескин зиддият, уларнинг ўзаро олишуви, биринчи оламга нафрат ва иккинчисига мұхабbat: ёмонликни қоралаш ва яхшиликни улуғлаш, шу ёмонликка қарши курашга ундаш, уни йўқотишга интилиш, шу яхшиликнинг тантанасини таъмин этишга чорлаш асарнинг асосий мазмунини ташкил этади.

Бу масалаларининг барчаси юксак бадиий гўзал ҳикояту ривоятлар, ажойиб умумлашмалар ва ҳайратомиз ҳикматли иборалар орқали очилди, тасвир этилади.

Бунинг устига, асарда фалсафа ва илоҳиётга оид мураккаб масалалар ҳақида жуда кўп фикрлар байён этилади. Чунончи, гарчи одамнинг бахти ва ё бахтсизлиги осмондан, тақдирдан бўлса-да, лекин асосан барибир, ҳар нарса одамнинг ўз ҳаракати ва интилишига, ақли ва идрокига, меҳнати ва қобилиятига боғлиқдир, деган фикр олга сурилади ва ҳаётий мисоллар билан тасдиқланади.

«Калила ва Димна» асрлар мобайнида Осиё, Африка ва Европа қитъаларидағи деярли барча маданий тилларга таржима этилган, жумладан, ўзбек тилинга уч марта таржима қилинган.

Шуни қайд қилиб ўтмоқ лозимки, бу асарнинг Шарқ тилларидаги таржималари кўп жиҳатдан бир-бирiga ўхшамайди. Ҳар бир таржимон ўз дунёқарашларидан ва даври талабларидан келиб чиқиб, асарга ўзиғи мустақил ёндашган ва озми-кўпми ўзгаришлар киритган.

Асарнинг тузилиши жуда мураккабdir. Фоят чигал ва оғир, хилма-хил воқеалар бир-бiri билан чатишиб кетган. Ҳикоя ичida бир ё бир неча ҳикоялар бериш усулидан кўп ва кенг фойдаланилган. Ҳикоятларнинг аксарияти, бир томондан, асарнинг умумий ўйналиши билан чамбарчас боғлиқ бўлий, айни вақтда, бир яхлит бадиий асарнинг узвий қисмларини ташкил этади, иккинчи томондан эса, уларнинг деярли ҳар бири мустақил, тамомланган ҳикоя ҳисобланади.

Асарда кескин ва бир-бира қарама-қарши куч ва омилларнинг даҳшатли тўқнашуви ўқувчидаги чуқур ва кучли ҳаяжон, катта қизиқиши уйғотади. Бу асар одамни актив, изчил, саботли ва матонатли бўлишга, ҳар қандай оғир ва мураккаб шароитларда ҳам саросимага тушмасликка, ақл билан тадбир кўриб ғалаба қозонишга чақиради. Асарни безайдиган энг муҳим фазилатлардан бири унда чиройли ҳажвий, қиноюмиз, чуқур ҳикматли ибора ва ўйтларнинг кўплигидир.

Умуман, китобни ўқиганда шундай тасаввур пайдо бўладики, уни яратганлар фоят зўр файласуф ва улкан сўз санъаткори бўлганлар. Улар ўзларининг фоят газабли ҳам юмшоқ табиатли экан-

ликларини намоён қилганлар, ҳазил-мутобибали ва ўткир тилли ҳақиқат ҳимоячилари эканликларини кўрсатганлар.

Асарни яратганлар киши руҳияси, ички оламининг фоят мураккаблигини, қалбининг энг нозик томонларини жуда яхши англаганлар. Одам қалбининг кўп қирралилиги, мураккаблиги ва зиддиятлилигини кўрсатишда маълум бир мақсадни кўзда тутганлар. Китобхонни одамлар билан муносабат ҳамда муомалада ҳушер, сезир, эҳтиётли, иродали ва сабрли, қаттиқўл, юмшоқ табиатли ва ғамхўр бўлишга, кечимиш ва келажагини яхши ҳисобга олиб, ўйлаб иш қилишга унданганилар. Шу билан бирга, инсоннинг нозик хислатлари, табиат гўзаликларини баланд дид билак ифодалаб, китобхонда назокат ва нафосат туйгуларини тарбиялашга ёрдам берганлар.

Ҳиндистон халқи билан бошқа шарқ халқлари, шу жумладан, Ўрта Осиё халқлари орасида қадим замонлардан бўйн жуда яқин маданий алоқа бўлган. Улар бир-бirlаридан ўргангандар, бир-бirlарининг анъаналарини ижодий тарзда ўзлаштиргандар ва давом эттиргандар. Дунёдаги етти мӯъжизадан бири — ҳайратомиз ижодкор меҳнат ва беҳад юқсан нафосат обидаси ҳисобланган, оқ мармарларига икки миллион ранг-баранг гул ўйиб солинган «Тож-Маҳал»ни яратишида ўрта осиёлик меъмор ван нақшошлар ўзларининг катта ҳиссаларини қўшганлар. Ўзбек тупроғида туғилиб, сўнгра тақдир тақозоси билан Ҳиндистонга бориб яшаб, ижод этган Ҳусрав Деҳлавий ва Абулқодир Бедил ҳинд халқининг эски анъаналаридан илҳомланниб, ўлмас бадиий асрлар яратиб, дунё маданияти хазинасини бойтганлар. «Улуг мӯгуллар» деб аталган бобирийларнинг ҳинд диёри ва маданияти тарихида ўйнаган ижобий роли ҳам барчага маълум. Жавоҳарлаъл Нерунинг Ҳусрав Деҳлавий, Бобир ва Акбаршоҳга берган юксак баҳоси беҗис эмас, албатта. Шу билан бирга, ҳинд халқининг фоят бой маданиятидан, адабиёт намуналаридан Ўрта Осиё халқлари, жумладан, ўзбеклар асрлар мобайнида баҳраманд бўлиб келдилар. Ана шулардан бири «Калила ва Димна»дир.

Бу асарнинг ўзбек тилига биринчи таржимаси XIII асрга тўғри келади. Улуғ Навоийнинг замондоши Ҳусайн Бойқаро «Калила ва Димна»ни форс тилига янгидан таржима қилидирган. Шундан сўнг ва асар бутун Шарққа, жумладан, Ўрта Осиёга яна ҳам кенг таржалади.

Асарнинг ўзбек тилига қилинган таржималари орасида энг машҳурининг муаллифи бўлмиш Алмайи ишга оддий таржимон сифатида қарамай, асарнинг анчагина жойларини ўзича талқин қиласди. Унга янги ҳикоятлар киритади ва ҳоказо.

«Калила ва Димна» бошқа халқлар, жумладан, ўзбек халқи тарихида ҳам асрлар мобайнида фоят муҳим ижобий роль ўйнади. У ўзининг ажойиб фоялари ва юксак бадиийлиги билан ўзбек ўқувчиларининг онгини оширишда, бадиий дид ҳамда ҳиссиятини бойитишга ёрдам берди. Қадимдан бошлиб ўзбек халқининг оғзаки ва ёзма адабиётига зўр таъсир кўрсатиб, илгр маданиятининг бойишига муҳим ҳисса қўшиди. Буни биз ўзбек халқ оғзаки ижоди намуналари ва Навоий, Гулханий, Ҳамза каби қатор бошқа классикларимизнинг ижодларида яққол кўрамиз.

XIX асрнинг ўрталарида «Калила ва Димна»ни ўзбекчага таржима килган хоразмлик Мулла Муҳаммад Ниёзининг қўйидаги сўзлари беҗис эмас эди:

«Бу китобнинг овозаси ҳар вилоятларда шуҳрат топиб, турк шаҳзодалари ва ўзбакзодалари масомийларига етушди. Аларининг

кўнгуллариға ул китобнинг муҳаббати пайдо бўлиб, ул китобни бир неча тадбирлар бирла қўлларга келтуруб мутолиа, муколима қилимояқга иштиғол кўргузидурлар ва аларнинг баъзилариким фаҳм ва фатонат, хираду каёсат бирла мавсуф турурлар ва форсий алфозларга дониши бўлғон жиҳатидан ул китобнинг ширин алфоз ва рангин ибораларидин баҳраманд бўлутурлар ва баъзилари форсий тилга ноошнолиг сабабидин малоли хотир бўлиб, ўз асарларининг баъзи алфозлариға амр қилибдурларким, бу китоби саодат интисобни туркий тилга таржима қилинглар, то бизларга ҳам ондин баҳра ҳосил бўлсун. Ул асарнинг баъзи афозиллари ул амрга маъмур бўлуб, жуरъат қалами бирла туркий таржимасига иштиғол кўргузиб, онда маскур бўлғон ҳикоят ва масалларни бир-бирига рабт бериб, насоийих ва мавоиз уламодин холи қилиб, афсона тариқи бирла итмомра еткурубдурлар ва баъзи афозиллар ул насиҳатлар ва пандлардин бир оз нимарса зикр қилиб, итмомга еткурубдурлар, лекин дилфириб, алфоз ва жон ошуб иборалардин холи қилибдурлар».

Бу келтирилган парчадан кўринадики, «Калила ва Димна» ҳар хил даврларда бир неча мартаబа ўзбек тилига таржима қилинган, таржимонлар унга турлича муносабатда бўлганлар, уни жуда эркин таржима қилганлар. «Калила ва Димна»нинг ўзбек тилига яна бир бор таржима қилиниши адабйётимизда муҳим бир воқеадир. Бу факт ҳинд ҳалқи билан бўлган дўстлигимиз ва ҳамкорлигимизнинг, шу муаззам, тинчликсевар, ва эркпарвар, ҳалқпарвар ҳалққа бўлган меҳр-муҳаббатимизнинг бир нишонидир. Асрлар мобайнида илгор инсоният томонидан орзу қилинган энг юксак инсоний гояни амалга оширишда ўз ҳиссасини қўшаётган қуёшли республикамиздаги кенг китобхонлар оммаси бу асарнинг юзага чиқишидан мамнун бўладидар, деган умиддамиз.

*Воҳид Зоҳидов*

**ИБН аш-ШОҲ ал-ФОРИСИИ  
НОМИ БИЛАН МАШХУР БУЛГАН  
БЕҲНУД ибн САҲВОЙИНГ МУҚАДДИМАСИ**

Ҳамду санодан сўнг биз бу муқаддимада бараҳманларнинг пири муршиди, ҳинд файласуфи Бейдабо нима сабабдан ҳинд подшоҳи Добшалимга «Калила ва Димна» китобини ёзиб тақдим қилганини баён этамиз. Бу китобнинг мазмун ва мақсадини жоҳил кимсалардан пинҳон тутиш учун ундаги ривоятлар ҳайвонлар ва қушлар тилидан нақл этилади.

Беақл одамлар учун унинг мазмуни юзаки кўринар, аммо фаросатли одамлар эса унда ғоят чуқур, ибратли маъно жавоҳирларини топадилар, манбалари жуда бой ва гўзал эканлигини кўрадилар. Бу китоб файласуф учун — кенг бир фазо, ақл учун — буюк машқ майдони, китоб муҳлислари учун — унутилмас хотира, маъносига тушунадиганлар учун — ажойиб бир ибрат хазинасидир.

Биз Эрон шаҳаншоҳи Ҳусрав Ануширвоннинг нима учун ҳакимлар бошлиги Барзуяни ҳинд мамлакатига «Калила ва Димна» китобини олиб келиш учун юборганини ҳикоя этамиз. Барзуя Ҳиндистонга келганидан сўнг, ҳинд шоҳининг хазинасига яширинча кириб, «Калила ва Димна»ни кўчиришга розилик берган котибни топиш учун қандай ҳийлалар ишлатганини, ҳинд олимларининг бошқа китобларини, ҳар томони ўн хонали бўлган шахматни ва бу китобни қандай қилиб Эронга келтирганини тасвир этамиз.

Биз бу ерда нима учун Бузуржмеҳр Ибн ал-Бухтеқонинг бу китобга муқаддима ёзганлигини ҳам айтиб, айни замонда китобнинг фазилатларини ҳам кўрсатиб ўтамиз. Биз бу китобни қўлга олган ҳар бир одамни уни

Үрганишга, унга қайта-қайта мурожаат қилишга, унинг фойдали ва ибратли томонларига диққат этишга даъват этамиз. Ёлиз шу вақтдагина ўқувчи бу китоб инсон орзу қиласидан ҳар нарсадан афзал эканлигини кўради. Бунинг учун китобдаги мажозий сўзларнинг мағзини чақмоқ лозимдир. Акс ҳолда, ўқувчи китоб олдига қўйилган мақсадни тушуна олмайди. Биз бу ерда Барзуминг қайтиши ва китобни ўқиш усулини кашф этганини кўрсатиб ўтамиз. Шунингдек, Бузуржмеҳр нима учун «Барзум ҳаким» номи билан маҳсус бир боб ёзганини ҳам айтаб ўтамиз. Бу бобда Барзуминг туғилганидан бошлаб қандай ўқиганини, илоҳиётга берилгани ва турли оқимлар билан таниш бўлганилиги баёни этилади, бу бобни «Шер ва ҳўқиз» бобидаи олдин келтирилганинг сабабини ҳам кўрсатиб ўтамиз.

Али иби аш-Шоҳ ал-Форисийнинг нақл қилишича, файласуф Бейдабо қуидаги сабабларга кўра ҳинд подшоҳи Добшалим учун «Қалила ва Димна» китобини ёзган: румлиқ Искандар Зулқарнайн гарб шоҳларини мағлуб қилгандан кейин шарқ подшолари, эронийлар ва бошқаларга қарши ҳужум бошлади. У ўз душманини мағлубиятга учратмагуича ёки ўзига тобе этмагунча қаттиқ кураш бўлиб борар, урушни истаганлар билан урушар, сулҳ истаганлар билан сулҳ боғлар эди. Эрон шоҳлари унинг йўлида тўгоноқ бўлган биринчи душманлари эди. Эронийлар биринчи урушдаёқ тумтарақай бўлиб, ҳар ёққа тўзгиб кетди. Бундан сўнг Искандар Зулқарнайн Хитой томон қўшин сурди. Энг аввал ҳинд мамлакатини забт этиш зарур эди. Искандар ҳинд подшоҳини ўзига бўйсундирмоқчи, ўз дини ва ҳукмроилигини унга қабул эттиromoқчи бўлди. Бу вақтда Ҳиндистанда Форек номли кучли ботир, сингилмас ва тадбирли бир киши ҳукмдорлик қиларди.

У, Искандар Зулқарнайнинг бостириб келаётганидан хабар топгач, урушга тайёргарлик кўра бошлади. Уруш учун лозим бўлган бутун тадбирларни кўрди. Паҳлавонларни чақириб, жангга ҳозирлик кўришни амр этди. Қисқа муддат ичida жанговар фил тўдалари, маҳсус ҳужумга ўргатилган йиртқич ҳайвонлар, тамға бостирилган отлар, узун наизалар, ўткир қиличлар, ярқироқ қалқонлар ҳозирладилар.

Юнонйлар Форек турган жойга яқинлашганида ҳиндларнинг шу маҳалгача мисли кўрилмаган лак-лак

отлиқ аскарлар ҳозирлаб қўйганлари ҳақида Искандарга хабар етказдилар. Буни эшитиб Искандар жангнинг мағлубият билан тугаши мумкинлигидан чўчиди. Искандар ҳийлакор ва шафқатсиз бўлиши билан бирга, сезгир ва тадбирли одам ҳам эди. У, аскарлар қароргоҳи атрофидаги ҳандақ қаздириб, шу ерда маълум вақтга қадар сабр қилиб туриш, ҳинд шоҳига қарши қандай жанг этиш ҳақида кенгаш қуриб, керакли тадбир-чораларни кўришга қарор қилди. У мунахжимларни чақиририб, ҳинд подшоҳига ҳужум қилиш, уни енгиш учун қайси кун яхши эканлигини аниқлашни амр этди. Мунахжимлар шоҳнинг буйруғини бажо келтириб, хайрли кун ва соатни белгилаб бердилар. Искандарнинг шундай бир одати бор эди: у қайси шаҳарни забт этса, у ердаги турли соҳабор эди: у шуҳрат қозонгандан моҳир усталарни ўзи билан олиб кетар эди. У ўша усталарга, мисдан ичи бўш бўлган отва суворилар ясанглар, бу отлар гилдираклар устига ўрнатилган бўлсин ва итаргандага тез суръат билан ҳаракат этадиган бўлсин, деб буйруқ берди. Искандар, топшириқ бажарилгандан кейин отларнинг ичини нефть ва гугурт билан тўлдириб, сувориларга жанг кийимларини кийгизишни ва уларнинг ҳаммасини қўшиннинг марказ қисмига жойлаштиришни, икки томоннинг қўшинлари тўқнашишганда, отларга ўт ёқиб, қўйиб юборишини амр этди. Токи душманнинг филлари қизиб кетган сувориларга ҳужум қилганда хартумлари куйиб, қочишга мажбур бўлсинлар.

У усталарга бу ишларни тезлик билан бажаришни буюрди. Усталар жадаллик билан иш бошладилар. Мунахжимлар белгиланган кун тобора яқинлашиб келарди. Зулқарнайн ўз элчиларини ҳинд подшоҳининг ёнига юбориб, таслим бўлмоқни унга таклиф этди. Лекин бунга жавобан Форек: «Зулқарнайн азали душманимдир, унга қарши қатъий қаршилик кўрсатаман»,— деб жавоб қайтарди.

Зулқарнайн Форекнинг бу қарорини эшитгандан сўнг суворилар билан ҳужум бошлади. Форек уларга қарши филларни жанг майдонига чиқартириди. Искандарнинг саркардалари мис сувориларни олға сурдилар. Филлар ҳамлага ўтиб ўз хартумлари билан мис сувориларга ёпишдилар. Хартумлари куйгандан кейин устларидаги аскарларни итқитиб, оёқлари билан топтаб, ҳеч нарсага қарамай қоча бошладилар. Бу ҳолни кўриб Форек орқа-

сига қарамай қочди, унинг қўшини ҳар томонга тўзиб кетди. Искандарнинг аскарлари эса қувлаб бориб уларни қира бошлади. Шу вақт Искандар қичқирди:

— Эй ҳинд подшоҳи, кел, мен билан олиш, ўз қўшинингга, одамларингга раҳм қил. Уларни ўлим гирдобига ташлама. Фалокат рўй берганда қўшинни ташлаб қочмоқлик шоҳларга ярашмайди... Шоҳ ўзининг бутун куч ва қувватини ишга солиб, уларни мудофаа этмоғи, уларнинг нажоти учун ўз жонидан кечмоғи лозим. Шоҳ ўзининг мол-дунёси ва ҳаётини уларга фидо қилмоғи керак. Қўшинни қўйиб, менинг қошимга, маъракаи майдонга чиқ, ким кимни ўлдирса, ўша хушбахт бўлади.

Форек Зулқарнайицинг бу сўзларини эшитгац, баҳтини синамоқ ва голиб кельмоқ орзуси билан унга рўбарў бўлди. Ҳар иккала ҳукмдор бир неча соат от устида қилич ўйнатдилар. Лекин ҳеч бири устун кела олмади. Искандар толиқиб, бошқа нажот йўли йўқлигини билгандан кеянин, шундай бир наъра тортдики, бунинг зарбидан еру кўк ларзага келди. Форек, аскарларим бошига бирор фалокат тушди шекилли, нега бу наъра тортяпти, деб орқасига қайрилиб қаради. Искандар шу пайтда бир зарба билан уни ерга қулатди. Ўз шоҳларининг бошига тушган бу фалокатни кўрган ҳинклар ҳужумга ўтдилар, ўз шоҳлари билан бирга ўлишни шараф ҳисоблаб, қизғин жанг бошладилар. Искандар эса боңг уриб, агар таслим бўлсалар уларга мурувват қилишни айтди ва шундан кейин улар устидан ғалаба қозонишга муваффақ бўлди. Искандар ҳинклар мамлакатини қўлга киритиб, ишончили одамлардан бирини уларга шоҳ қилиб тайинлади. Узи эса лоғизм бўлган тадбир ва чораларни кўриб, ўз ҳокимиятини яхшилаб ўрнатгунга қадар Ҳиндистонда қолди. Сўнгра ўзининг бошқа мақсадларини амалга ошириш учун сафарга жўнади. У ўз қўшинлари билан Ҳиндистондан узоқлашгач, ҳинклар Искандар қўйиб кетган шоҳга бўйсунишдан бош тортдилар, улар:

— Ҳиндистон каби улкан бир давлатга ғайри жинс бир одам подшоҳлик қилса ярашмайди. Бундай ёт одам бизга илтифотсиз бўлади, ҳамиша бизларни таҳқир этаади,— дедилар ва ҳинд шаҳзодаларидан бирини — Добшалимни шоҳ қилиб кўтардилар. Искандар қўйиб кетган одамни эса таҳтдан туширдилар. Аммо Добшалимнинг мавқеи мустаҳкамлангандан кейин гууруга берилди ва атрофидаги шоҳларни безовта қила бошлади. У ҳамиша

жангда ғолиб келар, шунинг учун ҳам атрофида бўлган шоҳлар ваҳимага тушардилар, аҳоли эса ундан юрак олдириб қўйди. Ўз қудрати, ҳокимиятининг мустаҳкамлигидан мағрурланган Добшалим раиятнинг қайғусини чекмас, уни хўрлар ва ранжитар эди. У борган сари ҳадидан ошарди.

Добшалим замонида ўз билими ва маърифати билан шуҳрат қозонган, бараҳманлардан бўлган донишманд бир файласуф бор эди, ҳамма маслаҳат сўраб унга мурожаат этар эди. Унинг оти файласуф Бейдабо эди. Шоҳнинг раиятга қарши бундай адолатсизлигини кўрган Бейдабо уни адолат ва тўғрилик йўлига қайтариш учун чора излай бошлади. У ўз шогирдларини тўплаб сўради:— Биласизми, мен сизлар билан нима ҳақида маслаҳатлашмоқ истайман?

— Йўқ, билмаймиз,— деб жавоб бердилар улар.

— Мен Добшалим подшоҳнинг ҳаддан ошган адолатсизлиги, унинг қилаётган сон-саноқсиз жиноятлари ва халқа зулм қилаётганини кўриб ўйлаб қолдим ва узоқ мулоҳазадан сўнг шундай қарорга келдим. Биз шоҳнинг феъли айнаганини пайқаганимизда, уни яхшилик қилишга, адолатли бўлишга тарғиб этишимиз керак. Агар уни ўз ҳолига қўйиб берсак, бу биз учун кечирилмас гуноҳ бўлади, сонсиз-саноқсиз фалокатлар юз беради, биз қўрқоқлар ва бизларни ўзларидан ақлсиз ҳисоблайдиган, бизни менсимайдиган аҳмоқ одамлар вазиятига тушиб қоламиз. Мен туғилиб ўсган ватанимни тарқ этиши фикрида эмасман. Подшоҳнинг қабиҳ ишлар қилишига, халқа жабру зулм этишига ақл ва идрокимиз йўл қўя олмайди. У билан курашмоқ учун бизнинг ақлдан бўлак ҳеч бир қуролимиз йўқ. Мадад излаб бошқа мамлакатларга бориш ҳам фойда бермайди. Подшоҳнинг кирди-корларини маъқул кўрмаганлигимизни ва ундан норозилигимизни подшоҳ сезса, у бизни албатта ҳалок этади.

Сиз биласизки, гўзал манзарали, ноз-неъмат кўп бўлган ерда итнинг шер билан, илоннинг ҳўкиз билан бирга туриши таҳликалидир. Кўнгилсиз ҳодисалар ва фалокатлардан ўзини ҳимоя қила билмоқ, хавфнинг олдини олиб, дўстлар ортироғи файласуфнинг бурчидир. Айтишларича, бир файласуф ўз шогирдларига шундай деб ёзган экан: «Ёмонга қўши бўлган одам, денгиз сайдига ўхшайди: у ғарқ бўлишдан қутулса ҳам қўрқувдан қутула олмайди. Агар бундай одам таҳликали ва даҳ-

шатли бир ерга борса, уни фаҳмсиз ва идроксиз бир ҳайвон деб ҳисобламоқ лозимдир, зотан, фойдали ва зарарли нарсаларни, ҳатто ваҳший ҳайвонлар ҳам фарқ эта биладилар. Ахир, сув ичмоқ учун ҳайвонлар ҳам ўз тӯдаларини хавфли ерларга ҳеч олиб бормайдилар, тасодифан шундай жойга келиб қолсалар, савқи табиий у ердан қочишга мажбур этади, улар ўз жонларини сақлаб қоладилар».

Мен сизларни мана шу масала юзасидан бу ерга йифдим. Сизлар менинг энг яқин одамларим ва сирдошлирмисиз, менинг таянчим ва такягоҳимсиз. Маълумдирки, ёлғиз қолган одам қаерда бўлмасин ҳалок бўлади, ўзига кўмакчи топа олмайди. Бу борада шундай бир ривоят ҳам бордир:

Бир тўргай бир филнинг йўли устида ўзига уя қуриб, тухум босди. Фил шу сўқмоқдан сув ичишга борар экан. Фил сув ичишга кетаётганида уяни топтаб, тухумни эзib ўтиб кетди. Тўргай бу бадбаҳтиклини кўриб, дарҳол, бу филнинг иши эканлигини англади. Учиб бориб филнинг бошига қўнди ва деди:

— Шоҳим! Сен нима учун тухумларимни пачаклаб, болаларимни ҳалок этдинг? Ўзингга нисбатан мени заиф, кучсиз ва потавон деб санаганинг учун шундай қилдингми?

— Ҳа, ёлғиз шунинг учун,— деди фил.

Тўргай буни эшитгач, учиб қушлар ёнига борди ва бошига тушган фалокатларни айтиб берди.

Қушлар:— Биз филни нима ҳам қила олардик? Биз кучсиз паррандалармиз,— дедилар.

Тўргай уларга деди: «Илтимос этаман, сиз мен билан бориб филнинг кўзини чўқиб кўр қилинг. Унинг бошига мен ҳам ўр иш солишини биламан». Улар рози бўлдилар. Тўргай билан учиб бориб, филнинг кўзини ўйиб ўйиб тащладилар. Шундан кейин фил на сув ичиш, на бир овқат топиб ейишнинг иложини қила олди. Турган жойида нима топса, шу билан кифояланиб кун кечиралигандан бўлди. Тўргай буни кўргач, аламига чидолмай, ҳовуз ёқасига келиб қурбақаларга фил устидан шикоят қилди. Улар: «Биз кучли филга қарши нима ҳам қила олардик?»— дедилар. Тўргай айтди: «Сиз фил турган жойга яқин бўлган бир чуқурнинг четига бориб, ўша ерда баланд овоз билан вақир-вуқур қиласангиз, фил сизнинг овозингизни эшитиб, у ерда сув бор экан, деб ёнин-

гизга боради-да, чуқурга қулаб кетади». Қурбақалар бунга рози бўлдилар. Чуқур четига бориб вақирлай бошладилар. Сувсизликдан қийналган фил қурбақаларнинг овозини эшитиб, улар томон йўл олди ва чуқурга йиқилиб ҳалок бўлди. Тўргай эса учиб бориб унинг бошига қўнди ва қанот қоқиб деди: «Эй, ўз кучига ишониб, менга ҳақорат кўзи билан боқсан зулмкор! Жуссам кичкина бўлса-да, зўр ақл эгаси эканлигимни кўрсатдим, сенинг бўйинг дароз бўлса-да, ақлинг қисқа экан; хўш, энди ниша дейсан?!»

Бейдабо ўз ёнида ўтирганларга: «Сизлардан эшитайлик, фикрларингизни баён қилинг»,— деди. Улар айтдилар:

— Эй ақлли, адолатли ва донишманд файласуф, бизнинг орамизда энг билимдон одам сендерсан. Бизнинг мулоҳаза ва фикримизнинг сенинг заковатинг олдида нима аҳамияти бор. Биз биламиз, сувда тимсоҳ билан бирга сузмоқ таҳликалидир. Лекин бу ерда гуноҳ тимсоҳда эмас, унинг яшайдиган ёрига борган одамдадир. Агар кимда-ким ўзи илоннинг оғзидан заҳарини олиб ича, илон айборд эмас. Ким шернинг горига кирмоқчи бўлса-ю, шер ҳужумидан эмин бўламан деса бекор айтибди. Бу золим подшоҳга фалокат ва баҳтсизлик таъсир қилмайди. Шоҳга кайфи чоғ вақтида учрашилмаса, сен ҳам, бизлар ҳам унинг ғазабидан қутула олмаймиз.

Бейдабо деди:— Рост айтдингиз, саволимга гўзал жавоб бердингиз. Лекин маърифатли одамлар ҳам ўзларидан паст ва юқори вазифадаги одамлар билан маслаҳатлашмоги керак. Хусусий масалаларни ҳал этишда бир ақл озлик қилганидек, умумий масалаларни ечишда ҳам кифоя қилмайди. Менинг Добшалим шоҳ билан кўришмоққа аҳд қилганим ростдир. Сизларнинг сўзларингизни тинглаб, менга самимий дўстим эканлигинги, менинг ҳам, ўзингизнинг ҳам ҳаётимиз учун ташвиш тортаётганилгингиз аён бўлди. Лекин мең шундай режа тузиб, тадбир ўйлаб қўйдимки, бунинг натижасини сизлар мен подшоҳ билан учрашгандан ва у билан сұхбатлашгандан кейин биласиз. Сизлар подшоҳ ҳузуридан чиққанлигими эшитишингиз биланоқ тўпланишиб, албатта менинг қошимга келинглар.

Бейдабо дўстлари билан хайрлашиб, кетишига ижозат берди. Улар ўринларидан туриб дуюи фотиҳа ўқиб тарқалдилар. Бейдабо бараҳманларнинг маҳсус кийимини

кайиб подшоқ саройига йўл олди. Шоҳнинг дарвозабонига салом бериб, хайрли бир иш юзасидан шоҳни кўришим керак эди, деди. Дарвозабон кириб шоҳдан ижозат сўради. Уша куни шоҳнинг бўш фурсати бор эди, у киришга ижозат берди. Бейдабо ичкари кириб, шоҳга бош эгиб таъзим қилди-да, қаддини ростлаб, бирор оғиз ҳам сўз айтмай жим тураверди. Добшалим унинг индамай турганлигини кўриб, «Бу файласуф ёлғиз икки мақсад билан менинг ҳузуримга келиши мумкин: ё мендан бирор ињом истаб келган, ёки бошига фалокат тушгану паноҳ истаб мендан ўз душманига энг оғир ва олий жазо беришни сўрагани келган», деб ўйлади.

Кейин бу фикридан қайтди: йўқ, файласуфлар бу хил иш билан келмайдилар. Шоҳлар ўз нуфузи жиҳатидан файласуфлардан устун бўлсалар ҳам файласуфлар ўз билимлари билан шоҳлардан афзалдирлар. Зотан, донишмандларнинг шоҳларга эҳтиёжлари йўқ, шоҳлар эса қанчалик бой бўлмасинлар, донишмандларга муҳтождирлар, уларсиз яшай олмайдилар. Мен ақл билан ҳёни ёнг яқин ва ажралмас дўст деб биламан, бири йўқолса, иккинчисини ҳам топиб бўлмайди. Инсонлар, ҳайвонлар орасида бўладиган дўстлик ҳам худди шундайдир. Ўз йўлдошини йўқотган кимса бутун умр бўйи шу дўстини эслаб қайгуради, азоб чекади. Қимки олимлардан ҳаё қилмаса, уларни ҳурмат этмаса, уларнинг афзалликларини эътироф этмаса, уларни ҳақоратлардан қутқармаса, ундай одамнинг ақли зое кетади ва ҳаёти барбод бўлади. Олимларга қарши адолатсизлик қилганилиги учун ундай одамни аҳмоқлар қаторига қўшиб қўядилар.

Сўнг у Бейдабога қараб деди:— Мен индамай туришингдан бошингга бирор фалокат тушган бўлса керак деб ўйлайман. Сенинг узоқ жим қолганингдан шуни ангядим ва ўз-ўзимга дедим: «Бейдабо бу ерга бизни томона қилишга келмагандир. Уни бу ерга келишга мажбур қилган бир сабаб бўлиши керак. Ахир, у замонамизнинг энг заковатли одами-ку! Унинг бу ерга келишининг сабабини сўрамоққа эҳтиёж борми? Агар у юз берган адолатсизликнинг олдини олиш учун биздан қўмак истагудек бўлса, ёрдам қўлимизни чўзиб, орзулирига етказмоқ лошимдир. Агар унинг мақсади бу дунёнинг неъматлари бўлса, амр этайин, уни истаганича таъмин қилсинлар. Агарда у ёлғиз шоҳларга хос бўлган ва бошқаларнинг дахли бўлмаган масалалар билан келган бўлса, гарчи

ундай ишларга бевосита аралашув фикрида бўлмаса ҳам мен унга қандай жазо бериш кераклиги ҳақида ўйлаб кўришим керак. Менинг диққатимни раият ишларига жалб этиш учун келган бўлса, уларни текширтириб кўраман. Ахир ақлли одамлар яхши хабар келтирадилар, аҳмоқлар эса, аксинча, ёмон хабар билан келадилар». Шундай қилиб, сўзлаш учун сенга ижозат бераман, айт, нима истайсан?

Бейдабо шоҳнинг сўзларини эшигтгач, бир оз тинчланди, юрагини босган қўрқув тарқалгандек бўлди. Бош эгиб таъзим қилгандан сўнг деди:— Ҳар нарсадан аввал оллоҳдан тилагим шуки, шоҳнинг умри узун, тахт ва тажи абадий бўлсин. Шоҳ менга юксак ҳурмат кўрсатди, бу мендан кейинги олимларнинг обрўйини орттиради ва дунё тургунча донишманд одамларнинг хотиридан чиқмайди, чунки шоҳ ўз юзини мен томон ўғирди, ўз марҳаматини мендан аямади. Мени бу ерга келишга мажбур этган нарса ёлғиз шоҳнинг ўзига хайрли маслаҳат беришдир. Мен шоҳдан олимларга, уларнинг шаънига муносиб муомала қилишни талаб этаман. У, фикримни айтмоқка ижозат бериб, мени эркин қўйса бас, шундан кейин нима қилса унинг ишидир. Шоҳ менинг айтган сўзларимга бовар қилмаган тақдирда ҳам мен ўз бурчимни адо этган бўламан. Халқ бу ҳақда мендан миннатдор бўлади.

Шоҳ деди:— Эй Бейдабо, сўзла, мен сенинг айтганларинга диққат билан қулоқ осаман, юрагингда нимаики бўлса, ҳаммасини айт, мен сенга шунга лойиқ ҳадя берайин.

Бейдабо деди:— Шоҳим, менинг фикримча, инсонни бутун ҳайвонлардан юқори қўйган, уни дунёнинг бутун сирларидан воқиф этган тўрт нарса бордир: ҳикмат, ақл, қаноат ва адолат. Илм таҳсил этмоқ, савод чиқармоқ ва ҳар нарсани атрофлича тушуна билмоқ — ҳикматга; тадбир, сабр, назокат, марҳамат — ақлга; ҳаё, олижаноблик, ўзини қўлга олмоқ ва ўзининг ҳақ-ҳуқуқини билмоқ — қаноатга; тўғрилик, ваъдага вафо, эзгу ишлар қилмоқ ва яхши хосиятли бўлмоқ — адолатга тегишилдир. Бу сифатларнинг бариси бир одамда мужассам бўлса, дунёдаги энг буюк саодат ҳам уни гангитиб қўймайди, энг катта баҳтсизлик ҳам уни саросимага сола билмайди. Бундай одам уни хурсанд қилмайдиган нарсаларнинг борлигидан ғам емайди, ўзида мавжуд нарсалардан тақ-

дир маҳрум этгудек бўлса, хафаланмайди, бошига фало-  
кат келса, ўзини йўқотиб қўймайди. Ҳикмат — битмас ва  
туганмас хазинадир, харжлаганинг билан у камаймайди,  
асраганинг билан унга нуқсон етмайди. Ҳикмат шундай  
либоски, кийганинг билан эскирмайди. У ниҳояси йўқ ро-  
ҳатдир. Менинг шоҳ қаршисида сўзлашга журъат эта ол-  
май турганимнинг сабаби қўрқув ва шоҳга бўлган ҳур-  
матим эди. Шоҳлардан қўрқмоқ, хусусан, ўзидан аввал  
ўтган шоҳларга нисбатан шаън ва шавкати ортиқ бўлган  
шоҳдан қўрқмоқ лозимдир. Оталар дебдурларки, тилинг-  
ни сақла, бошинг саломат бўлади, ўринсиз сўзламоқнинг  
натижаси пушаймонликдир. Нақл қилурларким, бир под-  
шоҳ маслаҳат учун ёнига тўрт олимни чақириб дебди:  
«Ҳар бирингиз шундай бир ҳикматли сўз айтингки, у  
тарбиянинг асоси бўлсин». Биринчиси айтибди: «Дониш-  
манд одамларга ярашадиган нарса сўзламасликдир!»  
Иккинчиси: «Дунёда энг фойдали нарса шуки, инсон ўз  
ақли билан маслаҳатлашмасдан сўз бошламасин»,— деб-  
ди, учинчиси айтибди: «Инсон учун энг хайрли нарса  
ўйламасдан сўзламасликдир». Тўртинчиси дебди: «Инсон  
учун энг типчи шуки, у ўзини толе ихтиёрига топшири-  
сии».

Дейдиларки, бир кун Хитой, Ҳинд, Эрон ва Рум под-  
шоҳлари бир ерга йигилиб: «Ҳар биримиз шундай бир  
сўз айтайликки, дунё тургунча турсин»,— деб шартла-  
шибди. Хитой шоҳи дебди: «Мен айтган сўзимни қайта-  
риб олишдан кўра, айтмаган сўзни оғиздан чиқармас-  
ликка ҳаракат қиласман». Ҳинд шоҳи дебди: «Мен ўз  
фойдасини кўзлаб айтган сўзи зарар берган ва ўзини  
ҳалок қиласлан одамга ҳайрон қоласман». Эрон шоҳи деб-  
ди: «Оғзимдан чиқмаган сўзим — қулимдир, айтганим  
эса ҳожам». Рум шоҳи дебди: «Мен айтмаган сўзимдан  
ҳеч вақт пушаймон бўлмаганман, айтганимдан эса жуда  
тез-тез пушаймон бўламан. Шоҳларнинг индамаслиги  
фойдасиз ва бемаъни суҳбатлардан кўра яхшидир. Ин-  
сон ҳар нарсадан кўпроқ ўз тили туфайли балога йўли-  
қади».

Оллоҳ шоҳнинг умрини узун қилсан, у менга эркин  
сўзлашга рухсат берди. Мен эса мақсадга ўтмасдан ол-  
дин шуни айтиб ўтишлиқни истайманки, айтмоқчи бўл-  
ган сўзларимнинг мевасини мен эмас, шоҳ теради. Менинг  
сўзларимдан келадиган фойда ҳам ёлғиз шоҳга  
насиб бўлади: шоҳ ҳам наф кўради, ҳам шуҳрат қозо-

нади, мен эса фақат ўз бурчимни адо этган бўламан,  
холос. Шоҳим! Айтмоқчи бўлган сўзим шуки, сен ўзинг-  
дан олдин ўтган, шаҳарлар бино этган рўйи заминни бўй-  
сундирган ўз ота-боболарингнинг тахтида ўтирибсан.  
Улар қалъалар қурганлар, лашкарларга саркардалик  
қилганлар, мол-дунё тўплаганлар ва узоқ умр кўрганлар.  
Уларнинг отлари беҳисоб, аслаҳалари кўп бўлган. Улар  
ўз умрларини шод-хуррамлик билан кечирганлар, бу  
уларнинг фойдали ишлар қилишларига моне бўлмаган,  
уларни муруватли бўлиш хислатидан маҳрум этмаган.  
Улар ўз давлатларининг буюк қудратига, ўзларининг  
шаън ва шавкатларига қарамай, зиммаларига олган ва-  
зифаларини уddaлаганлар.

Эй, баҳт юлдузи ҳамма юлдузлардан ҳам порлоқ бўл-  
ган шоҳ, энди сен уларнинг ерларига, шаҳарларига, дав-  
латларига ворис бўлдинг, оллоҳ сенга салтанат берди.  
Сенга давлат ва лашкар мерос қолди, лекин зиммангга  
тушган вазифани уддасидан чиқмаяпсан, ҳокимиятни  
қўлга олган шоҳлардан талаб этилган қонун-қойдага  
риоя қилмаяпсан. Йўқ, сен ҳаддингдан ошдинг, зулм қил-  
моқдасан, мағрурландинг, раиятга ҳақорат кўзи билан  
қараб, унга ёмонликни раво кўрасан, жабру зулминг-  
нинг сон-саноғи йўқдир. Ҳолбуки, сенга муносиб бўлган  
шарафли вазифа — ўз аждодларинг йўлидан, сендан  
аввал ўтган шоҳларнинг йўлидан бормоқ, сенга мерос  
қолган савоб ишларни давом эттироқ, номингни бул-  
ғайдиган ишлардан қўл тортмоқ эди. Сен ўз раиятинг  
додига қулоқ беришинг лозим, улар учун шундай қонун-  
лар жорий қилмогинг керак эдики, бу қонунлар хотира-  
ларда илалабад яшасин, замон ўтган сарі сенинг шуҳ-  
ратингни орттирсинг: бу қонунлар абадий сулҳ ва адолат  
рамзи бўлиб қолсин. Шуҳратпарастлик ва мансабпараст-  
ликка берилиб иш кўрган одам ақлли ҳисобланмайди.  
Мамлакатни адолат билан идора этадиган одам ақлли ва  
тадбиркор ҳисобланади. Шоҳим, сен яхшилаб ўйлаб кўр,  
айтганиларим сенга оғир ботмасин. Ахир бу сўзларни ай-  
тишдан мақсад сенинг инъоминг ёки марҳаматнингдан  
умидвор бўлмоқ эмас. Йўқ, менинг ҳузурингга виж-  
дон азобини чекаётган самимий бир дўст сифатида келдим.

Бейдабо айтадиганларини айтиб, насиҳатини тугат-  
гач, шоҳнинг юраги уриб кетди, у нафрат билан Бейда-  
бога деди:— Сен менга жуда оғир сўзлар айтдинг. Менинг  
мамлакатимда шундай сўзларни юзимга айтишга

журъат қила оладиган яна бошқа бир одам топнилишига ишонмайман. Ёши кичик, кучсиз, қўлидан фойдали иш келмайдиган сенек одам бунга қандай қилиб журъат этдинг? Сен журъат қилиб менга шундай сўзлар айтдингки, уларни тилга олишга ҳеч кимнинг ҳақи йўқдир. Ҳаддан ташқари тилинг узунлигига ҳайрон қолдим. Мен бошқаларнинг тилини қисқа қилмоқ учун сени оғир жазога маҳкум этишим керак. Бу, шоҳ билан учрашиш шарафига мусассар бўладиган, сен талаб қилган нарсаларни орзу этадиган барча бошқа одамларга ибрат бўлсин.

Шу сўзларни айтиб, шоҳ Бейдабони қатл қилишга фармон берди. Фармонни бажариш учун Бейдабони олиб чиққанларида шоҳ фикридан қайтиб, уни ўлдирмай, зиндонга ташлашни буюрди. Бейдабони оёқларига кишан солиб, зиндонга ташладилар. Сўнгра подшоҳ унинг шоғирдларини, унинг келиб-кетувчиларни тутиб келиш учун бошқа одам юборди. Бейдабонинг шоғирдлари бошқа мамлакатларга қочдилар, дengizlардаги оролларга яшириндилар. Бейдабо узоқ вақт зиндонда ётди, шоҳ у қаёқда, деб сўрамади ва уни эсга олмади. Ҳеч ким уни шоҳнинг ёдига солишга журъат эта олмас эди.

Бир кеча шоҳнинг уйқуси келмади, у кўзларини осмонга тикиб, фалакнинг айланиши ва юлдузлар ҳаракати ҳақида хаёл сурib кетди. Шунда ўйга толиб, осмон ҳақидаги бир масалани ҳал этмоқчи бўлди. Бирдан ҳақидаги бир масалани ҳал этмоқчи бўлди. У ўз-ўзига деди: «Мен Бейдабо ёдига тушди, унинг сўзларини эслаб, ўзининг қилган ишидан пушаймон бўлди. У ўз-ўзига деди: «Мен бу донишманднинг ҳақли талабларига эътиборсизлик билан қараб, яхши иш қилмадим. Шу ишни жаҳл устида қилдим, оталар эса, шоҳлар газаб вақтида ўзларини тутиб олишлари керак, деганлар. Чунки газаб ҳар нарсадан кўра кўпроқ нафратга лойиқдир. Шунинг учун ҳам донишманднинг ҳамиша нафрат қиладилар, хасислик сержаҳл одамдан ҳамиша нафрат қиладилар, хасислик лозим эди...»

Шоҳ ўша соат Бейдабони олиб келишларини буюрди. Бейдабо эшикда кўрининши билан шоҳ деди:

— Эй Бейдабо! Сен ўз айтган сўзларинг билан менийдудан озиришни истамаган бўлсанг керак?

Бейдабо деди:

— Эй саодатли шоҳим! Мен фақат сенинг фойдангни, раият фойдасини кўзлаб сўзладим, салтанатинг абавий бўлсин, деб айтдим.

Шоҳ унга деди:— Илгари айтган сўзларингни оқизмай-томизмай яна бир такрорла.

Бейдабо сўзлар, шоҳ унинг сўзларини диққат билан тинглаб туриб қўлида ушлаб турган нарсани ерга бир урди. Сўнгра у бошини кўтариб Бейдабога ўтиришни буорди. Бейдабо ўтириди. Шоҳ унга деди:

— Эй Бейдабо! Сенинг айтганларинг менга ёқди, юрагимдан жой олди. Мен сенинг маслаҳатларингни ўйлаб чиқиб, уларга амал қиласман.

Сўнгра Бейдабонинг оёқларини кишандан бўшатдилар ва унга шоҳона либос кийдирдилар.

Шу замон Бейдабо деди:

— Шоҳим! Мен нимаики сўзлаган бўлсам, ҳаммаси сенинг фойдангдир.

Шоҳ деди:— Тўғри айтяпсан, эй донишманд! Энди мен шу кенгашда бутун давлатни сенга топширай!

Бейдабо деди:— Шоҳим! Мени бу ишдан озод қил. Мен сенсиз бу ишнинг удасидан чиқа олмасман.

Шоҳ унинг гапини маъқул топди ва кетишга ижозат берди.

Лекин у чиқиб кетгач, шоҳ нотўғри иш қилиб қўйганини тушунди ва уни қайтариб келиш учун одам юборди. Бейдабо қайтиб кирди. Шоҳ унга деди:— Мен сени бу ишдан озод қилиш фикридан воз кечдим. Шундай қатъий қарорга келдимки, ёлғиз сенгина бу ишни бажара оласан, сендан бўлак ҳеч ким уни ҳал эта олмайди. Менинг сўзимга қулоқ ос, розилик бер.— Бейдабо рози бўлди.

У замондаги шоҳларнинг шундай бир одати бор эди: кимники вазир қилмоқчи бўлсалар, унинг бошига тож кийдирлиб, отга миндирап ва сарой аъёнлари қуршовида шаҳар айлантирап эдилар. Шоҳ Бейдабога тож кийдирлиб, отга миндириб шаҳарни кездиришга фармон берди. Бу амр бажо келтирилгандан сўнг Бейдабо адолат ва ҳаққоният маснадига ўтириди. У зўравонларга қарши курашиб, заифлар ёнини олди, зулмкорларга жазо берди, адолатли қонунлар жорий қилди. Бейдабонинг шоғирд-

лари бу хабарни эшитгач, ҳар тарафдан кела бошлади-  
лар ва шоҳнинг унга бахш этган бу ҳокимиятидан, инъом  
ва эҳсонидан беҳад шод бўлдилар. Улар оллоҳнинг иро-  
даси билан Бейдабо шоҳ Добшалимни ярамас ишлардан  
тия олганлиги учун шукур қилдилар.

Улар ўша кунни байрам деб ёълон этдилар ва бу куни  
қиёматгача уларнинг мамлакатида байрам қилинадиган  
бўлди.

Бейдабо Добшалимдан хотиржам бўлгач, мамлакат-  
ни идора этишдан бўшаган вақтларида фойдали фикрлар  
ифода қилинган кўп нафис китоблар ёзди.

Шоҳ эса Бейдабонинг маслаҳатнга кириб, раиятига  
мехрибонлик кўрсатиб, адолат билан подшоҳлик қила  
бошлади. Буни кўрган бутун аҳоли ва сарой аҳллари  
шоҳдан рози ва мамнун бўлдилар, Бейдабо ўз шогирд-  
ларини тўплаб, уларга ажойиб панд-насиҳатлар қилди.

— Биламан, мен шоҳ олдига кетганимда, сизлар  
ўзингизча, уadolatciz, ғадор ҳукмдор ҳузурига бориши-  
га қарор қилди, демак, у ақлдан озиб қолибди, дедингиз-  
лар. Энди эса менинг режаларим ва фикримнинг тўғри-  
лигини кўриб турибсиз ва мен шоҳнинг ёнига унинг  
хусусиятларини ўрганимай, кўр-кўронга келмаганиligimni  
англадингиз. Мен шундай бир гап эшитганман: «Шоҳлар  
ҳам ёшларга ўхаш жўшқин ва қизиққон бўладилар. Бу  
сармастликнинг олдини эса ёлғиз донишмандлар ва олим  
одамларгина ола биладилар. Улар ўз сўзлари билан под-  
шоҳларни тарбиялашлари, маслаҳатлари, ойдин ва ишо-  
нарли далиллари билан уларни адолатсизлик ва қабиҳ  
ишлардан сақлаб қолишлари лозимдир».

Мен олимларини шоҳлар ҳақида айтган бу сўзларини  
донишмандларга топширилган вазифа деб қабул этдим,  
чунки ҳакимлар муолижа билан баданин хасталикдан  
қутқариб, уни согайтирганиларидек, ақлли одамлар ҳам  
ўз насиҳатлари билан подшоҳларни бундай мастилик уй-  
кусидан ўйғотмоқлари лозим. Мен бу ишни ўз ҳолича  
қолдиришин истамадим. Шунингдек, мен ўлгандан сўнг-  
ра ер юзида яшаган инсонлар менинг ва сизнинг ҳақин-  
гизда ғийбат қилиб: «Добшалим шоҳнинг даврида Бей-  
дабо номли бир файласуф яшаган эди, лекин у шоҳни  
жиноий ишлардан қайтариб қолмаган эди», деб гапи-  
риб юришларини ҳам истамайман.

Агар бирортаси: «У ўз жонини сақлаб қолиш учун  
гапиролмаган эди», деса, бўшқалари унга жавобан: «У

шоҳдан ва унинг саройидан узоқларга қочиб кетса ҳам  
бўлар эди», дерлар. Лекин ватанни тарк этиш жуда оғир-  
дир. Мен ҳаётимни қурбон қилишга қарор қилдим. Мен-  
дан кейин яшайдиган олимлар мени ҳақли деб ҳисоблай-  
дилар. Мен, орзуларим ё барбод бўлади, ёки ғалаба  
қозонади, деб ўзимни ўтга ташладим, энди эса сиз бу-  
нинг оқибатини кўриб турибсиз.

Қандайдир бир масалда шундай дейилган: «Қуйида-  
ти учта нарса бўлмаса, ҳеч вақт улуғ мавқега мушарраф  
бўлиш мумкин эмас: бири машаққат чекиш, иккинчиси  
мол-давлат сарф этиш, учинчиси эътимодга эга бўлиш». Таж-  
ликали ишга киришишга жасорат этмаган одам ор-  
зусига ета олмайди.

Шоҳ раият билан яхши муносабатда бўлар, Бейдабо  
эса ҳамма ишларни идора этар эди. Шундай қилиб, Доб-  
шалимнинг ҳукмронлиги мустаҳкамланди. У раият иши  
билан бевосита шуғулланиш, душманларнинг ҳаракати-  
ни кузатиш ва уларга қарши кураш олиб бориш ишлари-  
дан озод бўлгани учун (бу ишларнинг ҳаммасини Бей-  
дабонинг ўзи олиб борар эди), ҳинд файласуфлари томо-  
нидан ота-боболарига бағищлаб ёзилган китобларни  
ўқиши билан машғул бўлди. У хазинада ўзига ҳам ба-  
ғишланган бир китоб бўлишини истади. Бундай китобни  
фақат Бейдабогина ёзиши мумкинлигини у яхши билар  
эди. Шоҳ Бейдабони ўз ёнига чақириб, хилватда унга  
деди:

— Эй Бейдабо! Сен ҳинд файласуфисан, ҳинд оли-  
мисан. Мен ўзимдан аввал ўтган шоҳларнинг ҳикмат  
хазиналари билан танишиб, кўп нарса тушундим. Мен  
номига китоб бағищланмаган ва ўша китобда унинг олиб  
борган жанглари, ҳаёти, ўзининг ва сарой аҳлларининг  
фазилатлари ҳақида бирор нарса ёзилмаган ҳеч бир под-  
шо топмадим. Уларнинг баъзиларини ўз донишмандлик-  
ларини кўрсатмоқ учун шоҳларнинг ўзлари ёзганлар,  
баъзилари эса файласуфлар томонидан ёзилган. Улар-  
нинг бошига тушган савдо, яъни ўлим менинг ҳам бо-  
шимга тушади деб қўрқаман. Ўлимга чора йўқдир. Шун-  
да менинг хазинамда шоҳлар уни ўқиб, менинг ким экан-  
лигини ва қандай ишлар қилганиligimni билиб олади-  
ган бирон китоб топилмаса, яхши бўлмайди. Истагим  
шуки, сен бутун илму ҳунарингни ишлатиб, менинг ҳа-  
қимда бир ажойиб китоб ёзсанг ва унда халқни қандай  
қилиб идора этиш ва тарбиялаш лозимлигини кўрсат-

санн; шоҳларнинг ахлоқи қандай бўлишини, раият билан қандай муносабатда бўлиши, раиятнинг шоҳга қандай хизмат қилиши зарурлигини баён этсанг, балки шунда мен учун давлат ишларини бошқариш осон, раият учун ҳам енғил бўларди. Бу китоб келажак асрлар учун мендан ёдгор бўлиб қолишини истар эдим.

Бейдабо буни эшитгандан сўнг тиз чўкиб шоҳга тъзим қилди ва бошини кўтариб деди:— Эй толеи баланд шоҳ! Бахт юлдузинг порласин. Умринг узоқ бўлсин! Ҳақиқатан ҳам шоҳнинг юксак фазилати, қудратли ақл-идроқи уни ҳидоят йўлига олиб чиқди, ҳозиргина эшитган сўзларим менда сен буюрган буюк ишни бажаришга иштиёқ уйғотди. Қодир оллоҳ шоҳнинг бахт-саодатини абадий этсин, уни ўз ниятига етказсин, мени эса унинг орзуини бажариш шарафига мусассар қилсин. Шоҳ нимаики истаса, амр этсин, мен бутун ақл-заковатимни ишга солиб, унинг амрини бажо келтиришга тайёрман.

Шоҳ деди:— Эй Бейдабо! Сен ҳамиша юксак ақлинг, юксак фазилатинг туфайли шоҳнинг амр-фармонларини бажо келтириб ном чиқазгансан. Мен сени яхши биламан. Сен бутун имконият ва қобилиятингни ишга солиб шундай бир китоб ёзки, унда ҳам жиддий ва ҳазил-мутониба сўзлар, ҳам ҳикмат ва фалсафага оид фикрлар музассамлашган бўлсин, ақлли одамлар ундан ҳам ҳикмат дарси олсинлар, ҳам кулгидан ўзларини тўхтатолмасинлар.

Бейдабо бош эгиб деди:— Мен шоҳнинг амрини мақбул кўрдим, аммо бунинг учун маълум вақт берилишини истайман. Шоҳ деди:— Қанча вақт керак?— Бейдабо деди:— Бир йил.

Шоҳ деди:— Эй Бейдабо! Майли, бир йил вақт бераман.

Сўнгра шоҳ Бейдабога китобни тамом қилганига қадар яхши тирикчилик кечириши учун шоҳона инъомлар берилишини амр этди.

Бейдабо бир неча кун китобни нимадан бошлиш, қай шаклда ёзиш, бобларга пима деб ном қўйиш устида бош қотирди. Сўнгра у ўз ўзигрларини тўплаб деди:

— Шоҳ менга ўзинадай бир вазифа юкладики, менинг ҳам, сизнинг ҳам, бутун мамлакатимизнинг ҳам шуҳрати шу вазифанинг бажарилишига боғлиқдир. Мана шу иш юзасидан мен сизларни чақиртирдим. Добшалим шоҳ ўзининг номига атаб бир китоб ёзишни топширди. У ҳик-

мат ҳазинаси бўлиши керақ. Энди ҳар бирингиз бу соҳага оид бирор нарса ёзib менга беринг, унда юксак ақл ҳамда қобилиятингиз даражаси ўз аксини топган бўлсин.

Улар шундай жавоб бердилар:— Эй ҳурматга лойиқ файласуф ва нозиктаъб устоз! Сени донишманд, ақл-фаросатли, бенуқсон қилиб яратган оллоҳга қасамёд қилиб айтамизи, ҳеч вақт бундай нарса бизнинг ақлимизга келмаган эди. Сен бизнинг раҳнамомизсан, орамизда сендан салоҳиятли киши йўқдир. Сен бизнинг шаъни ва шуҳратимизсан, биз ўзимиз сенинг кўмагингга муҳтоҷдирмиз. Лекин шунга қарамай, амрингни бажо келтиришга ҳаракат қиласиз.

Сўнгра Бейдабо шоҳнинг мақсадини, китобнинг қай тартибда ёзилиши ҳақида айтган гапларини уларга гапириб берди.

Аммо улар шоҳ ёзишни буюрган бу китоб ҳақида бирор фикр айта олмадилар.

Шоғирдларининг ожизлигини кўрган Бейдабо, бу ишни фақат кўп ўйлаб, чуқур мулоҳазалар юргизиб амалга ошириш мумкинлигига амин бўлди. У деди:— Мен ўйлаб қарасам, кема уни идора қилувчи денгизчиларнинг кучи билангина ҳаракат этиши мумкин экан. Лекин шунни ҳам айтиб ўтайки, кема бутун масъулиятни ўз устига олган кема даргасининг буйруғи билангина тўлқинларни ёриб денгизлар оша оладир. Кемада денгизчилар кўп бўлиб, унга ҳаддан ортиқ кўп ўйловчи тушган бўлса, уни ботиб кетишдан сақлаб қолиш мумкин эмас.

У китобни ёзиш ҳақида узоқ ўйлади, бу нарса унинг хаёлидан нари кетмади. Ниҳоят, хилватга чекиниб китобни ўзининг бир истеъдодли шоғирди билан биргаликда ёзишга киришди. У бир талай қофоз, ўзи ва шоғирдига етадиган бир йиллик озуқа тўплаган эди... Улар бир хонага кириб, эшикни беркитиб олдилар. Бейдабо шоғирдига айтиб турар, шоғирди эса ёзib борар ва ёзганини ўқиб эшиттиради. Мазмун ҳамда шакл жиҳатидан яхши ва гўзал китоб ёзилгунига қадар улар шу зайлда ишладилар. Бейдабо китобни ўн тўрт бобга бўлди, уларнинг ҳар бири ўзича мустақил эди. Ҳар бобни ўқиган киши ўзи учун фойдали маълумот олсин деб, ҳар қайси бобда савол ва жавоб бор эди. Бейдабо бу китобга «Калила ва Димна» деб ном қўйди. Китобда барча гаплар ваҳшний ҳайонлар, дарранда ва паррандалар тилидан

берилади. Тойинки, китоб шакл жиҳатидан содда одамларга эрмак, мазмуни ақлли одамларга ибрат бўлсин. Бу дунёда ҳам, у дунёда ҳам инсонга нима лозим бўлса, ҳаммасини улар бу китобда топа олсинлар, шоҳга тобе бўлиш ва ёки заарарли нарсалардан қочиб қутула олиш учун қандай тадбирлар фойдали эканлигини бундан ўргансинлар. Бейдабо бу китобни ҳам ташқи кўриниш, ҳам ички жиҳатдан бошқа ҳикматли китоблар шаклида ёди. Шундай қилиб, ундаги ҳайвонлар эрмак, уларнинг сўзлари эса ҳикмат ва насиҳат бўлди.

Бейдабо бу ишни бошлар экан, китобнинг аввалида иккى дўстни, уларнинг қандай қилиб дўстлашганлари ва бу мустаҳкам дўстликни бир хоин қандай қилиб бузганигини тасвир этди.

У шогирдига нима айтса, шунигина ёзишни, ўзидан бир нарса қўшмасликни буюрди, чунки эҳтиётсиз бирор сўз аралашиб қолса, унинг маъносига путур етказарди.

Бейдабо китобнинг жиддий ерларини қайд этиб ўтар эди. Шундай қилиб, ҳайвонлар тилидан айтилган, ҳикматли сўзларга тўла бўлган бир китоб майдонга келди. Бейдабо ва унинг шогирди китобнинг ташқи кўриниши қандай бўлиши масаласини бир четга қўйиб, унинг мазмунини ташкил этган ҳикматли насиҳатлар ва ибратли ўғитлар билан машғул бўлдилар.

Жоҳил одамлар ўзлари ҳақида ёзилган бу китобнинг маъносини тушунмаслар, ҳайвонларнинг сўзлашларига ҳайрон қолиб, уни ҳазил деб ўйларлар — кимки бу китобни яхши ўзлаштираса, ундаги сўзларнинг маъносини унинг учун қоронги қолади. Бундай одамлар ушбу асарнинг мақсадини тушунмайдилар, ҳолбуки, файласуфнинг биринчи бобда олга сурған мақсади — ака-укаларнинг иноқлашувларини, уларнинг дўстлигини қайси воситалар билан мустаҳкамлашини тасвир этишдан ва шахсий манфаати учун иккى дўст орасига душманчилик соладиган разил одамлардан эҳтиёт бўлишга чақиришдан иборатdir.

Китоб ёзилиб, белгиланган муҳлат тамом бўлгач, Добшалим шоҳ Бейдабога одам юбориб, муддат тугади, сен нима иш бажардинг, деб айтишини буюрди. Бейдабо шоҳга, мен берган ваъдамии бажардим. У ўз аъёну ашрофларини тўплаб, менга амр этсан, ўшаларнинг ҳузурида китобимни ўқиб берайин, деб хабар юборди.

Добшалимнинг юборган одами унга бу хабарни ет-

казганида у ниҳоятда севиниб кетди. Мамлакат фуқаро-сининг тўпланиши учун кун белгилади. Сўнгра Ҳиндисоннинг энг узоқ ерларигача жарчилар юбориб, китобни эшлишига таклиф этди. Белгиланган кун ҳалқ йигилди. Подшоҳ ўзи ҳамда Бейдабо учун иккита таҳт ясатди. Ҳамма ҳозир бўлгач, Бейдабо шоҳнинг қабул маросимларида донишмандлар киядиган ва қора жундан тўқилган либосини кийиб шоҳ қаршисига келди, ерга қадар эгилиб таъзим қилди ва бошини кўтармай турди.

Шоҳ унга деди:— Эй Бейдабо, бошингни кўтар! Бу кун мотам куни эмас, шод-хуррамлик кунидир.

Китоб ўқилар экан, шоҳ ундан ҳар бобнинг маъносини, унинг кўзлаган мақсадини сўрар, у эса ҳар бобнинг мақсад ва маъносини изоҳлаб берар эди. Шоҳ бундан янада севинар ва файласуфнинг истеъодига таҳсин қиласди.

Шоҳ деди:— Эй Бейдабо! Сен орзу қилган нарсами рўёбга чиқардинг, менинг истагим шу эди. Энди тила, тилагингни берайин.

Бейдабо шоҳга баҳт-саодат тилаб, деди:— Шоҳим, менга давлат керак эмас, бошқа либослардан ўз устидаги кийимимни афзал кўраман. Лекин рухсат берилганини учун ўз илтимосимни шоҳга билдириб ўтсам.

Шоҳ деди:— Хўш, қандай илтимосинг бор? Сен нима сўрасанг биз бажо келтирамиз.

Бейдабо деди:— Шоҳдан сўрайдиган нарсам шуки, менинг китобимни оққа кўчиртириб, ота-боболарнинг асарлари каби уни ҳам эҳтиёт сақласалар. Мен бу китоб ҳинд диёридан чиқиб кетмасин, унинг борлигидан хабардор бўлган эронликлар уни қўлга киритиб, йўқ қилиб юбормасинлар деб қўрқаман. Ҳуллас, бу китоб «Ҳикмат ўйи», яъни китобхонадан ташқарига чиқмасин.

Шундан сўнг шоҳ Бейдабонинг шогирдларини чақириб, уларга қимматли либослар ва бошқа инъомлар берди.

Бу китоб ҳақида хабар шоҳ Хусрав Ануширвонга этиб борди. Ануширвон эса илмни ва ибратли китобларни жуда севар эди.

Шунинг учун у, Барзуя ҳакимни Ҳиндистонга юборди. Барзуя ҳам бутун ҳийла ва найрангларни ишга солиб, китобни қўлга тушириб келди ва Эрон хазинасига топшириди. Шундан кейингина Ануширвоннинг кўнгли жоийга тушди.

## ИБН МУҚАФФА ТАРТИБ ЭТГАН КИТОБДАГИ МУҚАДДИМА

Абдулҳасан Абдулла ибн Муқаффа шундай нақл этиди: худо ўз құдрати билән оламни яратди, инсонларни ақл-идрокда бөшқа ҳайвонлардан ағзал қилиб яратди. Чунки ақл саҳоват әшиклари ва саодат хазиналарининг қалитидир. Бу дүнёning нозу неъматларига эга бўлиш, у дунёning азобу үқубатларидан ҳолос бўлиш ақл ва идрокка боғлиқдир. Истеъдод, ақл-идрок эса икки хилдир: бири — табиий, яъни онадаи туғма бўлиб, иккинчиси — қасбий, яъни тажриба воситаси билан эришиладиган. Инсонларда бўлган табиий истеъдод ёғочдаги ёниш хусусиятига ўхшайди: ёғочга ўт қўйилмаса ёпмайди, шунга ўхшаш табиий истеъдод, ақл ва камол ҳам тажриба бўлмаса, ўзини кўрсата олмайди. Олимлар, тажриба инсон ақл-идроқини камолга етказади, деганлар.

Ҳар ким табиий ақл-идрокка эга бўлиб, илму ҳунар қасб этишга интилса, бу дунёда ҳам ўз орзусига етади, у дунёда ҳам роҳат кўради... Билмоқ лозимдирки, ҳар ишнинг ўз сабаби, ҳар сабабнинг ўз сабабчиси ва ҳар сабабчининг ўз макон ва замони бордир. Умрнинг узунлиги ва давлатнинг борлиги шуларга боғлиқдир. Бу китобнинг Ҳиндистондан Форс мамлакатига келтирилишининг сабаби шуки, оллоҳ таоло құдратли, саодатли Ануширвон Кусро ибн Қубодин ақл нуридан ва адолат хазинасидан баҳраманд этган, ишбилармон, фавқулодда гайратли қилиб яратган. У ўзининг бу хислатлари соясида илм ўрганиб, турли соҳада шундай камолот дараҷасига етганки, ундан аввалги шоҳларнинг ҳеч бири бунга эришолмаган.

Кунлардан бир кун унинг қулоғига қўйидаги хабар этиб келди: ҳинд хазинасида парранда, даррандалар, ваҳший ҳайвонлар тилидан ёзилган бир китоб бор эмиш; бу китоб саҳоват манбаи, илм-ҳикмат қалити эмиш; у шоҳларга наф келтирганидек, ҳалқа ҳам фойдали эмиш; бу китобнинг номи «Калила ва Димна» эмиш.

Ануширвон одил бу китобни қўлга киритиш шийтига тушди. У истеъдодли, олим фозил, форс ҳамда ҳинд тилга яхши биладиган бир одам топишни ва бу муҳим унга топширишни амр этди.

Анча ахтаришлардан сўнг юқорида айтилган хусусиятларга эга бўлган ва тиб илмида шуҳрат қозонган Барзуя отли ёш йигитни топдилар.

Ануширвон уни ёнига чақириб деди:— Кўп мулоҳазалардан сўнг сенга жуда масъулиятли ва муҳим бир иш гоҳшириш қарорига келдик. Сенинг ақл-заковат, буюк истеъдод эгаси эканлигинг, ишбилармонлигинг, гайратли за иродали эканлигинг бизга маълумдир. Ҳиндистонда бир бебаҳо китоб бор, деб айтадилар. Биз ўша китобни келтириб, мамлакатимиздаги бөшқа ҳинд китоблари қаторига қўйилишини истар эдик. Сафар тайёргарлигини кўриб, Ҳиндистонга азимат қили ва нима қилиб бўлса ҳам ўша китобни олиб кел. Сенга етарли даражада пул ва мол-давлат берамиз. Уларни лозим бўлган ерда керагича харжлайсан. У ерда кўпроқ қолишга тўғри келса, сенга яна пул керак бўлиб қолса, ёз, юборамиз.—Сўнгра у мунахжимларга йўлга чиқиш учун яхши кун ва соат белгилаб беришни буюрди. Барзуя белгиланган куни эллик хуржун динор олиб сафарга чиқди. Бутун қўшин, саркардалар ва давлат арабблари уни қузатиб қолдилар. Барзуя ўз устига юқлатилган вазифани бажариш иштиёқида йўл босар эди. У Ҳиндистонга етиб борганидан сўнг подшоҳнинг пойтахтига келди ва ўша ерда истиқомат қила бошлади. У олимлар йиғилишига, аъён ва ақобирлар мажлисига, фақир-фуқаро тўпланадиган ерларга борар, ҳар жойни кўпар, шоҳнинг яқин одамлари, шаҳарнинг мўътабар кишилари, олим ва файласуфлари ҳақида суриштириб, маълумот тўплар эди. У қаерга бормасин, ҳамма ерда одамларга аралашиб юрар, ҳамма билан дўстлашиб кетар эди. У ҳаммага, мен бу ерга илм ўрганмоқ ва таҳсил олмоқ учун келганман, дер эди. Чуқур илми борлигига қарамай, ўзини содда тутар ва ўзини авом одамлардан деб таниттирас эди. Ниҳоят, у ахтарганини, истаган одамини топди. Бу одам ўз ақли, истеъдоди ва ҳушёргилиги билан бошқалардан ажралиб турар эди. Барзуя у билан дўстлашди, унга шу қадар яхшиликлар қилдики, охири ақа-уқадай бўлиб қолдилар. Оз вақт ичиди Барзуя унинг хулқ-атвөрини ўрганиб, садоқатини синовдан ўтикаズди. Сўнгра ўз-ўзига деди:

«Агар сирим калитини унга бериб, кўнглим эшигини очсан, нонкўрлик қилмас, дўстлик ва ўртоқлик ҳиссига хиёнат қилмас».

Вақт ўтиб, уларнинг орасидаги самимийлик анча мустаҳкамлангач, Барзуя унинг омонатга хиёнат қилмаслигига, сирни ҳеч кимга очмаслигига ишонди. Бир кун ўнга шундай деди:— Биродар, менинг бир сирим бор, уни ҳозирга қадар сендан яширад эдим, лекин билишимча, сен буни сезар эдинг, чунки донога бир ишора кифоядир.

Ҳинд деди:— Тўғри айтасан, сен ўз мақсадингни яширишга қанчалик уринсанг ҳам, лекин мен баъзи бир аломатлардан уни пайқаб юрар эдим. Энди сен ўзинг сўз очиб қолдинг, мен айтиб бера қолай. Сен бизнинг вилоятнинг нафис ва қимматли бойлигини олиб бориб ўз шоҳингнинг ҳикмат хазинасига қўймоқ учун келибсан, буни эса макр ва ҳийла билан амалга ошироқчисан. Лекин мен сенинг сабру иродангга қойил қолдим. Суҳбат вақтларида бирор сўз билан сирингни фош қилиб қўярсан, деб пойлаб юрдим. Лекин бундай бўлмади, матона-тинг, эҳтиёткорлигинг сенга бўлган эътиқодимни оширди, дўстлик ва биродарлик ҳисларини кучайтирди. Чунки ҳеч бир зот бу қадар ирова ва ўзини тута билиш қобилиятига эга бўлмайди, бегона вилоятда, ахлоқ ва одатларини билмаган бир халқ орасида ҳеч ким ўзини сен каби тута олмайди.

Инсоннинг ақли саккиз нарсада намоён бўлади: биринчи — назокатли ва мулойим муомалада; иккинчи — ўзи ким эканлигини билиб шунга риоя қилишда; учинчи — одил шоҳларга итоат этиб, уларнинг орзу-истакларини амалга оширишда; тўртинчи — ўз сирларини дўстга билдириш-билдиримасликни билишда; бешинчи — ўзининг ва бошқаларнинг сирини сақлашда; олтинчи — шоҳлар саройида эҳтиёт бўлиб, ширин тил билан сарой одамларини қўлга ола билишда; еттинчи — тилини тийиб, ортиқча сўзламасликда; саккизинчи — мажлисларда жим ўтиришини одат қилиб, сўралмаган нарсаларни айтмаслик ва пушаймонлик келтирадиган сўзларни тилга олишдан сақланишда.

Кимда бу саккиз хусусиятнинг ҳаммаси бор бўлса, у дўстларидан истаган нарсаларни ола билади ва орзусига ета олади. Бу хусусиятларнинг ҳаммаси сенда бордир. Сенинг мен билан дўстлашишдан мақсадинг нима экан-

лиги ҳам маълум бўлди. Бундай фазилатларга эга бўлган одамнинг орзу ва истакларини рўёбга чиқармоқ мурувватли одамлар наздида хато ҳисобланмаса-да, лекин сенинг ҳоҳишинг мени даҳшатга келтирди. Бу жуда буюк ва таҳликали бир ишдир.

Барзуя қараса, ҳинд унинг макр ва ҳийласини тушунибди. Унинг сўзларига эътиroz билдиримасдан, жуда юмшоқ ва мулойимлик билан деди:— Мен бу сирни маълум қилиш учун жуда кўп ҳозирликлар кўрдим, айтадиганларимни қисмларга бўлиб, унга сарлавҳалар қўйдим, муқаддимаси ва хотимасини белгиладим, ундан бутоқ ва шохчалар ўстиридим. Шояд шу йўл билан бу саодат саҳросида мақсадимнинг жамолини қоплаган кўркув пардасини отиб ташлаб, сенинг ҳурмат ва ёрдаминг соясида ватанга оқ юз билан қайтсам. Лекин сен биргина ишора билан менинг бутун фикримни тушундинг ва мени узундан-узоқ, зериктирувчи тушунтиришдан халос этдинг. Ҳақиқатан ҳам мен сен билан мана шу мақсадимга етишиш умидида дўстлашган эдим...

Ҳинд деди:— Ақлли одамлар учун дўстликдан азиз ҳеч нарса йўқдир. Дўстлик беғараз бўлмоғи керак. Лекин бутун тилсимларнинг қалити сирни сақлай билишдадир. Учинчи одам билмаган сир ёйилмас, чунки учинчи одам эшигтан сир оғиздан оғизга ўтади ва бунинг олдини олиш мумкин бўлмайди. Мен сенинг дўстлигингдан шу қадар хурсандманки, уни ҳеч бир нарса га алмаштира олмайман. Лекин агар бир одам бу ишдан хабар топса, бизнинг биродарлигимиз шундай бузиладики, уни ҳеч қандай мол ва давлат билан тіклаб бўлмайди. Бизнинг шоҳ жуда ҳушёр ва қаҳрлидир, арзимас нарса учун ҳам оғир жазо беради. Буни билиб қолса нима бўлади-а?

Барзуя деди:— Дўстликнинг энг улуғ шарти сир сақламоқдир. Менинг эса бу ишда сендан бошқа сирдошим йўқдир. Мен сенинг олижаноблигингга, ақл ва заковатингга ишонаман. Бу ишинг таҳликали эканини тушунман, лекин орамиздаги дўстлик ҳақи, сен мени ўз орзумга етишдан маҳрум қилмассан, деб умид қиласман. Билгинки, бу сирни мен ҳеч кимга фош қиласман. Лекин сен ўз яқин одамларингдан, ёру ошноларингдан кимдир билиб қолиб шоҳга айтиб қўяди, деб қўрқасан. Мен кетаман, сен бу ерда қоласаң, биздан бошқа ҳеч ким бу сирдан воқиф бўлмагач, сен роҳат-фароғатда ҳаёт кечирасан.

Ҳинд бир оз ўйлаб, кейин, лозим бўлган китобларни Барзуяга бера бошлади. Барзуя зўр қўрқув ичида, эҳтиётлик билан ишга киришиб, кечаю кундуз кўчириб ёзиб олиш билан машғул бўлди. Хуллас, у китобдан ва яна бўлак китоблардан нусха кўчирди. Сўнгра ишлари қандай эканлиги ҳақида Ануширвонга мактуб ёзиб юборди.

Ануширвон мактубни ўқиб беҳад севинди. Фалакнинг гардиши шодликни ғамга айлантирмасидан олдин. Барзуяга мактуб ёзиб, тезда етиб келишини амр қилди. Хатда ҳушёр бўлиш, ҳеч нарсадан қўрқмаслик, китобни яхши сақлаш, тўплаган нарсаларини олиб қайтишда эҳтиёт бўлиш зарурлигини уқтириб ўтди. Сўнгра мактубга муҳр босиб қосидга — чопарга бердилар. Мактубнинг душман қўлига тушмаслиги учун қосидга, яширин йўллар билан бор, ҳеч кимнинг кўзига кўринма, деб тайинладилар.

Мактуб Барзуя қўлига теккач, у дарҳол йўлга тушиб. Ануширвон саройга етиб келди. Унинг келганини шоҳга хабар қилдилар. Ануширвон ўша замоноқ Барзуяни ўз ҳузурига таклиф этди. Барзуя ичкари кириб бош эгиб таъзим қилди. Шоҳ унинг чехрасидан ҳорғинлигини, ташвиш тортганлигини, ҳамон ҳаяжондан қутулмаганлигини ўқиб, ачинган ҳолда деди: — Ўзингни қўлга ол, эй баҳтиёр инсон! Сен улуғ иш қилдинг, бизнинг чексиз миннатдорчилигимиз ва бениҳоя ҳурматимизга сазовор бўлинг. Бор, бир ҳафта дам ол. Кейин келасан, нима керак бўлса, ҳаммасини бажо келтиришни амр этаман.

Етти кун ўтга, Ануширвон аъён-ашрофини чақиртирди. Сарой аҳллари тўплангандан сўнг Барзуяни чақиртириб, китобни ўқиши буюрди. Барзуя ўқиган сарийтирганларнинг таажжуби ортар, китобнинг гўзаллигига ҳайрон қолар эдилар. Ўқиш тугагандан кейин улар Барзуяни олқишлиб, бу ишда муваффақият қозонгани учун тангрига шукур этдилар.

Ануширвон хазиналар эшигини очишини амр этди. У хазиналардаги пул ва жавоҳирлардан Барзуя тортинмай истаганича олиши мумкинлигини айтди. Барзуя подшоҳга таъзим қилиб деди: — Подшоҳнинг марҳамати ва муҳаббати мен учун ҳамма нарсадан қимматлиdir. Қандай мол-давлат, қандай бойлик шаҳаншоҳнинг менга кўрсатган навозишига арзиди? Менга шоҳнинг саломатлигидан бошқа ҳеч нарса керак эмас. Лекин зоти олийнинг таклифи ерда қолмасин деб, шаҳаншоҳ ҳузурига кел-

**БУЗУРЖМЕХР БУХТЕҚОННИНГ  
«КАЛИЛА ВА ДИМНА»  
КИТОБИГА ЁЗГАН МУҚАДДИМАСИ**

Насиҳат, ҳикмат ва масаллар мажмуасидан иборат бўлган бу «Калила ва Димна» китоби ҳинд баракманлари ва олимлари томонидан ёзилгандир. Ҳар бир халқнинг олим ва файласуфлари қандай воситалар билан бўлмасин, ўз өрзу ва истакларини амалга оширмоқ, мавжуд тартибни интизомга солмоқ учун ҳамиша фикр юритганлар, ҳар хил тадбирлар ила иш кўрмоқчи бўлганлар, бу ҳақда ҳар хил асарлар ёзмоқча интилганлар. Шуладан бири қушларнинг ва ёввойи, йиртқич ҳайвонларнинг тилидан ёзилган, ғоят чуқур маъноли, нафис рамз ва муаммоларга тўла ушбу китобдир. Олимлар бу йўлни танлааб зўр имтиёзга эга бўлганлар: аввало, бу билан улар хоҳлаган сўзларини айтиб, ҳар бир бобни орзу қилганлари даражада безаш имкониятига эга бўлдилар. Бунинг устига, улар шу йўл билан насиҳат, ҳикмат, латифа ва ҳазил-мутойиба жавоҳирларини бир-бирига қўшганлар, токи доно одамлар бу китобни мутолаа қилиб, фойдалансинлар, нодон одамлар эса, уни афсона деб ўқисинлар.

Ёш шогирдлар эса, саводли бўлмоқ, илм ортиromoқ, нақл айтмоқ мақсадида бу китобда ёзилганларни осонлик билан ёдларида сақлаб қолгусидурлар. Катта бўлиб, ақл ва тажриба эгаси бўлганларида, ёдлаб олган ва эсда сақлаб қолган нақллар устида фикр юритиб, уларни тушунганларида диллари нақдар фойдали ҳикматлар билан тўлганлигини кўрадилар ва ўзлари кутмаган улкан бойлика, битмас-туғаимас хазинага эга бўлганларини биладилар. Ёшларнинг хурсандлиги катта бўлганда отасидан мерос бўлиб қолган хазинани топган ва шу туфайли умрининг охирига қадар қийинчилик кўрмасдан яшай олишини билган одамнинг севинчига ўхшайди.

Бу китобни ўқиганда унинг нима учун ёзилганлиги ва қандай мақсадларни кўзда тутганлигини тушуниш кеरақ. Акс ҳолда, одам бу китобдан фойда ололмайди, ўнинг бойликларидан бебаҳра қолади. Бу китобни тушу-

нишнинг биринчи шарти шуки, уни тўғри ва диққат билан ўқий билишдир. Зотан, бир нарсани диққат билан ўқимасдан туриб, унинг маъносини тушуммоқ мумкин бўладими ахир? Ўқиши яхши биладиган одам бу китобни ўйлаб ўқиши ва унинг маъносига етишга шошилмаслиги лозим, чунки унинг маъносига одам чуқур ўйлаб қийинчилек билан эришади.

Нақл қилибдурларким, бир киши саҳрода хазина тошиб олиди ва ўз-ўзига: «Агар бу хазинани бир ўзим ташисам, кўп вақтим бекор кетади, ўзим қийналиб, қайтага хафа бўлман. Яхшиси, бир неча хизматкор топиб, бир неча уловини кира қилиб, оз муддат ичидаги хазинанинг ҳаммасини уйга ташиб олай», дебди.

У худди шўндай қиласди. Ўзи хазинанинг тепасида қолиб лаъл ва жавоҳирлар юклangan уловларни уйига юборади. Лекин юкни олиб кетаётган ҳийлакор одамлар бойикларни у кишининг уйига эмас, ўз уйларига олиб бориши мақсадга мувофиқроқ деб биладилар.

У нодон киши эса ўз манзилига келганида пушаймонликдан бошқа ҳеч нарса топмайди.

Яна шундай ҳақиқатни билиш лозимки, фойда китобни ёдлашда эмас, уни тушуна билишдадир. Кимки билмаган ишга ёпишса, унинг аҳволи сўзни ёдлаб олган, лекин маъносини тушунмаган одамнинг аҳволига ўхшайди.

**Ҳикоят.** Ҳикоя қилибдурларким, бир одам арабча ўрганишини ҳавас қилиб, саводли дўстларининг биридан қизил лавҳа устига бир неча арабча сўзни ёзиб беришни илтимос қилибди. Дўсти ҳам илтимосини бажарибди. У одам араб сўзлари ёзилган қизил лавҳани уйига олиб боради ва унга ҳар замон-ҳар замонда қараб қўйиб, ниҳоят, энди у араб тилини жуда яхши билиб олдим, деган фикрга келади. Бир кун мажлисда арабча сўзламоқчи бўлади-да, миси чиқади. Мажлисда бўлганлардан бирининг хатосини юзига солиб кулади. У одам бундан ғарбланиб: «Мендан хато топа олмайсан — қизил лавҳада шундай ёзилган», — деб жавоб беради...

Инсонлар илмни эгаллаб олишлари, унинг маъносига чуқур тушунишлари керак, чунки илм нариги дунёга олиб бориладиган энг катта совгадир, бу дунёда эса билимли бўлмасдан яшаш қийиндир. Қуёшнинг жамоли ёр юзини ёритганилиги ва ҳаётга абадий умр бағишлагани каби, илм ҳам қалбларни нур билан ёритади. Таж-

рибанинг шифобахш дори-дармонлари одамларни оғир жаҳдолат касаллигидан халос этади. Яхши ишлар илмга ярашадиган безакдир. Билим дараҳтининг меваси — одамларга хайриҳоҳлик ва бошқаларни ранжитмасликдир. Илмли бўлиб, унга амал қилмаганлар, била туриб таҳликали йўлдан қайтмаган ва йўлда қароқчиларга учраб бор-йўғидан ажралган одамларга ўхшайдилар; ўзига ёқмайдиган овқатнинг зарарли эканлигини била туриб, ундан бош тортмайдиган, натижада, ҳалок бўладиган касал одамларга ўхшайдилар. Хуллас, ишининг ёмон эканлигини била туриб нафсини тиёлмаган одам азоб-уқубат оловига йўлиқади. Масалан: бири кўр, бири соғ икки одам ўрага йиқилиб яраланса, фаросатли одамлар кўзи соғ одамии айблайдилар, кўзи ожиз кишининг ишини узрли деб биладилар.

Билимли бўлиш ҳар нарсадан олдин инсонга ўз ҳурматини ошироқ ва иззатини сақламоқ учун керакдир. Илм, бошқаларга ўргатиш учунгина қўлга киритилса, одам ундан бирон фойда кўрмаса, у, сувидан ҳамма фойдаланадиган, лекин бундан ўзи бебаҳра бўлган булоқча ўхшайди.

Икки нарсадан, яъни илм ва мол-дунёдан одам аввал ўзи фойдаланиб, сўнгра бошқаларга улашиб бериши керак. Яхши натижада берган тажрибаларни одам аввал ўзига, сўнгра бошқаларга татбиқ этиши лозим, яъни одам аввал ўзини, шундан кейин бошқаларни даволаши керак.

Кимки бу сўзларнинг маъносига етмаса ва уларни бекорчи деб ҳисобласа, беақл кўрга ўхшайди. Ақлли одам қиласиган ишининг охири нима билан ёа қандай тугашини олдиндан кўз ўнгига келтириши керак — қаерга боришини йўлга чиқишидан олдин билиши керак. Акс ҳолда у йўлнинг ярмида сарсон бўлиб қолади, фалокатдан бошқа нарсага йўлиқмайди. Аждодларининг ҳаётидан ибрат дарс олиб, уларнинг тажрибасидан фойдаланган одам ақлли ҳисобланади — ўзбилармон одам ҳамиша машақкат ичидаги яшайди. Зиёнили ҳар нарсада бир фойда бор деб айтадилар, энг яхшиси, бошқаларнинг кўрган зиёнларини назарда тутиб, уларнинг фойдали тажрибалиридан истифода этишдир. Бу йўлдан бормаган одамлар кундан-кунга муваффақиятсизликка учрайдилар ва ниҳоят, тажрибадан сабоқ олиб тўғри йўлга тушиб олганларига қадар ўлим вақти келиб қолади. Кимки фурсатни қўлдан берса, ҳаракат қилиб бир ишни амалга

ошириш ўрнига танбаллик қилса, тўғрилиги шубҳали ё ёлғон хабарларни тўғри деб ҳисоблаб, уларни бошқаларга гапириб юрса, ёлғончининг тиљёфламалигига ишонса, ўз тарафдорларини фитначи одамларнинг сўзларига инониб ранжитса, масъул вазифаларни ақлли одамларга топширмаса, ундан кишининг яшишга ҳақи йўқдир.

Ақлли одамлар тубан ва ярамас муҳитга тушиб қолсалар, тезда ундан қутулишга ҳаракат қилишлари керак. Кимки кўр-кўронга номаълум йўлга чиқса, ҳалқнинг кетаётган тўғри йўлидан узоқлашади ва қанча кўп юрса, шунчак кўп адашади. Агар бир одамнинг кўзига тикан кирса ва у бу тиканини чиқариб олмасдан, уни аҳамиятсиз бир нарса ҳисоблаб кўзини ишқай бошласа, мутлақ кўр бўлади. Ақлли одам кўпнинг раъи билан ҳисоблашиб, унга ишониши керақ, лекин шу билан бирга ақл ва тажрибанинг сўзларига ҳам қулоқ осиши керак. Хуллас, соддадиллик ва хатоларга йўл бермаслик керак. Ақлли одам ўзига раво кўрмаганин ўзгага ҳам раво кўрмаслиги керак. Чунки ҳар бир ишнинг ўз мукофоти бор, муддат етганда албатта оқибати маълум бўлади.

Бу китобни ўқиган одамлар ҳар нарсадан олдин унинг мағзини чақиб, унга ороийиш берган истиораларни, рамзли ва муаммоли сўзларни тушуниб олишлари керак.

Ибн Муқаффа бу муқаддимага илова қилиб айтади-  
ки, мен бу китобнинг ҳинд тилидан қилинган таржимасини кўрдим ва Ироқ, Шом, Ҳижоз аҳли ҳам ундан фойдалансинлар, деб уни она тиллари бўлган арабчага таржима қилишини хоҳладим. Мен бу китобни мумкин қадар аслига тўғри ва ойдин таржима қилишга ҳаракат қилидим, токи китобхонлар ва талабалар ундан осонлик билан фойдалана олсинлар.

## БАРЗУЯ ҲАҚИМ ҲАҚИДАГИ БОБ

Форс ҳакимларининг бузруги Барзуя шундай нақл қиласди: «Менинг отам қўшин бошлиқларидан, онам эса Зардўшт пиримуғонлари оиласидан эди. Оллоҳнинг менга бахш этган илк неъмати ота-онамнинг муҳаббати бўлди. Улар менинг ҳақимда қайгуар, бошқа фарзандларидан кўпроқ севар, менинг тарбиям билан маҳсус шуғулланар, ейиш-ичишимга алоҳида эътибор берар эдилар. Етти ёшга етганимда тиб илмни ўрганиш учун мени мактабга бердилар. Бу илмнинг фойдали эканлигини англаб уни зўр эҳтирос билан ўргана бошладим. Кейин бу хунарда шуҳрат қозониб, касалларни даволай бошладим. Шу билан бирга ҳамма одамлар сингари мен ҳам тўрт нарса орзу қила бошладим: мол тўпламоқ, кайф сурмоқ, бошқаларнинг ҳурматига сазовор бўлмоқ ва абадий шуҳрат қозонмоқ. Шуни айтиш керакки, тиб илмининг бутун дунёда зўр ҳурмати бордир. Тиб китобларида: «Табибларнинг энг фозили беморларни пулсиз муолижа этувчилардир, бу йўл билан улар ҳам бу дунёниг, ҳам нариги дунёниг неъматларидан баҳраманд бўладилар», деб ёзилган. Деҳқоннинг уруғ сепишдан мақсади ердан ғалла ундириб ўз ризқ-рўзини топишидир. Ҳайвонларнинг ем-хашаги бўлган ўт ўз-ўзидан ўсаверади.

Хуллас, қаерда соғайишига умиди бўлган касал одамини эшитсан, бориб уни муолижа эта бошладим. Бир оздан кейин тенғүрларимнинг мол ва давлати меникидан зиёд эканликларини кўрдим. Нафсим устун чиқиб, мол дунё тўпламоқ ҳавасига тушдим. Тўғри йўлдан озишимга сал қолди. Ўз-ўзимга дедим: «Эй нафс, сен фойда билан зарар орасидаги фарқни кўрмаяпсан. Ақлли одам азияти кўп, фойдаси кам бўлган нарсани орзу қиласими? Агар сен яхши от қолдириб кетиш фикрида бўлсанг, бу фоний дунёда очкўз ва хасис бўлма. Нотўғри фикрлардан қайт, савоб орттиришга ҳаракат қил. Одамнинг ҳаёти бир-бира гига зид бўлган тўрт унсурнинг қоришмасидан иборат, худди йигирилган ипга ўхшайди, унинг узоқ вақт узилмасдан турсига ишонч йўқ.

Одам баданинг аъзолари бир мих билан қоқилган олтин бутга ўхшайди. Мих суғуриб олияна, бут бўлакларга бўлинниб кетганидек, одамнинг бадани ҳам яшаш қобилиятини йўқотиб, парчаланиб кетади. Қариндош уруғларинг, дўст-ошноларинг билан кўпда мағрурланмана ва улар билан бирга бўлишни ортиқча ҳавас қилма. Ҳамиша уларнинг севинчлари қайгуларидан оз, ғамлари эса шодликларидан кўп бўлади. Бу ғам ва ғусса устига яна ҳижрон дарди ва айрилиқ алами ҳам инсонга ҳамроҳdir. Баъзан шундай ҳам бўладики, бири ўз оиласини боқиш, хотини ва болаларини таъмин қилиш учун мол йиғиб, бойлик тўплашга мажбур бўлади ва бу йўлда ўзини курбон қилади. Бундай одам оловга ташланган хушбўй уд ёғочига ўхшайди, унинг ҳидидан бошқалар фойдаланади, ўзи эса ёниб кул бўлади.

Яна ўз-ўзимга дедим: «Сен беморларни муолижа қилишдан қолма, жамоат ҳакимнинг қадрини билмайди, деган гапларга қулоқ солма. Агар бирор одамни ўлим нангалидан қутқариб олишга муваффақ бўла олсанг, бунинг савоби ҳар нарсадан кўп эканлигини назарга ол.

Узоқ давом этган оғир касаллик туфайли бола-чақаси билан ош-нонга муҳтоҷ бўлиб қолган бир одамни муолижа этиш ва унинг саломатлигини қайтариб бериш қанчалик савоб иш эканлигини ким эътироф этмайди?»

Ўз нафсим билан олишиб, ўзимни яна тўғри йўлга сола билдим. Ҳеч нарса олмасдан сидқидил билан беморларни даволай бошладим, узоқ муддат шу иш билан машғул бўлдим. Бу хизматим эвазига ризқи рўз дарвовалари қаршимда очила берди. Шоҳлар менга бирин-кетин саруполар инъом қила бошладилар, хазина дарвозасини очиб қўйдилар. Ҳиндистон сафаридан аввал ҳам, кейин ҳам кам бўлмадим. Бойликда, шону шавкатда ўз-тengdoшларимдан ўзиб ҳам кетдим.

Кунлардан бир кун мен тиб илмининг муваффақиятари ва натижалари ҳақида, берадиган фойда ва самаралари борасида фикр юрита бошладим. Натижада, тиб илми соғлиқни абадий сақлай олмайди, ҳеч бўлмаса бирор касалликни тамомила йўқотиб, уни қайтиб келмайдиган қила олмайди, деган хulosага келдим. Бас, шундай экан, ақлли одам тиб илмини шифо баҳш этувчи илм деб ҳисоблай оладими? Шунда савоб ишлар қилиб охиратни ўйлаш менга зарурроқ кўрина бошлади. Айтишларига кўра, охиратни ўйлаш ҳар қандай касалликни

бир йўла йўқотади, йўқотганда ҳам қайтиб келмайдиган қилиб йўқотади.

Мен мана шуларнинг ҳаммасини ўйлаб чиққандай сўнг тиб илмидан қўл тортиб, илоҳиёт билан машғул бўла бошладим. Тўғриси, мен энди аввалию охир кўринмайдиган бир йўлга тушдим. Йўл қоронги ва хатарни эди. На бир йўл билувчи одам бор эди, на бир йўл ёритувчи машъал. Тиб китобларида ҳам бу ҳақда бир нарса дейилмаган эдик, ўшанга суюниб шак ва шубҳадан, ҳайрат ва тарааддуddан қутулсан. Турли ҳалқларнинг дин орасида ҳам катта фарқ ва зиддият бор эди. Уларнинг орасида холиқ ва махлуқ, яратувчи ва яратилувчинг келиб чиқиши, дунёнинг охир ҳақида катта-катта тортишувлар бўларди, уларнинг ҳар бириси ўзи айтган сўзларни тўғри, мухолифнинг айтганини нотўғри деб би-ларди.

Шундай йўлар билан шак ва шубҳа саҳросида гоҳ олдинга кетар, гоҳ оғқага чекинардим, тепалар ошиб, водийларни босиб ўтардим, лекин на мақсадга олиб борадиган ва на ҳақиқатга эриштирадиган тўғри бир йўл топа билардим. Ниҳоят, бутун дин олимлари билан кўришиб, уларнинг эътиқодларини ўрганиб, юрагимга мос тўғри бир тариқат топишга аҳд қилдим. Бутун дин-мазҳаблар билан чуқур танишиб чиқдим, қарасам, ҳар тоифа ўз динининг устунлигидан лоф уради, бошқаларнини эса ёмонлайди. Мен улардан биронтасига ҳам эргашмадим, ўз дардимга дармон тополмадим. Уларнинг ҳаммаси бемаъни-бебурд эканлиги менга ойдин бўлди. Ақлли одам уларнинг сўзларидан ҳеч бирисини қабул эта олмас эди.

Ўз-ўзимга дедим: «Агар мен бундай мулоҳазалардан сўнг бу динлардан бирини қабул этсан, қуйидаги ҳикоятда баён этилган нодон ўғри аҳволига тушиб қоламан».

**Ўғри ҳикояси:** Дейдиларки, бир ўғри ўз ҳамроҳлари билан бир бой одамнинг уйига ўғриликка тушади. Ўй эгаси оёқ товушидан уйгониб кетади ва томда ўғри борлигини сезади. Хотинини аста ўйғотиб, унга аҳволни тушириди ва дейди: — Мен ўзимни ухлаганга солиб ётаман, сен баланд товуш билан мендан бунчалик мол, дунёни қандай қилиб топганлигимни сўрагин. Мен жавоб беришни истамасам, сен қаттиқ туриб жавоб беришни талаб қил. — Хотини эри айтганидек савол берди. Эри деди: — Эй хотин, мени тинч қўй, бунақа саволлар беради.

вериб бошимни қотирма. Тўғрисини айтадиган бўлсам, одамлар эштиб қоладилар, деб қўрқаман, биз беобру бўламиз, жамоат биздан юз ўгиради.

Хотин уни қўярда-қўймай, айтиб бериши сўрай-верди.

Эри деди: — Сенинг сўрашингнинг сабаби нима? Эрнинг яширин сири билан хотиннинг нима иши бор?

Хотини деди: — Билгим келяпти.

Эри деди: — Бу мол-дунё ўғрилик билан топилган. Мен бир вақтлар абжир ўғри эдим. Ойдин кечаларда давлатманд одамларнинг деворлари тагига келиб афсун ўқирдим-да, ой нури тушиб турган уйнинг томига чиқиб, етти марта «Шолем, шолем», деб ой шуъласи устига ўтириб, уйнинг ўртасига ҳеч қийналмасдан сакраб тушардим. У ерда ҳам етти марта «Шолем, шолем», дейишими билан уйдаги бор пул ва қимматбаҳо буюмларнинг ҳаммаси олдимда йиғилиб қоларди. Кучим етганича, кўтариб, яна етти мартаба «Шолем, шолем», дея ой шуъласига сувора бўлиб дарчадан чиқиб кетардим. Мана шу афсун туфайли ҳеч ким мени кўрмас ва мендан бадгумон ҳам бўлмас эди. Секин-аста мана шу бойликларни қўлга киритдим. Бу сўзни ҳеч кимга ўргата кўрма.

Ўғрилар буни эштиб, афсун ўрганиб олганниклари учун жуда қувондилар. Бир оз пайт пойлаб ётдилар-да, уй эгаларининг ухлаганникларига ишонч ҳосил қилгач, ўғри боши етти марта «Шолем, шолем» деди, лекин оёғини дарчага қўйиши билан ерга қулаб тушди. Уй эгаси дарҳол ўрнидан туриб тўқмоқ билан ўғрининг бошига туширди. Кейин у: «Мен азиз умримни сарф қилиб топган давлатимни осонликча олиб кетаман деб ўйладингми? Сен кимсан? Айтмасанг, ҳозир ўлдираман», — деди.

Ўгри деди: «Мен сендеқ тилёглама одамнинг сўзига алданиб тўрга илинглан лақма ва нодон одамман».

Хуллас, лақма бўлганим учун ҳақиқатни топа олмадим ва ўз-ўзимга дедим: «Авлод-аждодимнинг динида қолиб, кўр-кўронга унга риоя этсам, мен фақат аждоди жодугар бўлгани учун ўзини ҳақли ҳисоблаган жодугарга ўхшаб қоламан. Агар янгидан дин ахтаришни бошлайдесам, умр етмайди деб қўрқаман, чунки ўлимим яқинлашиб қолган. Тараддуд ичида яшайдиган бўлсам, фурратни қўлдан бериб, ҳеч бир савоб иш қила олмай, бу дунёдан ўтиб кетаман. Шунинг учун мен барча динлардан воз кечиб, ҳар нарсадан устун ҳисобланган хайрли

ишлар билан машғул бўлишга, ақлга сифадиган ишлар билан шуғулланишга аҳд қилдим.

Шундан бери мен жониворларни уриш, ўлдиришдан, одамларни ранжитиши, таҳқир этишдан, уларга хиёнат қилишдан воз кечдим, ёлғон сўзлаш, бўхтон, фийбатдан тилимни тийдим; ҳалқа озор бериш ва дунё молига ҳирс қўйишдан, найрангбозлиқ ва жодугарлик каби нолойик ишлардан чекиндим. Ёмонлардан қочдим, яхшиларга қўшилдим. Тўғрилик ва тозаликка дўст бўлдим. Чунки дунёда тўғриликдан яхши дўст бўлмайди. Тўғрилик билан ҳар нарсага эришса бўлади. Бу шундай давлатки, улашганинг билан озаймайди, харжлаганинг билан камаймайди. Тўғри одам подшоҳдан ҳам қўрқмайди, ўт, сув, ваҳший ҳайвонлар ва бошқа заарли нарсалар ҳам унга зиён етказа олмайди. Қимки тўғри йўлдан четга чиқиб, давлат орттириш билан шуғулланса, ўз умрини ёмон ишларга сарф этса, у одамнинг бошига қуйидаги ҳикояда зикр этилган савдогарнинг бошига тушган иш тушиди».

**Савдогар ҳикояси:** Дейдиларки, бир савдогарнинг қимматбаҳо тошлари (жавоҳирлари) кўп экан. Уларни тешиш учун савдогар кунига юз динор ҳақ тўлайман деб бир одамни бошлаб келади. У одам уйга келиб иш бошламоқчи бўлиб тургандга, бурчакдаги ажойиб бир чангни кўриб қолади. У диққат билан чангга қараб турганида савдогар унди: — Чалишини биласаними? — деб сўрайди. Хизматкор: — Билганда қандай, — деб жавоб беради. Хизматкор чанг чалишини ғоят яхши билар эди. Савдогар: — Чал! — деб буюради. Хизматкор чангни олиб ҳазин ва дилрабо бир куйни чала бошлайди, ширали бир овоз билан ашула айтади. Савдогар уни зўр завқ билан тинглаб ҳузур қилиб ўтиради, жавоҳирлар эса тешилмай қолади. Кеч бўлгач, хизматкор ўз ҳақини сўрайди. Савдогар дейди: — Жавоҳирлар қандай бўлса, шундай қолди. Қилинмаган ишга ҳақ берилмайди. — Хизматкор асабийлашиб, савдогарга бақириб: — Мен сенинг буюрган ишинингни қилдим. Хизматимга ҳақ тўламасликка ҳақинг йўқ, — деди.

Савдогар хизматкорга ваъда қилинган ҳақни беришга мажбур бўлди.

Мўмин бўлишни орзу қилиб, тоат-ибодат билан шуғулланишга қарор қилдим. Ташқи кўринишим билан ички дунём, сўзим билан ишим бир-бирига мос бўлиши;

ни истадим. Чунки мўминлик ва тўғрилик гуноҳни қайтарадиган пўлат либосдир.

Тўғрилик ва мўминлик самараларидан бири шуки, умринг бебақолиги, дунёнинг фоний эканлиги сени чўчитмайди. Тақводор одам бу ўткинчи дунёнинг ишларига назар ташласа, ундаги қабоҳатни ҳақиқат кўзи билан кўради, нариги дунёга бўш қўл билан кетмаслик учун яхшилик қиласди, шуҳратпастликдан воз кечади. Қўнгли тинч бўлиши учун ўз толеидан рози бўлади. Дунёнинг мешаққатларидан қутулиш ва бутун гуноҳларини ювиш учун узлатга чекинади, ҳамманинг муҳаббатини қозониш учун ҳеч кимга ҳасад қилмайди. Мол-дунёнинг кўлдан кетиши ташвишидан халос бўлиш учун сахийликни ўзига касб қиласди, пушаймон бўлмаслик учун ақл билан иш кўради, қаноатли бўлиш учун охиратни эсдан чиқармайди. Янглишмаслик учун кетини ўйлаб иш қиласди, роҳат ва фароғатда яшаши учун одамии рањитмайди.

Мен художўйликинг мешаққатлари ҳақида ўйлаганим сари унга рагбатим ортарди. Лекин бу дунёнинг лаззатидан воз кечиб, нақдни қўлдан бериб, насия орқасидан югуриш қийин бир иш эканлигини билардим. Бу йўлда хато қилиб қўйисам, ҳам бу дунём, ҳам охиратим куишидан ва натижада, пушаймон бўлишдан қўрқардим. Агар шундай бўлиб чиқса, мен оғзидағи суюқ аксими сувда кўриб, уни олиш учун ўзини сувга отган, натижада, оғзидағи суюқдан ҳам айрилган ит аҳволига тушиб қолардим.

Кишининг дилини сиёҳ қиласиган бундай тушунчалар мени ўйдан адаштириб, икки дунёmdан маҳрум этишига мени қолгап эди. Мен қайтадан бу дунёнинг ишлари ҳақида фикр юрита ва унинг нозу неъматларини кўз ўнгимга келтира бошладим. Менга ойдин бўлдики, бу дунёнинг неъматлари камалакка ўхшаб оз умрли ва ўткинчидир. Бунинг устига, улар шўр сувга ўхшаб, ичганда ташналигингни орттиради, улар заҳар аралаштирилган болга ўхшайди — у аввал ширин қўринади, кейин эса ўлдиради. Улар уйғонгандан кейин ачиниш ҳиссини уйғотадиган ширин тушга ўхшайди. Бу дунёга берилган одам ипак қуртига ўхшайди — у қанчалик кўп ипак ўраса, ўз қўл ёёрини шунчалик қаттиқ болгаган ва нажот йўли шу қадар қийинлашган бўлади.

Буларнинг ҳаммасини ўйлаб чиққач, мен яна художўйлик йўлига ўтмоқчи бўлдим, лекин тагин ўзимга қар-

ши чиқиб дедим: «Мен бу дунёнинг ишларидан қочиб у дунёни ўйлашим, кейин эса мўмилийк мешаққатларидан қўрқиб яна дунёвий ҳаётга юз ўгиришим яхши эмас. Агар мен шундай қилгудек бўлсан, аввал бир-бирига душман икки даъвогардан бирининг сўзини эшитиб, унинг фойдасига ҳукм чиқарган, иккинчисини эшитгач, унинг фойдасига қарор чиқарган риёкор қозига ўхшаб қоламан, бу йўл билан муаммони ҳал этиб бўлмайди».

Ниҳоят, мен тоат-ибодат билан шуғулланишга қарор қилдим, чунки бу дунёнинг мешаққатларига бардош бериш охират азобига қараганда ҳечdir, бу дунёда олиандиган лаззат нариги дунёда бериладиган азобларнинг мингдан бирича ҳам йўқ. Ҳар қалай охирда кўпроқ лаззат берадиган озгина мешаққат кўпроқ мешаққат келтирадиган озгина лаззатдан афзалдир. Агар бир одамга, сенга юз йил умр бериб, ҳар кунни гўштингдан бир парча кесиб оламан, уни яна қайта тикиб соғайтираман, шу юз йил ўтгач, сен ҳар қандай азоблардан қутулиб роҳатда яшайсан, деб шарт қўйилса, у одам учун абадий неъмат ичидаги яшашга нисбатан бу уқубатли юз йил бир соатдан ҳам оз кўриниши мумкин.

Ажабо, яшащ азоб-уқубатдан иборат эмасми? Инсон она қорнида пайдо бўлганидан то умринг охирига қадар уқубат чекмайдими? Тиббий китобларда ёзилишича, бола она қорнида гўё бир тугунга тугилгандек парда ичидаги ўсади, қийналиб нафас олади, тор, қоронғи қоринда тасаввурга сифмайдиган азиятлар ичидаги тугилгунинга қадар ётади. Ой-кун яқинлашгач, бола ҳаракат қила бошлияди, у ёруғлик ва кенгликка чиқишига интилади.

Бола тугилгач, унга ҳатто енгил шамол тегса ё юмшоқ қўл тегиб кетса, териси шилиб олинган одамдек азоб чекади. Шундан кейин бола учун мешаққатли ва мусибатли кунлар бошланади. Оч қолганда овқат, сувсанда сув сўрай олмайди, бирор ери оғриса, айта олмайди. Сўнгра бешик, йўргак азоблари... Ухлаганда ҳамиша осмонга қаратиб ётқизилади, у қанчалик қийналмасин, оёқ-қўлни қимирлата олмайди. Кўкракдан ажратилгандан кейин унинг тарбияси билан машғул бўла бошлиядилар: фалон нарсани ема, пистон нарсага қўл тёғизма, фалон сўзни айтма, фалон нарсага қарама, дейдилар, касал бўлса, аччиқ дорилар ичирадилар... Балоғатга етганидан кейин уйланиш, уй-рўзгор ташвиши, бола-чақадарди, мол-давлат тўплаш, пул йиғиши ҳирси билан кун

кечиради. Бундан ташқари, инсон вужудида бир-бирига ғизд тўрт унсур (қон, ўт, сафро ва балғам) мавжуд бўлади. Сўнгра фалокатлар, мусибатлар, касалликлар бир-бирига уланиб кетаверади. Илондан, чаёндан, ваҳший ҳайвонлардан қўрқиши, иссиқ ва совуқдан, қор ва ёмғирдан ўзини асраш ташвиши... Агар умри вафо этиб, қаригудек бўлса, қариллик билан боғлиқ бўлган турли касаллик, заифлик, азоб-уқубатларга бардош бериши керак. Бунинг устига душманларнинг қасди ва ёмон ниyatлиларнинг ҳасади...

Фараз қиласайлик, айтилганларнинг бирортаси ҳам рўй бермади, инсон энг яхши шароитда соғ ва саломат яшади. Лекин ўлим вақти етишгандан нима бўлади? Уғилқиз, қариндош-уруг, ошна-офайни билан видолашмоқ, аччиқ ўлим шарбатин ичмоқ зарур бўлган дамда бу дунёга бўлган муҳаббат шами инсоннинг қалбидан осонлик билан ўчади дейсизми?

Шундай экан, ҳеч бир ақлли одам, инсонлар бора-бора ўзларининг гўзал фазилатларини йўқотиб, мол-дунё учун умр сарф этишларни раво кўрмайди. Чунки боқий дунёни фоний дунёга, абадийликни мувакқат нарсаларга алмаштириш, мусаффо ва пок бир руҳни ифлос ва тубан бир баданга қурбон бериш катта айб ва кечириб бўлмайдиган хато ҳисобланади.

Мен замонанинг хароб бўлаётганини, фалокатга қараб тўғри кетаётганини кўриб турибман. Ҳақиқат гўё одамлардан қочаётгандек. Фойдали иш ва яхши сўзлар унтулиб, тўғри йўллар бекилаётгандек. Адолат йўқолиб, ўрнини зулм, ваҳшат эгаллаган, илм эшиклари кулфланиб, жаҳолат дарвозалари очилган, разолат ва хиёнат, эътибор ва мурувватни сиқиб чиқарган. Дўстлик заифлашиб, душманчилик кучайган, яхши одамлар таҳқир этилиб, азобу машаққат ичди, ёмонлар эса ҳурмат қозониб, кайф-сафо ва роҳатда яшамоқдалар. Ҳийла ва риёкорлик уйғоқ, вафо ва садоқат эса ғафлат уйқусида. Елғон — озод, ростгўйлик — маҳбус, ҳақ — мағлуб, ноҳақлик — ғолиб, золим — ҳақли, мазлум—ҳақсиз, ҳасислик — ҳоким, қаноат — маҳкум, қози — ғаддор, зоҳид — риёкор...

Мен дунёнинг бу ишларини ўйлаб кўргач, бутун мавжудотнинг сарвари ва бутун борлиқнинг энг мукаммал маҳлуқи бўлган одам ўз умрининг қадрини билмайди, ўз қаётининг нажоти учун курашмайди деб ўйладим. Мен

бу аҳволни кузатиб кўп таажжубландим, диққат билан қараб, инсонларнинг баҳти яшашиларига моне бўлган нарса уларнинг мол тўплаш касалига мубтало бўлиб қолиши эканлигини кўрдим, бу мол тўплаш инсоннинг тобиб кўриш, ҳидлаш, сезиш каби эҳтиёжларини қондириш учун қилаётганини билдим. Лекин бу сезгиларнинг ҳеч бири мақсадга етиш учун кифоя қилмайди. Инсонга мол дунё насиб бўлса-да, у бу дунёда ҳам, охиратда ҳам зинёндан бошқа бир нарса келтирмайди.

Бу, тудан қочиб қутулмоқчи бўлган одамнинг ҳолига ўхшайди: бир одам қутурган тудан халос бўлмоқ учун жар устига эгилган икки шоҳга осилиб, жар ёқасига оёқ кўяди, лекин оёғи остида индан тўртта илон бош чиқариб тургани кўзига чалинади, жарнинг остига назар ташласа, у ерда бир аждаҳо оғзини очиб, унинг тушишини кутиб турганлигини кўради, юқорига қараса, оқ ва қора сичқонлар у осилиб турган шоҳларни тўхтоворисиз кемираётганликларини кўради. Бу аҳволдан қутулиш йўлини ўйлаб турганида ундан нарироқда бир асалари уясига кўзи тушади, бармоини болга ботириб ялай кетади, болнинг ширинлиги унинг бошини шу даражада айлантирадики, натижада, у ўзининг қандай аҳволдалигини унутади, оёқларини тўрт илоннинг бошига қўйғанлиги ва бу илонлар ҳар онда чақиб олишлари мумкинлиги, сичқонлар шоҳларни албатта кемириб синдиришлари, шоҳлар синса у аждаҳо домига тушиши муқаррарлиги хаёлидан кўтарилади. Жаҳолат пардаси кучли ақл нурини тўсиб кўяди, лекин оз фурсат ўтмай, жарга қулаб ҳалок бўлади.

Мен даҳшатли, чуқур жар деб бу дунёни назарда тураман. Шоҳларни кемирган оқ ва қора сичқонлар — кеча ва кундуздири. Уларнинг ҳар иккаласи инсонларнинг умрини озайтириш, ҳалок этиш учун узлуксиз бир-бирини алмаштириб туради; тўрт илон — борлиқнинг моҳиятини ташкил этган тўрт унсурдир; булардан бирортаси ўз мувозапатини йўқотса, инсон дарҳол маҳв бўлиб кетади: бол — азоби кўп, фойдаси кам бўлган, одамларни тўғри йўлдан оздириб, уларга пажот дарвозаларини бекитган фоний дунёдир: аждаҳо — ҳеч ким қочиб қутула олмайдиган ўйламдир. Ажал шарбатини ичишга тўғри келганида, Азроил тепангга келиб турганида ўйлайдан қутулиб бўлмайди, пушаймонлик ҳам фойда бермайди, на тавбага вақт қолади, на дуо ўқимоққа мажол...

Хуллас, энг охири, мен қандай бўлсам, шундайлигим<sup>1</sup>  
ча қолишига, қўлимдан келганча яхши ишлар қилишига  
қарор қилдим. Умид қиласанки, балки шу йўл билан ҳа-  
қиқат ўйлани топиб, ўз нафсимга ўзим ҳоким бўламан,  
нажот эшигини очаман. Бир қанча вақт шу умид билан  
яшадим, ниҳоят, Ҳиндистонга сафар қилдим. Мен у ерда  
ҳақиқатнинг тагига етиш учун кучим борича ҳара-  
кат қилдим, кўп китоб ўқидим. Ҳиндистондан қайтиша  
бир талай китоб келтирдим. Улардан бири— тақдим эта-  
ғтанимиз «Қалила ва Димна»дир.

## ШЕР ВА ҲЎКИЗ БОБИ

Ҳийд рожаси<sup>1</sup> бараҳманга деди:— Менга бир ҳикоя  
айтиб бергинки, унда хоин одамнинг ёлғончилиги, бўх-  
тонлари натижасида икки дўст орасидаги садоқат адо-  
ватга айланиб, бир-бирларидан ажралиб кетишган бўл-  
син.

Бараҳман деди: — Агар икки дўст орасига бир хоин  
кириб қолса, албатта низо тушади, улар худди шер ва  
ҳўқиз каби бир-бирларига душман бўлиб қолишади.

Шоҳ сўради: — Улар қандай қилиб душман бўлиб  
қолибдурлар?

Ҳикоят. Бараҳман деди:— Нақл қилибдурларки, бир  
бадавлат савдогар бор экан, унинг болалари катта бўл-  
ганларида ҳеч қандай иш билан машғул бўлишни иста-  
мабдилар. Оталарининг молини совура бошлабдилар.

Ота уларни йиғиб дебди:— Үғилларим! Одам бу дунё-  
да уч нарсага интилади, бу уч нарса эса, тўрт восита  
билан қўлга киритилади. Бу уч нарсанинг бири — яхши  
турмуш кечирмоқ, иккинчиси — одамлар орасида юксак  
мавкега эга бўлмоқ, уччинчиси — охират савобини топмоқ  
учун савобли ишлар қилмоқдир. Бу уч нарсага эришмоқ  
учун восита бўлган тўрт нарса қўйидагилардир: ҳалол  
меҳнат билан давлат тўпламоқ; қўлга киритилган дав-  
латни сақлай билимоқ; исрофга йўл қўймасдан давлатини  
ўзи, оиласи ва ака-укалари учун харжламоқ... Ниҳоят,  
мумкин қадар ўзини зиёни ишлардан тиймоқ. Бу тўрт  
шартдан биттасини ҳам бажармаган одам ўз орзусига  
етолмайди. Чунки одамнинг давлати бўлмаса, у ўзи еб,  
бошқаларни тўйдира олмайди; агар давлати бўлса-ю, ле-  
кин уни расамади билан харжламаса, сал ўтмасдан бу  
давлат йўқ бўлиб кетади.

Шупинг учун дебдурларки, мол-давлатни қўлга кири-  
тишдан кўра, уни харжлаш қийиндир...

<sup>1</sup> Рожа — ҳиндуларда ҳукмдор, шоҳ демакдир (тарж.).

Агар одам пул топиб турмаса, бор давлатини нақадар оз харжласа ҳам. бу давлати тезда тамом бўлади — сурма оз-оз ишлатилишига қарамай, барибир тугайди...

Шунинг учун дебдурлар: «Тома-тома кўл бўлур, ҳеч томмаса чўл бўлур». Одам давлат йигиб, уни хайрли ва фойдали ишларга харжламаса, ундан одамни бадавлат эмас, йўқсил деб ҳисоблаш керак. Бундай одамнинг давлати кераксиз ерларга ўринли-ўринисиз сарф бўлиб кетади. Бу, сўв келадиган йўли бору, чиқадиган йўли бўлмаган бир ҳовузга ўхшайди — сувнинг ортиги фойдали ерларга сарф бўлмасдан тошиб, атрофии босиб кетади.

Ниҳоят, отанинг насиҳати ўғилларига таъсир қилди, уларниң ҳар қайсиси бир касб-ҳунар билан машгул бўла бошлади. Кафта ўғил савдогарчилик қилиш учун узоқ бир мамлакатга сафарга чиқди. Йўлда бир катта ботқоқликка дуч келди. Унинг юк ташувчи икки ҳўкизи бор бўлиб, бирининг оти Шатраба, иккинчisinинг оти Бандаба эди. Шатраба ўша ерда ботқоққа ботиб қолди, савдогар ва унинг хизматкорлари кўп қийинчилклар билан Шатрабани балчиқдан чиқариб олдилар, лекин у жуда ҳолсизланиб, юришга мажоли қолмаган эди. Савдогар ўз хизматкорларидан бирини Шатраба ёнида қолдириб, бир неча кун уни парвариш қилишини, куч-қувватга киргач, уни етаклаб келишини буюрди.

Бир-икки кун ўтгандан кейин ҳўкизниң ёнида қолган хизматкор зерикди, ҳўкизи қолдириб савдогарнинг ёнига борди ва унга Шатраба ўлди, деди. Ҳўкиз бўлса ўша жойдан кетиб, суви сероб, ўти мўл бир гўзал жойга етиб борди ва ўша ерда яшай бошлади.

Кўп вақт ўтмай у семириб кетди. У хурсанд бўлганидан ўйноқилаб маъраб юрар эди. Шу ерпинг яқинида ўрмон подшоҳи шер ва унинг хизматида жониворлар: айқ, қашқир, шагол ва шунга ўхшаш ҳайвонлар яшарди. Шер мендан улуғи ва мендан зўри йўқ, деб ўйлар, ҳеч кимни назар-нисанд қилмас эди. Лекин у ҳеч вақт ҳўкизни кўрмаган, унинг маърашини эшитмаган эди. Шунинг учун у Шатрабанинг бўкирганини эшитиб қўрқувга тушди ва буни хизматимдаги ҳайвонлар сезишмасин, деб ўз жойдан жилмай ўтираверди, овга ҳам чиқмай қўйди.

Унинг ёнида бўлган ҳайвонлар орасида иккита шағол бор эди. Улардан бирининг оти Калила, иккинчisinинг оти Димна эди. Икковлари ҳам сезгир ва маккор эдилар. Лекин Димна зийракроқ ва ёвузоқ эди.

Димна Калилага деди:— Биродар, сен шер ҳақида қандай фикрдасан? У бир неча кун бўлдики, жойидан жилмайди, овга ҳам чиқмай қўйди.

Калила деди:— Сенга дахли бўлмаган нарсаларни нега суриштирасан? Бизнинг аҳволимиз ойдин: биз шоҳ хизматидамиз ва унинг давлати соясида яшаймиз. Биз шоҳлар мажлисида сұхбат қилишлик ҳуқуқига эга бўлган ва шоҳлар ишига аралашадиганлардан эмасмиз. Овозингни чиқазма, билиб қўйки, алоқаси бўлмаган ишлар билан шуғулланганнинг бошига маймуннинг қисмати тушади.

Димна деди:— Маймунга нима бўлган эди?

**Маймун ва дурадгор ҳикояси:** Калила деди:— Нақл қилибдурларки, бир маймун бир дурадгорнинг ёғоч устида ўтириб пони билан уни ёраётганини кўрди. Дурадгор бир понани қоққандан кейин иккинчisinini чиқариб олар, уни бошқа ерга қоқар ва шундай қилиб ёғочни ёриб борарди. Дурадгор зарур иш билан бир ёққа кетди. Буни кўрган маймун унга дахли бўлмаган ишга аралашиб дурадгорнинг ишини давом эттироқчи бўлди. У орқасини ёғочнинг ёриғига қилиб, юзини понага қаратиб ёғоч устига миниб олди. Унинг думи ёғочнинг ёриғига тушиб турганди, у понани суғура бошлади. Маймун понани чиқарган ҳам эдики, думини ёғоч қисиб олди. Маймун хушидан кетди, то дурадгор етиб келгунча шу аҳволда ётди. Дурадгор эса келиб маймунни уриб ўлдирди. Шунинг учун дебдурларки: «Дурадгорлик маймуннинг иши эмас».

Димна деди:— Мен ҳикоянгни эшитиб, нима демоқчи бўлганингни тушундим. Лекин билиб қўйинки, шоҳга яқин бўлган ҳар кимса фақат ўз қорнини тўйдирини кўзламайди, чунки қорини ҳар қаерда тўйдирса ҳам бўлади... Йўқ, бундай одам ҳар нарсадан аввал улуғ марта ба ва мансабга эришиб дўстларни қувонтириши, душманларни газаблантириши керак, фақат ҳайвонларгина қорнини ўйлади. Ит қуруқ суяқдан севингани каби, бундай одам ҳам унга берилган кичик бир инъомдан севинади ва шу билан қаноатланади. Олижаноб, иродали одамларни эса, кичик нарсалар қониқтира олмайди. Қуённи овлашга чиққан шер тоғ эчкисини кўриб қолиб, қунини қўйиб унга отилади...

Озгина нарсага қаноат қилмоқ маънавий йўқсиллик ва хасислик аломатидир. Юксак мавқега эришган одам-

унинг умри гул каби қисқа бўлса ҳам ақлли одамлар уни узоқ умр кўрди деб ҳисоблайдилар ва аксинча, оз нарсага қаноат қилган одамнинг умри қарағай дараҳтидек узун бўлса-да, ҳиммат аҳли олдида унинг қадру қиммати бўлмайди.

Калила деди: — Мен гапларингга тушундим, лекин эсингни йигиб ол, билгинки, ҳар одамнинг ўз ери ва ўз мавқеи бўлади. Биз улуғ мансаб, юксак даражага лойиқ табақадан эмасмиз, буни талаб ҳам қила олмаймиз. Биз соғ-саломат кун кечирсак, шунинг ўзи кифоядир...

Димна деди: — Одамларнинг мавқеи ҳар хил бўлади. Истеъод ва қобилиятни одамлар паст мартабадан ба-ланд мартабага чиқиб оладилар. Иродаси заиф, ақли кам бўлганлар эса юксак мавқедан пастга тушиб кетадилар. Юксак даражага чиқмоқ жуда қийин, пастга қулаш эса жуда осон гап. Чунончи, оғир тошни ердан узишга кўп куч ва меҳнат талаб қилинади, уни ерга ташлаш учун эса куч сарф өтилмайди.

Мард ва иродали одамлардан ўзгалар олий даражага кўтарила олмайдилар. Биз юксак мансабга лойиқмиз ва ҳозирги паст мартабада қолишга рози бўлмаслигимиз керак.

Калила деди: — Сен нима қилмоқчисан?

Димна деди: — Мен фурсатдан фойдаланиб шернинг ҳузурига бормоқчиман. У қўрқув ва ҳаяжон ичиадир. Балки бирор маслаҳат билан унинг кўнглини овларман, шундай қилиб, унга яқинлашиб, юксак мансабга эришман.

Калила деди: — Сен шернинг қўрқув ва ҳаяжон ичида эканлигини қаердан билдинг?

Димна деди: — Мен буни ақл ва идроким билан билдим. Ақлли одамлар одамнинг ичидагини унинг ташқи аломатларидан, қиёфасидан билиб оладилар.

Калила деди: — Шоҳлар хизматида бўлмаганинг шоҳмажлислигининг тартиб-қоидаларини билмаганинг ҳолда сен қандай қилиб шер билан дўстлашасану ундан қандай қилиб мансаб ола биласан?

Димна деди: — Катта ва мастьулиятли иш, оғир юк кучли ва бақувват одамин чарчата олмайди. Фарисатли ва ва ёлғизликдан ақлли одам қўрқмайди... Фаросатли ва хушёр одамлар ҳар нарсанинг йўлини тез топа оладилар.

Калила деди: — Шоҳлар фазилат өгаларига эмас, Балки ўзларига яқин, ота-боболари унга хизмат қилиб

келган одамларгагина илтифот кўрсатадилар. Шоҳлар бу жиҳатдан ток новдасига ўхшайдилар, ўзларига жуда яқин ёғочларга чирмашадилар.

Димна деди: — Сен ҳақлисан, лекин мен биламанки, шоҳнинг яқин одамлари ва улардан олдин ўтганлар ҳамиша бу мансабга эга бўлмаганлар. Улар сеқин-аста шоҳга яқинлашиб, бу даражага кўтарилиганлар. Мен ҳам улардек мансабга эришишга имкони борича ҳаракат қиламан. Дейдиларки, шу вақтга қадар шоҳнинг ғазабига учрамасдан, унинг таҳқиқларига чидамасдан, ўз жаҳлини босиб, одамлар билан юмшоқ муомала қилмасдан олий мансабга эриша олган бирор одам шоҳ эшигига бўлган эмас.

Калила деди: — Айтайлик, сен шер билан дўстлашиб олдинг, лекин қандай ҳийла ишлатиб ундан олий мансаб оласан?

Димна деди: — Агар мен унга яқинлаша олсанам, аввали унинг табиити, хусусиятларини ўрганаман, унга ҳурмат кўрсатиб бутун орзуларини ерига етказаман. У, менинг фикримча, мамлакат фойдасига қаратилган бирор яхши иш бошласа, мен унинг ишини мақтаб, бу тадбир келтирадиган фойдаларни оғиз кўпиртириб гапираман ва шоҳни хурсанд қиламан. Мабодо, менимча, натижаси зарарли бўлиши мумкин бирор ишга кўл уришни истаса, мен эҳтиётлик билан мулојим тарзда бу ишнинг зарарли томонларини изоҳлаб бераман, агар у бу ишдан қайтса, қандай фойдали иш қилганини тушунтириб бераман. Бошқалардан бундай хизмат кўрмаган шер булар эвазига менга янада кўпроқ илтифот кўрсатади.

Донишманд одамлар истасалар ёлғонни чинга, чинни эса ёлғонга айлантира оладилар... Моҳир рассомлар қалам билан деворга шундай расмлар чиза оладиларки, улар девордан чиқиб келаётганга ўхшаб кўринади. Шер мендаги бу қобилият ва истеъодни кўрганидан кейин, унга яқин бўлишимни мендан ҳам кўпроқ истаб қолади.

Калила деди: — Агар шу ниyatda бўлсанг эҳтиётлик билан иш тут. Ҳукмдорлар хизматида бўлиш хатарлидир. Донишмандлар айтибдурларки, фақат нодон одамларгина куйидаги уч ишга киришадилар, бири — шоҳларга яқин бўлмоқ, иккинчиси — тотиб кўриш мақсадида заҳар ичмоқ ва учинчиси — хотинга сир айтмоқ. Ақлли одамлар пайдоҳини шундай тоқقا ўхшатадиларки, у дур ва гав-ҳар, ширин мевалар кони бўлиши билан бирга, паланг,

шер, заҳарли илон ва бошқа йиртқичлар макони ҳамдир. Унга чиқмоқ мумкин, лекин у ерда яшамоқ жуда хавфлидир.

Димна деди: — Сенинг айтганларинг тўғри, лекин хатардан қўрқан мақсадга ета олмайди...

Кучли ирода ва зўр ақл эгаси бўлмаганилар қўйидаги уч ишнинг уддасидан чиқа олмайдилар: шоҳга хизмат қилмоқ, денгизда сафар қилиб, савдогарчилик билан машғул бўлмоқ ва душманга қарши жағг олиб бормоқ. Донишмандлар дебдурларки, баҳодир кишилар фақат икки жойга лойиқдирлар: ё шоҳ хизматида бўлиб шуҳрат қозонмоқ, ёки узлатга ческиниб зоҳидлик қилмоқ.

Калила деди: — Ҳудо ниятингга етказсин. Лекин мен бу ишнингга қаршиман, ҳеч вақт сенга шерик бўлолмайман.

Димна шер ёнига келиб салом берди. Шер мулозимларидан: «Бу ким?» — деб сўради. Улар дедилар: «Фалончининг ўғли фалончи». «Отасини танир эдим», — деди шер. Сўнгра Димнани ёнига чақириб сўради: — Сен қаерда, нима ишлар қилиб юрибсан?

Димна деди: — Мен сиздек улуғ подшоҳга бирор фойдам тегиб қолар деган умидда эшигингизда хизмат қилиб юрибман. Агар бирор хизматлари бўлса уни бажону дил бажарсам. Подшоҳнинг саройида шундай ишлар ҳам бўладики, кичик вазифадагилар ҳам асқатиб қолади. Сизнинг даргоҳингизда товусдан тортиб пашшага қадар ҳаммага иш топилади. Мавқе юзасидан энг қуий, жусса жиҳатидан энг заиф хизматчилар ҳам фойда ёки зиён келтира оладилар. Йўлда хор бўлиб ётган бир қуруқ чўп ҳам баъзан ишга яраб қолади. У билан баъзан қулоқ ковладилар, баъзан тиш тозалайдилар. Заарарли иш билан фойдали ишнинг фарқига борадиган маҳлукдан эса яна ҳам ўришли истифода этилса бўлади.

Шер Димнанинг бу сўзларини эшишиб, унинг ўзига хайриҳоҳ ва ақлли эканлигини кўриб, хуррам бўлди. Сўнгра яқинларига қараб деди: — Истеъдодли ва ишбилиармон одам вазифаси кичик, нуфузи оз бўлса ҳам халқ орасида шуҳрат топади. Бундай одамлар ёниб турган оловга ўхшайди. Эътибор бергансизми, уни пуфлаб ўчирмоқчи бўлсалар, баланд кўтарилиб, лангиллаб ёниб кетади.

Димна бу сўзларни эшигтандан сўнг шоҳга манзур бўлдим, деб ўзида йўқ хурсанд бўлиб кетди ва деди: — Шоҳнинг барча одамлари, яқинларин ўз фикрларини, илм

ва тажрибаларини ундан яширмасликлари керак. Чунки шоҳ ўз хизматидагиларни яхши билиши керак, уларнинг ҳар бирининг ақл-идроқи ва ихлосини билмаса, улардан яхши фойдаланиш, вазифага тўғри тайин этишда қийин бўлади. Уруғ ер остида ётса, ҳеч ким у билан қизиқмайди, у қаочон тупроқни ёриб, ерни зумрад каби безаса, унинг нима эканлиги маълум бўлади, сўнгра парвариш қилиб уни ўстирадилар.

Шоҳ ҳар кимдан ўз лаёқати ва ақл-идроқига қараб фойдаланиши керак. Хизматга тайин қилишда шоҳлар аввало шу хусусиятни назарда тутишлари лозим. Раиятнинг подшоҳлар олдидаги ҳақ-хукуқларидан бири шуки, шоҳ ҳар кимга қобилиятига қараб мансаб бериши, яъни лаёқатсиз одамларни истеъдодли ва қобилиятли одамлардан афзал кўрмаслиги керак. Икки нарса ҳеч кимга, жумладан, шоҳларга ярашмайди: саллани оёққа, пайтавани бўшга ўраш. Лъял ва ёқут қўргошин билан қопланса ҳам бу билан уларнинг баҳоси тушмайди, лекин бу ишни қилган одам шу билан ўз аҳмоқлигини ошкор қилиб қўяди.

Ишнинг мувваффақиятли тугаши ёрдамчиларнинг кўплигига эмас, ишбилармонликларидадир. Баланд тоқقا чиқкан билан одамнинг нуфузи баланд бўлмас, балки инсон ўз бошига бир дунё бало ортириади. Ҳунар эгалари қуий мансабда бўлсалар-да, ақлли одамлар уларга мансимаслик билан қарамасликлари керак. Ҳаром ўлган ҳайвон пайини олиб, ундан ёйни буқадиган таноб ясайдилар, шоҳлар минадиган эгарларни безайдилар. Давлатманд ва донғи кетган наслдан бўлмаганилари учун ҳунар эгаларини қуий мансабларга тайин этмоқ, истеъдодсиз одамларга эса улуғларнинг вориси бўлгани учунгина юксак мартаба бермоқ шоҳларга ярашмайди. Шоҳ одамларни мамлакатга келтиришлари мумкин бўлган фойдаларига қараб муносиб мансабга тайин этишлари керак. Истеъдодсиз одамлар ўз аждодларининг хизматини ўзларининг баҳт-саодатлари воситасига айлантирсалар кўп зарар етказадилар, ҳунар эгалари ҳалок бўлиб кетадилар. Инсон учун ўз жонидан азиз ҳеч нарса йўқдир. Лекин баданинг бирор аъзоси оғриб қолса, уни узоқ ва ёт шаҳарлардан келтирилган дори-дармонлар билан муолижка қиласидилар.

Сичқон ҳамма билан ҳамхона бўлса ҳам унинг озори борлиги учун одамлар уларни қириб йўқотишга тириша-

**дилар.** Лочин йиরтқич қүш бўлса ҳам ундан фойдаланиш умидида одамлар яхшилаб парвариш қиласидилар. Шоҳлар эса қўлларига қўндирадилар.

Димна сўзини тугатди. Шоҳнинг Димнаға бўлган ихлоси янада ортди, унга илтифот қилиб бир неча ширин сўз айтди. Димна шоҳ билан ёлғиз қолгандан кейин шундай деди:— Неча муддат бўлдики, шоҳ бир ерда ўтириб қолдилар, бунинг сабаби недур?

Шер ўзининг қўрқаётганини Димнадан яширмоқчи бўлди, лекин шу ҷоқда Шатраба тўсатдан шундай маъраб юбордики, унинг овози шерни гангитиб қўйди. У ўзини боса олмай сирини Димнага очди:

— Ҳеч қаерга чиқмаслигимнинг сабаби шу сен эшитган овоздир, билмайман, у ким экан. Лекин унинг кучи ва жуссаси овозига яраша бўлса керак, деб гумон қиламан. Агар шундай бўлса, бу ердан кетиш керак.

Димна деди:— Бу овоздан бўлак шоҳни безовта қиласидиган нарса йўқми?

— «Йўқ»,— деди шоҳ.

Димна деди:— Фақат шу сабабга кўра она юртни тарк этиб кетмоқ ножоизdir. Доniшмандлар айтибдурларки, кўп гапириш ақлнинг озлигидан, ёлғон сўзлаш ироданинг заифлигидан, овознинг баландлиги ичida ҳеч нарса йўқлигидан далолат беради. Тулки билан ногора масалидан маълумки, ҳар бир овози йўғон гавдаси катта паҳлавон бўла бермайди.

Шер сўради:— У қандай масал?

Масал. Дейдиларки, бир тулки ўрмон оралаб кетаётib, бир дараҳтнинг тагида ногора ётганини кўриб қолибди. Шамол эсган сари дараҳт бутоқлари ногорага тегар ва ногорадан даҳшатли овозлар чиқар эди. Тулки ногоранинг овози йўғонлиги ва жуссасининг катталигига қараб ногоранинг ёғи билан гўشتি ҳам овози ва жуссасига яраша кўп бўлса керак, деб оғзининг суви келди. Кўп уриниб ногорани ёришга мувваффақ бўлди. Лекин қуриган теридан бўлак ҳеч нарса топмагац: «Гавдаси йўғон ва овози баланд нарсанинг ичи бўш бўлар экан»,— деди.

Димна сўзини давом эттириб деди:

— Мен бу масалини шунинг учун келтирдимки, подшоҳ йўғон овозни эшитиб безовта бўлмасинлар. Агар ижозат берсалар, мен ўша овоз келган жойга бориб ҳақиқатни билиб келай.

Бу сўзлар шерга манзур бўлди. Димна шоҳнинг рух-сати билан ўриидан сакраб турди ва йўлга тушди. У чиқиб кетгандан кейин шоҳ ўйга чўмди. Димнани жўнатганилигидан пушаймон бўлди ва ўз-ўзига деди: «Димнанинг фикрини маъқуллаб тўғри иш қилмадим, чунки подшоҳлар саройида бекордан-бекорга зулм кўрган, узоқ вақт яшаб машаққатли ҳаёт кечирган ёки давлат ва ҳурматни қўлдан берган, ёки вазифадан туширилган, ёки ўзи учун фойдали ишлардан четлатилган, ўртоқларининг афв этилганилигини, ўзининг эса маҳкум этилганилигини кўрган, ёки айци бир гуноҳ учун ўз ўртоқларидан кўра оғир жазоланган, ёки айни бир хизмат эвазига ўз ўртоқларига қарагандга жуда оз мукофот олган, ёки душман билан курашиб мағлуб бўлган, ёки динида қаттиқ турмаган, ёки подшоҳнинг зиёдига бўлган ишларда ўзи учун фойда ахтарган, ёки душман томонига ўтиб кетиши мумкин бўлган бир мулоzимни узоқ сипамасдан туриб, душман ёнга юбориш ва уни сирдан воқиф қилиш шоҳ учун яхши эмас, асли шошмаслик керак эди.

Димна кўп нарсани биладиган ва узоқни кўрадиганлардандир. У узоқ муддат менинг даргоҳимда машаққат чекди, лекин эвазига мукофот олмади. Агар кўнглида кири бўлса, хиёнат қиласиди, фитна қўзғатади. Душманни мендан кучли кўрса, унга мойил бўлиб, менинг сирларимни айтиб беради».

Шоҳ бундай ўйлар ичida ҳаяжонлапар, гоҳ турар, гоҳ ўтишар, гоҳ у ён-бу ёнга юрар ва кўзиши Димна кетган трафдан узмас эди.

Ногоҳ узоқдан Димна кўринди, шернинг кўнгли таскини тоиди ва келиб ўз ўрнига ўтириди. Димна келиши билан шер:

— Има қиласидинг?— деб сўради.

Димна деди:

— Мен ўкириб юрган ҳўқиқини кўрдим. Шоҳни безовта қиласига овоз ўшанини экан.

Шоҳ сўради:— У жуда кучлими?

Димна деди:— Мен унда куч-куватдан асар кўрмадим. Унга яқинлашганимда мен билан бир дўст каби сўзчаша бошлади. Менга ҳеч нарса қиласиди, назаримда, унинг табиатида куч-қудрат ва тавозекорликдан кўра кўироқ тамагарлик устун туради. Кўрқмаганим учун уни ортиқча ҳурматлашни лозим кўрмадим.

Шер деди:— Ҳали бу унинг кучсизлигини кўрсатмай-

ди, бу билан алданиб қолмаслик керак, чунки қудратли тұлқынлар катта дараҳтларни құпориб, мустаҳкам биноларни, қалъаларни ийқитиб юборади, лекин кичик ва ноңзик ўт-алафни синдиролмайди. Душман олижаноб ва лутф-карам эгаси бўлмаса, ҳеч ким унинг кучли ва шоншұхратли эканлигини тан олмайди, ҳар кимнинг ўз кучи ва мавқеига қараб муомала қилмоқ лозим...

Димна деди: — Шоҳ бундан ташвиш тортмасалар ҳам бўлади. Агар буюрсангиз, мен бориб уни олиб келайин, у шоҳнинг муте қулларидан бўлсин.

Шер бу сўзларни эшлиб хурсанд бўлди ва уни олиб келишни Димнага амр қилди. Димна Шатрабанинг ёнига бориб тап тортмай у билан сўзлаша бошлади:— Шер сени ўз ҳузурига олиб келиш учун мени юборди. Агар ҳаялламай ҳузурига борсанг, шу пайтгача қилган гуноҳларингдан ўтишга сўз берди. Ўйлаб кўр, буйруққа бўйсунмай бу ерда қолсанг, ўша ондаёқ бориб бор гапни шерга айтиб бераман.

Шатраба деди:— Ахир у шер деганинг ким ўзи?

Димна деди:— У йиртқич ва ваҳший ҳайвонлар подшоҳидир.

Шатраба шер ва ваҳший ҳайвонлар номини эшлиб, қўрқувдан титрай бошлади. У Димнага деди:— Агар менинг саломат қолишимга кафил бўлсанг, сен билан бирга бораман.

Димна онт ичиб, соғ-омон қолишига кафил бўлишини айтди. Ҳар иккovi шернинг ёнига жўнадилар. Шер ҳўқизни меҳрибонлик билан қарши олди ва унинг бу ерларга қачон ва нима учун келганлигини сўради. Ҳўқиз бошидан ўтганиларни сўзлаб берди. Шатраба шу ерда қолса, шер уни ўз марҳамати ва лутф-карамидан баҳраманд этишини айтди. Ҳўқиз розилик билдириб, миннатдорчилигини изҳор этгандан сўнг шерни ўз хизматида қолди.

Шер Шатрабани ҳурмат қилиб, унга ҳаддан ташқари лутф ва марҳамат кўрсатди, уни ўз маҳрамлари қаторига киритди ва синовдан ўткариб ақл-идроқи комил эканлигини кўргач, уни ўзига маслаҳатчи ва сирдош қилиб олди. Шер Шатрабанинг хулқ-атвори билан яқиндан танишгани сари унга бўлган меҳри ошиб борар, кундан-кунга унинг мартабасини кўтарар, борган сари кўп инъомлар берар эди. Ниҳоят, иш шу даражага етди, ҳўқизнинг ҳурмати барча маҳрамларнидан юқори бўлиб кетди.

Димна шернинг ҳўқизга кўрсатаётган бу юксак лутф-карамини, унинг шерга яқинлигини, бошқалардан мансаби ва эътибори ортиб бораётганини кўргач, ҳасади келиб, кўзига дунё қоронғи бўлиб кетди. Димнанинг куни тунга айланди, уйқуси қочди. У бир ерда ўтириб ором ола олмайдиган бўлиб қолди. У Калиланинг ёнига келиб, шикоят қила бошлади:— Биродар, менинг ожизлигим ва хомлигимни қараки, шернинг ишини тўғрилаб, ўз ишимни расво қилиб қўйдим. Ҳўқизни шернинг ёнига бошлаб келганимдан бери унинг мартабаси ортиб бормоқда. Менинг эса даражам қуий тушиб кетди.

Калила деди:— Зоҳиднинг бошига тушган иш сенинг ҳам бошингга тушибди-да!

Димна деди:— Унинг бошига қандай иш тушган экан?

Ҳикоят. Калила деди:— Нақл қилибдурларки, бир подшоҳ бир зоҳидга қимматбаҳо либос ҳадя қилиди. Буни кўрган бир ўғри зоҳиднинг ҳузурига келиб, хизматини қила бошлади, ундан тариқат қонда-қонунларини ўрганишга киришди. Улар дўстлашиб бир ерда яшай бошлабдишар.

Бир кечаси ўғри фурсатни ғанимат билиб, подшо ҳадя қилган либосини олиб кетди. Эртасига зоҳид лўбосни ҳам, янги муридни ҳам топа олмади. У либосни мурид ўғирлаб кетганини пайқаб, уни қидириб топиш учун шаҳарга кетаётгани ўзини, йўлда иккита қўчқорнинг бир-бири билан уришиб турғаниларини кўриб қолди. Иккала қўчқор ҳам бир-бирларини ярадор қилган ва жароҳатларидан қон томар эди. Бир тулки келиб томган қонларни яларди. Икки қўчқор шоҳларини тўғрилаб бир-бирларига ташланганиларида, тулки ўртада қолиб мажақланиб кетди.

Зоҳид кечқурун шаҳарга етиб келди, тунашга жой ахтара бошлади. Ниҳоят, бузук бир хотиннинг уйига туниди. Бу хотин уйида бир неча қиз сақлар эди. Ўлардан бирни ниҳоятда гўзал бўлиб, жамолига жаннатдаги ҳурлар ҳам ҳасад қилиниар эди.

Хотинларни ҳаяжонга соладиган, эркакларда ҳасад ўйготадиган баланд бўйли, хипча бел, ширин сўз бир йигит у қизга ошиқ бўлиб қолган эди ва бошқа эркакларининг унга яқинлашишига йўл қўймас эди... Бу эса ҳалиги бузук хотиннинг қиз туфайли оладиган фойдасини камайтириб қўйди. У, ахир бир кун қиз йигит билан қочиб кетади, деб ташвишланар эди. Шунинг учун йигитни ўлдиришга қарор қилди. Хотин ўз фикрини амалга ошири

моқчи бўлган кечаси зоҳид унинг уйига келиб тушган эди. Хотин ўша қиз ва йигитни жуда кўп май ичирив қаттиқ маст қилиб қўйди. Уларнинг иккаласи қаттиқ уйқуга кетгандарида хотин бир қамишнинг учига заҳар солиб олиб келди. Қамишнинг бир учини йигитнинг бурнига тўғрилаб, бошқа учини эса ўз оғзига олиб заҳарни йигитнинг димогига пулфамоқчи бўлди. Лекин шу пайт йигит тўсатдан аксириб юборди, заҳар хотиннинг оғзига кириб кетди ва шу заҳоти тил тортмай ўлди. Буни кўрган зоҳид эрта билан, қуёш уфқдан бош кўтарганда бу фисқ-фасод ўчоғидан қочиш учун бошқа жой излай бошлади. Зоҳидга бир косибининг раҳми келиб уйига олиб келди ва хотинига зоҳидин яхшилаб кутиб олишини буюриб, ўзи бир ўртоғиникига меҳмонига кетди. Косиб хотинининг ўйнаши бор экан, бир сартарошнинг хотини эса улар орасида воситачи экан. Косибининг хотини эри кетиши биланоқ сартарошнинг хотинини ўйнашиникига юборди, эрим зиёфатга кетди, тез етиб кел, деб айттириб юборди. Кеч кирганда ўйнаш келиб эшик олдидаги пойлаб турган эди, косиб меҳмондорчиликдан қайтиб келди. Авваллари ҳам шубҳаланиб юрган одамини эшик олдидаги кўргач, косиб уйига кириб хотинини роса дўйпослади ва устунга боғлаб қўйди. Узи эса ўрнига кириб ётди. Ярим кечада, ҳамма уйқуга кетганда сартарош хотини келиб деди:— Нима учун ўйнашинини шунчалик мунтазир қиласан? Истамасанг айт, кетсин.— Косиб хотини деди:— Ўртоқжон, агар раҳминг келаётган бўлса, мени ечиб юбор, сени ўз ўрнимга боғлаб қўяй. Дўстим билан кўришиб узр сўрай ва тезлик билан қайтиб келай. Буниңг эвазига нима десанг бераман.— Сартарошнинг хотини унинг гапига кўнди. Косиб хотини уни устунга боғлаб, узи ўйнаши ёнига кетди. Шу пайт косиб хотинини чақириб қолди, сартарош хотини эса, у таниб қолади, деб дамини чиқармади. Косиб яна чақирди, сартарош хотини яна овоз бермади. Косибининг газаби тошиб ўрнидан турди-да, сартарош хотинининг бурнини кесиб қўлига берди: «Буни ўз ошиғингизга туҳфа қилиб юборинг»,— деди.

Бир оздан кейин косибининг хотини қайтиб келиб, дуғонасининг бурни кесилганини кўриб, хафа бўлди ва ундан узр сўради. Кейин уни ечиб юбориб, устунга ўзини боғлади. Сартарошнинг хотини бурни қўлида, уйига жўнади. Зоҳид бутун ҳодисаларни кузатар ва орадан ўтган сўзларни эшитиб ётар эди. Косибининг хотини бир соат

турди, сўнг қўлини дуога кўтариб ёлвора бошлади:— Худоё худовандо, агар эрим мени бегуноҳдан-бегуноҳ бурнимни кесган бўлса, бурнимни ўрнига қўй, аввалгидай бўлиб кетай.— Бу сўзларни эшитган косиб деди:— Эй ҳаромзода жодугар, нималар деялсан?

Косиб хотини деди:— Эй золим, сен менга жабр-ситам қилган бўлсанг, худо менга раҳм қилди, тур, унинг марҳаматини томоша қил. Мен бегуноҳ бўлганим учун худо бурнимни соғайтириди ва халойиқ ўртасида мени шарманда қилмади.

Косиб чироқни ёқиб, хотинининг ёнига келди, қараса, бурни жойида. У дарров гуноҳига иқрор бўлиб, хотинидан узр сўради. Ширин сўзлар билан бундан буён унга озор бермасликка, ярамас, оғзи шалоқ, ёлғончи одамлар бўйтонига ишонмасликка ва ўзининг номусли, дуоси мустажоб хотинини ранжитмасликка сўз берди.

Сартарошнинг бурни кесилган хотини эса уйига келгач, эримга ва қўни-қўшниларга нима дейман, қандай ҳийла ишлатсан экан, деган ўз билан қайғуга ботди. Шу пайт сартарош уйғониб деди:

— Асбобларимни тайёрла, бир мўътабар одамнинг уйига соч олгани боришим керак.

Хотин имирслаб, охири битта устарани очиб, эрининг қўлига берди. Сартарош газаб билан қоронгида устарани хотини томонга отди. Уша заҳоти хотини ўзини ерга ташлаб, «вой бурним, вой бурним!!» деб фарёд кўтарди. Сартарош нима қиласини билмай қолди. Хотинининг қариндошлари ва қўшнилари йиғилиб уни маломат қила бошладилар. Сартарош бечора иқрор бўлишни ҳам, инкор этишини ҳам билмас эди. Ҳар қалай тонг отди, хотинининг қариндошлари сартарошни қозига олиб бордилар. Иттифоқо, зоҳид косибининг уйидан чиқиб қозининг маҳкамасига келган эди. У қози билан қадрдан ошна эди.

Қози сартарошини сўроқ қилди:— Эй уста, бегуноҳ хотинни нега бу аҳволга солдинг?— Сартарош жавоб беришдан ожиз эди. Қози унинг устидан ҳукм чиқармоқчи бўлганида зоҳид ўрнидан туриб деди:

— Эй қози, шошма. Бир сабаби бўлмаганда ўғри тўнни олмасди, қўчкорлар тулкини ўлдирмасди, бузуқ хотин заҳарланиб ўлмасди ва сартарош хотинининг бурни кесилмасди. Мана шу балоларни биз ўз бошимизга ўзимиз орттиридик.

Қози сартарошни қўйиб, зоҳидга ўгирилди ва нима-

пар бўлганини сўради. Зоҳид ҳамма кўрган нарсаларини бошдан-оёқ гапириб берди ва деди:— Агар менда мурид-ларимни, менга тобе одамларни кўпайтириш умиди бўл-маганда эди, ўғрига алданмаган, либосимни олдирмаган бўлардим. Агар тулки баднафс ва тамагир бўлмаса эди, қўчкорлар орасида қолиб ўлмас эди. Кўнгли эгри хотин биронинг ҳаётига қасд қилмаса, ўзи заҳар ютиб жон бермас эди ва сартарошнинг хотини ҳаром ишга ёрдам бермаса, бурни кесилиб расво бўлмас эди.

Калила деди:— Сен бу балони ўз бошингга ўзинг орттирганинги билиб қўй, деб бу масални айтдим. Унинг натижасини ўйлаб кўрмадинг.

Димна деди:— Рост айтасан, бу ишни ўзим қилдим. Энди сен қандай маслаҳат берасан?

Калила деди:— Ўзинг қандай фикрдасан?

Димна деди:— Мен бир ҳийла ишлатиб, усталик билан ўз йўлимдаги ғовни олиб ташламоқчиман. Агар имиллаб фурсатни қўлдан бериб қўйсан, ақлли одамлар олдида хор бўламан. Бунинг устига, мен янги мансаб орқасидан қуваётганим ёки бирор нарса талаб қилаётганим йўқки, мени очкўз ва тамагир десалар. Бир неча нарсалар борки, одамлар уларни қўлга киритиш учун ҳийла ишлатиб, тадбир билан ҳаракат қилишни лозим деб биладилар. У нарсалар қуийдагилардир: қўлдан чиқкан ўлжани яна қайта қўлга киритиш ва зарарли нарсаларни бартараф қилиш; эришилган ютуқни қўлда сақлаган ҳолда, келажакка юз бериши мумкин бўлган фалокатнинг олдини олиш.

Мен аввалги мавқеимга қайтиш ва аввалгидек фарогатда яшаш ниятида бўлганим учун шундай бир ҳийла ишлатайки, ҳўқиқ ср юзи билан видолашиб ер остини ўзига макон қилсин. Бу билан юрагим тинчиди, шерга яқинроқ бўлиб оламан. Шер ҳўқизга марҳаматини ҳаддан ошириб юборди, бу билан ўз маҳрамларини норози қилиб қўйди.

Калила деди:— Ҳўқизнинг мансабини кўтариб шер като қилди, деб ўйламайман.

Димна деди:— У Шатрабага беҳад мурувват кўрсатиб, бошқа хайриҳоҳларни назардан четда қолдирди. Шунга кўра ҳамма шоҳдан ранжиган. Донишмандлар ғайтибурларки, олти нарса подшоҳликнинг душманидир: маҳрумлик, фитна, эҳтирос, оғат, тезлик, тутуриқсизлик. Маҳрумлик — хайриҳоҳларни ўзидан узоқлаш-

тириш, ақл ва тажриба эгаларини ўз вазифаларидаң қуввиш ва шундай қилиб, садоқатли ва истеъдодли одамлардан ажралиш демакдир. Фитна — кутилмаган исен ва ички урушларнинг бошланиши, душман қиличининг ўз филофидан чиқиши демакдир. Эҳтирос — хотинга, овга, кайфу сафога ва ичкилик каби нарсаларга ҳаддан ортиқ майл кўргазишдан иборатдир. Оғат — хасталик, вабо, тошқин, ёнғин каби нарсалардир. Тезлик — жазо ва сиёсатни ҳаддан оширмоқдир. Тутуриқсизлик — дўстлик қилиш лозим бўлган жойда душманлик, яхшилик ўрнида ёмонлик қилмоқ демакдир.

Калила деди:— Айтганларингнинг ҳаммасини тушундим, лекин сен ҳўқизини қандай қилиб ўлдирмоқчисан, ахир унинг кучи сенинг кучингдан ортиқ, ошна-оғайнинари эса сеникidan кўпдир.

Димна деди:— Сен бунга аҳамият берма, чунки ишнинг муваффақияти жисмоний қувватдан ва кўмакчилярнинг кўплигидан бўлмайди. Оталар, маслаҳат ва тадбир билан қилинган ишни қўл кучи билан қилиб бўлмайди, деганлар. Бир қарғанинг ҳийла ишлатиб илондан қасос олганини ўшитмаганмисан?

Калила деди:— У қандай қасос олган экан?

**Ҳикоят.** Димна деди:— Бир қарға тоғдаги дарахтда ўзига ин қурган экан. Унинг яқинида бир илон уяси бор экан. Қарға бола очини билан илон унинг болаларини сб қўяверар экан. Бир куни қарға насиҳат қилмоқчи бўлиб илонининг ёнига келди ва деди:— Ёднингда сақла, шундай масал бор: «Зулм қиличини ишлатган худди шу қиличдан ўзи ҳалок бўлади!»

Бироқ қарғанинг бу насиҳати илонга, албатта, таъсир қилимади. Шундан кейин қарға ўз дўсти шағолнинг ёнига келди ва деди:— Бу золимнинг зулмидан бир илож қилиб қутулмоқчиман.

Шагол сўради:— Қандай қилиб қутулмоқчисан? Қарға деди:— Илон ухлаган вақтда тумшугим билан унинг кўзларини ўйиб оламан, зора шундан кейин жондан азиз болаларим унинг балосидан ҳалос бўлсалар.

Шагол деди:— Бу тўғри тадбир эмас, душманга қарши шундай бир тадбир кўрки, ўзингга зарар етмасин. Сен бу фикрингдан воз кеч. Қисқичбақани ўлдирмоқчи бўлган балиқчи қуш каби ўз азиз жонинги ҳалок қилиб қўйма.

Қарға сўради:— У ўзини қандай ҳалок этибди?

**Ҳикоят.** Шағол деди:— Бир балиқчи қуш күл қирғоғыда ўзига уя қўлган экан. Истаганича балиқ тутиб ер ва роҳат-фароғатда яшаркан. У қариб қувватдан қолгандан кейин овга ярамай қолибди... «Афсус, умрим тез ўтиб кетди ва қариган чоғда тажрибадан бошқа ҳеч нарсам қолмади. Энди қувватим кетганида бирор йўл-топиб, қолган кунларимни кечиришим керак»,— деб қайғуга ботган ҳолда кўл ёқасига келиб қўнди. Шунда узоқдан қисқичбақа уни кўриб ёнига келди ва сўради:— Нима бўлди, нега ғамгин кўриниасай?

Қуш жавоб берди:— Нега ғамгин бўлмайин, ўзинг биласан, менинг тирикчилигим ҳар кун бир-икки балиқ билан ўтарди. Мен шунга қаноат қилиб, ундан ортигини талаб қилмас эдим. Бугун икки овчи бу ердан ўта туриб, бириси деди:— Бу сувда балиқ кўп экан, ов қилайлик. Иккинчиси, фалон сувда балиқ бундан кўпdir, аввал уни овлаб, сўнgra бу ерга келамиз,— деди.

Агар улар қайтиб келишса, бу ердаги барча балиқларни овлаб кетишади. Менга ўлимдан бўлак илож қолмайди. Қисқичбақа бу сўзни эшигтгач, дарҳол бориб ҳамма гапни балиқларга айтиб берди. Балиқлар ҳаяжонга тушиб балиқчи қушнинг ёнига келдилар ва дедилар:— Биз сендан маслаҳат сўрагани келдик. Агар душманнинг ҳам олдига келиб, маслаҳат сўрасалар, у бундан бош тортмаслиги керак (айниҳса, бу маслаҳат унинг ўзига ҳам фойдали бўлса). Сенинг тирикчилигинг биз билан эди, биз омон бўлсак сенинг фойданг-ку. Энди бирор маслаҳат бер, нима қилайлик? Балиқчи қуш деди:— Овчилар билан уришиб бўлмайди, лекин яқин жойда бир кўл борлигини биламан, унинг суви ошиқларнинг кўз ёшидек мусаффо, қирғоғи қамиш билап қопланган... Агар ўша ерга кўчсангиз, саломат қолиб, нозу неъмат ичиди яшайсиз.

Балиқлар дедилар:— Жуда яхши маслаҳат, лекин сен ёрдам бермасанг, биз у ерга қандай кўча оламиз?

Балиқчи қуш деди:— Бу иш қанчалик кўп вақт талаб этмасин, мен сизга ёрдам беришдан бош тортмайман. Тезроқ ҳаракат қилиш керак, овчилар ҳадемай келиб қолишли мумкин.

Балиқлар кўп ялиниб-ёлворишганидан кейин балиқчи қуш ҳар куни улардан бир нечтасини олиб бориб ўша атрофдаги бир тепалик устида еб қорнини тўйғазар эди. Қолган балиқлар бир-бирларига ҳасад қилишар, қачон

бизга гал келаркин, деб шошилар эдилар. Балиқчи қуш эса уларнинг лақмалигига ҳайрон бўлиб, ўз-ўзига дер эди:

— Душманнинг тиљёғламалигига учиб, унга ишонгандарнинг жазоси шунаقا бўладм.

Бир неча вақт ўтгандан кейин қисқичбақа ҳам кўчмоқчи бўлди. Балиқчи қуш уни орқасига олиб балиқлар мозори бўлган ҳалиги тепага қараб парвоз қилди. Қисқичбақа узоқдан жуда кўп балиқ суюгини кўриб воқеани англади ва ўз-ўзига деди:

— Таҳлика вақтида душманга қарши чора кўрмаслик ўз жонинингга қасд қилиш билан баробар. Киши душмандағ ғолиб келса — шуҳрат қозонади, ҳалок бўлса — номи қолади, — шунин деб қисқичбақа балиқчи қушнинг бўйинга қисқичларини чўзиб, бўгзидан олди ва шундай қаттиқ сиқдикни, у беҳуш бўлиб қулаб тушди ва тил тортмай жон берди.

Қисқичбақа ундан қутулиб, балиқлар ёнига сурдалиб келди ва бўлган воқеаларни сўзлаб берди.

Бу масални шунинг учун айтдимки, сен билгин: кўп кишилар ўз макру ҳийласи туфайли ҳалок бўладилар. Мен сенга бир иш ўргатай, шу йўлни тутсанг, ўзинг саломат қоласан, душманнинг илон эса ҳалок бўлади.

Қарға деди:— Оқил дўстлар маслаҳатига кирмаслик аҳмоқликдир.

Шағол деди:— Сен ҳавога парвоз қилиб, уй ва кўчаларга назар сол. Агар кўзинг бирор қимматбаҳо нарсага тушса, уни олиб парвоз қил. Лекин шундай учгинки, одамлар сени кўриб турсинлар ва қимматбаҳо нарсани қайтариб олиш учун орқангдан эргашенилар. Сен илон уясига ҳалиги нарсани ташла. Шунда одамлар илонни ўлдириб, нарсани олиб кетадилар ва сенинг жонинг омон қолади.

Қарға учиб бориб бир ҳовлига қўнди. Бир хотин марваридни ерга қўйинб, юз-қўйини ювар эди. Қарға марваридни олиб қочди ва шағол айтганидек, уни уяси олдида ётган илоннинг ёнига ташлади. Қарғага эргашиб келган кишилар илонни ўлдирилар ва марваридни олиб кетдилар...

Димна деди:— Бу масални шунинг учун келтирдимки, куч билан эришилмаган нарсага ҳийла билан эришса бўлади.

Калила деди:—Хўқиз қанчалик қувватли бўлса, унинг ақли ҳам шу қадар камол топган. Сен уни қандай қилиб алдай оласан?

Димна деди:—Тўғрмайтасан, лекин ҳўқиз менга ишонади, унинг мендан кўнгли тўқ. Шу сабабдан уни алдай оламан, шер қўён ҳийласига ишониб ҳалок бўлгани каби, ҳўқиз ҳам менинг қўйлимда ҳалок бўлади.

Калила сўради:—У қандай ҳалок бўлган эди?

Ҳикоят: Димна деди:—Дейдиларки, гўзал бир ўрмон бор эди. Суви мўл, ўти сероб бўлган бу манзил ёввойи ҳайвонлар учун бир жаннати маъво эди, лекин ўша яқинда яшовчи бир шер уларнинг тинчлигини бузар, еганларини ҳаром қиласар эди. Бир кун ҳайвонлар иттифоқ бўлишиб шер қошига бордилар ва дедилар:—Биз ҳаммамиз сенинг фуқароларингиз, сен эса ҳар куни қийналиб, биттамизни аранг тутиб ейсан. Сен ҳамиша бизни қидириб роҳатингни бузасан, биз эса қўрқув ичидага яшаймиз. Бугун маслаҳатлашиб, сени ҳам заҳматдан қутқариш, ўзимизнинг ҳам роҳатимизни таъмин этиш мақсадида шундай хулосага келдик: агар сен ҳужум қилиб бизни қўрқитмасанг, ўзимиз ҳар куни ўз ичимиздан овқат вақтида сенга бир жонивор келтириб берамиз.

Шер рози бўлди. Бир неча муддат аҳвол шу йўсинда давом этди.

Бир кун навбат қуёнга етди. У ёронларига деди:—Агар мени шоширмасангиз, сизларнинг ҳаммангизни бу қонхўр, ғаддор зулмкорнинг дастидан қутқараман.

Ҳайвонлар дедилар:—Қаршилигимиз йўқ.—Қуён шошмасдан шер олдига равона бўлди, шернинг овқатланадиган вақтида етиб бормади. Шер очиқиб қолди, унинг кўзлари қонга тўлиб, тишларини ғижирлатиб турар эди.

Қуённи кўргач, наъра тортиб деди:—Қаердан келдинг, ҳайвонлар нима қилмоқдалар?

Қуён жавоб берди:—Подшоҳ омон бўлсинлар, ҳайвонлар менга қўшиб яна бир қуённи юборган эдилар. Йўлда ногоҳ бир шер учраб, шеригимни олиб қолди. «Бу подшоҳ ҳазратларига аталган тортиқ, қўйиб юборинг»,—десам: «Бу ер менинг жойимdir, мен кучда ҳам, шону шавкатда ҳам у шердан ортиқман, шунинг учун бу ердаги овлар аввал менга тегишли»,—деб лофтурди. Мен сизга хабар қилиш учун қочиб қошингизга келдим.

Шер ғазаб билан ўрнидан сакраб турди ва:—Уни менга кўрсат!—деди.

Қуён олдинга ўтиб йўлга тушди, шер эса унинг кетидан борарди. Қуён уни бир чуқур қудуқ лабига келтирди. Қудуқнинг суви ниҳоятда тиник эди, кимки унга қараса, ўз аксини аниқ кўрса бўлар эди..

Қуён деди:—Уша шер шу қудуқда, лекин мен ундан қўрқаман, агар сиз мени ўз бағрингизга олсангиз, кўрсатаман. Шер қуёnnи ўз қучогига олиб қудуққа қаради. Қудуқда ўзига ўхшаш бир шерни ва унинг қучогидаги қуёnnи кўрди. Шунда қуёnnи ерга қўйиб ўзини қудуққа отди ва юқорига чиқолмай ҳалок бўлди. Қуён сиҳат ва саломат ҳайвонлар ёнига қайтиб келди. Улар ҳол-аҳвол сўрадилар.

Қуён шернинг сувга гарқ бўлиб ўлганини гапириб берди.

Калила деди:—Агар шерга зиён етказмай ҳўкизни ўлдира олсанг, унинг йўриғи бошқа, чунки ҳеч бир ақлли зот ўз манфаати учун бошлиғига зарар етказмайди.

Шунинг билан уларнинг сұхбати тугади. Димна бир неча кун шернинг ҳузурига бормади. Бир кун шерни ёлғиз топиб ҳузурига кирди.

Шер деди:—Дом-дарагинг йўқ, бир неча кундан бери сени кўрмайман. Нима, бирор ҳодиса рўй бердими?

Димна деди:—Шундай, лекин хилват жойда айтаман.

Шер деди:—Ҳозир айни вақтидир. Тезроқ айт, чунки кечиктириб бўлмайдиган бошқа муҳим ишларим бор.

Димна деди:—Ҳукмдорнинг кўнглига ёқмайдиган сўзлар демоққа ва насиҳат қилмоққа ҳар ким ҳам журъат эта бермайди. Лекин ҳукмдорнинг ақли расо бўлса, айниқса, агар айтилган сўзлар унинг фойдасига хизмат қилса ва айтувчининг ўз бурчини бажариб яхшилик қилишдан бошқа ҳеч қандай мақсади бўлмаса, у бу сўзни айтмоғи ва ҳукмдор эса унга қулоқ осморилозим. Агар сўз айтилиб бўлгандай кейин сўзловчининг жони саломат қолса, бу унинг учун энг юксак мукофот бўлди. Бу сўзларни шунинг учун ҳам айтса бўладики, подшоҳнинг ақли расо, у камолотда бошқалардан ниҳоятда устундир. Бунга кўра у айтиладиган сўзларни шоҳларга хос бўлган вазмийлик билан эшига олади. Менинг айтадиган сўзларим мухаббат ва садоқат меваси бўлиб, уларда ёлрон ва риёкорлик йўқлиги ойдиндир. Бутун ваҳшний ҳайвонларнинг тирикчилиги сизнинг ҳаётингиз-

га боғлиқ эканлиги маълумдир. Ақлли ва олижсаноб одамлар айтилиши лозим бўлган гапларни шоҳга, айтмасалар, касалликларини табибдан яширсалар, хавфхатар яқинлашашётганидан дўстларни огоҳ қилмасалар, ўзларига хиёнат этган бўладилар.

Шер деди:— Сенинг самимий ва садоқатли эканлигинг менга маълум. Қилаётган ишларинг бундан далолат беради. Агар янги бирор нарса сезган, билган бўлсанг, айт, самимиятинг ва садоқатнинг яна бир мартаба кўрсат.

Димна деди:— Шатраба, аркони давлат ва лашкар бошилар билан яширипча кенгашиб, дебдики: «Шерни синадим, куч ва қувватининг даражасини, фаҳм ва фаросатининг савиясини ўргандим. Уларнинг ҳар бирида катта бир нуқсон кўрдим».

Шундан мен унинг кўринаамак ва хиёнатй эканлигини пайқадим. Сиз эса, шоҳим, бу ионкўр ва виждонсизга ҳаддан ортиқ марҳамат кўрсатдингиз, ҳурмат ва нуфузда уни ўзингиз билан баробар даражага кўтардингиз. Жиддий масалаларни ҳал этиб ҳукм чиқаришда унга шунчалик катта ҳуқуқ бердингизки, энди фитна деви унинг дилига тухум қўйди ва шоҳлик ҳаваси уни васвасага сола бошлади. Донишмандлар айтибдурларки, агар подшоҳ, ўз мулозимларидан бирортасининг шаъншавкат, мол-дунё ва нуфузда ўзига баробар бўлиб қолганлигини сезса шу ондаёқ уни йўқотиш керак, йўқса, ўзи ҳалок бўлади. Бу ишда қандай йўл тутиш лозимлигини шоҳнинг ўзи ҳаммадан яхши билади. Лекин менинг фикримча, ҳўқизнинг масаласини кечиктириб, фуреатин кўлдан берни бўлмайди. Чунки шу даражага етиши мумкини, у вақт ҳеч қандай тадбир фойда бермай қолади. Донишмандлар, инсон икки нав: ҳушёр ва тадбирсиз бўлади, дейдилар. Ҳушёр одамлар ҳам икки хил бўладилар: улар бирни хавф юз беришидан илгари унинг олдини оладилар, иккинчиси ҳодиса содир бўлгандан кейин ўзларини йўқотиб қўймай, дарҳол чорасини кўриб, балони даф қиласадилар.

Ақлли одамлар ҳамиша ҳушёр бўладилар, ҳодисалар жиловини ўз қўлларида сақлаб, хавфли гирдобга тушмасдан соҳилга етиб оладилар...

Тадбирсиз одамларга келсак, улар иккilonanadig'an, жасоратсиз, тез-тез фикрларидан қайтадиган бўладилар, бир ҳодиса рўй бўрганида улар ўзларини йўқотиб қўя-

дилар. Ўз бахтларини сақлаб қолиш қобилиятидан маҳрум бўлганликларидан оҳ-воҳ қила-қила, ўзларини ҳар ёққа урадилар. Уч балиқ ҳикоясидаги кун уларнинг бошига келади.

Шер сўради:— Қандай бўлган эди?

Ҳикоят: Димна деди:— Нақл қилибдурларки, йўлдан узоқ, ўткинчилардан холи бир ерда кўл бор эди. Унда уч балиқ яшар эди. Булардан иккиси тадбирчан ва эҳтиёткор, бири эса хом ва тажрибасиз эди. Кунларнинг бирида тасодифан икки овчи кўл ёнидан ўтиб қолди, кўзларни учта балиққа тушди. Улар эртага келиб учала балиқни тутишга ваъдалашиб жўнаб кетдилар. Балиқлар уларнинг сўзини эшишган эдилар. Уларнинг бири тадбирли бўлиб, золим замонанинг зулми ва гаддор фалакнинг вафосизлигини кўрган, ақл ва тажриба ортирган эди. У дарҳол эҳтиёт чорасини кўриб, сув келар тарафдан чиқиб, бошқа кўлга бориб олди. Кўп вақт ўтмай балиқчилар келиб, сувнинг кирап ва чиқар томонини маҳкам бекитдилар.

Биринчи балиққа нисбатан тажрибасизроқ, лекин ақл ва фаросатдан маҳрум бўлмаган иккинчи балиқ вазиятни кўриб шундай деди:— Фурсатни қўлдан бердим, ғоффиллар ишининг охири шундай бўлади. Энди тадбир ва ҳийланни ишга солиш пайти келди. Типирчилаб у ёқ-бу ёққа қочган билан фойда йўқ. Умидсизликка тушмай, најот йўлини ахтармоқ керак.

Шуни деб балиқ сув юзига қалқиб чиқди ва ўзини ўлганга солиб ётди. Бир балиқчи уни олиб, ўлган гумон қилди ва сув чиқиб кетадиган ариқ бўйига ташлади. Балиқ судрала-судрала оқар сувга тушиб олди, ҳийла ишлатиб ўз жонини кутқарди.

Хом ва тадбирсиз балиқ эса ўзини йўқотиб, у ёқдан бу ёққа қочиб юрар, гоҳо сув остига шўнғир, гоҳо юзага чиқар эди, оқибат балиқчилар тўрига илинди.

Шер айтди:— Масала равшандир, лекин Шатраба мендан шунча марҳамат кўргандан кейин хиёнат қилиш фикрига тушади, деб ўйламайман. Ахир шу вақтга қадар унга яхшиликдан ўзга нарса қилинмаган эди-ку!

Димна деди:— Шундайдир, подшоҳнинг қилган катта яхшиликлари уни шу фикрга олиб келди... Шармиз одамлар орзу этган вазифаларида етишгунча самимий ва садоқатли бўладилар, бу вазифага эришишлари билан ўзлари лойиқ бўлмаган яна юксак мартабани эгал-

лаш хаёлига тушадилар ва бу йўлда ҳийла ҳамда хиёнат кўчасига кирадилар. Разил одамлар қўрққанларидан хизмат қиласилар ва ўз муҳаббатларини изҳор этадилар.

Шер деди:— Менинг фикримча, Шатрабанинг кўнгил ойнаси чангдан холи ва кўнгли бу хаёлдан покизадир! Мен ҳамиша унга иноятлар қиласар эдим, наҳот ёмонликни ўйласа!

Димна деди:— Подшохга маълумдирки, фикри бузук одам ҳеч қачон ростгўй бўлмайди. Йўлдан озганни жазо ва мукофот билан ҳамма вақт ҳам тўғри йўлга солиб бўлавермайди. Қулоқларига тошбақа билан чаён қиссани чалинмаган эдими?

Шер деди:— Қани, сўйлаб бер.

Ҳикоят. Димна деди:— Бир тошбақа билан бир чаён дўст эдилар. Улар бир кун сафарга отландилар. Ногоҳ йўлда бир анҳорга дуч келдилар. Чаён ўта олмаслигини сезиб, ҳайрон бўлиб тўхтади.

Тошбақа деди:— Эй азиз дўстим, сенга нима бўлди, ғамгин бўлиб турибсан?

Чаён деди:— Биродар, мен бу сувдан қандай ўтаман деб ҳайронман.

Тошбақа деди:— Фам ема, орқамга миндириб, сени сувдан бехатар ўтказиб қўяман.

Тошбақа чәёни орқасига міндириб сувга тушди, сузуб бораётганида унинг қулоғига бир нарсанинг тиқирилагани эшитилди ва чаённинг ҳаракатидан шубҳаланиб сўради:— Эшитаётганим қандай овоз, сен нима қиляпсан?

Чаён жавоб берди:— Ишишининг найзасини сенинг қалқонишга уриб синаб кўрмоқдаман.

Тошбақа деди:— Эй бемуруват, мен ўзимни гирдобга ташлаб, сени сувдан бехатар ўтказмоқчи бўлсаму сен орқамга ниш урсанг. Биласанки, найзанг менинг қалқонимга зарар етказолмайди.

Чаён деди:— Менинг табиатим, хоҳ дўст орқасига бўлсин, хоҳ душман сийнасига бўлсин, ниш урмоқни тақозо этадур.

— Донишмандлар зоти ёмонни тарбияласанг, обўйингдан маҳрум бўласан, деб бекорга айтмагандар.

Шуни деб тошбақа сувга шўнғиди, чаён эса сувга тушиб ҳалок бўлди.

Бу масални шунинг учун келтирдимки, Шатрабанинг зоти ёмон, ўзи нопок.

Шундай қилиб, Димна ҳийла ангиз сўзлар билан ўз мақсадига эриши, сувни лойқалантириб, шернинг ғазабини кўззатга олди.— Айтибдурларки, подшоҳ ўз мулоғимларига ҳаддан ортиқ марҳамат ва лутф-карам кўрсатмаслиги керак, токи улар бошқа каттароқ нарса умидида душман тарафига ўтиб кетмасинлар; шундай қилиш керакки, улар хавф ва эҳтиёж, қўрқув ва умид орасида яшасинлар; на умидсизликка тушсинлар ва на қутуриб кетсинлар., Эгри одамдан тўғрилик келмаслигини подшоҳ билмоғи керак. Йўлдан озган одамни жазо бериш билан тўғри йўлга қайтариш ҳар гал мумкин бўлаверадиган иш эмас. Итнинг қайрилма думини қанчалик маҳкам boglab қўйманг, у тўғри бўлмайди, боғни ечган замониқ аввалги ҳолига қайтади. Кимки аччиқ бўлса ҳам ўз дўстлари насиҳатига қулоқ солмас экан, ишининг оқибати пушаймонлик бўлади. Бу — ҳаким буюрган дориларни ишлатмай, парҳез қилмай, ўзининг кўнгли тилаган таомларни еган, истаган ичимликларни ичган беморнинг ҳар дақиқа дарди оғирлашиб кетгани кабидир... Шоҳнинг мулоғимлари уларга қилинган яхшиликлар эвазига ўз билганинги шоҳларга айтиб туришга мажбурдирлар. Шоҳлар ҳам буни талаб қилишга ҳақлари бор, Шоҳдан ҳеч бир нарсани яширмаганлар мулоғимларнинг энг содиқларидир. Охири хайрли бўлган иш энг яхши саналади. Энг яхши одамларнинг мақтови энг олий мукофотdir. Эҳтиёж сезилмаганда ҳам ҳар бир ишда яқиндан ёрдам берувчи дўст — дўстларнинг энг яхшисидир. Мулойимлик ва соғдиллик энг яхши хислатлардандир. Очкўз ва хасис бўлмаган — одамларнинг энг бадавлатидир. Давлатдан мағурурланмаган, камбағалликдан руҳий тушкунликка тушмаган — инсонларнинг энг комилидир...

Тўшаги тикадан, ёстиги илондан бўлган одамнинг уйқуси ширин бўла олмайди. Инсон идрокининг расолиги, ақли комиллигининг аломати шуки, дўстлардан бири душманлик қиласа ва ё мулоғимлардан бири фурурланиб кетса, бунга қарши дарҳол чора кўради, фурсат топиб, зиён етказмасдан бурун уни бир ёқлиқ қиласи. Чунки душманга муҳлат берилса, унинг қудрати ортади, вақт берилса, куч йигади...

Ишишинг аввалию охирини тушунмаган, катта ҳоди,

ғалар юз берганда яхши тадбир кўра олмагац, фурсат қўлдан кетгандан ва душман голиб келгандан кейин ўз яқинларини койиб ҳар бирига бир жазо берган шоҳ подшоҳларнинг энг ожизидир... Мамлакатни идора этиш шартларидан бири ҳамлага тайёрланган душманни дарҳол бартараф этишдир.

Шер деди:— Сенинг сўзларинг жуда даҳшатли ва қаҳру ғазаб билан сугорилган. Лекин хайриҳоҳ одамнинг сўзларига қулоқ осмаслик тўғри эмас. Шатраба душманлик фикрига тушса, унинг етказа оладиган зарарлари мени қўрқитолмайди. Чунки у менинг таомимдир. Унинг емиши ўт-алаф, менини эса гўштдир. Бунинг устига, у билан менинг орамизда салом-алик, ишонч, ҳурмат бор. Дебдурларки, ақлли одамлар ишончга хиёнат этмайдilar. Энди мен нимага асосланиб Шатрабага хиёнат қила оламан? Мажлисларда такрор-такрор уни мақтаб, ундан рози эканлигимиш, унинг ақли ва фаросатидан мамнунлигимиш, унга содиқлигимиш ҳамиша айтиб келганман. Энди бу айтганларимнинг ақсини қисам, мен сўзимнинг устидан чиқмайдиган ва тез-тез фикридан қайтадиган одамдек бўлиб қоламан. Бундан кейин ҳеч ким мен берган ваъдаларга юракдан ишонмай қўяди.

Димна деди:— «Шатраба менинг таомимдир», деб шоҳ алданиб қолмасинлар. Шатраба ўзи бир нарса қила олмаса ҳам атроғига дўстларини тўплаб, ҳийла ва риёкорлик билан мақсадига етиши мумкин. Бутун йиртқич ҳайвонлар унинг тарафиға ўтиб кетадилар, деб қўрқаман. Чунки Шатраба уларнинг қалбida сенга адоват, ўзига рағбат ҳиссини уйғотган. Буларнинг устига, агар Шатраба бошқаларни сенга гижгижлатолмаган тақдирда ҳам унинг ҳижрони висолидан яхшироқдир.

Шер Димнадан сўради:— Хўш, энди нима қиласай?

Димна деди:— Чириган тишни суғуриб ташламагунча оғриғи қолмайди... Ҳазм бўлмаган таомни қайт қилиб ташламагунча, кўнгил беҳузурлиги босилмайди. Яхшиликни билмаган, дўстлик ўрнига душманлик хаёлига тушган ярамас рақибни ҳалок қилмагунча, унинг дастидан қутулиб бўлмайди.

Шер деди:— Сенинг сўзларингдан кейин Шатрабанинг дийдорини кўришни ҳам истамайман. Бирортани юборай, бориб унга қаерга хоҳласа кетавериши мумкинлигини айтиб келсин, асло кўзимга кўринмасин.

Димна, бу сўзлар Шатраба қулогига етиб борса, у дарҳол ўзини оқлаш учун далиллар келтиришини, Димнанинг ёлгои гапириб, ҳийла ишлатганини фош этишини яхши билар эди. Шунинг учун тезда шерга деди:— Эҳтиёткорлик жасурликнинг фазилатидир. Бундай қилишга маслаҳат бермайман, чунки айтилмаган сўзларни ҳар қачон ҳам айтса бўлаверади, лекин айтилган сўз эркин ҳаракат этмоққа халал етказиши мумкин.

Айтилган сўз — отилган ўқ, уни қайтариб бўлмайди... Мабодо Шатраба бу хабарни эшитса, ўзининг фош этилишини билиб қўшин тўплаши, шайланган ҳолда урушгани келиши мумкин.

Ақл ва тажриба эгалари ошкора гуноҳ учун яширин жазо ва аксинча, яширин гуноҳ учун ошкора жазо беришни маслаҳат кўрмайдилар.

Шер деди:— Ҳеч қандай далил бўлмасдан, фақат гумонга асосланиб яқинларни узоқлаштириш, уларни ҳалок этишга интилиш — ўз илдизига ўзи болта уриш демақдир. Подшоҳлар бутун ишларда, хусусан, мукофот ва жазо беришда атрофлича мулоҳаза юритмоқларидаркор.

Димна деди:— Шоҳнинг айтганлари тўғри. Лекин бу ҳийлагатар келгунча фурсатни қўлдан бермай, яхши ҳозирлик кўрмоқ керак. Шатрабага диққат билан қаралса, унинг қандай фикрда эканлигини жирканч башарасидан ҳам билса бўлади. Чунки дўст билан душман орасидаги фарқ, уларнинг қарашлари, юриш-туришларидан кўзга ташланиб туради. Хиёнат йўлига кирган бўлса, унинг ташки белгилари қўйидагича бўлади: кайфияти бузилади, кўзи олазарак бўлади, ўнг ва сўлга аланглайверади, шоҳни сузиб олишга тайёрланиб тургандай бўлади.

Шер деди:— Бу бошқа масала. Агар ҳақиқатан ҳам мен бу белгилардан бирортасини унда кўрсам, ўша замоноқ шубҳаларим тасдиqlанади.

Димна шернинг бу сўзларини эшитгач, ўз ҳийласи таъсир этганини англади ва ҳўқизни ҳам йўлдан уриш учун унинг ёнига жўнашликка қарор қилди. Лекин шерда шубҳа уйғотмаслик учун аввал ундан ижозат олишни лозим кўрди.

— Ижозат берсангиз, Шатрабанинг ёнига борай, унинг қандай фикрда эканлигини билиб, сизга хабар қиласай.

Шер изожат бердй.

Димна бошини қуий солиб ғамгин ҳолда Шатраба-нинг ёнига келди. Шатраба уни меҳрибонлик билан қарши олиб деди:— Бир неча кундан бери сени қўрмай-ман, қайфиятинг қалай?

Димна жавоб берди:— Ихтиёри ўз қўлида бўлмаган, бошқалар амрига муте бўлган, ҳамиша қўрқув ва ити-роб ичидаги яшаган, бир дақиқа бўлса-да, эркин нафас олиб, юракдаги сўзларини айтотмайдиган кимсанинг қайфи нечук бўлур эди!

Ҳўқиз деди:— Нима бўлди ўзи?

Димна деди:— Нима бўларди, ҳеч нарса. Инсоннинг манглайига нима ёзилган бўлса, ўша бўлади... Ҳеч толеидан қочиб қутулган одамни учратдингми? Кимни кўрдингки, хотинлар сұхбатидан бирортасига мафтун бўлмаган бўлсин? Ярамас одамларга иши тушиб, хор бўлмасин? Фитначи одамлар билан улфатчилик қилинди, охирида ўзи пушаймон бўлмасин? Подшоҳлар муло-заматидаги бўлсин-да, яна бунинг устига жони саломат қолсин?

Шатраба деди:— Сўзларингдан кўринадики, щердан сенга озор етган ва унинг қаҳридан қўрқасан.

Димна деди:— Тўғри. Лекин ўзим учун қўрқмайман, балки дўстлар учун таҳликага тушиб қолганиман. Сенга дўст эканлигим, орамиздаги дўстлик алоқалари, биринчи дафъа шер мени сенинг олдингга юборганида сенга ҳалол хизмат қилинганим ўзингга маълум. Шунинг учун ҳам мен бирон яхши ё ёмон, хайрли ё заарли ҳодисани сезсам, уни сендан яширломайман.

Шатраба деди:— Эй аҳдига вафодор, азиз дўстим! Сўзла ва тезроқ мени бўлган ҳодисалардан хабардор қил!

Димна деди:— Бир эътиборли одам шер оғзидан шу гапларни эшишибди: «Шатраба жуда яхши семирибди, кўрганда оғзингнинг суви келади. Унинг бу ерда тирик қолишиниң маъноси йўқдир... Жониворларни унинг ширин гўшти билан меҳмон қилисан». Бу гапни эшигач, шернинг нақадар қонхўр ва йиртқич эканини пайқадим, сени хабардор қилиб, қардошлиқ бурчимни бажо келтирай, деб тезда сенинг ёнингга келдим. Бу билан дўстлик, виждан ва аҳду паймон шартларини адо этдим.

Энди биргина йўл бор — тезда бир чора қўриб, ҳийла билан жонингни сақлаб қодишинг керак.

Шатраба Димнанинг айтганларига диққат билан қулоқ солди. Шернинг берган ваъдалари, ичган онтларини эслаб, деди:— Шернинг мендан ғазабланишига асос йўқ, чунки унга шу вақтгача мендан ҳеч бир хиёнат содир бўлмади. Менинг ҳақимда шерга ёлғон сўзлар сўзлаб, уни йўлдан чиқарганлар, шер ҳам шундай муло-зимларнинг бўхтон ва ифтиrolарига ишониб, мендан аччиқланган. Шернинг хизматида хоин мулоzимлар кўп. Фитначилар билан дўст бўлган кимса, энг яхши одамлар ҳақида ҳам ёмон фикрда бўлади, вақт ўтгандан сўнг кўзлари мөшдек очилиб, пушаймон ейди. Бу худди ўрдакнинг хатосига ўхшайди!

Димна сўради:— У қандай хато қилган экан?

**Ҳикоят.** Шатраба деди:— Бир ўрдак тиниқ сувда ойни кўриб, уни балиқ деб ўйлади ва сувга шўнғиди, лекин ҳеч нарса топмади. Бир неча марта баҳридан кечди. Бир неча кундан кейин ўрдак бу ишнинг баҳридан кечди. Бир неча кундан кейин кўлга расмана балиқлар сузуб келдилар, лекин ўрдак ҳар гал балиқ кўрганда уни ойнинг акси гумон қилиб, уларни тутиб ейишга ҳаракат қилмади. Шундай қилиб, янгиш тажриба натижасида у ҳамиша очлик бирла кун кечирди.

Агар шерга менинг ҳақимда ёмон ғараз билан гап айтган бўлсалар, шер ҳам бошқа хиёнатлар шоҳиди бўлганилиги учун бунга ишонгани... Агар шер сабабсиз мендан нафрат қилаётган бўлса, бу ниҳоятда афсусланарли ва таажжубланарни ҳодисадир. Агар газаб ва норози-лигининг бирор сабаби бўлса, узр сўраш ва хатони тузатиш ўйли билан уни рози қилиш мумкин. Лекин фитначилар қурган ҳийла тузофини бузмоқ ва ҳақиқатни очмоқ ғоят мушкулдир. Чунки ёлғон ва фитнанинг ҳадди ҳудуди бўлмас, у бора-бора ортар, лекин озаймас. Шер билан менинг муносабатимни бузадиган ҳеч бир воқеани эслай олмайман... Ёлғиз айрим вақтларда мен яхши, ният билан унинг баъзи фикрларига қўшилмаган эдим, наҳотки шуларни беодоблик ва беҳурматлик ҳисоблаган бўлса? Лекин мен айтган сўзларинг ҳаммаси хайрли ва фойдали эди. Уларни ҳам ҳеч вақт одамлар олдида айтмас эдим, айтганда ҳамиша таъзим бажо келтириб, эҳтиёткорлик билан қаттиқ ботмайдиган қилиб айтар эдим...

Насиҳатнинг хиёнатга, хизматнинг адоватга сабаб бўлиши ҳеч ақлга сифмайдиган нарсадир...

Хар кимки маслаҳат вақтида маслаҳатчининг сўзи га, муолижа чогида табибнинг, шарнат масалаларида зоҳиднинг сўзи га кирмаса, яхши иш фойдасидан, муолижа шифосидан ва ибодат савобидан маҳрум бўлади. Балки шернинг ғазабига салтанат истиғноси ва подшоҳлик сармаслиги сабабдир. Подшоҳликдан маст бўлган шоҳларнинг кўзига хоинлар содиқ одамлар сиймосида, содиқ одамлар эса хоинлар қиёфасида кўринадилар. Шунинг учун олимлар дебдурларки, «Наҳанг бирла дарёда ўйнашмоқ ҳавфлидир, лёкин шоҳларга яқинлик қўлмоқ бундан ҳам қўрқинчлидир». Шоҳ хизматининг озори кўп ва зарари бениҳоядир. Ҳикмат аҳли шоҳларни оловга ўҳшатибдурлар. Узоқдан ўтнинг нурини кўрганлар, унинг куйдиришини хаёлларига келтирмайдилар, гумон қиладиларки, сultonга яқин бўлишда манфаат кўпdir, ҳақиқатда эса бундай эмас. Сultonнинг юз йиллик инояти унинг бир соатлик сиёсати билан ҳам баробар эмас. Бу, лочин билан товуқ мунозарасига ўхшайди.

Димина сўради:— Улар қандай мунозара қилибдилар?

Ҳикоят. Шатраба деди:— Бир кун лочин товуққа, дебди:

— Эй товуқ, сен бевафо ва аҳдингда турмайдиган бадфеъл паррандасан.

Товуқ сўради:— Мендан қандай бевафолик содир бўлди?

Лочин деди:— Бевафолигинг аломати шуки, одамлар сенга кўп яхшиликлар қиладилар. Уйларида дунёга келибсан, сув ва донларини еб катта бўлибсан, яна сени ит ва күшлардан асрайдилар. Лекин қачонки сени тутмоқчи бўлсалар, томдан-томга қочасан ва нола қиласан, тузларининг ҳақини оқламайсан, валишеъматингдан кўрқасан. Мен эса ваҳшӣ жониворман. Лекин агар бирорикни кун улар билан улфат бўлсан, қўлларидан таом есам, тузларини оқлайман. Уларга ов қилиб бераман. Узоққа кетган бўлсан, чақирсалар, учиб келаман.

Товуқ деди:— Гапинг рост. Сенинг учиб келишинг ва менинг қочишимнинг боиси бор, сен ҳеч қачон лочиннинг сихга тортилганини кўрганимисан? Мен эса анча товуқларнинг сихда бирён бўлганларини кўрдим. Агар сен кўрган бўлсайдинг, уларнинг ёнига сира йўламас эдинг, мен томма-том қочсам, сен тоғма-тор қочардинг.

Бу масални шунинг учун келтирдим, билиб ол: шоҳ-

ларнинг сиёсатларини кўрганлар тинчларини йўқотадигар.

Шатраба сўзида давом этиб деди:— Балки менда бўлган истеъдод шоҳнинг ғазабига сабаб бўлгандир. Чунки яхши отни кучли ва чопқир бўлганлиги учун жиловлаб минадилар. Мевали дарахтнинг шоҳини меваси борлиги учун синдирадилар, товус эса гўзаллиги учун ҳамиша пати юлуқ ва қаноти қирқиқ бўлади.

Хунар эгаларини ҳамиша истеъдодсиз ва баҳил одамлар оёқ ости қиласидилар, улар олчоқ ва разил одамларнинг нафрат ва ғазабига сабаб бўладилар. Истеъдодсиз, баҳил, олчоқ ва разил одамлар истеъдодли ва олижаноб одамлардан кўпdir, шунинг учун ғийбат ва бўхтон билан яхшиларни ҳалок этадилар. Хасис сахийни кўрса, жоҳил олим билан мажлисга тушса, аҳмоқ оқил билан суҳбат қурса, юраклари сиқилиб, қонлари қайнаб кетади. Истеъдодсиз одамлар хунар эгаларини ерга уриб, уларни гуноҳкор қилиб кўрсатишга ҳаракат этадилар. Диёнатни жиноят қилиб кўрсатадилар, баҳт-саодат воситаси бўлган хунар ва истеъдодни баҳтсизлик василасига айлантирадилар.

Агар тақдир тақозо қилган бўлса, феъли айнинг подшоҳга қарши туриш қутурган шерни занжирлашдан, заҳарли илонини тутишдан қийин.

Димина деди:— Шернинг бу қарорининг сабаби ёвузларнинг тұхмати эмас. Очигини айтганда, у кучли, золим, ғаддор, ҳийлакор ва хоиндир. Бунақаларнинг дўстлигининг аввали ҳаёт каби ширии, сўнги эса ўлим каби аччиқ бўлади.

Шатраба деди:— Тўғри айтасан, мен шернинг хизматига кириб хатога йўл қўйдим... Ажал ҳайдаб мени бу ерга олиб келган экан. Йўқса, мен қайда-ю, шер билан дўстлик қайда?! У гўшт ейди, мен эса ўт, Мен унинг таоми, у эса менинг душманим! Толсем шу экан! Мени гирдобга ташлаган нарса очкўзлик, бойлик ва дабдаба, шаъни ва шавкат ҳирсига бўлди... Асалари нилуфар гулларнинг рағнини кўриб, дарҳол унга кўнади, ширасини сўриб, ҳидидан завқланга бошлайди. У бу ишга шундай берилиб кетадики, учиб кетиш кераклигини унутиб қўяди. Нилуфар секин-аста ўз япроқларини юмади ва асалари улар ичидаги қолиб ҳалок бўлади. Уз қисматига рози бўлмай, ортиқча нарсалар талаб қилган одам, гўзал чаманликларда ранг-баранг чечакларнинг хушбўй

ҳидига ва яшил япроқли дараҳтларнинг мевалариға қа-  
ноат қилмай, филнинг қулоғига кирган ва қулоғининг  
бир ҳаракати билан ҳалок бўлган пашшага ўхшайди.  
Қадр-қимматни билмаган одамга хизмат қилмоқ — шўр  
ерга уруғ сепмоқ, ўлик билан кенгашмоқ, кар қулоғига  
ҳикмат дарси ўқимоқ, оқар сув юзига ғазал ёзишга  
уринмоқ билан баробар...

Димна деди:— Бу сўзларни қўй, ўзингни қутқариш  
учун бирор чора кўр.

Шатраба деди:— Мен пима ҳам қила олар эдим? Шер  
мен тўгримда ёмон фикрда бўлмаса ҳам унинг яқинлари  
мени ўлдиromoққа саъӣ қилмоқдадар. Агар шундай бўл-  
са, бирор чора кўрмоқ мушкулдир. Чунки золимлар бир-  
бирларига қўшилиб бирорвга маҳв этишга қасд қилсалар,  
биргалашиб шердан голиб чиқсан бўри, зоф ва шағол  
каби ўз мақсадларига эришадилар.

Димна сўради:— У қандай бўлган эди?

**Ҳикоят.** Шатраба деди:— Нақл қилурларки, бир зоф,  
бўри ва шағол бир шернинг хизматида эдилар. Улар-  
нинг маскани йўл устида эди. Бир кун бир савдогарнинг  
туяси карвондан айрилиб ўрмонга келиб қолди. Шерни  
кўргач, унга бош эгиб салом берди. Шер ҳам мулоим-  
лик билан бу ерга қандай келиб қолганлигини су-  
риштириди. Туя аҳволни гапириб бергач, шер:— Энди  
қаерда турмоқчисан?— деб сўради.

Туя деди:— Шоҳимнинг ихтиёри нима бўлса шу.

Шер деди:— Майлинг бўлса, менинг ёнимда қолиб  
роҳат-фароғатда яшашинг мумкин.

Туя буни эшишиб шоду ҳуррам бўлди, ўша ўрмонда  
ўтлаб семириб юраверди. Кунлардан бир кун шер овга  
кетаётганда бир маст филга дуч келди. Ўрталарида  
шиддатли уруш бошланди. Шер оғир ярадор бўлиб инг-  
рай-инграй ўрмонга қайти ва бир бурчакда инграб ёт-  
ди. Бир неча кун овга чиқа олмади. Шернинг овига  
шерик бўлиб юрган бўри, зоф ва шағол оч қолдилар.  
Буни сезган шер уларга деди:— Оч қолиб қийналёт-  
танга ўхтайсизлар, бу яқинда бирор ов кўрсангиз хабар  
беринглар, мен уни ушлаб парчалай. Сизнинг ҳам қор-  
нингиз тўяди, менинг ҳам. — Улар ташқари чиқиб масла-  
ҳат қилдилар: — Туя бизнинг орамизда ортиқча. Унинг  
шерга нима нафи бору бизга нима фойдаси? Ҳеч бири-  
мизга ўртоқ бўла олмайди. Ҳозир шерни мажбур қила-  
миз, уни есин, қолдиги бизга тегади.

Шағол деди:— Бу гапни шерга айтиб бўлмайди,  
чунки шер унга омон бериб ўз хизматида олиб қолган.  
Кимки подшоҳни хиёнатга йўллаб аҳд-паймонни бузиш-  
га даъват этса, дўст-ошналарини бало тузогига таш-  
лаган бўлади, бахтсизлик ўқини қаратган бў-  
лади.

Зоф деди: — Бу бобда шундай ҳийла ишлатиш керак-  
ки, подшоҳнинг ўзи ўз аҳдини бузишга мажбур бўлсайн.  
Сизлар шу жойда тек туринглар, мен ҳозир келаман.—  
Зоф учуб шер қаршисига борди ва таъзим қилиб турди.

Шер сўради:— Бирор нарса топдингизми?

Зоф деди: — Очликдан кўзларимиз ҳеч нарсани қў-  
ролмайди. Агар подшоҳ розилик берса, ҳаммага етади-  
ган бир неъмат бор.

Шер деди:— У нима деганинг?

Зоф деди: — Ана у тия бизларнинг орамизда бего-  
надир. Унинг бу ерда юришидан шоҳга ҳеч фойда  
йўк.

Шер ғазаб билан деди:— Бу гапинг инсоф ва мурув-  
ватдан эмас, буни виждан қабул қилмайди. Мен тияга  
берган ваъдамни қандай қилиб буза оламан?

Зоф деди:— Мен буни ҳам ўйлаб қўйдим. Донишманд-  
лар айтибдурларки, фалокат юз бергандা бир кишини  
бир оила учун, бир оиласи бир қабила учун, бир қаби-  
лани бир шаҳар учун, шаҳар аҳолисини эса подшоҳ учун  
фидо қилса бўлади. Аҳдин бузмаслик учун ҳам бир важ-  
ва бир илож топилади. Шунда аҳд ҳам бузилмаган бў-  
лади, подшоҳ ҳам очлик таҳликасидан қутулган бўла-  
ди.— Шер буни эшитгач, бошини қуий солиб ўтириди.

Зоф ўз ёронлари қошига келиб деди:— Шер бошда  
ғазабланиб гапимга қулоқ солгиси келмади, охирида ий-  
дамай қолди. Энди маслаҳат шуки, ҳаммамиз туйнинг  
олдига бориб шернинг очликдан азоб чекаётганини га-  
пириб берайлик ва айтайлик:— Шернинг давлати соя-  
сида тўқ ва шод-хуррам кун кечирдик. Агар энди унинг  
бошига оғир кун келганда шоҳ учун жонимизни фидо  
қилмасак, ионкўр бўламиз...

Кейин шернинг ёнига борамиз-да, унинг бизга кат-  
та илтифотлар кўрсатганини эътироф этиб, жонимизни  
унга қурбон қилишга тайёрлигимизни айтамиз, ҳар  
биrimiz навбат билан:— Шоҳ бугун мени есинлар,—  
деймиз. Бошқаларимиз:— «Йўқ, мени енг», — деб туриб  
оламиз. Шундай қилиб биз, ҳам шерга бўлган миннат-

дорлигимизни изҳор этган бўламиз, ҳам саломат қоламиз.

Улар алдаб-сулдаб туюни ўз сўзларига кўндирилар, тую шернинг ҳузурига боришига рози бўлди. Ҳаммалари шернинг қошида бош эгиб таъзим қилдилар.

Сўзни зор бошлади:— Шоҳнинг умри узун, давлати абадий бўлсин. Бизнинг тириклигимиз шоҳнинг соғлигига боғлиқдир. Шоҳнинг бошига мусибат тушгандан кейин бизнинг яшашимизнинг нима маъноси бор? Бўйим кичкина ва вужудим заиф бўлишига қарамай мен ўзимни шоҳ ҳазратларига фидо қилишга қарор қилдим... Агар шоҳ менинг гўштимни смоқчи бўлсалар, марҳамат, тайёрман.

Бошқалари дедилар:— Сенинг гўштинг билан ким тўяди?

Шағол сўз бошлади, у ҳам зорга ўхшаб ўзининг фидокорлигидан лоф ура бошлади. Шериклари унга:— Сенинг гўштинг сассиқ ва зарарли, шоҳга лойиқ эмас,— дедилар. Ундан кейин бўри гап бошлаб, ўз гўшти яхшироқ эканини айтди. Шериклари бўрига ҳам эътиroz билдириб:— Сенинг гўштинг қаттиқ, томоққа тиқилиб қолади ва заҳарлайди. Сени ҳам еб бўлмайди, — дедилар.

Навбат бечора туга етди. У маккор шерикларининг «самимий»лигига ишониб, ўз гўштининг тоза ва лаззатлилигини мақтай кетди. Ҳаммалари бир овоздан унинг сўзини қувватладилар:— Жуда тўғри ва чин юракдан гапирипсан, ўзинг чиройлисан, гўштинг мазали, подшоҳ ҳазратларининг мижозларига жуда мос келади, ҳаммамизга ҳам етади, — деб ҳаммалари тую устига ёнирилиб, бечорани пора-пора қилдилар. Шу йўсинда тую уларнинг ҳийла тузоқларига илиниб ҳалок бўлди.

Бу масални шунинг учун келтирдимки, агар душманлар йиғилиб сўзни бир ерга қўйсалар, уларнинг ҳийласи бекор кетмайди.

Димна деди:— Хўш, сен қандай фикрдасан?

Шатраба деди:— Урушшиб қаршилик кўрсатмоқдан ўзга иложим йўқ. Агар бир одам умр бўйи ибодат қилиб, мол-мулкини фақир-фуқарога улашса, барибир унинг савоби ўз мол-мулкини, ўз номусини сақлаш учун бир соат курашган одамнинг савобидан кам бўлади. Чунки курашиб ҳалок бўлган кимса ҳам шуҳрат топиб, ҳурматга сазовор бўлади, чунки бундай ўлим шарафли ҳисобла-

нади. Пичноқ суюкка етганда, жон бўғизга келганда молжон, имон ва маслак учун олиб бориладиган курашнинг савоби жуда катта.

Димна деди:— Ақлли одам олишувга ошиқмайди, тайёргарлик кўрмасдан катта ва таҳликали ишни бошламайди. Душман билан мумкин қадар юмшоқ муомала қилиб низони тинчлик ва дўстлик йўли билан ҳал этишга тиришади. Дошишманд кимсалар ўзларининг заиф душманларига ҳам мэнсимаслик билан қарамайдилар, чунки душман кучсиз бўлса, ҳар хил ҳийла ва найрангга мурожаат қиласди, шу йўл билан у ғалаба қозониши мумкин. Ҳолбуки, шернинг кўрқмас, жасур, кучли ва қурдатли эканлиги ҳаммага маълум. Кимки душманни мэнсимаса ва урушнинг нима билан тамом бўлишини олдиндан кўрмаса, татавани писанд қилмаган дарё тангриси каби пушаймон бўлади.

Шатраба сўради:— Татава нима қилибдики, у пушаймон бўлган?

Ҳикоят. Димна деди:— Айтибдурларки, денгиз қирғозида татава деган бир жуфт қуш яшар эди. Бир кун татаванинг модаси:

— Тухум қўймоқ учун яхши жой толиш лозим,— деди.

Нар жавоб берди:— Тухум қўйишга шу ер яхши, бошка жойга кўчишга эҳтиёж йўқ.

Мода деди:— Ўйлаб кўриш керак. Агар денгиз тошиб, мавж урса, тўлқин болаларимизни олиб кетади, меҳнатимиз зое кетади.

Нар деди:— Денгиз тангрисининг юрак ютиб биз томонга келиши гумон. Агар бу ерга келиб болаларимизни ҳалок қилса, ундан қасос олиш осон.

Мода деди:— Одам ўз кучини билса, ҳаддидан ошмаса яхши бўлади. Сен қайси куч ва қурдатингга ишониб денгиз тангрисига таҳдид соласан ва қасос оламан, деб қўрқитмоқчи бўласан? Бу фикрдан қайт, хавфсиз бир жой толишга уриш. Хайриҳоҳ дўстлар сўзига кирмаган кимса тошбақанинг ҳолига тушади.

Нар сўради:— Тошбақа нима бўлти?

Ҳикоят. Мода деди:— Айтибдурларки, бир кўлда иккича ўрдак ва бир тошбақа яшардилар. Қўшии бўлганлари учун улар бир-бирлари билан дўст ва иттилоқ эдилар. Бирдан ғаддор фалак уларнинг тинчгина турмушини бузди. Уларнинг ҳаёт манбай бўлган сув камая

бошлади. Буни кўрган ўрдаклар тошбақа ёнига келиб дедилар:— Видолашмоққа келдик, эй азиз дўстимиз, саломат қол!

Тошбақа бу гапни эшишиб, нола қилди ва кўз ёшларини оқизиб деди:— Эй менинг азиз дўст ва меҳрибон биродарларим! Сувнинг озайиши мен учун яна ҳам даҳшатлидир, мен сувсиз яшай олмайман. Энди муруват вақти келди, мени ҳам халос этмоқ учун бир тадбир кўринглар.

Ўрдаклар дедилар:— Сендан айрилиш ва ҳижрон дардини чекиш биз учун янада оғир. Сендан ажралиб қаерга кетмайлик ва қандай нозу неъмат ичида яшамайлик, бизга татимайди. Лекин сен ўз дўстларинг насиҳатларига қулоқ солмайсан, ўз фойдангни тушунмайсан. Сени ҳам бирга олиб кетишимизни хоҳласанг, бир шартимиз бор: осмонга кўтарилгандан кейин бизни ким кўрмасин ва нима демасин, индамайсан, оғизни маҳкам юмб кетаверасан.

Тошбақа деди:— Розиман. Айтганингизни қиласман: тишимни тишимга қўйиб, ҳеч нафасимни чиқармайман.

Ўрдаклар бир новда топиб келтирдилар. Тошбақа унинг ўртасидан тишлади, ўрдаклар икки бошидан тишлаб осмонга кўтарилдилар. Одамлар уларни кўриб тажжуб билан ўнг ва сўлдан: «Уҳ-ҳу, анавини қаранглар, ўрдаклар тошбақани учириб олиб кетяпти», — деб қичқира бошладилар. Тошбақа бир муддат индамай борди, кейин ўзини тута олмай, «кўролмаганларнинг кўзи чиқсин», демоқчи бўлиб оғиз очган эди ҳамки, ерга тушиб чилпарчин бўлди.

Ўрдаклар бу воқеа ҳаммага ибрат бўлсин деб уни ҳар ерда гапириб юрдилар.

Нар деди:— Нима демоқчи бўлганингни тушундим. Лекин бунга қарамай қўрқмасдан тухумларингни шу ерга қўявер.— Мода унинг айтганини қилди. Нарнинг баландрарвуз сўзларидан разабланиб дengiz тангриси қаттиқ тўлқин кўтарди. Тўлқин қушнинг эндигина тухумдан чиққан болаларини олиб кетди.

Бу ҳолни кўрган мода изтиробга келиб нарга деди:— Сув билан ҳазиллашиб бўлмаслигини билардим. Сен эса ўз манманлигинг билан болаларимизни ҳалок этдинг. Энди ўз бошимизга бир фалокат келмасайди.

Нар деди:— Кўп куйма. Киши тупурган тупугини қай-

тиб оғзига олмайди. Мен айтган сўзимда туриб дengiz тангрисидан албатта қасос оламан.

Эркак татава дарҳол бошқа қушларнинг ёнига борди. Уларнинг бошлиқларини йиғиб ўз бошига тушган фалокатни уларга айтиб берип, деди:— Агар ҳаммамиз бир бош, бир қанот бўлиб бу балонинг олдини олмасак, дengiz тангриси ҳаддидан ошиб қутураверади, бутун қушлар наслини ўйқ қилиб юборади.

Қушлар йиғилиб Семурғанинг ёнига келдилар ва ахволни унга батафсил сўзлаб бердилар:— Агар дengiz тангрисидан ўч олиб бера олмасанг, бугундан бошлаб сени қушларнинг подшоҳи деб танимаймиз.

Семурғ буни эшифтгач, қанот қоқиб осмонга кўтарилиди. Бундан далдалаиган бошқа қушлар ҳам дengiz тангрисидан интиқом олиш учун Семурғанинг кетидан парвоз қилдилар. Дengiz тангриси Семурғанинг қудратини ва баҳамжиҳат бўлган бошқа қушларнинг куч ва матонатини яхши биларди. Шунинг учун татававанинг болаларини қайтариб беришга мажбур бўлди.

Димна деди:— Мен бу масални шунинг учун келтирдимки, ҳеч вақт душманни менсимаслик керак эмас, биринчи бўлиб уруш бошлаш оқил кишининг иши эмас.

Шатраба деди:— Хўп, мен биринчи бўлиб уруш бошламайман, лекин шер менга қасд қилса, ўзимни мудофаа қилишга мажбур бўламан.

Димна деди:— Албатта шундай қилиш керак, энди ҳужумга шайланган шернинг аломатларини айтиб берай: агар шер қоматини букиб, тукларини ҳурпайтириб, думларини ерга урганини кўрсанг, билгинки, у ҳужумга тайёрланаётир.

Шатраба деди:— Яхши, мен бу аломатларни кўрсам, бутун шубҳаларим тасдиқланган бўлади ва шернинг мэнга ҳамла қилмоқчи бўлганига ишонч ҳосил қиласман.

Димна шоду хуррам бўлиб Калиланинг ёнига келди. Калила сўради:— Ишларинг қандай боряпти?

Димна жавоб берди:— Кўнгилдагидек, ҳамма иш ўз жойида...

Сўнгра иккаласи шер ёнига келдилар. Шу пайт Шатраба ҳам келиб қолди. Шернинг назари Шатрабага тушиши биланоқ қаддини букиб, думини ерга ура бошлади.

Шатраба, шер ҳужум қиласми, деб ўйлаб, ўз-ўзига деди:

— Шоҳ хизматида бўлмоқ илон билан бир ерда ётмоқ ёки шер билан бир горда яшамоқ каби қўрқинчли ва таҳликалидир. Илон ухлаган ва шер уйқуга кетган бўлса ҳам охирда бири заҳрини солади, иккинчиси эса ҳамла қилиш учун оғзини очади.— Шатраба буларни хаёлдай кечиргач, у ёқ-бу ёққа қараб жангга ҳозирланди. Буни кўрган шер ҳужумга ўтди. Икковлари узоқ олишиди, ҳар икки томондан ҳам кўп қон тўкилди.

Калила бу ҳолни кўриб Димнага деди:

— Минг ҳийлага минг бир фитна қўшдинг сен,  
Орзунингга осонлик-ла етдинг сен,  
Ереа ҳамки ёмғир тинмай уч юз йил,  
Юва олмас сен кўтарган чангни, бил.

Эй нодон! Энди ўз макр-ҳийлангнинг қабиҳ оқибатини томоша қил!

Димна сўради:— Қайси қабиҳ оқибатини?

Калила деди:— Валииёматинг бўлмиш шернинг шармандали иши, ҳўқизнинг ўлдирилиши ва қонининг бескорга оқизилниши, сипоҳ орасидаги парокандалик, сенинг қўпол маккорлигинги оқибатидир. Агар сен нодон бўлмасайдинг, бу шерни бундай қабиҳ жиноят қилишга қадар олиб келмагац бўлардинг. Одамларнинг энг нодони ўз дўстини кераги йўқ урушга тортади. Ақлли одамлар қудратли, кучли, енгилмас бўлганлари ҳолда ҳам урушдан ўзларини опқочганлар, фитнани бостириш уруш таҳликасини йўқотишини зарур деб билганилар. Мусоҳиба йўли билан ҳал этилиши мумкин бўлгани масалаларда ўз шоҳини ўрушга чорлаган вазир энг аҳмоқ ва энг полойиқ вазирдир. У хибнат қилиб ишга зарар стказишдан бошқага ярамайди, чунки мансаб эгаларининг ақли қиличиндан ўткир бўлмоғи лозим. Қилич билан эришиладиган нарсага ақл ва тадбир воситаси билан ҳам эришиш мумкин. Маслаҳат билан битиши мумкин ишларни дудама ҳанжар билан ҳам бартараф қилиб бўлмайди...

Мен сенинг худбинлигини, ширин хаёл ва ёқимли тушга ўшаган бу алдамчи дунёнинг бойликларига ҳарислигини яхши билардим. Лекин буларни юзингга айтишга андиша қиласи эдим. Рафлат уйқусидан уйғониб ўзи тушупиб қолар деб юрар эдим. Лекин сен тобора ҳаддингдан ошяпсан. Энди сенинг баъзи нуқсонларингни қўрсатиш, нақадар жоҳил ва нодон эканлигини, нақа-

дар ярамас ишлар қилганлигини очиқ айтиш вақти келди. Лекин менинг айтадиганларим «дарёдан бир қатра» қабилида бўлади. Айтибдурларки, подшоҳ учун сўзи ишидан устун бўлган вазирдан кўра хавфли нарса бўлмайди. Сўз бериб бажармаган одам билан айтмасдан ишни бажарган одамнинг фарқи катта. Сенда шу хусусият бор: тилинг ҳунарингдан, сўзинг ишингдан устундир. Шер сенинг айтганларингга ишониб бечора ҳўқизни ҳалок қилди. Дебдурларки, сўз тажрибага асосланмаган бўлса, шакл мазмунсиз, давлат адолатсиз, дўстлик садоқатсиз, бойлик саховатсиз, илм ҳикматсиз, ҳаёт осоиишталиксиз бўлса, улар бефойдадир. Саховатли ва адолатли шоҳнинг вазири ёмон ниятли, раиятга зулмкор бўлса, фуқаро шоҳ адолатидан маҳрум этилади, марҳамат эшиклари улар юзига беркитилади. Бу эса ичиди наҳанг яшайдиган тоза ва ширии сувли ҳовузга ўхшайдики, ҳар қандай ташна одам унга на қўл суқа олади ва на оёқ.

Содиқ ва ишбилармон хизматчиларнинг кўплиги яхшидир, улар подшоҳликнинг зийнатидир. Сен эса шернинг ёнида мендан бошқа ҳеч ким бўлмасин, унинг энг яқин ва ишончли маҳрами фақат ўзимгина бўлай дейсан. Лекин ўзгаларни бахтсиз қилиб бахтга эришган, содиқ ва самимий дўстларга хиёнат қилиб, уларни ҳалок этиш йўли билан ҳурмат қозонмоқчи ва мансабга эришмоқчи бўлган одамдай аҳмоқ ва разил зотнинг бўлиши мумкин эмас. Риёкорлик билан ибодат қилиб савоб топиш, ёмон ният ва зўрлик билан аёллар муҳаббатига сазовор бўлиш, заҳмат чекмасдан илмга этиш мумкин эмас. Лекин бу сўзларимдан фойда йўқдир, чунки биламан, улар сенга таъсир этмайди. Менинг сенга насиҳатим бир қушнинг маймунларга берган насиҳатига ўхшайди.

Димна сўради:— У қандай насиҳат?

**Ҳикоят.** Қалила деди:— Бир тўда маймунлар бир тогда яшар эдилар. Бир кун қуёш ботиб, дунё юзини зулмат пардаси қоплагандан жиловсиз изгирин ҳар томонга югура ва маймунларга ҳужум қила бошлади. Бечора маймунлар совуқдан титрар ва исиниш учун бирон чора ахтарар эдилар. Ногоҳ бир жойда ялтироқ қуртни кўриб қолдилар. Уни чўғ деб ўйлаб, талай ўтин ѹйғиб атрофига қаладилар ва ҳадеб пуфлай бошладилар. Уларнинг қаршиларидаги даракт устида бир қуш: «Бу олов эмас, кечалари ялтириб қўринадиган ялтироқ қурт»,— деб қич-

қириб, фарёд қиласр эди. Маймунлар эса унинг гапига эътибор бермас эдилар. Шу аснода ўткинчи бир одам келиб ахволни кўрди ва қушга: «Ўзингни кўп койитма, улар сенинг сўзинга қулоқ соладиган, фойдасиз ишдан уларга насиҳат қилиш — қи·воз кечадиганлардан эмас, уларга насиҳат қилиш — қи·лични тошга уриш ва шакарни сув остига бекитиш билан баробардир»,— деди.

Куш одамнинг сўзларига эътибор бермай, маймунларнинг хатосини тушунтириш учун дараҳтдан тушиб улар ёнига келди. Маймунлар уни ўраб олиб бошини узиб ташладилар.

Сенинг ишинг ҳам маймунлар ишига ўхшайди. Хайриҳоҳларнинг насиҳатига қулоқ осмайсан. Алмо бир кун келадики, сен бу ҳийлагорлигин ва сингилтаклигингдан пушаймон бўласан, ўшанда юз-кўзингни тириаб қанчалик йиғламагин ва бошингни уриб, кўкрагингни қанчалик пора-пора қилмагин, барибир фойда бермайди. Отаси деди:— Бу тилла ҳангамасини ўз фойдамизга ҳал этиш сизга боғлиқ бўлиб қолди. Сизга ишониб дараҳт гувоҳлик беради, дедим. Энди менинг гапимга кўнсангиз, олиб келган тиллаларим ўзимизга қолади ва яна шунча тиллага эга бўламиш.

Гапни айтиб берди ва тиллаларни даъво қилди. Қози сўради:— Гувоҳ ва далил борми?

Ҳийлагар деди:— Остига тилла кўмилган дараҳт гувоҳлик бериб, тиллани бу ноинсоф олиб кетган, деди.

Қози бу сўзни эшитиб, ҳайрон бўлди. Анча гапу сўздан кейин эртасига гувоҳлик берган дараҳт ёнига боришга қарор қилинди. Ҳийлагар севиниб уйига келди ва отасига деди:— Бу тилла ҳангамасини ўз фойдамизга ҳал этиш сизга боғлиқ бўлиб қолди. Сизга ишониб дараҳт гувоҳлик беради, дедим. Энди менинг гапимга кўнсангиз, олиб келган тиллаларим ўзимизга қолади ва яна шунча тиллага эга бўламиш.

Отаси сўради:— Мен нима қилишим керак?

Ҳийлагар деди:— У дараҳтнииг ичи ковак бўлиб, унга ўн одам бемалол яширинса бўлади. Кечаси бориб у ерга жойлашиб олишининг керак, эртага қози дараҳт тагига келганда, дараҳт номидан гувоҳлик берсангиз бўлди.

Отаси деди:— Эй ўғил, макр-ҳийла кўпинча ҳийлагарнинг ўзига зарар етказади. Тағин сенинг макринг ҳам қурбақа макрига ўхшаб қолмасин.

Үғли сўради:— Қурбақа қандай макр ишлатибди?

Ҳикоят. Отаси деди:— Бир қурбақа илонга қўшни ёди. Қурбақа ҳар болалаганида илон унинг болаларини еб кетарди. Қурбақанииг бир қисқичбақа дўсти бор эди. Бир кун қурбақа унинг ёнига бориб, деди:— Эй биродар, менга бир чора кўрсат. Қейинги пайтларда бир зўр ва шафқатсиз душман пайдо бўлиб қолди, у билан олишиб енга олмайман. Узим бу ерга ўрганиб қолганим учун ҳеч қаёққа кета олмайман. Манзилим гўзал, об-ҳавоси мусаффо, ери зумраддек ям-яшил.

Қисқичбақа деди:— Фам ема. Ўзингдан кучли душманни ёлғиз ҳийла билашгина енгиб бўлади.

Фалон жойда латча деган бир ҳайвон яшайди. Сен бир қанча балиқ тутиб, уларни ўша ҳайвоннинг уясидан то илоннинг инигача тўкиб бор. У ҳайвон ҳид билиб уясидан чиқади, балиқларни еб-еб илоннинг уясигача келади ва сен илондан халос бўласан.— Қурбақа бу ҳийла билан илонни ўлдиртириди. Бир неча кундан сўнг ҳалиги ҳайвон овқат излаб бояги балиқ еган йўлидан келди, лекин балиқни топмай, қурбақани ва унинг болаларини еб кетди.

Бу масални мён, ҳар ким бирорга чоҳ қазиса ўзи йи-  
қилиб тушишини кўрсатиш учун сўзлаб бердим.

Ҳийлагар ўғил деди:— Ота, қўйинг, гапни қисқа қи-  
линг. Бу иш андак мөхнат талаб қиласа ҳамки, фойдаси  
кўп!

Чол бечорани мол-дунё ҳирси ва оталик муҳаббати  
йўлдан урди, у ўғлиниң гапига кирди.

Эртаси куни қози шаҳардан чиқиб дараҳт остига кел-  
ди. Томоша қилиш учун аинчагина бошқа одамлар ҳам  
унга эргашиб келган эди. Қози юзини дараҳтга ўгириб,  
тиллаларнинг нима бўлганини сўради. Дараҳтдан, тил-  
лаларни соддадил олиб кетган, деган садо чиқди. Тааж-  
жубланган қози дараҳт атрофида айланниб юриб, унга  
диққат билан разм солди. Дараҳтнинг катта коваги бор-  
лигини кўрди-да, масалани тушунди. Ўз-ўзига: «Хиёнат-  
га марҳамат йўқ»,— деб дараҳт атрофига шоҳ қалатди  
ва ўт қўйдирди. Чол бир соатча чидаб жим турди, лекин  
ҳалок бўлишини билиб ёлвора бошлади. Қозининг буй-  
руги билан уни дараҳт ичидаи чиқардилар. Қози савол-  
жавоб қилиб ҳақиқатни билди, соддадилнинг тўғрилиги,  
ҳийлагарининг макри маълум бўлди. Чол чеккан азобла-  
рига ва шомусига чидай олмай шу ернинг ўзидаёқ жон  
берди. Ҳийлагарни жазолаб, адабини бердилар ва отаси-  
нинг ўлигини елкасига қўйиб шаҳарга жўнатдилар. Сод-  
дадил эса тўғрилиги туфайли ҳамма тиллаларни олиб  
ўз уйига равона бўлди.

Ҳийланинг натижаси ёмон, хиёнатнинг оқибати ха-  
тарли эканлигини билгии деб бу масални келтирдим...  
Эй Димна, сен шахсиятпастлик, қаллобликда шу да-  
ражага етибсанки, тил уни тасвирлашдан оқиз, ақл уни  
тасаввур қилишга кучсиздир. Сенинг макру ҳийлаларнинг  
нинг дўстларга қандай «фойда» етказишини ўз кўзинг  
билан кўриб турибсан, лекин сенга унинг зиёни тегмайди  
деб ўйлайсанми?.. Сен илон каби икки тиллисан, ле-  
кин илондан баттарсан, сенинг ҳар иккала тилингдан  
заҳар томади. Ариқ ва сой суви денгизга қўйилгунга қа-  
дар ширин бўлади, оиланинг иши ёмон одам аралашгун-  
ча, қардошлик ва дўстлик муҳаббати разил одамлар  
орага тушгунча мустаҳкам бўлади. Мен ҳамиша сенга  
яқин бўлишдан қўрқар эдим. Донишманлар дебдурлар-  
ки, фисқу фасод, разил ва олчоқ одамлар, гарчи сенга  
қариндош бўлсалар ҳам улардан қочмоқ лозим. Разил ва  
хоин одамларнинг дўстлиги илонни тарбият қилишдек

бир нарса. Илон эгаси унга қанчалик яхши парвариш  
этса ҳам пайт келганда бир кун ўз эгасининг ёруғ куни-  
ни қоронғи кечага айлантиради, ўз вафосизлигини на-  
моён қилади. Феъл-атворлари учча яхши бўлмаса-да,  
аслида ақлли бўлган одамлар билан дўстлаш, уларнинг  
ақл ва камолидан, билим ва тажрибасидан баҳра ол.  
Уларнинг ёмон қилиқларини ўрганма. Лекин аҳмоқ ва  
жоҳил одамлардан қочмоқ зарур. Чунки улардан ёмон-  
ликдан бўлак нарса чиқмайди. Улар билан дўстлашган  
пушаймон бўлади. Сен ҳам шулар тоифасидансан. Сен-  
дан ҳеч бир яхшилик чиқмайди, чунки сени иззат-хурмат  
қилиган, сенинг мартабангни кўтарган шоҳнинг бошига не  
кулфатлар солмадинг!

Сенинг ишининг, «Сичқон юз ботмон темирни еган  
бир шаҳарда ўн ботмон келадиган болани бир қирғий  
олиб қоча олмайдими?»— деган савдогарнинг гапига  
ўхшайди.

Димна сўради:— Унга нима бўлган экан?

**Ҳикоят.** Калила деди:— Унчалик бой бўлмаган сав-  
догар бир кун сафарга чиқмоқчи бўлди. Уннинг юз бот-  
мон темири бор эди. Шу темири бир ошнасининг уйига  
қўйиб кетди. Савдогар сафардан қайтиб темири сў-  
раганида ошиаси деди:— Мен омонатингни уйнинг бур-  
чагига қўйиб хотиржам юраверибман, ўша бурчак ёни-  
да сичқоннинг уяси бор экан, лаънатилар фурсатни га-  
нимат топиб, бутун темири кемириб қўйишибди.

Савдогар деди:— Гапиг тўғридир. Мен ҳам сичқон  
жуда темирига ўч бўлади деб эшитган эдим.

Ўй эгаси суюниб, савдогар сўзимга ишонди ва теми-  
ридан воз кечди, деб мулозамат қила бошлади, сўнг де-  
ди:— Узоқ сафардан келибсан, менинг уйимда қол. Меҳ-  
мон қиласман.

Савдогар деди:— Бугун зарур ишларим бор, эртага  
келарман.

Савдогар кўчага чиқиб ошнасининг ўйнаб юрган ўғли-  
ни олиб кетиб, ўз уйига яшириб қўйди. Эртаси кун сав-  
догар ошнасининг уйига келганда у йиғлаб ўтирад эди.  
Савдогардан:— Ўғлимни кўрмадингми?— деб сўради.  
Савдогар деди:— Қеча сеникidan кетаётганимда бир  
қирғий бир гўдакни чангалига олиб учиб кетаётганини  
кўриб қолдим. Ўща сенинг ўғлини бўлмасин?

Ошиаси жаҳҳ билан деди:— Сен ахир ақлга тўғри  
келмайдиган ёлғонни нега гапирасан?! Эсингни единиг-

ми, ахир кичкина қиргий бир болани кўтариб олиб кета олармиди?

Савдогар истеҳзоли кулиб деди:— Унчаям ажабланма. Ахир юз ботмон темирни сичқон еб қўядиган бу шаҳарда ўн ботмон келадиган болани қиргий кўтариб учолмайдими?— Ошиаси гапни қаерга бураётганини фаҳмлаб уй эгаси деди:— Сичқон темирни емаган, болами келтириб темирингни олиб кет.

Бу масални шунинг учун келтирдимки, билиб қўй: шоҳнинг бошига шунча кулфатлар солган кимса боши қаларга ундан ҳам кўп зарар етказиши мумкин. Шундай бўлгандан кейин ҳеч кимниң сенга ишончи қолмайди. Дўстга вафо қилмагац, хайриҳоҳликни билмаган одам билан дўст бўлиш ҳеч қандай яхши натижа бермайди. Тушумаганга, қадрига етмаганга яхшилик қилишдан, қулоқ солмаганга насиҳат қилишдан ва оғзи бўшга сир айтишдан катта хато бўлиши мумкин эмас. Минг насиҳат қилганим билан сенинг табиатинг ўзгармайди. Сенек касофат билан дўст бўлиш фалокат келтиради. Саҳар шабадаси ҳам дўстликка ўхшайди: у агар гулзордан эсса, хушбўй бўлади, пажосат бор ердан эсса, бадбўй бўлади. Билиб турибман, бу сўзларим сенга оғир ботяпти, чунки тўгри сўз аччиқ бўлади, нодон ва беақл одамларга асло ёқмайди.

Қалиланинг сўзи шу ерга етганда Шатраба ўз қонига беланиб шер чангалида жон берган эди. Шер буни кўриб, жаҳлдан тушди, сўнgra фикрга чўмид, ўз-ўзинга деди:— Бечора Шатраба, нақадар ақлли, комил, фаросатли ва шижоатли эдинг. Билмадим, тўгри иш қилдими ё хато қилдими? Сенинг ҳақинигдаги гаплар ростми ёки қасддан уйдирилган фитнами? Ҳар ҳолда бу мен учун қаттиқ мусибат бўлди. Эндиги афсус ва пушаймондан фойда йўқ.

Димна узоқдан шернинг ташвиш тортаётганини кўриб, пушаймон бўлаётганини дарҳол angladi ва Қалиланинг сўзини бўлиб шернинг ёнига келди:— Эй шоҳи жаҳон, сизни бунча ўйлатиб қўйган нарса нима? Бу кундан ҳам муборак кун бўладими? Ахир шоҳ ғолиб келиб, нусрат топдилар, душман мағлуб бўлиб қонга беланди.

Шер деди:— Шатрабани ўйлаганим сари унинг дўстлиги, самимийлиги, одоби, хулиқ-атвори, билими, ишиб-лармонлиги, жасорат ва шижоатлилиги ёдимга тушиб

қалбим ғам ва аламга тўлмоқда. У давлатимнинг пуштипаноҳи ва лашкаримнинг такягоҳи эди, у рақибларим кўзига ботадиган тикан, дўстларим юзига ярашадиган бир хол эди...

Димна деди:— Бу тузнамак душман учун ҳасрат чекманг. Қўлга киритган зафардан шодланмоқ лозим, уни сизга юборилган катта бир баҳт деб билмоқ керак... Хавфли одамларнинг гуноҳини кечирмоқ ақлли одамларга ярашмас. Шоҳнинг душманлари учун энг ишончли зиндон — қабр ва энг таъсири қамчи — қиличdir.

Ақлли шоҳлар кўпинча ўзларига ёқмаса ҳам маҳоратли одамларни ёнларига қақириб олиб, уларни мансабдор қиладилар, аксинча, ёқимли одамларни тадбирсизлиги учун ўзларидан узоқлаштирадилар, жазолайдилар. Аччиқ бўлса ҳам одам фойдали дорини ичади. Иш қилишга, қилич тутишга ярайдиган қўлнинг бароматини агар илон чақса, бутун бадан саломатлиги учун уни қирқиб ташлайдилар.

Бу сўзларни эшитгач, шер бир оз таскин топди. Лекин орадан бирмунча вақт ўтгач, ҳўқизцинг иши юзасидан текшириш ўтказдилар. Димнанинг қабиҳ ишлари, ҳўқизга туҳмат қилгани ошкор бўлди. Ҳўқиз қасоси учун уни шер қатл қилди.

«Нима эксанг, шуни ўрасан». Ҳийла ва хиёнат дарахтининг меваси мусибат ва фалокат бўлади...

Бир ифлосининг туҳмати билан икки дўстининг бир-бiriдан айрилганин ҳақиқидаги ривоят шундан иборатдир.

## ДИМНА ИШИННИГ ТЕҚШИРИЛИШИ

Рожа бараҳманга деди:— Мен сенинг хоин ва түхматчи душман ҳақида айтиб берган достонингни эшидим. У қайси йўл билан ҳақни ноҳақ қилгани, шерни йўлдан чиқаргани, дўстликни душманлик билан, аҳилликни адоват билан алмаштирганини билдим. Энди агар майлинг бўлса, марҳамат қилиб шер Димнанинг ишини қандай фош этганини, Димна ўзини оқлаш учун қандай баҳоналар келтирганини сўзлаб берсанг.

Бараҳман деди:— Ноҳақ қон ҳеч вақт ерда қолмайди. Шер ҳўқизни ўлдиргач, бир оз ҳовридан тушди. Кейинчалик бу ишни шошилинч қилиб қўйғанлигидан пушаймон бўлди... Шатрабага берган ваъдалари ва унинг билан қурган ажойиб сұхбатлари ёдига тушиб виждон азобида қийналла бошлади. Шатраба унинг яқинлари орасида энг мўътабари эди. У доимо ҳайвоnlардан Шатраба ҳақида ҳикоя қилиб беришини илтимос қиласидан бўлди. Бир кеча қоплон билан сўзлашиб ўтириб тунни ярим қилди. Қоплон ижозат олиб ўз уйига кетди. Йўли Қалила ва Димна уйлари ёнидан ўтар эди. Уларнинг уйлари ёнидан ўтиб кетаётганида Қалила билан Димнанинг гаплашаётгандарини эшитиб қолди. Қоплон сенинг аста бориб қулоқ солди. Қалила дер эди:— Димна, сен зўр таҳликали иш қилдинг. Ҳийла ишлатиб шернинг Шатрабага берган аҳдини бузишга муваффақ бўлдинг, бу билан шерга зўр хиёнат қилдинг. Бу жиноятинг ҳар вақт очилиши мумкин. Унда нима қиласан? Ҳеч ким сени кечирмайди, ваҳший ҳайвонларининг ҳеч бири мудофаа қилмайди, балки ҳаммалари иттифоқ бўлиб, сени

қатл этишни талаб этарлар. Мен ҳам бундан кейин сен билан қўшни бўлишни истамайман, сен билан дўстликдан кечаман, энди мен билан кўришмай ҳам қўя қол. Сенинг қилиқларингдан нафратланаман. Висолинг хижронингдан кўра даҳшатлироқ. Олимлар дебдуrlарки: «Аҳмоқдан қанчалик узоқ бўлсанг, бошинг шунчалик саломат бўлади...»

Димна деди:— Эй азизим, ўтган ишга салавот! Бўлар иш бўлди, ҳадеб мени таъна қилаверишдан фойда йўқ. Кел, эски гапларни қўй, хурсандчилик қилалик, душман йўқ бўлди. Мақсадга эришиш учун йўл очилди, орзу гунчаларининг гуллаш пайти келди. Мен хиёнат ва жиноят яхши иш эмаслигини ўзим ҳам биламан. Лекин ҳасад ва молу мансаб иштиёқи, шуҳратпарамастлик мени бу ишга мажбур қилди.

Қоплон бу сўзларни эшитиб, шернинг онаси ёнига борди ва деди:— Малика, бир сир бор, агар уни сақлашга сўз берсангиз айтиб бераман.— Шернинг онаси сўз берди. Қоплон бутун эшигтганларини, Қалила хижолат чекаётганини, Димна ўз жиноятларига иқорор эканлигини сўзлаб берди.

Эртаси кун эрталаб шернинг онаси ўғлининг ҳузурига келди. Шернинг жуда ғамгии эканини кўриб сўради:— Эй ўглим, нега хаёл сурib ўтирибсан?

Шер жавоб берди:— Қилган ишимидан жуда хафаман. Шатрабанинг менга қилган хизматини, кўрсатган садоқатини эслаганим сарн юрагим ўртасиб кетади. У менга хайриҳоҳ маслаҳатчи ва самимий бир дўст эди. Минг уринсам ҳам Шатрабани ёдимдан чиқара олмайман, у кўз ўнгимдан нари кетмайди.

Шернинг онаси деди:— Шоҳнинг юраги Шатрабанинг гуноҳсиз ўлдирилганлигидан дарак бериб турганга ўхшайди. Афтидан, бу иш чуқур текширилмасдан ҳамда асосли далилларга суюнмасдан амалга оширилган. Дўстлар орасини бузган бир хони ўзини дўст қилиб кўргаза билибди. Шатраба ҳақида уйдирма афсоналар тўқиб, шоҳни йўлдан оздиришга муваффақ бўлибди. Энди шоҳнинг ақл ва идроки ғазаб ўтини сўндириганга ўхшайди. Шак-шубҳалар зулмати ичиди ақл нуридан кўра эътиборли бир раҳнамо бўлмайди. Сен ақл нури билан ҳақиқатни кўрганга ўхшайсан.

Димна ўлгудек шуҳратпарамаст, учига чиққан фитна-чиридир. Бу унинг юриштуришидан, гапи ва ҳаракатла-

ридан ҳам очиқ кўриниб туради. Мен унинг ҳамиша ёлғончи эканлигини билардим, лекин шоҳ мулозаматида бўлганлиги учун бадном бўлмасин деб индамасдим.

Айниқса, бу кейинги ҳодиса тўғрисида қизиқ нарсаларни гапирадилар.

Шоҳ деди:— Мен Шатрабани ўлдирганилигим учун ўзимни оқлашга, бошқалар олдида ўзимни ҳақли кўргазишга уриндим, лекин бунга важ топа билмадим. Ўйлаганим сари Шатрабанинг гуноҳсиз эканлигига қаюват ҳосил қила бошладим. У бечора ҳасад қилиб, менга ҳужум этишгача етиб бориш даражасида ақлсиз эмас эди. Мен ҳам норозиликка, адоватга ва нафратга сабаб бўладиган биронта иш қилганим йўқ унга. Буларнинг ҳаммасини ўйлаганимдан кейин шундай бир қарорга келдим: бу ишни текшириш зарур албатта, гарчи уни текширишнинг Шатраба учун фойдаси бўлмаса-да, лекин ҳақиқат аён бўлсин, фитначи жазосини тортсан ва менинг халқ олдида юзим қора бўлмасин... Ростни ёлғондан ажратиш, ким дўст, ким душман эканлигини билиб олиш жуда фойдалидир. Агар сен бу ҳақда бирон нарса билсанг ё эшитган бўлсанг, айтиб бер.

Шернинг онаси деди:— Эшитганман, лекин айта олмайман. Чунки сенга яқин кимсалардан бири бу сирни ошкор этмаслик учун менга онт ичирган. Онтни бузиш ва сирни маълум қилиш номардликдир. Олимлар ҳам айтибдурларки: «Сирни бировга айтиб бўлмайди, айтилса, у сир бўлмайди».

Шер деди:— Одамларнинг бу бобда сўzlари ҳар хилдир... Агар сир сақлаш фойдали бўлса, унинг йўли бошлиқа. Аммо бу сирни сақламоқ одамлар учун заарли бўлса, уни фош этмоқ керак. Хиёнатчишинг сирини сақламоқ унга шерик бўлмоқдир. Балки ўша сирни сенга етказган одам масъулиятдан қочиб, гуноҳини бўйнидан соқит қилмоқчи, сени бу ишга аралаштироқчи бўлгандир. Менинг бу айтганларимни назарда тутиб, агар лоғим топсанг, мени бу сирдан воқиф қил.

Шернинг онаси деди:— Айтганларинг тўғри ва ақлга мувофиқдир. Лекин сирни айтсан, икки ёмон нарсага йўл кўйган бўламан. Биринчидан, ишониб сирни айтган зот менга душман бўлиб қолади, иккинчидан, бундан кейин ҳеч ким менга ишонмай қўяди.

Шер деди:— Сўзларингнинг самимий ва мантиқийдигини рад этиб бўлмайди. Чунки омонатга хиёнат қи-

лиш гуноҳдир... Ўша кимсанинг номини айтмасанг ҳам бўлади, ҳеч бўлмаса умумий тарзда гапириб бер.

Шернинг онаси деди:— Афв этишиниг фазилати, саҳоватнинг хислати ҳақида олимлар нималар дегани ҳаммага маълум. Олимлар инсонга зиён етказмайдиган ва фитна-фасод қўзғатмайдиган ишлар юзасидан қилинган афвни маъқуллаганилар. Халққа зиён, шоҳга зарар, етказадиган жиноятчи ва фитначиларни, душманларнинг бош кўтаришларига ёрдам берадиган хоинларни афв этиш тўғри эмас. Бундай ҳолларда интиқом ва қасоқ жоиздир... Сени бу балога дучор қилган Димна ёлғончи, фитначи ва хоиндир.

Шер деди:— Она, мени ёлғиз қўй, бу ҳақда ўйлаб олай.

Шернинг онаси уйига кетди. Шер ўйга чўмди. Бироз вақт ўтгач, аскар бошиларни, саркардаларни ва онасини чақиритирди. Димнани келтиришларини буюрди. Димна ичкари кирганда шер қовоғини солиб, юзини тескари қилиб ўтириб олди. Димна дарҳол балонинг эшиги очилганини, чора йўли бекилганини тушуниди. Сўнгра ўз дўстларининг биридан шивирлаб сўради.— Нима бўлди? Шоҳ нега ғамгин кўринади? Сизларни бу ерга тўпланининг боиси нимадир?

Шернинг онаси деди:— Сенинг қилган ишларинг шерни Ўйга солиб қўйди. Хиёнатинг очилди. Шернинг садоқатли маслаҳатчиси устидан қилган туҳмат ва бўхтоиларнинг ошкор бўлди.

Димна деди:— Дунё ҳодисалари ҳақида ота-боболаримиз айтмаган ва бизга маълум бўлмаган ҳикматли сўзлар йўқдир. Айтибдурларки, иши юришмаган одам қанчалик ақлли бўлмасин, қанчалик чуқур фикр қилиб ўзини фалокатдан қутқармоқча ҳаракат этмасин, барибири бало гирдобига туниди. Шоҳларга хизмат қилиб саломат қолишни орзу қилмоқ, пияти бузук фитначи одамлар насиҳатини саодат калити деб ҳисобламоқ— сув юзига хат ёзиш билан баробардир. Шоҳ ҳузурида тўғри сўзлаган одамнинг қўрқуви ҳам кўп бўлади, чунки шоҳнинг дўстлари ҳам, душманлари ҳам бундай одамнинг рақибиға айланадилар. Шунинг учун ҳақиқатни билган одамлар вафосиз дунёдан юз ўгириб, унинг айшу ишратидан, кайфу сафосидан қўл тортадилар, ташҳоликни одамлар билан бирга бўлишдан, холиқча ибодат қилишни маҳлуқча хизмат қилишдан юқори

қўядилар, чунки ибодатда адолатсизликка йўл қўйилмайди... Инсонларнинг қиласиган ишлари эса аксинчадир: улар ҳамма нарсани бир-бирига аралаштириб, қориштириб юборадилар. Баъзан иолойиқ хизматчиларни самимий деб кўкларга кўтарадилар, баъзан эса содик ва хайриxoҳ одамларни жазолайдилар. Инсонлар янглишадилар, улар савоб билан гуноҳни фарқ қилмайдилар. Тадбирлари ҳақиқатга яқин бўлган, эҳтиёт учун ноҳақ қон тўкмайдиган шоҳ яхши! ва саодатлидир. Уз хизматида бўлган одамлар билан тўғрилиги ва самимийлигига қараб муомала қилиш шоҳларнинг энг яхши хосиятларидандир. Шоҳнинг ўзи яхши билади ва бу ерда ўтирганлар ҳам тасдиқлаши мумкинки, мен билан ҳўкизнинг орасида бундай баҳтсизликка сабаб бўладиган келишмовчилик ва адovat ўйқ эди. Шатраба-мен ҳасад қиласиган вазифада эмасди, айни замонда у менинг нафратимга сабаб бўладиган бирон иш ҳам қилмади. Мен эшитганларимни шоҳга етказиб уни огоҳлантиридим, бу билан шоҳнинг тузини оқлаб, ўз бурчимни адо этдим. Шоҳ менинг қўнглим тўғрилигини, ниятим яхши эканлигини синаб кўриб ўз ақли ва иродаси билан бу ишни қилди. Энди бир қанча фитначи ва хоинлар, шоҳнинг душманлари менинг бу самимийлигимдан ташвиш ва саросимага тушиб, жонимга қасд қилмоқдалар... Ҳар ҳолда мен тирик қолсан шоҳнинг роҳати бузилади деб гумон қилмайман ва шоҳ хизматларим эвазига мени ўлдиртиради, деб ўйламайман.

Димнанинг сўзларини тинглаб шер деди:— Ишини текшириб, ҳақиқатни барқарор қилиш учун Димнани ҳозига топширмоқ керак. Чунки масалани тамомила ойдинлаштирасдан, гуноҳни исботламасдан, эҳтимолни ҳақиқат деб ҳисоблаб ҳукм чиқариши адолат ва инсофдан эмас.

Димна деди:— Қайси бир адолатли ва виждонли қози ақл ва фаросатда, адолатда подшоҳдан ҳам юқори бўла олади? Шубҳаларни бартараф этмоқ ва ҳақиқатни юзага чиқармоқ учун жиддий текшириш ўтказиш энг тўғри ўйлdir. Аминманки, агар текшириш тўғри ўтказилса, содиқлигим аниқланади, шоҳ ғазабидан қутуламан... Ҳоҳишим шуки, менинг ишимни жиддий текширишини амр этсангиз. Чунки астойдил ҳаракат қилинмаса тошдан ўт чиқариб бўлмайди. Агар менда бирон гуноҳ бор бўлса, ишимни бу даражада жиддий текширишини талаб қилмас-

дим. Ишончим комилки, натижада, нақалар содик эканлигим аёи бўлади. Сассиқ ёки хушбўй нарсанинг ҳиди ҳар тарафга тез тарқалади. Менинг кичкина бир гуноҳим бўлсайди, фурсат борида қочиб кетардим, шоҳ хизматида қолиб бу балони кутиб ўтирасдим. Ишим адолат билан текширилади, бунда ғаразга йўл қўйилмайди, деб умид қиламан. Текширишнинг кетиши ҳақида шоҳга ҳар куни маълумот бериб турилишини илтимос қиламан. Шоҳ ғалабалар кўзгуси, зафарлар ойнаси, дунёнинг bezagi бўлган ўз ақли тарозисида уларни ўлчаб кўрсинг. Шунда ҳўқизнинг ўлдирилишида ҳеч бир гуноҳим йўқлиги ойдинлашади...

Ахир мен нима учун шундай бир хиёнат қилишим кеҳ рак эди? Мен юксак мавқе ва мансаб эгаси эмасманки, ундан ҳам юқори мавқе ва даражани ҳавас қилсан. Мен шоҳ хизматида бўлиб, унинг адолати ва саҳовати соясида ҳамиша бир парча нонга қорим тўқ эди, нега энди унга қарши бош кўтарайин? Гарчи мен шоҳнинг қули бўлсан ҳам мени у ўз адолатидан бебаҳра қилади деб ўйламайман.

Уша ердагилардан бири деди:— Димна бу сўзларни ҳоқонининг улуглигини кўрсатиш учун эмас, балки балони ўзидан даф қилиш учун гапирягти.

Димна деди:— Менинг қалбимни мендан яхши ким билади? Уз фойдасини ҳар ким ўзи билади. Зарур бўлған пайтда ҳар ким ўз ҳақини ҳимоя этмаса, бирор уни ҳимоя қилармиди? Сенинг бу сўзларнинг ақлинг камлигидан ва подонлигиндан далолат бериб турибди. Шоҳ сенинг гапинг қуруқ тухмат эканлигини тушунмаяти деб ўйлама. Шоҳ бир оз диққат қилса, бу сўзларни нима мақсадда гапираётганингни тушуниб олади, хайриҳоҳликни бадҳоҳликдан, яхшиликни ёмонликдан ажратиб олади. Шоҳнинг ақл ва закоси бир умрлик иши бир кечада бажаришга қодир, бир боқиши ва назар ташлаш биланоқ катта бир қўшини ўзига тобе эта олади.

Шернинг онаси деди:— Ҳар доим макр ва ҳийла ишлатиб келган, жиноят ва хиёнатни ўз ҳунари деб билган хоиншинг энди панд-насиҳат қилаётганига ғоят таажжуб қиламан. Эй мунофиқ! Сен ҳамон макр ва ҳийла билан ўзингни қутқармоқчимисан?

Димна деди:— Яхшини ёмондан, фойдани заарардан ажратса оладиган одам кўриб турибдики, мен ваъдага ва-фо қилиб ўз бурчимни садоқат билан адо этдим. Шоҳ-

ниңг ўзи яхши биладики, ҳеч бир хоин унинг олдида би-  
рон сўз айтишга журъат қила олмайди. Энди шоҳ менга  
адолатсиэлик қилса, зарари ўзига ҳам тегади.

Кимки ишни шошиб қилса, зарарли нарса билан  
фойдали нарсанинг фарқига бормаса, у ўз дўстини хиз-  
маткоридан ажратса олмай қолган хотин вазиятига ту-  
шади.

Шер сўради:— Хотинга нима бўлти?

**Ҳикоят:** Димна деди:— Айтибдурларки, Кашмир ви-  
лоятида Жамиз отли бир савдогарнинг ой юзли, сунбул  
соҷчи бир хотини бор эди. Бу хотин шу қадар гўзал эди-  
ки, ҳали фалак кўзи бундай жамолни кўрмаган, ҳатто  
инсон хаёли ҳам бунақа гўзални тасаввур этмаган эди.  
Уларга моҳир бир рассом қўшни эди. У билан савдогар  
хотини ошиқ ва маъшуқ эдилар.

Бир куни хотин унга деди:— Сен ҳамиша гоҳ овоз бе-  
риб, гоҳ тош отиб келганингни билдириб, одамларда  
шубҳа уйғотасан. Энди келганингни билдириш учун бош-  
ка бир ўйл топ.

Рассом деди:— Мен иккى рангли чодир тикираман.  
Бир тарафининг оқлиги ой ёғдусидек, иккинчи тарафи-  
нинг қоралиги ойдинисиз қоронги кечадек. Сен уни кўри-  
шинг билан дарҳол чиқиб ёнимга келасан.

Савдогарнинг хизматкори бу сўзларни девор орқаси-  
да эшишиб турган эди. Бир неча кундан кейин чодир бит-  
ди. Рассом бир иш билай кўчага чиқиб кетганда хизмат-  
кор чодирни рассом канизидан сўраб олиб ёпинди-да, хоти-  
нинг ёнига кетди. Рассомнинг канизи унинг маҳбуби  
эди. Савдогарнинг хотини билмасдан шошилиб чиқди,  
хизматкор муродини ҳосил қилиб чиқиб кетди ва чодирни  
ўз жойига кўйди. Сал вақт ўтмай рассом уйига келди.  
Маъшуқасини согиниб, чодирни ёпинганича савдогарнинг  
уйига келди. Хотин яна югуриб чиқди ва деди:— Хайрли  
бўлсин, эй азизим, кетганингга бир соат бўлмай, яна кел-  
дингми?

Рассом масалани дарров тушунди. Уйига қайтиб ке-  
либ, канизининг адабини берди, чодирга ўт кўйди.

Мен бу масални шунинг учун келтирдимки, хоқон  
шошиб менинг масаламда нотўғри ҳукм чиқармасинлар.  
Мен бу сўзларни азоб беришларидан ташвишланаётга-  
ним ёки ўлимдан қўрқаним учун айтиётганим йўқ. Чун-  
ки ўлимдан қочиб қутулиб бўлмайди. Эртами-кечми,  
барибир у бошингга келади.

Агар менинг бир эмас, минг жоним бўлса ҳам уларни  
доҳ учун қурбон қилишга тайёрман, ҳаммасидан кечиб  
икки дунёнинг роҳатига эга бўлган бўламан. Лекин шоҳ  
ишининг оқибатини ўйлаб, эҳтиёт билан ҳаракат қилиши  
керак. Чунки у раиятсиз яшай олмайди. Туҳмат гапга  
ишониб, лаёқатли мулоғимларни ҳалок этишининг зарари  
кўпdir, дўстларингни ўлдирсанг, яккаланиб қоласан.  
Лаёқатли мансабдорлар ва ишбилармон қуллар ҳамиша  
топилавермайди. Садоқатли, ишбилармон одамларни  
етишитириш унчалик осон эмас... Бир тошнинг офтоб тоби  
билин лаълга айланиши учун озмунча йиллар керакми?!

Шернинг онаси қараса, Димнанинг сўзлари секин-се-  
кин ўтирганларга таъсир қиляпти. У, шоҳ Димнанинг уст-  
ти ялтироқ, ичи қалтироқ далиллар ва баҳоналарига  
инониб уни жазолашдан воз кечиб ўтирмасин, деб қўрқ-  
ди. Чунки Димна сўзлашда моҳир, тилёғламаликда уста  
эди... Шунинг учун ҳам шерга қараб деди:— Хомуш ўти-  
ришингдан душманинг гапларига ишонаётганга ўхтай-  
сан. «Сукут — аломати ризо», дейдилар.

Шернинг онаси шуни деб газаб билан ўрнидан туриб  
чиқиб кетди. Шер, қозилар ишни текшириб ҳукм чиқар-  
гунларича Димнани зинданга солишни буорди.

Шундан кейин шерниг онаси ўғлини хилватга чақи-  
риб деди:— Мен Димнанинг ниҳоятда ҳийлакор эканли-  
гини илгари жуда кўп эшишган эдим. Лекин унча ишон-  
мас эдим. Эндиликда эса унинг ёлғонни тўқишига, баҳона  
топишга ва гапга чечанлигини кўриб шубҳаларим тар-  
қалди. Агар хоқон унга озгина фурсат берса, у ўзини  
гирдобдан қутқариб олади. Бу қаллобни тезлик билан  
йўқ қилиш керак, унга муҳлат бериб бўлмайди.

Шер деди:— Шоҳлар саройига яқин одамларнинг  
иши ҳамиша фисқ-фасоддир. Улар бир-бирларини кўрол-  
майдилар, бир-бирларига ҳасад қиласидилар. Ҳасад шун-  
дай ўтирики, агар тутаса, ҳўлу қуруқ баробар ёнади.  
Ҳасадининг оқибати шундайки, бир-бирини кўрарга кўзи  
бўлмаган уч кини қиссасидагидек, ҳасадчи ўзига ҳам  
яхшилики раво кўрмай қўяди.

Шернинг онаси сўради:— Уч ҳасадчи нима қили-  
шибди?

Шер деди:— Айтадиларки, бир-бирига ҳамроҳ бўлиб  
уч киши сафарга чиқсан эди. Ёши улуғи қолган иккисига  
деди:— Сиз нима сабабли ўз ватанларингиз роҳатидан  
кечиб, сафар қийинчиликларини ихтиёр этдингиз?

**Бири деди:**— Мен бир жойда яшар эдим. Иши юришган одамларга ҳасад қилиб, уларни ҳеч кўра олмас эдим. Ўйлаб-ўйлаб бир кун, оз вақтга бўлса ҳам ватандан чиқиб кетсам, кўра олмайдиган нарсаларни кўрмай қўя қолсам, деган қарорга келдим.

**Бошқаси деди:**— Мен ҳам шу сабабдан мусофирикни ихтиёр этдим.

Энг катта ёшдаги сайёҳ ҳам шу сабабдан даштга чиқиб кетганини айтиб берди.

Учала ҳасадчи топишганиларидан хурсанд бўлиб йўлга равона бўлдилар. Бир куни биёбонда йўлдан бир ҳамён олтип топиб олдилар. Ҳамжиҳатлик билан олтинни бўлиб олишга қарор қилдилар. Лекин ҳар бирининг ҳасад олови ёниб, бошқасининг оладиган улушига кўз олайтира бошлади. Шундай қилиб, бир кечаю бир кундуз жазира ма биёбонда оч, ташна ва уйқусиз ҳолда жанжал қилдилар. Эртаси кун шу ернинг подшоҳи овга чиққап эди, маҳрамлари билан ўша ердан ўтиб қолди. Подшоҳ уч ҳасадчини кўриб аҳвол сўради. Улар бор гапни айтиб бердилар:— Биз учовимиз ҳам ҳасад ўтида куйиб-ёна-миз, шу сабабдан ватандан жудо бўлиб эдик. Мана энди топиб олган олтиниларни тақсимлашда ўртамизда низо чиқди. Бу олтинни тақсимлаб беришга қодир бир одамга муҳтож бўлиб турганимизда мана шоҳнинг ўзлари ғойибдан келиб қолдилар.

**Подшоҳ деди:**— Ҳар бирингиз ўзларингизнинг қай даражада ҳасадчи эканлигинизни сўзлаб беринг, ҳасадингиз даражасига қараб олтинни тақсимлаб бераман.

**Бири деди:**— Менинг ҳасадим шу даражада кучлики, ҳеч вақт бирорга эҳсон ва ишафқат қилишини ва бирорнишини хушвақт бўлишини хоҳламайман.

**Иккинчиси деди:**— Сенда ҳасадининг ўзи йўқ экан. Мен эса бирор бирорга ўз молидан эҳсон қилса, жоним чиқиб кетади.

**Учинчиси деди:**— Сиз икковингиз ҳам ҳасаддан бе баҳра ва бенасиб экансиз. Менга бирор яхшилик қилса, ўзгаларга ҳам яхшилик қиласа, деб куйиб кетаман.

Подшоҳ буларнинг ичи қоралигига ҳайрон қолиб деди:

— Сўзларингизга қараганда, бу олтип сизларга ҳаром. Сизларнинг ҳар бирингизга лойиқ азоб-уқубат лозимдир. Бирорга бир нарса эҳсон қилишини хоҳламаганнинг жазоси шуки, уни бадном қилиб, дунё неъматларидан маҳрум этиши керак. Бирорга бирор эҳсон қилганини

кўра олмаган одамни ўлдириб, ундан қутулган яхши. Ўзгага ҳам, ўзига ҳам ҳасад қилувчи одамни дунёдаги барча азоб турлари билан қийнаб ўлдириш керак.

Шоҳ буйруғига биноан, биринчи ҳасадчининг бошини ерга қилиб осдилар, иккинчисининг бошини кесдилар, учинчисининг эса баданига заҳар суртиб офтобга қўйдилар. Шундай қилиб, ҳасад уч кишини жазога гирифтор қилди. Ҳасад давосиз дарддир. Ҳасадчи ҳамиша бирорнинг шодлигидан ғамнок, роҳатидан аламнок бўлади.

Ҳасад шундай ёмон хусусиятки, унинг касридан одам ўзига ҳам яхшиликни рано кўра олмай қолади. Шоҳлар саройига яқин одамларнинг иши ифво, ҳасад, адоват, чақимчилик ва бир-бирини ёмонлашдан иборатдир. Кечакундуз улар бир-бирларининг пайига тушиб, бир-бирларини гийбат қиладилар. Ким истеъодли бўлса, унинг ҳақида шунча кўп миш-мишлар тўқийдилар... Балки Димнанинг мавқеи ва менга яқинлиги саройдагиларга ёқмасди. Билмадим, ҳаммаларининг Димна ҳақида тил бириктиргандай бир хил сўз айтишлари менга хайриҳоҳликлариданми ёки Димнага бўлган адоват ва нафратданми? Мен ҳақиқатни юзага чиқармагунча уни ўлдиришни ўзимга рано кўра олмайман; чунки ҳиссиёт ва нафсониятга берилиш ақл ва камолот ойнасига доғ туширади ва тўғри қарор чиқаришга моне бўлади. Агар ҳунар эгаларини ва ишбilarmoni одамларни ёлғиз шубҳа ва гумонга асосланиб хоип ҳисоблаб ўлдирсан, балки юрагим таскин топар, лекин менга ҳам, мамлакатга ҳам бунинг зарари катта.

Димнани зинданга ташлаб, оёқларига оғир киshan солдилар. Қалиланинг қадимги дўстига раҳми келиб, кеч кириши билан Димна ёнига келди. Димнанинг аҳволини кўриб, кўзларидан қопли ёшлар оқизди ва деди:

— Эй бирордар! Сени бундай мусибат ва азобда кўриб қандай чидай оламан? Сенсиз яшашнинг мен учун маъноси йўқдир, энди мен ким билан бирга улфатчилик қилиб, ким билан ўйнаб-куламан? Шодлигим ва ғамларими ким билан баҳам кўраман?

Энди иш бориб шу даражага етганда, мен сенга нимадессан ҳам арзиди, чунки мен буларнинг ҳаммасини олдиндан кўрган, шунинг учун сенга насиҳат қилиб, кўзингни очишга ҳаракат қилган эдим. Лекин сен сўзларимга қулоқ бермасдинг. Агар илгарилари сенга насиҳат қил-

маган, огоҳлантирган бўлсан, бугун сенинг хиёнатингга шерик бўлиб ўтирас эдим. Лекин сенинг ҳарислигинг, тақаббурлигинг ақлингдан, билимингдан устунлик қилди. Мен сенга олимлар томонидан айтилган, «хоин ўз вақтидан илгари ўлади», деган масални эслатиб ўтган эдим. Бу билан олимлар инсоннинг ўлдирилишини эмас, сенинг тортаётган азоб-уқубатларингни, ҳозирги аҳволингни назарда тутганлар, бу ўлимдан ҳам оғирдир. Ҳар ҳолда бу аҳволда яшашдан кўра ўлим афзалдир. «Тилингни сақласанг, бошинг омон қолади», деб жуда тўғри айтганлар.

Тил бўлсайди ўз қалбининг сирдоши,  
Кесилмасди тил эгасининг боши.

Димна деди:— Эй биродар, сен ҳамина ҳақ сўзни айтар ва тўғри маслаҳатлар берар өдинг. Лекин ҳасад, мансаб орзузи ақлимни олди, насиҳатларингни кўз олдимда беқадр қилди. Бу ишининг зарари бағоят ва хатари бениҳоя эканига ақлим етар эди, лекин нағсини тия олмай соғлиғига заарали таомни еган касал каби ўзимни енга олмадим. Биламан, бу бало уруғини ўзим сепдим: Қим нима экса, шуни ўради. Иносон ўзи эккан дараҳтнинг заҳарли эканини мевасини ўзига едирганиларидан кейин билади. Кўриб турибманки, менга ҳам қилган ишларим ҳосилини йифиш ва айтган сўзларим жазосини тортиш вақти келди. Лекин дўстим бўлганинг учун сенга ҳам озор беришлари мумкинлиги мени ташвишга соляпти. Агар қадимий дўст-сирдош эканимизни назарда тутиб, сени гувоҳликка чақирсалар ва сен, худо кўрсатмасини, ростртўйлигинг туфайли барча бўлган гапларни айтиб берсанг, у вақт мен икки ҳисса оғир азоб чекаман. Унда сен учун ҳам, мен учун ҳам нажот йўли беркилган бўлади, чунки сен менинг ишларимни билиб юрардинг. Сен бошқалар тўғрисида шаҳодат берсанг ҳам ҳеч кимда шак-шубҳа ўйғонмайди, шундай самимий дўст бўла туриб мен ҳақимда айтган сўзларинг инобатли бўлади. Энди менинг қай аҳволда эканлигимни ўзинг кўриб турибсан. Муруват ва марҳамат пайти, гуноҳларни кечириш вақти етди.

Қалила деди:— Нима демоқчи бўлганлигинги англадим. Олимлар дебдиларки, ҳар ким ҳам азобга бардош беролмайди, кулфатга тушган одам жонини

азобдан қутқариш учун ёғонми, ростми, ҳақми, ноҳақми, оғзига келганини қайтармайди. Мен сенга ҳозирги вазиятда нажот йўлини кўрсата олмайман. Энг яхшиси шуки, гуноҳингни бўйнингга ол ва бўлган ишни эътироф қилиб узр сўра. Шундай қилсанг ҳеч бўлмагандан нариги дунё азобидан қутулиб қоласан. Чунки барибир сени қилган ишинг учун ўлдирадилар.

Димна деди:— Мен бу ҳақда ўйлаб кўрай, бирор қарорга келсам, сенга айтарман.

Қалила бу сухбатдан юраги сиқилиб паришон ҳолда уйига қайтди. Кетма-кет рўй бериши мумкин бўлган мусибат ва балоларни кўз ўнгига келтирди, фамидан кўрпа-тўшак қилиб ётиб олди, бироқ ўрнида илон чаққандек тўлгана бошлади. Ниҳоят, кечга бориб қорни шишиб кетди, тоғ отмай, пафаси бўғилиб жон таслим қилди.

Қалила билан Димна зиндоонда гаплашаётган пайтда бир ваҳший ҳайвон улар яқинида биқиниб ётиб, бутун гапларни әшишиб олган эди... Эртасига у шернинг онаси ёнига келиб ҳаммасини айтиб берди. Шернинг онаси деди:— Хоин одамларни кечириш содик одамларни ўлдириш демакдир. Фитначи ва риёкор одамларни саломат қолдириш уларнинг ишига шерик бўлиш демакдир.

Шер қозига Димнанинг ишни тезлатишни, уни биладиганларци сўроқ қилиб, әшифтганларини ҳар кун шоҳга хабар қилиб туришни буюрди.

Эртасига ҳамма қозилар тўпландилар, жар солиб жамоатни ҳам йиғдилар. Қозининг вакили жамоатга юзланиб баланд овоз билан деди:— Шоҳ Димнанинг иши тезлиқда теқширилиб ҳақиқатни аниқлашни, шубҳаларни бартараф қилиб, Димна устидан ҳукм чиқаришни амр қилди. Лекин шоҳ бу ҳукм жуда одил бўлиши кераклигини, бунинг учун Димнани танигаплар унинг яхши-ёмон ишларини чиқиб гапиришлари лозимлигини уқтириб ўтди. Тоицки хун ноҳақ кетмасин!

Қози вакили сўзини тутатди. Ҳамма сукутга кетди. Ҳеч ким чиқиб гапиришга ботинмас эди. Чунки ўтирганлар учун бу масала анча қоронғи эди. Улар тусмоллаб бир нарса дейишини ва шу туфайли беҳуда қон тўкилишини хоҳламасдилар.

Бу ҳолни кўриб Димнага жон кирди ва жамоатга қараб деди:— Агар гуноҳкор бўлсайдим, сизнинг инда-

маслигингизга севийар эдим. Лекин мен бегуноҳман. Гуноҳкор бўлмаган одам ҳақида ҳеч ким ёмон сўз айтиши мумкин эмас. Ҳар бирингиз менинг тўғримда нима билсангиз гапиринг. Лекин эсингизда тутингки, ҳар бир сўзнинг бу дунёда ҳам, у дунёда ҳам ўзига яраша мукофоти бор. Оғзингиздан чиқсан ҳар бир сўз бир одамга ҳаёт бағишлашга ва ёки бир инсонни йўқ қилиб юборишига қодир. Ҳақиқатни билмасдан, ёлғон гумон ва тахминга асосланиб гувоҳлик берадиган ва бу билан мени ҳалок қиласидиган одам табобат илмини билмай табилик даъво қиласан киши кунига тушади.

Қозилар сўрадилар:— У қандай бўлган эди?

**Ҳиқоят.** Димна деди:— Ривоят қилибдурларки, бир шаҳарда тажрибали, беморга тўғри ва фойдали маслаҳат берадиган, ақлли, хизрнафас бир табиб яшар эди. Бу ҳаким хаста бўлиб, инсоннинг энг қимматли неъмати бўлган кўзидан ажралиб кўр бўлиб қолди. Шундан фойдаланиб бир ҳаёсиз нодон одам ўзини табиб қилиб кўрешиб, ном чиқара бошлади.

Шу шаҳар подшоҳининг бир қизи бор эди. Шоҳ уни ўз акасининг ўғлига узатган эди. У ҳомиладор бўлиб туғиши вақти яқинлашғанда оғир касал бўлиб қолди. Шоҳ тажриба ва муолижада шуҳрат топган кўр табибини чақитириб келди. У аёлнинг касалини сўраб-суринтиргач, дардини дарҳол топди, унга «замаҳрон» дорисидан бир мисқолини тоза мушк ва долчинга қўшиб ичиришини буюорди. Унга дорини тайёрлашни таклиф қиласандарига, у айтди: «Менинг кўзларим кўрмайди, ўзларингиз тайёрларсизлар». Шу орада нодон «табиб» келиб қолиб, гапга аралашди: «Бу менинг ишим, мен тайёрлай оламан»,— деди.

Шоҳ уни ўз ёнига чақириб, турли гиёҳлар сақланадиган хонага кириб дорини тайёрлашни буюорди. У илмсиз ва нодон одам дарров ўша хонага кириб, ҳеч нарса билмагани ҳолда ишга кириши: заҳар солинган бир идишни олди, унга бошқа дөриларни аралаштири ва олиб чиқиб аёлга берди. Шоҳнинг қизи уни ичиш биланоқ жон берди. Подшоҳ разабланиб ўша доридан қолганини нодон ҳакимга ичирди, унинг бутун аъзойи бадани кўм-кўк бўлиб шу жойнинг ўзида қотиб қолди.

Бу масални шунинг учун келтирдимки, масаладан ҳабардор бўлмай сўз айтганнинг, билимаган ишга киришганинг аҳволи шундай бўлади.

Ўтирганлардан бири деди:— Жиноятини авом ҳалқдан сўраб-суринтириб ўтиришга эҳтиёж бўлмаган, разиллиги, ва риёкорлиги аъёну ашрафга ойдек равшан бўлган бадбахт Димна ўлимга сазовордир. Димнанинг лўттибозлиги, қалбининг қоралиги унинг юзидағи аломатларидан ҳам кўриниб турибди.

Қози деди:— Қайси аломатлардан, уларни айтиб бер, ҳалқа ҳам маълум бўлсин.

У шахс деди:— Олимлар дебдурларки, кимнинг қошлиари оралиги узоқ бўлса, ўнг кўзи чап кўзидан кичикроқ бўлса ва тез-тез юмиб очса, бурни чап томонга бир оз қийшайган бўлса ва учида учта тук бўлса, ўзи ҳамиша ерга қараса, ундай одамга фисқ-фасод ҳамроҳ, ҳийла ва макр йўлдошдир. Бу аломатларнинг ҳаммаси Димнада бордир.

Димна деди:— Оллоҳнинг ҳукми ҳақдир, унда саҳвато бўлиши мумкин эмас. Агар сен санаб чиқсан аломатлар ҳақиқатнинг мезони, адолатнинг ўлчови бўлса ва ёлғиз шуларга асосланиб тўғрини ёлғондан, ҳақни ноҳақдан ажратиш мумкин бўлса, у вақтда ҳеч бир кимсанни ҳеч қандай масъулиятга тортиб бўлмайди. На яхшилиги учун унга мукофот бериб бўлади ва на ёмонлиги учун жазо. Чунки худо томонидан яратилган бу хусусиятларни ҳеч ким йўқ қилиш қудратига эга эмасдир... Агар мешга туҳмат юзасидан тўнкалган бу ишни қилган бўлсан (худо сақласин), демак, мени бунга шу аломатлар мажбур этибди. Бу аломатларни худо яратганилиги туфайли мен уларни йўқ қилишга қодир эмасман, бинобарин, жазога ҳам сазовор эмасман... Гар шундай экан, қандай қилиб сизлар мени бу аломатларга асосланиб балога дучор қила оласизлар? (Сизлар бу билан худони гуноҳкор ҳисоблаган бўласизлар-ку.) Сен бу бемаъни сўзларинг билан ўз нодонлигингни ва омилигингни ҳаммага аён қилдинг. Сен ўзинг билмаган ишинингга араланиб юрибсан, оғзингдан чиқсан гапнинг маъносига тушушмайсан.

Димнанинг бу сўзларидан кейин ҳамма оғзига толқон солгандек жим бўлиб қолди, ҳеч ким бирон нарса дейишшига журъят эта олмади.

Қозипинг буйруги билан Димнани зиндонга олиб кетдилар.

Димна зиндонга келган эди ҳамки, Калиланинг Рузбек отли дўсти Қалиланинг ўлганини унга кабар қилди.

Димна буни эшитгач, юраги ҳам-ғуссага тўлди, оҳ чекиб, кўзларидан селдек ёш тўқди ва марсия ўрида шу шеърни ўқиди;

Хийла-найранг ожиздир ўлимнинг қаршисида,  
Ҳеч қутқарган бўлганми ёқасини ажалдан?!  
Агарда ўлмак учун туғилган бўлса инсон,  
Яна яхши бўларди, туғилмаса азалдан.

Димнанинг бу сўзларини эшитиб, ўша ерда ҳозир бўлганлар қонли кўз ёшларини оқиза ва унга тасалли бера бошладилар.

Димна деди:— Алвидо, Қалила! Бошимга оғир кунлар келганда, баҳтсиз ҳодисалар рўй берганда у менинг ҳамдардим, маслаҳатдошим, паноҳим эди. У дўстларнинг сирларини сақловчи хазина эди. Фалак ҳам бу сирларни айтишга уни мажбур этолмасди. Энди мен учун тирикликнинг нима лаззати бор? Рузбех, агар бошимга тушган бу мусибатли куида сен бу ерга келиб дўстлик қўлини менга узатмаганингда эди, дод-фарёд қилиб ўзимни ўлдирап эдим... Энди сен Қалила ўрнига менга биродарсан. Сендан бошқа ҳеч кимим йўқ. Қўлингни бер, дўст бўлайлик.

Рузбех жуда хурсанд бўлиб деди:— Сенинг бу илтифотингдан кўп миннатдорман. Дўстлик қадрини билганлар сен билан ҳамсуҳбат ва сирдош бўлишни ўзларига шараф деб ҳисоблайдилар. Кошки, мен бирон ишингга яраб, сенга ёрдам кўрсата олсам.

Улар бир-бирларининг қўлларини сиқиб, дўст бўлишга онт ичдилар. Сўнгра Димна деди:— Фалон жойда хазина яшириб қўйганимиз. Қалила билан иккимизники эди, олиб кел, сен ҳам қуруқ қолмайсан.

Рузбех хазинани олиб келди. Димна ўз ҳиссасини олди, Қалиланинг ҳиссасини Рузбехга берди ва ҳамиша шоҳнинг ёнида бўлиб унинг ҳақида нимаики десалар келиб айтиб беришини илтимос қилди.

Рузбех унинг таклифини мамнунлик билан қабул этди. Эртаси кун бош қози йиғилишда бўлган воқеаларни шоҳга айтиб берди. Шер унга жавоб бериб юборгач, онасини ўз ёнига чақиртириди. Онаси бўлган воқеаларни эшитгандан кейин жуда безовта бўлиб қолди:

— Сенга қаттиқ гапириб, хафа қилиб қўяманни деб қўрқаман. Лекин ўйлаганларимни айтмасам, шоҳга хи-

ёнат қилган, уни ўз маслаҳатим ва насиҳатимдан бебаҳра этган бўламан.

Шер деди:— Маслаҳат берилиши ксрак бўлган вақтда қўрқини яхши эмас. Сенинг айтганларинг беғараздир, нима десанг, қабул этаман. Сўзлайвер.

Шернинг онаси деди:— Шоҳ ёлғонни ростдан, фойдана заардан ажратса олмаяпти. Димна ўзига берилган фурсадан фойдаланиб шундай фитна уюштириши мумкини, шоҳнинг ақли унинг олдидаги ожиз қолади, ҳар қандай ўтқир қилич ҳам бу фитна тўрини кесолмай қолади...—Шу сўзларни айтди-да, шернинг онаси жаҳул билан ўридан туриб кетди.

Эртаси кун Димнани келтиридилар, жамоат йиғилди, қозилар тўпланди ва мажлис бошланди. Қозихона вакили Димиа ҳақидаги айномани ўқиди.

Ўтирганлар бирон сўз айтмаганларидан кейин бош қози Димнага қараб деди:— Бу ерга йиғилганлар индамай ўтирган бўлсалар-да, кўнгилларида сенинг хоинлигингда аминдурлар. Шу аҳволда жамоа ўртасида яшамоғингдан нима фойда бор? Энди сен учун энг тўғри йўл—гуноҳингни бўйинингга олиб тавба қилиш ва шу билан у дунё азобидан ўзингни сақлаб қолишдир. Хиёнатни эътироф этсанг, у дунёга ёргу юз билан борган бўласан. Рост, сен сўроқ вақтида ўзингни ҳимоя қилиш учун далиллар келтиришга устасан, лекин шуни билгинки, расво бўлиб яшамоқдан мардлик билан ўлмоқ яхшидир.

Димна деди:— Қози аниқ далилларга эга бўлмаган ҳолда, ўз эҳтимоли ва ўзгалар гумонига кўра ҳукм чиқармоқчи. Бу катта хатодир. Агар сизларда шубҳа бор бўлса-ю, мени гуноҳкор деган қарорга келган бўлсалигиз, бу ҳали мен ҳақиқатан ҳам гуноҳкор эканлигими билдирамайди. Мен ўзимни, нима қилган, нима қилмаганини яхши биламан. Ўзинг билган ҳақиқатни бошқаларининг гумони учун қурбон қилиш ақлсизликдир, бунга қопни ҳам, шариат ҳам йўл қўймайди. Сиз мени тұхматчи, гуноҳкор деб гумон қилиб шунча шовқин күтаряпсизлару ҳеч гуноҳ иш қилмаган мен индамай ўтираверайми? Ҳолбуки, менинг назаримда ҳеч кимнинг ўзимчалик қадри ўйқидир, инсоннинг ўз жонидан ҳам азиз нарсаси бўларми? Менинг виждоним ҳатто ҳеч қандай қимматга эга бўлмаган одамга ҳам ўлимни раво кўрмайдиу уни ўзимга раво кўраманми!? Эй қози, бу даъволярингдан кеч, агар насиҳат қилмоқчи бўлсанг,

унинг йўли бошқа. Авваллари сен одил эдинг, тўғри сўз эдинг, энди эса менинг баҳтим қаролигиданми ёки шахсий баразданми, билмадим, бу ишда янгиш йўл тутиб, масалани бир тарафлама ҳал этмоқ, ўзингнинг шахсий гумонингга асосланиб нотўғри ҳукм ва ноҳақ қарор чиқармоқ фикрига тушиб қолибсан... Кимки билмаган иши юзасидан гувоҳлик берса, қарчигайчи бошига тушган нарса унинг ҳам бошига тушади.

Қози деди:— Унинг бошига нима иш тушибди?

**Ҳикоят.** Димна деди:— Айтадиларки, бир машҳур ва маъруф марзбон<sup>1</sup> бор эди. Унинг Баҳория деган ой юзли, гул ёноқли, номусли ва иффатли бир хотини бор эди... Шу кишининг бир қарчигайчиси бор эди. У жуда ҳаёсиз ва нопок одам эди. Бир куни бу беҳаёнинг кўзи марзбонинг хотинига тушиб қолди. Унга етишиш орзусида кўп ҳаракатлар қилди, ҳеч бир иш чиқара олмади. Умиди узилгандан кейин у хотинни беобрў қилиши ва шу йўл билан ундан қасос олиш фикрига тушди. Бир овчиндан иккита тўтиқуш олди ва уларнинг бирига, балх тиляда: «Мен дарвозабоннинг хоним билан бир уйда ётганини кўрдим», деган жумлани, иккичисига эса, «Мен энди ҳеч нарса айтмайман» деган жумлани ўргата бошлади. Етти ой ичидаги тўтилар бу гапларни такрорлаб айтадиган бўлдилар. Бир куни марзбон ўз дўстлари билан улфатлашиб шароб ичib ўтирганларида, қарчигайчisi иккита тўтини олиб келиб уларнинг олдига қўйди. Тўтилар ўрганиб олган иккита жумлани такрор этар эдилар. Марзбон балх тилини билмагани учун тўтиларнинг гапини тушунмади, лекин қушларнинг овози ёқиб қолди — парвариш қилиб тур, деб уларни хотинига топширди. Орадан бир неча кун ўтгач, марзбон уйига Балхдан меҳмонлар келди. Овқатдан кейин шароб ичib ўтирган эди, марзбон тўтилар солинган қафасни ўртага олиб келиб қўйди. Тўтилар одатларига кўра ўша иккита жумлани такрор-такрор айтар эдилар. Меҳмонлар тўтилар гапини эшитгач, бир-бирларига қараб хайрон бўлганларича, бошларни қўйи солиб узоқ сукут қилиб ўтирилар. Ниҳоят, марзбондан сўрадилар:— Сен бу қушларнинг нима деяётгандарини тушунасанми?

Марзбон деди:— Йўқ, сўзларини тушунмайман, лекин овозлари жуда ёқади.

1 Марзбон — қоким, чегара қўриқчиси,

Меҳмонлардан бири уй эгасига бу сўзларнинг маъносини айтиб берди ва қўлини дастурхондан тортиб, деди:

— Бизнинг шаҳарда хотини ёмон уйдан таом емайдилар. Қарчигайчи дарҳол сўзга аралашиб деди:— Кушларнинг сўзи тўғри, мен ҳам бир неча дафъа кўрганман, гувоҳлик беришим мумкин.

Марзбон дарғазаб бўлиб хотинини ўлдирмоқчи бўлди. Хотини бир одам орқали эрига айттириди:— Мени ўлдириш учун шошилмасин. Мен унинг қўлидаман, истаган вақтда ўлдириши мумкин. Ақл ва тажриба эгалари ҳукм чиқариш, айниқса қон тўкишга шошилмасликлари, сабрли бўлишлари зарур. Менинг ҳақимдаги ишни текшириш керак, агар тўғри чиқса ўлдириши мумкин. Балхлик меҳмонлардан сўрасин, ўша иккита қуш шу икки журмадан бошқа нарса биладиларми? Агар билмасалар, демак, бу сўзларни тўтиларга ҳаёсиз, нонкўр хизматчи ўргатгани маълум бўлади. Чунки у менга сўз отган, мени ўйнаш қилиб олмоқчи бўлган, лекин ўқи тошга теккан эди. Шундан кейин у мендан қасос олиш ниятида бу ҳийланни ўйлаб чиқарган...

Марзбон хотинининг айтганига қулоқ солиб, тўтиларнинг иккита ўргатилган жумладан бошқа нарса билмаслигига қаноат ҳосил қилди, хотинининг гуноҳсизлиги маълум бўлди. Марзбон қарчигайчини чақириб келишни буюрди. Қарчигайчи мақсадга стдим деб суюниб қўлида тўтиқуш билан кириб келди. Марзбоннинг хотини сўради:— Сен менинг ёмони ишлар қилганини кўрган эдингми? Қарчигайчи, «ҳа, кўрганман», демоқчи бўлиб оғзини очган ҳам эдики, қўлидаги қуш унинг икки кўзини ўйиб олди.

Хотин деди:— Кўрмаган нарсани кўрдим деган кўзининг жазоси шу бўлади.

Димна деди:— Мен бу масалани шунинг учун келтирдимки, билмаган нарсани биламан деб бирорвга чоҳ қашиш, қоралаш — бу дунёда ҳам, у дунёда ҳам оғир гуноҳдор.

Димнанинг сўзи тугагач, бўлган гапларнинг ҳаммасини ёзиб шоҳга етказдилар. У тазқирани онасига кўрсатди.

Онаси деди:— Шоҳ соғ ва саломат бўлсин. Бу ҳийла-кор энди бошқа усууллар қўлламоқчи. У макр ва ҳийла ишлатиб шоҳни маҳв этмоқ фикрига тушибди. Бўхтон,

таҳдид ва қўрқитиш йўлига ўтибди. У энди фитна қўзғатиб бутун ишларни ост-уст қўлмоқчи, шоҳнинг содик журъатли ва эътиборли вазирининг бошига солган фалокатларни шоҳнинг бошига солмоқчи.

Бу сўзлар шерни ўйлатиб қўйди, бир лаҳза мулоҳа-задан сўнг онасига қараб деди:— Эй она, Калила ва Димнанинг сўзлашиб турганини эшитган ким эди, хеч бўлмаса шуни айтсанг, Димнани ўлдиришга менинг қўлимда бир асос бўлар эди.

Шернинг онаси деди:— Ишониб сир айтган одамнинг номини билдиришим менга жуда оғир. Омонатга ҳиёнат қилиб гуноҳга ботишни хоҳламайман. Лекин бу сирни менга айтган кимсадан ижозат сўраб кўрай, агар кўнса, айтиб бераман.

Шернинг онаси ўз хонасига бориб қоплонни ёнига чақирибиб, деди:— Шоҳнинг сенга қилган яхшиликлари, лутф-карами ўзингга ҳам, ўзгаларга ҳам аён. Бунинг натижасида шуҳрат қозондинг, мартабанг ошди. Энди сен шоҳнинг тузини оқлаш учун Димна ҳақида менга айтган сўзларингни шернинг олдига бориб тақрорлайсан. Шундай қилсанг, золимнинг жазоланишига, ноҳақ ўлдирилган ҳўқизнинг оқланишига ёрдам берган бўласан.

Қоплон итоатгўйлик билан деди:— Агар менинг бир эмас, мингта жоним бўлиб, ҳаммасини шоҳга фидо қиласам ҳам менга қилган яхшиликларини уза олмайман. Мен ким эдимки, узр сўраб шер олдида гувоҳлик беришдан бўйин товласам ва шоҳнинг ёмон гумонларига сабаб бўлсам. Модомики, иш шу даражага етибди, мен шоҳнинг хоҳишига амал қилиб, нима қилиш керак бўлса шуни бажараман.

У шер ва бутун ҳайвонлар олдида Калила ва Димна орасида бўлиб ўтган гапларни батафсил айтиб берди. Бу сўз оғиздан-оғизга ўтиб ҳар ерга ёйилди. Калила ҳамда Димнанинг сухбатини эшитган ҳайвонга ҳам етиб берди. Шундан кейин бу ҳайвон, мен ҳам гувоҳлик бермоқчиман, деб шоҳга хабар юборди. Шер уни олиб келишни амр этди. У келиб зинданда эшитганларининг барини шоҳга баён қилди. Утирганлар ундан сўрадилар:— Ахир нега ўша куни келиб, эшитганларингни айтиб бермадинг?

У жавоб берди:— Мен ёлғиз бўлганим учун бир кишининг шоҳидлиги ҳукм чиқаришга етарли бўлмайди

деб ўйлаган эдим. Энди эса шоҳид иккита бўлди, бинобарин, Димна ҳақида ҳукм чиқармоқ мумкин.

Утирганлар ҳам, қозилар ҳам, шоҳид иккита бўлганлиги учун энди Димна ҳақида ҳукм чиқариш мумкин деган қарорга келишди. Шоҳ Димнанинг қўл ва оёғини занжирбанд қилиб зинданга солишларини буюрди. Димна зинданда очлик ва ташналиқдан азоб ва уқубат чекиб ўлди. Ҳийлакор ва хоин, ҳасадчи ва фитначиларнинг оқибати шундай бўлади...

## ЧИНКАБУТАР, ҚАРҒА, СИЧҚОН, ТОШБАҚА ВА ОҲУ БОБИ

Рожа бараҳманга деди:— Бир фитначининг орага кириб икки дўст ўртасида қандай адоват ва душманлик пайдо бўлгани, ниҳоят, бир бегуноҳ бечоранинг қони тўкилгани ҳақидаги ҳикояни эшитдим. Майлинг бўлса энди самимий дўстлар ҳақида, уларнинг садоқат ва биродарликлари тўғрисида, бу садоқат ва қардошликтининг фазилати борасида сўзлаб берсанг.

Бараҳман деди:— Ақлли одамлар учун дўстликдан қимматли ҳеч нарса йўқdir. Чунки яхши кунларда дўстларинг билан улфатчилик қилиб, хурсанд бўласан, ёмон кунлар бошинга тушганда дўстларинг сенга ҳамдard ва ёрдами чўладилар. Қарға, сичқон, кабутар, тошбақа ва оҳу масали бунга яхши мисол бўла олади.

Рожа деди:— У қандай масал?

Масал. Бараҳман деди:— Дебдурларки, Қашмир вилоятида бир хушманзара ажойиб чаманзор бор эди. Овга сероб бўлганилиги учун у ерга овчилар тез-тез келиб туришар эди. Шу чаманзорда сершоҳ, барглари қуюқ баланд дараҳт устида қарға уя қуриб кун кечирар эди. Бир кун қарға ўз инида у ёқ-бу ёққа қараб ўтирганида, бўйнида тўр, орқасида тўрва, қўлида таёқ ушлаб, шошилганича шу дараҳт томон келаётган бадбашара бир одамга кўзи тушди. Қарға ўз-ўзига деди:

— Бу одам бир балони бошлаб келаётганга ўштайди, у кимни тўрга солиш қасдида келяпти, мени тутмоқчими ё бошқасини? Яххиси, қимир этмай ўз жойимда турай, қани нима бўлар экан.

Овчи дараҳт остига келиб тўрни ёйди-да, дон сепиб,

ўзи беркинди. Бир соат ўтар-ўтмас бир тўда кабутарлар учиб келдилар. Уларнинг бошлигини Чинкабутардер эдилар. Кўпни кўрган, зийрак ва чаққон эди. Кабутарлар у билан фаҳрланар, ҳар доим унга бўйсунар, у қасрга бошласа, ўша ерга учар ва унинг шарофати билан яхши кун кечирар эдилар.

Кабутарлар тўдаси доғни кўрганларидан кейин ҳеч нарсадан шубҳа қилмай пастга тушдилар ва тўрга илиндилар. Овчи буни кўриб севиниб кетди, уларни тутиш учун жойидан шошиб турди. Кабутарлар патиллаб ҳар бири ўз жонини халос қилиш учун ҳаракат қилар ва бир-бирига урилар эдилар. Буни кўрган Чинкабутар деди:— Ваҳимага тушманлар. Ҳар бирингиз ўзингизни эмас, ҳамманинг халос бўлишини ўйланглар. Энди биргина чора қолди: ҳаммамиз кучимизни тўплаб бараварига парвоз қилишимиз керак. Қабутарлар бошлиқлари айтгандек қилдилар, ҳаммалари бараварига учиб, тўр билан бирга кўкка кўтарилилар.

Овчи улар кетидан югурди, у, охири булар чарчаб бирор жойга қўнарлар, деб умид қиларди.

Бўлаётган воқеаларни кузатиб турган қарға ўз-ўзига деди:

— Мен буларнинг кетидан бориб, иш нима билан тугашини кўрай, чунки шундай ҳодиса менинг ҳам бошнимга тушиши мумкин. Ушанда булар тажрибасидан фойдаланаман. Бошқаларнинг бошига тушган ҳодисадан ўзи учун ибрат олган одамни ҳушёр ва фаросатли дейдилар.

Овчининг чопиб келаётганини кўрган Чинкабутар ёронларига деди:— Бу сурбет овчи ҳамон кетимиздан келяпти, биздан воз кечадиганга ўхшамайди. Агар кўзидан ғойиб бўлмасак, биздан кўнгил узмайди. Ониқ жойга эмас, дараҳтзорларга бориб қўпайлик, шунда у бизни тополмай, орқасига қайтиб кетар. Менинг бу яқинда бир сичқон дўстим бор, унга айтсан, тўримизни қирқади ва бизни озод қиласди.

Кабутарлар унинг сўзига кириб, у бошлаган томонга қараб учдилар. Овчи оворай сарсон бўлиб, орқасига қайтиди.

Воқеанинг нима билан тамом бўлишини билиш учун қарға ҳам улар орқасидан тўхтовсиз учиб борарди.

Кабутарлар сичқон масканни ёнига тушдилар. Сичқоннинг оти Зийрак, ўзи жуда ақлли ва чаққон

эди, ҳаётнинг иссиқ-совуғини кўрган, аччиқ-чучугини тотган эди. Бирор фалокат рўй берса, қочиб чиқиб кетиш учун инидан анча тешик очган, инига сомон солиб, озуқа билан тўлдирган эди.

Чинкабутар унинг уясиға келиб чақирди. У ҳам кабутарнинг овозини эшитиши биланоқ инидан югуриб чиқди ва вафодор дўстини тузоқда кўргач, кўзларидан ёш оқизиб деди:— Эй азиз ва меҳрибон дўстим! Ким сени бу аҳволга солди?— Чинкабутар жавоб берди:— Яхшилик ҳам, ёмонлик ҳам тақдирдан. Кимнинг пешасиға нима ёёилган бўлса, эртами, кечми, шу нарса унинг бошига келади, ундан қочиб қутулиб бўлмайди... Қисмат бизни бу бало гирдобига солди. У бизга дон кўрсатиб, кўзимизни боғлади ва ақлимизни қора пардага чулғади. Ҳаммамиз бало занжирига тушиб, баҳтсизлик чангалига тушдик. Мендан кўра қувватлироқ ва шаън-шавкатлироқ бўлганлар ҳам қисматдан қочиб қутула олмаганлар. Вақт-соати келганда, кун ва ой тутилади, балиқ дарё тагидан юзага қалқиб чиқади, қуш осмон бағридан ерга тушади, нодонлар мақсадга етади, ақллилар ожиз қоладилар...

Сичқон бу сўзларни эшитгач, Чинкабутар ўралган ипларни қирқа бошлади. Чинкабутар деди:— Аввал ўртоқларим ўралган ипларни қирққин.— Сичқон унинг сўзиға парво қилмади. Чинкабутар яна деди:— Эй азиз дўстим, аввал ўртоқларимни банддан озод қил!— Сичқон деди:— Сен ўз жонингни халос этишни истамайсанми, яшашга сенинг ҳақинг йўқми?— Чинкабутар деди:— Мен уларга раҳбар бўлиш вазифасини ўз зиммамга олганман. Шунинг учун уларнинг менда ҳақлари бор, уларни асраш менинг бурчимдир... Бунинг устига, мен уларнинг ҳаракати ва ёрдами туфайли овчиннинг қўлидан халос бўлган эдим. Энди мен ҳам ўз бурчими адо этиб, ўзимдан аввал уларни қутқазишим керак. Яна шуниси борки, агар сен менинг ипларимни қирқа бошласанг чарчаб қолишинг ва дўстларим тўрда қолиб кетишли мумкин. Лекин мен тўрда қолсам, сен қанчалик чарчамагин барибир, мени тўрда қолдирмайсан. Ҳаммадан олдин ўзимни қутқазсам таъна ва маломатга қоламан.

Сичқон деди:— Бу муруватли ва инсофли одамларнинг хосиятидир. Бу хосият дўстларнинг сенга бўлган ишончи ва муҳаббатини янада мустаҳкамлайди.

Шуни деб сичқон астойдил ишга киришиб кабутарларнинг ипларини қирқа бошлади. Бир оздан сўнг кабутарлар ва Чинкабутар тўрдан озод бўлдилар.

Қарға сичқоннинг жонбозлигини ва ипларни қирқишидаги маҳоратини кўриб, у билан дўстлашмоқ фикрига тушди ва ўз-ўзига деди:— Кабутарлар бошига тушган иш менинг ҳам бошимга тушиши мумкин. Бундай дўст керак бўлиб қолади.

У сичқон ини ёнига келиб, чақирди.

Сичқон сўради:— Ким?

Қарға деди:— Мен, қарғаман.

Қарға унинг кабутарларга қилган яхшилигини, вағодорлигини айтиб берди ва деди:— Сенинг нақадар муруватли ва олижаноб эканлигинг менга маълум бўлди. Шунинг учун сен билан дўстлашиш орзусига тушдим. Бу дўстликнинг нимаики шартлари бўлса, баъжо келтиришга ҳозирман.

Сичқон деди:— Сен билан менинг ўртамда ҳеч умийлик йўқ, бинобарин, дўст бўлишимиз ҳам мумкин эмас. Ақлли одамлар нодон одамлар аҳволига тушмаслик ва ҳикмат аҳлларига калтафаҳм бўлиб кўринмаслик учун мумкин бўлмаган нарсаларни орзу қилмаслик керак. Қуруқликда кемадан, денгизда отдан фойдаланишини истаганлар ўзларини кулгили ҳолга соглан бўладилар. Чунки бошида ақли бор одам бундай ишни қилмайди. Сен билан менинг орамизда қанақа муҳаббат бўлиши мумкин! Ахир мен сенинг таомингман, демак сенинг ёнингда бир лаҳза бўлса-да, тинч, бехавотир яшай олмайман. Қимки ўз тенги билан бўлмаса, унинг бошига ҳам каклик бошига тушган савдо тушади.

Қарға деди:— Унинг бошига нима савдо тушиди?

**Ҳикоят.** Сичқон деди:— Бир куни бир каклик тоғ этагида сайр қилиб юрар ва қаҳқаҳасининг садоси фалак гумбазигача старди. Ногоҳ бир лочин ўша ердан учиб ўтди. У какликнинг юришини ва хандон отиб кулишини кўриб кўнгли очилиб кетди ва унга меҳр қўйиб, у билан суҳбат қилиш хаёлига тушди. Ўзича: «Бир меҳрибон ёр ҳаммага ҳам лозимдир,— деб ўйлади.— Бу каклик жуда чиройли, дилрабо ва хушрафтор экан, агар шундай ёр ва ҳамдаминг бўлса, суҳбатидан кўнгил баҳра олгай».

Шу сўзларни айтиб, лочин оҳиста какликка яқинлашиди. Какликнинг кўзи унга тушиши билан қўрққанидан

Сир тош тёшигига кириб кетди. Лочин ҳаводан тушиб тёшикка яқин келди ва деди:— Эй қажлик, илгари сенинг бу қадар ажойиб қүш эканлигингни билмас эканман. Бугун сенинг қаҳқаҳаларинг ва юришинг мени асир қилди. Мендан асло қўрқмай меҳр қўйсанг, дўстлик дараҳтидан мурод меваси етишар деган умиддаман...

Қаклик бекинган жойидан овоз берди:— Эй қаҳрамон, мен бечорадан қўл торт ва ўзингча бугун бир қакликини тутиб едим, деб қўя қол. Ут билан сув бир-бирига қўшилгандағина иккимиз дўст бўла оламиз.

Лочин деди:— Эй азиз, ўзинг бир ўйлаб кўр, меҳри-бонлиқдан ўзга қандай нарса мени ширин сўзлашга мажбур қилиши мумкин? Чангалимдан қувват кетдимики, сенга ўхшаганларни ов қила олмай ҳийла ишлатсам, тумшуғимга путур етибдимики, шикорга ярамай қолгани бўлсам. Менда ҳамдамлик ва ҳамсуҳбат бўлишдан бошқа орзу йўқ. Менинг суҳбатим сенга кўп фойда келтиради. Биринчидан, йиртқич қушлар менинг ҳимоям остида эканлигингни кўриб, сенга тажовуз қилмайдилар ва сен тоғ этагида хотиржам йўрғалаб юраверасан. Иккинчидан, сени ўз уямга олиб бораман, у ерда баланд мавқеда, ўз ҳамжинсларингдан баланд даражада бўласан, ўз жинсинингдан бир чиройлигини келтириб бераман, у билан бирга ўйнаб-кулиб юрасан.

Қаклик деди:— Сен қушлар амирисан. Паррандаларнинг ихтиёри сенинг қўлингда. Агар илтифотнингдан умидвор бўлиб айтганингга кўнсам, эҳтимолки, таъбинингга ёқмаган бирор иш қилиб қўйиб, газабингга гирифтор бўламан. Яхшиси шуки, ўз хилватхонамда тинчгини ўтирай ва ҳатардан холи бўлмаган ҳокимлар хизматини ихтиёр қилмай қўя қолай.

Лочин деди:— Эй азизим, дўстликнинг кўзи кўр эканлигини билмайсанми? У айбни кўрмайди, дўстдан содир бўлган ҳар қандай ёмонлик зебо кўринади. Мен сенинг қилган ишларингга муҳаббат кўзи билан қараб сўзларингни меҳр қулоғи билан эшитаман.

Қаклик узрини айтиб қанча баҳона келтирмасин, лочин унинг узрини қабул қилмади. Ниҳоят, қаклик тёшикдан чиқди, улар бир-бирлари билан қучоқлашиб, дўст бўлишга аҳду паймон қилдилар. Лочин қакликни ўз ўясига олиб кетди. Улар тотувлик ва хурсандчилик билан умр кетира бошладилар. Қаклик лочиндан қўрқ-

май ибосиз гаплар айтар ва беадабона ҳаракатлар қила бошлади. Сўз орасида у қаҳқаҳа отиб кулар, лочин ҳам буларни ҳазилга йўйиб, ўзини билмасликка солар эди. Аммо дўстининг ҳаракатлари унинг жаҳлини чиқаза бошлади. Бир кун лочин бетобланиб, овга чиқа олмади. Қечаси қорни жуда ҳам очди, гиналар эсига тушса, какликни егиси келар, аҳду паймони эсига тушса, ўзини босар эди.

Қаклик лочиннинг авзойини кўриб, ўзининг ҳалок бўлиши муқаррар эканини тушуниб қолди ва фигон чекиб деди: «Афсуски, аввалда ишнинг охирини ўйлададим, етти ёт бегонага ошна бўлдим. Улуғлар насиҳатини қулоққа олмадим, улар: «Ножинс суҳбатидан илондан қочгандек қоч», деган эдилар. Била туриб ўзимни ўтга ташладим, ҳаётим иплари узилди, энди нима қилай?

Қаклик ўзи билан ўзи гаплашиб турганда, лочин озор чангалини ёзив қонхўр тумшуғини чархлаб, қакликка ташланишга баҳона қидирар эди.

Лочин ҳеч қандай баҳона топа олмай, бетоқат бўлиб, аччиқ аралаш деди:— Менга офтоб ёмон таъсир қилди, сен эса сояд роҳат қилиб ётибсан.

Қаклик деди:— Эй жаҳонгир амир, ҳозир тун, ҳамма олам қоронгилик қўйнида. Сизга қайси офтоб ёмон таъсир қиляпти-ю, мен ниманинг соясида роҳат қилиб ётибман?

Лочин айтди:— Эй беадаб, мени ёлгончи қиласанми?— деб чангалини ёзи, қакликни икки бутидан ажратиб ташлаб, гўштини еди.

Бу масални шунинг учун келтирдимки, сен билиб ол: ҳар ким душман бўлган ғайри жинс махлуқ билан суҳбат қурса, заарсиз эканлигидан кўнгли тўқ бўлмаган киши билан ошна бўлса, фалокатга йўлиқади.

Қарға сичқонга деди:— Ақлингни бошингга йиғиб ўйласанг-чи, сени ранжитишдан менга нима фойда, сени еганим билан на қорим тўяди, на кўзим. Лекин сенинг дўстлигинг менга минг даража кўп фойда келтириши мумкин. Аминманки, сен билан дўст бўлиш учун узоқдан келганимни назарга олиб мени рад этмайсан, кўкрагимдан итариб ташламайсан, чунки бу сенинг шаънингга ярашмайди, инсоф бунга йўл қўймайди. Ҳаёт сенинг юксак даражада ахлоқли, саховатли ва шижоатли эканлигингни кўрсатди. Қанчалик ҳаракат қилма, ҳунар ва

истеъдодингни сир сақлай олмайсан. Ҳунар ва истеъдод мушк-аңбар кабидир, уни қанчалик бекитманг, у шунчалик атрофга ёйилиб, ҳамма ёқни муаттар қилиб юборади.

Сичқон деди:— Муболагани ҳаддан ошириб юбординг. Мени дўст бўлишга тарғиб этмоқдасан, лекин кичкина сабаб билан муҳаббат иплари узилиши мумкин. Донишмандлар дебдиларки, душман сўзига алданиб бўлмайди. Муҳаббатдан лофт ургангага яқинлашмоқ хатодир. Дўстлик даъвосини қилган душманнинг сўзига ишонган одамнинг бошига албатта сувори бошига тушган савдо тушади.

Қарға сўради:— Унинг бошига нима савдо тушибди?

**Ҳикоят.** Сичқон деди:— Қарvonлар ёқиб кетган гулханнинг ўтини шамол учириб, даштга ўт тушиб кетган эди. Туя минган бир киши ўша ердан ўта туриб, оловлар ўртасида бир илоннинг тўлғаниб ётганини кўрди. У, ўт балосидан қутула олмай заҳарли кўзларидан қон ёш тўкиб суворига ялиниб деди:— Марҳамат қилиб, мени бу дўзахдан қутқар, савоб бўлади.— Сувори раҳмидил киши эди. У, илоннинг зорини эшитиб, бечорага юраги ачиdi, илон, гарчи одамзодга душман бўлса ҳам ҳозир қийин аҳволда қолибди, уни бу балодан қутқарсан савоб бўлар, деб ўйлади. У тўрвасини наиза учига боғлаб илон томонига узатди. Илон севиниб тўрвага кирди. Сувори бир оздан кейин тўрвани очиб илонга деди:— Бор, эсон-омон қутулганингга шукур қилиб уйингга кет, бундан бўён ҳеч кимга озор берма.

Илон деди:— Эй йигит, бу сўзларингни қўй. Мен сени ва тяянгни чақиб, заҳримни солмай кетолмайман.

Сувори деди:— Ахир сенга яхшилик қилдим, сени оловдан қутқардим, гуноҳим шуми?

Илон деди:— Ҳа, сен яхшилик қилдинг, аммо ўринсиз яхшилик қилдинг. Биласанки, мен зарарли маҳлуқлар авлодиданман, бошқа нарсани мендан кутиш мумкин эмас. Нима учун мени қутқардинг? Үлдирмоқ лозим эди, сен эса одамзод душманига раҳм қилдинг. Яхшиликка ёмонлик менинг касбимдир. Ёмонларга яхшилик қилиш яхшиларга ёмонлик қилиш демакдир. Энди мен сени заҳарласам, бу ишим сенга танбеҳ, ўзгаларга ибрат бўлади.

Сувори деди:— Эй ноинсоф, яхшиликка ёмонлик қайси мазҳабда бор?

Илон деди:— Одамзод мазҳабида бор. Мен сенинг ижозатинг билан ўз матоларингизни ўзларингизга сотмоқчи ва ўз косангизда ўзингизга заҳар ичирмоқчиман. Тезроқ жавоб қил, аввал ўзингни чақайми ё тевангни?

Сувори деди:— Мени ҳам чақма, тумнини ҳам.

Илон деди:— Нега энди! Ўзларингиз ҳам яхшиликка ёмонлик қиласизлар-ку!

Сувори илоннинг бу гапини инкор қилди ва деди:—, Бу даъвога гувоҳ керак.

Шу орада бир сигир кўриниб қолди.

Илон деди:— Эй сигир, яхшиликнинг жазоси нимадир?

Сигир деди:— Одамзод мазҳабида яхшиликнинг жавоси ёмонликдир. Мен бир неча йилдан бери уларникда тураман. Ҳар йили бола туғар ва уйларини сут билан қаймоққа тўлтап эдим. Ҳозир боладан, сутдан қолдим, қаридим, ўтлаб семирисин деб мени далага ҳайдаб қўйдилар. Кеча этам келиб у ёқ-бу ёгимни ушлаб, бир оз семирганимни кўриб қассобга сотди. Мана бугун сўйишига олиб кетаётирлар. Яхшилигимнинг жазоси шу бўлди.

Илон деди:— Эй йигит, эшитдингми?

Сувори деди:— Эшитдим, аммо бир гувоҳнинг шоҳидлиги етишмайди. Яна бир гувоҳ керак.

Илон атрофга қараб бир дарахтни кўриб, ёнига келди.

Илон сўради:— Эй дарахт, яхшиликнинг мукофоти нима?

Дарахт деди:— Одамзод мазҳабида, яхшиликнинг мукофоти ёмонлик, фойдаининг жазоси зиёндир. Даил шуки, мен бу даштда кўкарған бирдан-бир дарахтман, одамлар иссиқда ҳориб-чарчаб келиб, соямда дам олишади. Нафасларини ростлаб олга, юқорига қараб, «анави шохи аррага даста бўлади, анависи тешабоп экан», деб шоҳларимни кесиб ёки арралаб оладилар. Мендан фойда кўрсалар ҳам менга азобни рало кўрадилар.

Илон деди:— Икки гувоҳ бўлди. Энди тан бер, сени чақай.

Сувори деди:— Жон жуда ширин нарса. Яна бир киши гувоҳлик берса, узрга ўрин қолмайди.

Иттифоқо ўша ердан бир тулки ўтиб қолди. Буларни кўриб тўхтади-да, сўзларига қулоқ солди, кейин савонни кутмасданоқ: «Яхшиликнинг жазоси ёмонликдир,— деди,

кейин суворига қараб,— сен бу илонга нима яхшилик қилиб эдинг?»— деб сўраб қолди.

Сувори бўлган гапни айтиб берди.

Тулки деди:— Сен ўзинг ақлли одамга ўхшайсану лекин нега ёлғон гапирасан?

Илон деди:— Ростини айтипти, бу одам мени тўрвага солиб, оловдан чиқарди.

Тулки ҳайрон бўлиб сўради:— Бу сўзга қандай қилиб ишонса бўлади, ахир шундай катта илон бу кичик тўрвага сифиши мумкинми?

Илон деди:— Агар ишонмасанг, тўрвага кириб кўрсатай, шубҳага ўрни қолмасин.

Сувори тўрва оғзини очди, илон тўрвага кириб кулча бўлиб олди.

Тулки деди:— Эй йигит, душманинг бандга тушди, пайтни қўлдан берма.

Сувори тўрва оғзини маҳкам боғлаб ерга бир урди, илон мажақ-мажақ бўлиб кетди.

Қиссадан ҳисса шуки, ақлли одам эҳтиётни қўлдан бермайди, душман ялнинб-ёлворганда ғўурланиб кетмайди ва унинг сўзларига ишонмайди.

Қарға деди:— Ҳикматли ва фойдали сўзларингни эшитдим. Лекин олижаноблик кўрсатиб, менинг сўзларимга ишон. Сен олижанобликнинг шарти яхшиликка йўл топмоқлик эканини жуда яхши биласан. Тўғри ва соғ одамлар дарров дўст бўлиб оладилар, улар орасидаги дўстлик узоққа чўзилади, фитначи одамлар дарров дўст бўла олмайдилар, муносабатлари тез бузилади. Яхши ва олижаноб одамлар бир соатлик кўришини ва бир кунлик танишиш муддатида одамнинг кўнглини овлайдилар. Аммо кўпдан бери танишиш ва дўст бўлиш орзусида юрган ичи қора одамлардан марҳамат ва лутф кўзлаб бўлмайди. Улар қўрқув ва ғараз туфайли дўст бўлишни истайдилар. Лекин мен сенинг олижаноб эканингни кўриб турибман. Сен дўст бўлиб мени севинтирганингча, оғзимга бир қултум сув, бир тишламон ҳам олмайман, эшигингдан нари ҳам кетмайман.

Сичқон деди:— Сен билан дўст ва биродар бўлишга эътиrozim йўқ. Агар сен хиёнат қилмоқ фикрида бўлсанг, бу сичқон лақма ва гўл экан, деган фикрга бормагин, деб айтдим. Йўқса, менинг табиатимда муҳтоjlарга ёрдам беришдан бўйин товлаш, беғараз дўст бўлмоқни истаганларни рад этиш хосияти йўқдир.

Сичқон буларни айтгаидан кейин ўз уясининг оғзига чиқиб ўтириди...

Қарға деди:— Уянгдан чиқиб, менинг олдимга келмаслигингга ва дўстларча суҳбат қилмаётганингга не сабаб? Ёки ҳамон тағаддуд ва шубҳа ичидамисан?

Сичқон деди:— Бу дунёning одамлари бир-бирига маҳрам бўлишни истасалар, дўстлик йўлида ўз азиз жонларини ҳам аямайдилар. Бундай одамлар асл дўстлар ва садоқатли биродарлардир. Лекин бу дунёда шундай тоифа одамлар ҳам борки, улар ёлғиз ўз вазиятларини яхшиламоқ, қўлга бир нарса киритмоқ, яхши кун кечирмоқ учун дўст бўладилар. Бундай одамлар мол-давлат дўстларидир. Улар қушларни тўйдириш учун эмас, тутиш учун дон сепадиган овчига ўхшайдилар. Дўсти учун жонини фидо этадиган одамнинг қадр-қиммати молини фидо этадиган одамдан жуда ва жуда юксакдир. Равшанки, сен билан дўстликни тарозининг бир палласига, жонимни бир палласига қўйсам баробар келади. Агар мен сендан шубҳаланиб, ёмон гумонда бўлсайдим, бундай қилмас эдим. Мен сенинг дўстлигингга, айтган сўзларинг самимий, берган ваъдаларинг ҳақиқий эканлигига ишонаман. Сенинг садоқатинг менда ҳеч шубҳа уйғотмайди, лекин ҳамжинсларинг менинг ҳақимда сен каби ўйламайдилар. Улардан бири мени кўриб жонимга қасд қилмасин деб қўрқаман.

Қарға деди:— Үртоқликнинг шартларидан бири, дўстнинг дўстлари билан дўст, душманлари билан душман бўлишдир...

Бу кун сенинг билан менинг орамизда дўстлик пой-девори қурилди, бундан кейин сени ранжитмайдиган одамгина бизга дўст бўла олади. Бунинг устига, мен сен-ла иноқ бўлмаганлар билан дўстликни узаман, сен билан яхши муносабатда бўлганлар билангина дўст бўламан. Миришкор боғбонларда шундай бир одат бор: гуллар орасида сассиқалаф ўт кўрсалар, дарҳол уни илдизи билан суғуриб олиб ташлайдилар.

Сичқон қарғадан бу сўзларни эшитиб кўнгли жойига тушди, у секин юриб қарғанинг олдига келди ва меҳрибонлик билан унинг юз-кўзларидан ўпди. Ыккаласи ҳам бу кўришишдан жуда мамнун бўлдилар.

Бир неча кун ўтгандан кейин сичқон қарғага деди:

— Эй дўстим, агар бу ерда қолишни истасанг, хотин, бола-чақаларингни ҳам кўчириб олиб кел, ҳижрон ва

Фироқ дарди ҳам камаяди. Чунки бу ер жуда баҳаво, ҳар нарсага мўл ва кўнгил баҳра топадиган жой.

Қарға деди:— Бу манзил ҳақиқатан ҳам сафоли ва хушмансара экан. Лекин бундан ҳам гўзал ва хушҳаво жойлар бор. Мен шундай бир хушмансара хилват жойни кўз остига олиб қўйганман.

У ерда менинг дўстларимдан бир тошбақа турарди, кўлларида балиқ, бўстонларида мева бисёр. Шуни ҳам айтайки, сенинг ининг йўл ёқасида, ўтган-кетганлар зиён-захмат етказишлари мумкин. Агар истасанг, ўша ерга кетиб, тинчгина, фаровон умр кечирайлик.

Сичқон деди:— Сен билан дўст бўлиб ёнма-ён яшаш менга ҳар нарсадан азиздир. Сен билан кетмасам, ким билан кетаман? Мен ҳам ўз раъйим билан бу ерга келган эмасман, бунинг тарихи узун ва Мароқлидир. Бир куни, жойи келганда айтиб бераман.

Қарға сичқоннинг думидан тишлаб тошбақа яшайдиган тарафга қараб учди. Тошбақа сув лабида ўтирган эди. Уларни кўриб қўрққанидан сув тагига шўнғиди. Қарға сичқонни секин ерга қўйди-да, тошбақани чақириди. Тошбақа қарғанинг овозини таниб сувдан чиқди. Бир-бирлари билан кўришиб ҳол-аҳвол сўрашдилар. Қарға бўлган ишларни аввалидан охиригача гапириб берди. Қабутарларнинг тузоққа тушгани, уларнинг орқасидан боргани, сичқоннинг уларга кўрсатган ёрдами, шу туфайли сичқон билан дўстлашгани, бир неча кун унинг меҳмони бўлгани, сўнгра бу ерга тошбақани кўриш учун келганларини айтиб берди. Тошбақа сичқоннинг бунчалик ақлли ва садоқатли эканлигини эшишиб уни меҳрибонлик билан қарши олди, эъзоз-икром қилиб, деди:— Толе ўзи сени бу ерга келтирибдур. Сендай садоқатли ва марҳаматли кимса бу ерларнинг зеб-зийнати бўлади.

Қарға сичқонга деди:— Агар муносиб бўлса, менга айтиб бермоқчи бўлган ҳикоянгни айтиб берсанг. Тошбақа ҳам эшитса, чунки энди у ҳам яқин ва самимий дўстингдир.

Сичқон сўз бошлади:— Менинг аслим Нишопурдан-дир. Мен у ерда бир зоҳид ўйининг ковагида онадан туғилганман. Бир неча сичқонлар менинг хизматимда эдилар. Зоҳиднинг хотини йўқ эди. Ҳар кун муридларидан бири ўйидан овқат келтиради. Ундан зоҳид бир қисмини еб, қолганини кечурунга олиб қўярди. У ташқа-

рига чиқиши биланоқ у таомдан хоҳлаганимча еб, қолганини бошқа сичқонларга берар эдим. Зоҳид биздан аччири чиқиб янги-янги ҳийла-найранг ишлатা ва таомни ҳар хил ерларга яшира бошлади. Лекин фойдаси бўлмади. Кўп вақтгача аҳвол шундай ўтди. Кунлардан бир кун зоҳиднинг уйига меҳмон келди. Кечки таомдан сўнг зоҳид меҳмондан қаердан келганини, қаерга боришини сўради. Меҳмон ачиқ-чучукни тотган, яхши-ёмонни кўрган одам эди, зоҳидга кўп ажойиб ва гаройиб нарсаларни сўзлаб берди. Зоҳид, вақт-вақти билан сичқонларни қувмоқчи бўлиб қарсак уриб қўярди.

Меҳмон ғазабланиб деди:— Эй зоҳид, мен сўзлаётганимда қарсак чалганинг нимаси? Бу билан мени беҳурмат қиляпсиз-ку.

Зоҳид узр сўраб дедики, мен қарсак чалиб сичқонларни қувмоқчиман, чунки нима қўйсам, ҳаммасини еб кетяптилар.

Меҳмон сўради:— Ҳаммалари шундай журъатлими?

Зоҳид деди:— Биттаси жуда ҳам сурбет, ҳеч нарсадан қўрқмайди, олдимдаги дастурхондан ҳам нон олиб кетади.

Меҳмон деди:— Бўлмаса, бошқаларни жасоратлантирадиган ҳам ўша сичқон. Бу нарса менинг ёдимга бир кишининг: «Бир балоси бўлмаса бу хотин пўсти тозаланмаган кунжутга алмаштиармиди», деган сўзларини тушириди.

Зоҳид сўради:— У қандай ҳикоя экан?

**Ҳикоят.** Меҳмон деди:— Келаётганимда кечқурун бир ошнамнига тушдим. Кечки овқатдан кейин менга жой солдилар. Уй эгаси хотинининг ёнига кетди. Улар билан мен ётадиган жой чий билан ажратилган эди. Бинобарии, сухбатларини барада эшитар эдим.

У киши хотинига деди: «Эй хотин, эртага танишларни чақириб, келган азиз меҳмонимиз шарафига бир зиёфат берсан дейман».

Хотини деди:— Уйда хотининг, бола-чақанг егулик таоминг йўқ-ку, зиёфат берини хаёлидасан. Бугун қодир бўлсанг ҳам эртани ўйла, токи болаларинг бир бурда нонга зор бўлмагайлар, акс ҳолда уларнинг юзига қандай қарайсан?

Киши деди:— Эҳсон ва меҳмондорчиликка сарф бўладиган нарсани қизғаниш инсофдан эмас. Хасислик

қилиш ва ортиқча мол йиғиш яхши иш эмас, бу яхши натижа бермайди, бўрининг бошига тушган фалокат бўшингга тушади. Хотини сўради:— Бўрининг бошига қандай фалокат тушибди?

**Ҳикоят.** Эри деди:— Бир овчи овга чиқиб бир оҳуни отди ва уни орқалаб олиб уйига равона бўлмоқчи ҳам эдики, бир ёввойи тўнғиз уларга ҳужум қилди. Овчи унга ўқ узди. Тўнғиз жон талвасасида ўзини овчига отди ва уни қорнидан ёриб ҳалок қилди, ўзи ҳам ҳалок бўлди. Шу вақтда бир оч бўри келиб қараса, бир овчи, бир чўчка ва бир оҳу ўлиб ётибди. У жуда хурсанд бўлди. Унинг очкўзлиги тутиб, ўз-ўзига деди: «Бу овқатларни эҳтиёт қилиб сақлаб қўйиш керак. Энг яхшиси, бу тоза гўштларни бир чеккага йиғиб қўяй, оғир кунларимга ярайди. Бугунча камоннинг тиркиши билан кифояланай.— Бўри ҳарислик қилиб камонни тортиб турган тиркишини ея бошлади, камон очилиб кетиб бир учи бўрининг бўғзига тиқилди. Бўри ўша ондаёқ жон берди.

Бу масални шунинг учун келтирдимки, билиб қўй: очкўзлик қилиб мол йиғмоқнинг фойдаси йўқдир.

Хотини деди:— Гапинг тўғри. Уйда бир оз гуруч ва кунжут бор. Олти-етти өдамга етадиган таом пиширай, истаган кишиларингни таклиф қила қол.

Эртасига эрталаб туриб хотин кунжутни оқлади ва уни офтобга ёйди, эрига қушларни қувиб туришликни тайинлаб, ўзи бошқа ишлар билан машғул бўлди. Сал ўтмай эрини уйқу элитди. Бир ит келиб кунжутга оғзини тегизди. Хотин буни кўриб қолиб, ўша кунжутдан таом тайёрлашга жирканди. Кунжутни бозорга олиб бориб, оқланган кунжутни шу миқдордаги оқланмаган кунжутга алмаштириб олди. Мен ўша ерда турган эдим, «Бир балоси бўлмаса бу хотин оқланган кунжутни оқланмаган кунжутга алмаштириб кетармиди», деганини эшитиб қолдим.

Ўйлайманки, уйингдаги сичқоннинг бундай жасоратли бўлишида албатта бир сир бўлиши керак. Бир болта келтиринг, мен унинг иини бузиб кўрай, нимаси бор экан.

Зоҳид дарҳол болта олиб келди. Мен бошқа тешикдан уларнинг сўзларини эшитиб турардим: уямда мингта қизил тилла бор эди, уларни ким қўйганлигини билмасдим, лекин ҳамиша уларни ўйнаб, устида ағанаб, теримга сифмай юрар эдим. Белимнинг қуввати, жонимнинг

роҳати шу тиллалар эди. Тиллам борлиги ёдимга тушса қувониб кетиб, ўзимда жасорат ҳис этар эдим.

Меҳмон инимни буза бошлади. Тиллаларимни топиб, олиб, зоҳидга деди:— Мана сичқонга журъат бағишилаган нарса шу. Давлат ақл чироги, қувват манбаидир. Кўрасан, бундан сўнг сичқон қуввати ва жасоратини ўйқотади.

Мен бу сўзларни эшитгач, баданимда бир заифлик, руҳимда бир тушкунлик сездим. Энди бу уйда қола олмаслигимни англадим. Бир оз ўтгач, сичқонлар олдида обрўйим қолмади, қадрим кетди. Улар аввалгидек бош эгиб салом беришни тарқ эта, мени ўринли-ўринсиз таъна қила бошладилар. Мендан аввалгидек зоҳиднинг уйидан таом ўгираб олиб чиқишимни талаб қилдилар, бу ишнинг улласидан чиқолмаганимдан кейин мен билан сўзлашмайдиган бўлдилар, бир-бирлариға: «Бу иш унинг қўлидан келармиди, бир оз вақтдан кейин ўзи бизга муҳтож бўлиб қолади»,— дер эдилар. Ҳаммалари мендан юз ўгириб, душманларимга қўшилдилар. Шундай мақол бор: «Қимнинг моли қўлидан кетса, шу билан бирга унинг ҳурмати ҳам кетади». Мен ўз-ўзимга дедим: «Мол-давлати бўлмаганинг дўст-ошиаси ҳам, қавм-қариндоши ҳам бўлмайди. Мол-мулки бўлмаганга яхши гап айтмайдилар, ёрдам ва маслаҳат ҳам бермайдилар».

Бундан қиёс олиб, қўли калта, ўйқисл бир одам бирор иш бошламоқчи бўлса, бунинг оҳири нима билан тугашини тасаввур этиш қийин эмас. Фақирлик унинг қўл-өёғини ипсиз боғлаб қўяди, ўз мақсадига етолмайди, ҳеч нарсага ҳавас қилмайди. У бамисоли ёз ёмғири: на дарёга тўклилади, на тўпланиб сой бўлади.

Биродари бўлмаган киши ғаридир, фарзандсиз бўлса, номи тез унутилади, пули бўлмаганин ақлсиз деб ҳисоблайдилар. Вабо касалига дуч келган одам каби ҳамма ўйқислдан қочади, гам ва алам лашкари унинг устига ҳужум қилади, бундай одам қавму қариндош орасида ҳам хор бўлади...

Кўпинча инсон тирикчилигини ўтказиш, оилани тўйдириш учун нолойиқ ўйларга киришга ҳам мажбур бўлиб қолиб расво бўлади. Шу равиша у дунёни ҳам, бу дунёни ҳам қўлдан беряб қўяди. Шўроб жойда битган, ҳар ким шохини эгиб, синдириб кетган дараҳт, ҳар кимдан туртки еб, дўстга зор бўлган камбағалга ўхшайди.

Камбағаллик энг қатта баҳтсизлик ва зўр мусибатдир. Муҳтоҷлик одамни ҳаммага душман, беҳаё қилади, инсоф ва мурувватини қўлидан олади, қувват ва идрокини заифлаширади. Муҳтоҷлик гуноҳ ва фасод манбаидир. Кимки камбағаллик ва муҳтоҷликка тушса, унинг шарми, обрўси ҳам кетади. Ҳаёни қўлдан берган одам кек сақлайдиган ва сўкишадиган бўллади, ғам пардаси унинг ақлини қоплади, фаросати, зеҳн-закоси озаяди. Бундай баҳтсизликка мубтало бўлган одамнинг бутун қилган иши, сўзи ҳаммага ёмон кўринади, берадиган маслаҳатлари ўзига зиён етказади. Илгари уни яхши деб юрган дўстлари уни ёмон одам деб ҳисоблайдилар, бошқаларнинг гуноҳини ҳам унинг бўйнига тўнкайдилар. Бойлар айтганда мақтовга сазовор бўлган сўзни камбағал айтса, уни нафрат ва таъна билан қарши оладилар. Агар камбағал шижоат кўрсатса, уни қўпол ва нодон дейдилар, саҳийлик қилса, исрофгар дейдилар, мулойим бўлса қўрқоқ дейдилар, ҳикматли сўзлар айтса, сергап деб, хомуш ва сокит ўтиrsa, тилсиз ҳайвон дейдилар. Хуллас бундай йўқсилликдан ўлим яхшироқдир. Илон оғзиға қўл тиқиб заҳар олмоқ ёки оч щер олдидан гўшт олиб қочмоқ номард одамдан бир нарса сўрагандан осондир. Дебдурларки, согайини эҳтимоли бўлмаган хасталиқ, висол умиди бўлмаган ҳижрон, умрбод ғариблиқ — йўқсиллик ва тиланчиликдан яхшидир. Муҳтоҷликда тиланчилик билан яшамоқ ўлим демакдир. Бундай одамнинг ўлими ҳаётига қараганда роҳатдир.

Кўпинча инсон уялганидан ёки иззат-нафси кучлигидан камбағал ва ноҷор эканлигини айта олмайди. Муҳтоҷлик зўр бўлса, номусли одамни ғам охирида ҳиёнатга, ҳалқнинг молига қўл чўзишга мажбур этади. Олимлар дебдурларки: «Инданаслик — ёлғон гапиришдан, дудуқланиш — сўкинишдан, камбағалликка чидаш — ўғрилик билан мол тўплашдан яхшидир».

Шундан кейин зоҳид билан меҳмони тиллаларимни бўлишиб олдилар. Тешикдан қараб турган эдим, меҳмон ўз ҳиссасини олиб ёстиқ остига қўйди. Мен, шу пулдан бир оз қўлга киритсан, яна бир оз кучга кираман, дўст-ошна, қавму қариндошлар орасида ҳурмат қозонарман, деган қарорга келиб, кечаси инимдан чиқиб ёстиқ томон югурган эдим, меҳмон уйғоқ экан, бир ёғоч билан миямга туширди. Оғриқнинг зўридан судрала-судрала инга қайтиб келдим. Бир оз ўтгач, оғриқларим

босилди. Яна тама жўш уриб, иккинчи дафъа ташқарига чиқдим. Меҳмон мени кутиб ўтирган экан, яна ёғоч билан яхшилаб туширди... Қалтак зарбидан кўз олдимда чақмоқ чаққандай бўлди — оғриқ бутун дунё молларини мен учун бир пул қилиб юборди... Бир оз ўзимга келгандан сўнг фикр қила бошладим. Бутун балолар манбай тамагирлик ва бутун жафолар сабаби ҳарислик экани менга маълум бўлди. Бу дунёдаги инсонларнинг азияти ва машаққатларининг ҳаммаси тамагирлик билан боғлиқдир.

Кичкинагина бола кучли бир туюнинг бошига нўхта уриб, уни истаган ерга олиб боргани каби, тама ва оч-кўзлик ҳам инсонларнинг бўйнига арқон солиб, уларни хоҳлаган жойга судрайди... Тажрибага асосланиб шундай деса бўллади: асл бойлик — кўзи тўқлик ва қаноатдир. Баҳт-саодатнинг негизи ҳам шудир...

Дебдурларки, ахлоқли бўлиш серибодат бўлишдан, қаноат бойликтан афзалдир. Олимлар дебдурларки, энг буюк яхшилик — саҳоват ва қўли очиқликдир, энг гўзал вақт — дўсту ошнолар билан кечирилган кунлардир, энг комил ақл — бўлиши мумкин бўлган иш билан бўлмайдиган ишини бир-биридан ажрат билишдир.

Охирда мени бир парча нонга қаноат қилиб, ўзимни тақдирнинг ихтиёрига топширдим ва зоҳиднинг ўйидан саҳрова кўчдим. Менинг бир кабутар дўстим бор эди. У туғайли қарға билан дўстлашдим. Сенинг фазилатлариңг ҳақиқатига қарганинг айтган сўзлари менда бу ерга келиш, сенинг зиёрат қилиб, суҳбатингдан баҳраманд бўлиш орзусини тугдирди. Чунки гойибан таърифингни эшитган ўзингни кўргандек сен билан дўст бўлиб қолади... Қарға сенинг ёнингга келмоқчи эканлигини эшитиб, мен ҳам сен билан дўст бўлиш ва шундай қилиб, ғариблиқ, ёлгизлик даҳшатидан ёқани бўшатиш мақсадида унга ҳамроҳ бўлиб келдим. Ёлгизлик жуда оғирдир. Дунёда ҳеч бир шодлик дўстлар суҳбатидан оғриқ бўлмайди ва ҳеч ғам ва машаққат биродарлардан ажралишдек оғир туюлмайди. Ҳижрон шундай оғир юкки, уни ҳамма ҳам кўтаролмайди, висол шундай ширин-шарбатки, ҳеч ким уни охиригача ичишга муваффақ бўлмайди... Бу айтилганлардан равшан бўлдики, ақлли одам дунё молидан ўзига яшаш учун керак бўлганингина олиши ва энг зарурий нарсалар билан кифояланиши лозим. Энг зарурний нарса озиқ-овқат,

кийим-кечак ва бошпанадан иборатдир. Мен бу ерга келиб сен билан дўст ва биродар бўлишимдан фоят фахрланаман, сен ҳам мени муҳаббатингдан бебаҳра қилимайсан, деб умидворман.

Тошбақа сичқоннинг бу сўзларига жиҳдий эътибор бериб қулоқ солди, фасоҳат ва балофатли сўзлар билан жавоб берди: мен сенинг гапларингни эшийтдим. Гўзал ва ибратли нутқ! Лекин бу ерга келганингдан норозидек кўринасан. Бош омон бўлсин, ҳар хил нарсаларга юрагингдан жой бераверма. Чунки гўзал сўзлар фақат амалга оширилгандағина чиройли натижалар бера олади. Муолижа йўлини топган касал одам унга амал қиласа, табобат илмини билгани фойдасиз. Олим ўзини ишда оқлаши ақл самараларидан истифода эта билиши, мол-дунёсининг озлигидан ранжимаслиги керак...

Боғланиб сандиққа солинган шер ўз кучини йўқотмаган каби, илм ва ҳунар эгаси ҳам бадавлат бўлмасада, ўз иззат-хурматини йўқотмайди. Аксинча, итнинг бўйнига олтин зажир боғланса-да, ҳамма жойда ҳаром ҳисоблангани каби, истеъдодсиз, саховатсиз давлатманд ҳам нафратга дучор бўлади.

Сен ғарибман деб ўйлаб, уни ўзинг учун дардга айлантирма, чунки ақлли одамларнинг ҳар қаерда куни ўтаверади. Ношукур бўлиш яхши эмас. Оғир кунларда ва камбағалликда сабрдан бошқа кўркам фазилат бўлмайди. Сабр қилиб нафсни тия билиш керак. Кимики бунга қобил экан, сув сойликни, ўрдак кўлни топгани каби, хушбахтлик ва саодат эшиклари унга очилади. Ёш аёллар «шарти кетиб, парти қолган» қари чоллар сұхбатидан қочғанлари каби илм ва ҳунар ҳам танбал ва ишёқмасларга насиб бўлмайди. «Мол-давлатим қўлимидан кетди», дега афсусланма, чунки бу дунёцинг бойлиги осмонга учирилган пуфакка ўхшаган бир нарса. Уннинг қачон ва қаерга тушишини билиб бўлмайди...

Донишмандлар айтибдурларки, бир неча нарса дунёда узоқ муддат қола олмайди: булутнинг сояси, ёмон одамнинг дўстлиги, суюқоёқ, лафзи бўш хотинларнинг ишқи, ёлғон мақтов, мол-дунёнинг кўплиги, девонанинг лутф-карами, ёшларнинг гўзаллиги. Оқил одамларга давлатнинг кўплигидан хурсанд, озлигидан хафа бўлиш ярашмайди, у фақат ҳунар ва санъатини ўз моли деб ҳисоблаши керак. Чунки булар шундай бир битмас-туғанмас хазина ва давлатки, уни ҳеч ким инсондан

тортиб ололмайди. Фалякнинг айланиши унга таъсир эти олмайди... Сенга насиҳат қилиб ўтиришимга ҳожат йўқ ва ўз фойдағини зарарингдан яхши фарқ қила биласан. Бугун сен бизнинг азиз дўстимиз ва биродаримизсан, қўнимиздан келганича сени эъзозлаб, ҳурматингни жойинга келтирамиз.

Қарға тошбақанинг сичқонга илтифот билан муомала қўлганини кўриб деди:

— Мени жуда севинтирдинг, ўзим ҳам сендан бошқа ишре кутмаган эдим. Хурсандчилик барча учун эшиги очиқ бўлган одамларга насиб бўлади. Яқин дўстлар, қавм-қариндошлар унинг марҳамати ва ёрдами билан яхши умр кечириб уни дуо қылгайлар, муҳтоҷлар унинг үшингидан поумид ва қуруқ қайтмагайлар, яхши ва содиқ дўстлар ҳамиша унинг бошидан аримагайлар... Сахий одам қийинчиликка тушса, лутф-карамали, олижаноб одамлар унга ёрдамга келадилар. Ботқоқликка ботған филини фақат филгина у ердан чиқара олади. Ақлли одам ҳамиша ҳунар ўрганиб яхши ном қолдиришга интилади. У ҳавф остида қолса ҳам, ҳатто боши таҳлика остида қолса ҳам қўрқмай яхшилик қилади. Чунки у, бу билан ўткинчи дунё ўринига абадийликни, озга кўпни харид қылган бўлади... Бошқаларга ёрдам қўлмаган бой одам давлатманд ҳисоблаимайди. Умр бўйи ёмон ишлар билан мағнігул бўлиб ҳалқни рањитадиган одамнинг номи иносонийлик дафтарига ёшлимайди.

Қарға бу сўзларни ганириб турган вақтда узоқдан чониб келаётган бир оҳу кўринди. Уни овчи қувиб келяпти, деб гумон қилиб, сичқон ўзини ишига олди, тошбақа ўзини сувга ўрди, қарға эса дарахтга чиқиб олди.

Оҳу сув лабига кёлиб бир оз сувдан ичди, сўнгра қулоқларини чимириб тураверди. Оҳуни бундай аҳволда кўрган қарға очиқ келаётгани йўқми, деб ўнг ва сўлга қаради, лекин ҳеч кимни кўрмади. У пастга тушиб тошбақани чақирди, сичқон ҳам ишидан чиқди. Ҳаммалари оҳунинг ёнига келдилар. Оҳунинг қўрққанлигини кўрган тошбақа раҳми келиб сўради:

— Нима бўлди, қаердан келяпсан?

Оҳу деди:— Мен ҳамиша саҳрова яшайман. Овчилар доим мени ҳар тарафга қувадилар. Бугун бир қари чолни учратдим, уни овчи деб ўйлаб бу ерга қочиб келдим.

Тошбақа деди:— Қўрқма, бу ерларга овчилар оёқ босмайди. Кел, дўст бўлайлик. Улуғлар: «Дўстлар қанча

кўп бўлса, бало шунча кам ёпишади», — деганлар. Бу ер жуда яхши чаманзор, роҳат қилиб яшайсан.

Оҳу улар билан дўст бўлиб, чаманзорда қолишга рози бўлди. Атрофи қамиш билан ўралган жойга йифилишиб сұҳбат қуришар, бир-бирларига ҳикоялар айтишар, саргузаштларини сўзлаб беришар ва шод-хуррам кун кечиришар эди.

Бир куни қарға, сичқон ва тошбақа одатдагидек шу ерда яна тўпландилар. Бир соатча оҳуни кутдилар. У келмади. Ҳавотир олиб, қаргага дедилар:— Ҳавога учиб, атрофни қара, зора оҳудан бизга бирор хабар келтиранг.

Қарға учиб бориб кўп жойларни қаради, ниҳоят, оҳунинг тўрга тушиб ётганини кўрди. Дарҳол қайтиб келиб, воқеани дўстларига айтиб берди. Қарға ва тошбақа сичқонга деди:— Биродар, бу масалада сендан бошқага умид боғлаб бўлмайди. Тез бўл, фурсат қўлдан кетмасин.

Сичқон тезлик билан оҳу ёнига келди ва деди:— Азизим, нима бўлди, нега шунча эҳтиётлигинг ва ҳушёрлигинг билан бу балога йўлиқдинг?

Оҳу деди:— Тақдир қаршисида эҳтиёткорлик ҳам ожиз қолади. Бало қачон келиб ёқага ёпишишини била оладими киши? Бир вақт қайрилиб қарасанг, ўзингни бало занжирида кўрасан.

Шу пайт тошбақа келиб қолди. Оҳу унга деди:— Дўстим, нега келдинг? Агар сичқон тузоқнинг тўрларини кесиб, мени қутқарса-ю, бирдан овчи келиб қолса, сен нима қиласан? Мен қочиб жонимни қутқараман, сичқон тешикка киради, қарға осмонга учади, сен пима қиласан? Нега келдинг?

Тошбақа деди:— Биродар, қандай қилиб келмайин? Дўстлардан узоқда, фироқ ва ҳижронда кечган ҳаётнинг нима лаззати бор? Қандай ақлли одам айрилиқни афзал қўради? Бахтсизлик юз бергандан одамга тасалли берадиган, оғир кунларингда дардингни енгил қиласидан дўстлар билан бирга бўлиш лозим. Ҳижрон ўтида ёнган, дўстлардан узоққа тушган одамнинг дили ҳамиша ғам ва алам билан тўла, сиҳатлик унинг вужудидан йироқ бўлади, сабр ва қаноат уни тарк этади, ақл ва камолот ўз кучини йўқотиб, фойдасиз бўлиб қолади.

Тошбақа сўзини тўғатмай, узоқдан овчининг келаётганига кўзи тушди. Сичқон ипларни кесиб бўлган эди,

эҳу туриб қочди, сичқон ўзини тешикка олди ва қарға учеб кўкка кўтарилди. Овчи келиб тўрнинг қирқилигинни кўрди, ҳайрон бўлиб у ёқ-бу ёққа қаради, тошбақага кўзи тушди ва уни тўрвага ўраб шаҳарга жўнади.

Дўстлар овчи кетиши биланоқ йифилиб, тошбақани қидира бошладилар. Уни овчи олиб кетганини англаб фарёд кўтардилар...

Сичқон деди:

— Буни қарангки, бир балодан қутулиб, иккичисига тутилдик. Аммо ҳикматли одамлар тўғри айтганлар: инсон умидсизликка, саросимага тушмаслиги керак, акс ҳолда, бало селдек ёғилаверади, фалокат тўлқинлари кучаяверади. Қиши бир қоқилмагунча ўзини бардам сезади, потекис ерда бир қоқилдими, бўлди, кафтдек текис жойда ҳам қоқилаверади. Дўстлардан ажралишдан ҳам оғир мусибат борми дунёда? Фироқ аллангаси етти дарёни қуритади.

Қарға ва оҳу деди:— Қанчалик куйиб-пишмайлик ва зор-зор йигламайлик, гўзал иборалар ва таъсирили сўзлар айтмайлик, булардан тошбақага ҳеч фойда йўқ. Бир тадбир топиб, тошбақани қутқармоқ керак. Улуғлар дебдурларки, шижаотли ва кучли ботирлар — урушда, хотин ва фарзандлар — камбағалликда, дўст ва биродарлар — бошга кулфат тушганда таниладилар.

Сичқон оҳуга деди:— Бир чора тоидим: сен овчининг йўлидан чиқиб ўзингни ярадор кўрсатасан. Қарға гўё сени тирнаб ўлдирмоқчи бўлгандай, бошингга қўниб олади. Овчи сени кўриши билан тутиб олиш ниятига тушади ва тошбақани ерга қўяди. У сенга яқинлашган сари сен чўлоқланиб, йиқилиб-туриб ундан узоқлашаверасан. Лекин шошилиб жуда тез қочма, акс ҳолда, овчи сендан умидини узиб, орқасига қайтиши мумкин. Агар сен бир соатча унинг бошини айлантиранг, мен бу муддатда тошбақани овчи тўрвасидан озод қиласман.

Дўстлар шундай қилдилар. Овчи оҳуни тутмоқ учун роса овора бўлди, лекин ҳеч иш чиқмагач, пушаймон бўлиб орқасига қайтди. Тошбақани тополмай, тўрвасининг йиртилганини кўриб таажжубланди. Бутун бўлган воқеани (аввало оҳу тушган тўр ипларининг қирқилиши, кейин унинг ўзини яраланган қилиб қўргазиши, унинг устиға қарғанинг қўниши ва шу топда тўрванинг

тешилиши, тошбақанинг йўқолишини) бирма-бир эслаб, қўрқиб кетди. Бу жой парилар ва жодугарлар маскани экан, деб ўйлаб тезда бу ери тарк этиб жўнаб қолди.

Овчи кетгач, ёронлар йигилишиб севина-севина, эсономон ўзларининг хилват манзилларига бордилар ва у ерда роҳат ва фароғатда умр кечира бошлидилар. Шундан кейин ҳеч қандай бало уларга йўлиқмади ва ҳеч қандай ёмон ниятли одам уларнинг бахтли ҳаётини бузмади.

Садоқатли дўстлар ва самимий биродарларнинг бирбirlарига кўмаги ҳақидаги ҳикоят мана шундан иборатdir.

### БОЙҚУШ ВА ҚАРҒА БОБИ

Рожа бараҳманга деди:— Садоқатли дўстлар ҳақидаги ибратли ҳикояни эшиитдим. Энди, агар мумкин бўлса, душман ўзини зоҳиран юмшоқ феълли тавозекор, марҳаматли ва лутф-карамли қилиб кўрсатишига қара-масдан, унинг найрангига учмаслик ва алданмаслик ҳақида бир ҳикоя айтиб берсанг.

Бараҳман деди:— Ақлли одам маккор душманнинг сўзига ишонмайди, онт ичib берган ваъдаларига учмайди, душмандан қанчалик кўп марҳамат ва лутф-карам кўрса, шунчалик кўп эҳтиёткор бўлади. Агар у ҳушёр бўлмаса ва фурсатни қўлдан бериб қўйса, кейинги пушаймоннинг фойдаси бўлмайди ва бойқушлар бошига тушган фалокат унинг ҳам бошига тушади.

Рожа сўради:— У қандай бўлган эди?

Ҳикоят: Дебдурларки, бир тоғда жуда баланд ва сербутоқ дараҳт бор эди. Бу дараҳтда мингдан ортиқ қарғалар ўзларига уя қурган эдилар. Қарғаларнинг бир подшоси бўлиб, унинг оти Фируз эди. Барча қарғалар унга тобе бўлиб унинг амридан чиқмас ва шоду хуррам, фаровон кун кечирап эдилар.

Ўша тоғнинг қаршиисида бошқа бир тоғ бор эди. Унда жуда кўп бойқушлар яшарди. Қарғалар билан бойқушлар қадимдан бир-бирларига душман эдилар. Бойқушларнинг ҳам подшоси бор бўлиб, оти Шабоҳанг эди. Бир куни кечаси у ўз қўшиллари билан қарғаларга ҳужум қилди. Бойқушлар жуда кўп қарғаларни қириб, кўпларини ярадор қилишди, ғолиб бўлиб, масрурлик билан уяларига қайтишди. Эртасига қарғаларнинг под-

шоҳи Фируз ўз лашкарларини йигиб, уларга деди:— Бойқушларнинг бизга қарши қилган кечаги ҳужумини кўрдингиз. Орангизда ўлганлар ҳам қўйруғи, қаноти юлингган, яралангандар ҳам оз эмас. Лекин улар бу галабадан журъатланиб бизни тамомила тор-мор этмоққа, уруғимизни қуритмоққа урингидилар деб қўрқаман. Аминманки, улар тезда яна ҳужум бошлаб бошимизга кўп бало соладилар. Бу борада фикрлашиб бир тадбир кўрайлик ва бирга маслаҳатлашиб мудофаа йўлини топайлик.

Улар орасида заковатли ақли расо бешта қарға бор эди. Қарғалар ҳар ишни уларнинг маслаҳати билан бошлар, бирор ҳодиса рўй берса, уларга мурожаат этардилар. Подшоҳ ҳам бу беш қарғанинг фикрларини инобатга олар ва давлат ишларида уларнинг маслаҳатларидан фойдаланар эди. Шоҳ уларнинг биридан сўради:— Сен бу ҳақда қандай фикрдасан?

У жавоб берди:— Менинг фикрим биздан аввал яшаган олимларнинг фикрлари кабидир. Улар айтибдурларки, кимки душманга қаршилик кўрсата олмаса, мол-давлати ва юрт-уяларини ташлаб кетмоғи керак. Зероки, уруш жуда хатарли ишdir, айниқса, мағлубиятдан сўнг у жуда ҳам таҳликалидир... Мағрурланиб ўз кучига ортиқча баҳо бериш ақлли одамларга ярашмас. Ханжарнинг икки юзи бордир. Бу қари ва шафқатсиз фалакнинг кўзи кўр, у одамларни яхши танимайди. Унинг гардишига ишониб бўлмайди...

Подшоҳ иккинчи вазирига юз ўгириб, деди:— Сенинг фикринг қандай?

У жавоб берди:— Мен у айтганидек ватанини ташлаб қочиши маслаҳат кўрмайман. Бириичи зарбадан сўнг шундай расвогарчиликка йўл қўйиб, она юртни тарқ этмоқ бизга ярашмайди. Менинчча, энг тўғри йўл бутун кучларимизни сафарбар қилиб жиддий ҳозирлик кўрганимиздан кейин уруш бошлашдан иборатдир.

Маслаҳатим шуки, бир неча кузатувчиларни ҳар тарафга юбориб, қайси томондан хавф эҳтимоли бўлса, шу ёққа лашкар тортсак. Ёғолиб келамиз, ё шараф билан фидойи бўламиз.

Подшоҳ учинчисидан сўради:— Сенинг фикринг қандай?

Учинчиси жавоб берди:— Мен икковининг ҳам фикрига қўшилмайман. Яхиси, хуфиялар, даракчилар юбориб, душман вазиятини ўрганайлик, божу хирож олса-

лар-да, биз билан сулҳ тузишга розимилар, йўқми, шуни аниқлайлик. Агар таклифимизни қабул қиласалар, у вакт сулҳ тузиб, божу хирож тўлайлик-да, улардан ҳалде бўлайлик. Шоҳлар учун энг тўғри тадбирлардан бири шудир: душманнинг устунлиги, қудрати кенглиги равшан бўлганда, улар мол-пул ҳисобига бўлса-да, фалокатнинг олдини олишлари, аҳолини қирилишдан ҳалос этишлари керак...

Подшоҳ тўртингисидан сўради:— Сен нима дейсан?

У жавоб берди:— Мен ватанини тарқ этмасликни, фурбат азобини чекмасликни, ҳамиша биздан паст бўлған душманга бўйин эгишдан юқори қўяман.. Бунинг устига, агар биз маълум миқдорда бож-хирож тўлашни бўйни мизга олсак, улар бу билан кифояланмайдилар, яна кўпроқ талаб этадилар, кейин барибир бизларни қириб ташлашга ҳаракат қиласадилар. Шунинг учун ҳам айтибдурлар: «Ўз мақсадингга эришмоқ учун маълум даражада душманга яқинлашу, аммо уни ўзингга хавф тугдирадиган даражада яқинлаштирма».

Қуёшга қаратиб тик қўйилган таёқни бунга мисол тариқасида қелтириш мумкин: уни жудаям эгсанг, сояси қамайди, озгина эгсанг сояси катталашади. Ҳеч қачон улар биздан оладиган бож-хирож билан қаноатланмайдилар. Шунинг учун менинг фикримча, уруш қилмоқ лозим... Гарчи олимлар урушдан қочиши маслаҳат кўрсалар ҳам, лекин бундай қочиш ўлимдан оғир бўлса, уни ҳеч вақт маъқулламайдилар...

Подшоҳ бешинчи қарғадан, Коршинос исмли вазиридан сўради:— Сен нима дейсан? Урушайликми, сулҳ тузайликми ёки ватанини тарқ этайликми, қайси бири яхши?

Коршинос жавоб берди:— Бойқушлар билан урушб бўлмайди, чунки улар куч-куватда биздан устундирлар. Ақлли кимса душманни заиф ҳисоблаб, ўзини алдамайди, алданган ҳалок бўлади. Биз бу ҳодиса юз беришдан олдин ҳам бойқушлардан қўрқар эдик. Эҳтиёткор одам ҳеч қачон душман қаршисида хотиржамликка берилемайди. Душман яқинда бўлса, тўсатдан ҳужум қилиши, узоқда бўлса, қайтиб келиб чанг солиши мумкин. Енгилса, йўлда пистирма қўйиши, ёлғиз бўлса, ҳийла ишлатиши мумкин. Урушнинг олдини оладиган одамлар энг ақллидирлар. Подшоҳ бойқушлар билан урушиш қароридан воз кечиши қерак. Фил билан урушганлар унинг оёқ остида топталанадилар.

Шоҳ деди:— Урушишни истамасанг, хўш, нима маслаҳат берасан?

Коршинос деди:— Баъзан маслаҳат ва тадбир билан қилинган ишни катта қўшин ёрдами билан ҳам бажарив бўлмайди. Дарёнинг суви ирмоқчалардан йиғилгани каби, шоҳнинг ақл ва закоси ҳам вазирлар маслаҳатидан нур олади. Ақлли шоҳ, душманнинг қанчалик куч-куватга эга бўлганини, ишлатадиган ҳийла ва тадбирини билади. У ҳамиша душман тарафнинг ишларини кузатиб, бирин-кетин рўй берадиган ҳодисаларни тасаввур эта билади, синовдан ўтган ёрдамчилари билан маслаҳатлашиб туради.

Сўзга тушунадиган, ишбилармон одамлар билан маслаҳатлашмасликнинг охири ёмон бўлади. Ақл ва законуридан маҳрум бўлмаган, тажрибали, дунёда ҳар нарсани кўрган ва билган маслаҳатчиларнинг сўзларини ўзига шиор қилиб олган шоҳнинг баҳт юлдузи дунё тургунча порлоқ бўлади...

Шоҳ мени маслаҳат бериш шарафига мусассар қилди. Мен ўз фикрларимнинг баъзиларини очиқ, жамоат олдида сўзлашим, баъзиларни эса, шоҳнинг ўзига яширин айтишим мумкин. Жамоат олдида шуни очиқ айтишим мумкинки, мен урушга қаршиман, айни замонда бўйин эгиб тобе бўлиш, муте бўлиб бож тўлаш каби расвогарчиликни ҳам тўғри деб билмайман.

Ақл эгалари яхши ва мазмунли умр кечирсалар, узоқ яшаши орзу қиласидар. Улар расвогарчилик ва баҳтсизликдан ўлимни устун кўрадилар. Мен мағлубиятнинг ва ўлимнинг элчиси, ақл заифлигининг, руҳий тушкунликнинг жарчиси бўлган ожизликни оқламайман, ожизлик кўрсатмоқни маслаҳат бермайман.

Кимки ожизлик кўрсатса, фойда эшиклари унинг учун бекилиади. Унинг ўйлаган тадбирлари, қилмоқчи бўлган ишлари қаршисида катта тўсиқ пайдо бўлади... Энди қолган сўзларимни хилватда айтсан яхшироқ бўлур эди, чунки ғалабанинг калити эҳтиёткорликдир. Эҳтиёткорликнинг биринчи шарти эса, кенгаш ва маслаҳатdir. Мана энди шоҳ ўз хизматида бўлган одамлар билан маслаҳатлашиб, уларнинг фикрини сўраб, ўзининг узоқни кўрадиган, эҳтиётли, иродали, жасур, ақлли эканлигини кўрсатди...

Шоҳларнинг шундай ишончли ва эътиборли одамлари бўлиши керакки, уларга ўз сирларининг хазиналарини

очиб қўйиб, яширин мақсадларини уларга айта билсин... Шоҳ ақл ва закода, илм ва тажрибада ўз маслаҳатчисидан устун бўлса-да, лекин мой қўйганда чироқ лопиллаб ёнгани, ўтина қалаганда ўчоқ олови баланд бўлгани каби, шоҳнинг ақли ҳам мушовирининг маслаҳатидан мукаммаллашади, тажрибаси ортади.

Кимники кучли, иродали, ақлли маслаҳатчилари бўлса, унга баҳт ёрдир, биринчисининг ёрдами билан ғалаба қозониб, иккинчисининг ёрдами билан хавф-хатарнинг олдини олади. Маслаҳатчиларнинг ўз бошлиқлари билан тиллари ҳам, диллари ҳам бир бўлиши керак. Агар шоҳдан хато содир бўлса, маслаҳатчи майнинлик билан шоҳга хатосини тушунтироғи, шоҳни тўғри йўлга солмоғи ва шундай қилиб икки томон учун ҳам мақбул бўлган қарорга келмоғи лозим. Шоҳга шундай сидқидил хизмат қилмайдиган, ҳақиқатни аён қилишга тиришмайдиган вазир ва маслаҳатчилар душман деб саналишлари керак... Агар шоҳ ҳақни ноҳақдан, дўстни душмандан ажратса билса, ёмонга жазо, яхшига инъом беришда одиллигини кўрсатса, юртни ғайратли, тадбиркор ва узоқни кўрадиган одамларга топширган бўлса, бундай тақдирда унинг шаън-шавкатига путур етмайди, фитна-фужурларга ўрин қолмайди...

Ўз сирини сақлайдиган, лаёқатли вазирлар топа оладиган, раияти ҳайиқадиган, сир бой бермайдиган, яхши ишлайдиганларни тақдирлайдиган, садоқат билан хизмат қиладиганларнинг қадрига етадиган, гуноҳкорларнинг адабини бериб турадиган, маслаҳат билан иш кўрадиган, тадбирли шоҳнинг ҳокимияти узоқ умрли бўлади. Қазонинг қўли бундай шоҳнинг ишини барбод қила олмайди, аксинча, унга хизмат этади. Аслини суриштирилса, баҳт-саодат меҳнат ва ғайрат билан қўлга кирилилади...

Агар шоҳ сир сақлай олмаса, ўзига ҳамда подшоҳлигига путур етади. Қашмир подшоҳи ўз вазирига сир айтгани касофатидан оз фурсатда подшоҳликдан тушиб, хор-зор бўлгани каби.

Фируз сўради:— У қандай бўлган эди? Бешинчи қарга жавоб берди:— Қашмир вилоятида бир подшоҳ бўлиб, унинг ниҳоят даражада гўзал, сочлари узун ва қоп-қора, шўх бир маҳбубаси бор эди. У нозу карашма ва ширин сўз билан ҳамманинг тоқатини тоқ қилар эди. Айниқса, подшоҳ мулозимларидан бир

Йигит унга қаттиқ мөхр қўйиб ишқ ўтида ёнар эди. Улар кўз ва қош имоси билан гаплашар эдилар. Бир кун подшоҳ айшу ишрат қилиб ўтирганда, у йигит хизмат учун ўринидан турди ва ўз маъшуқасининг юзига қараб кулиб қўйди. Маъшуқаси ҳам табассум қилиб, қош учиреб, унинг кўнглини овлади. Буни кўриб қолган подшоҳнинг ғазаби қўзиб маҳбубасининг баҳридан ўтмоқчи бўлди. Кейин ўйлаб, икки кишини ўлдиришга ошиқниш ақлдан әмас, сабр қимлоқ керак, деб ўзини кўрмаганга солди. Эртаси кун подшоҳ ҳар кундагидек ўз ишлари билан шуғулланди. Кейин давлат устуларидан бўлган бир вазирни хилватга чақириб, унга кечаси бўлиб ўтган воқеани айтиб берди. Вазир уларни ўлдиришни маслаҳат берди. Подшоҳ билан вазирнинг фикри бир жойдан чиқди: уларга заҳар бериб ўлдирмоқчи бўлдилар. Лекин бу сир подшоҳ ва вазир орасида пинҳон қолиши керак эди. Вазир уйига келиб қизини ғамгин ҳолда кўрди ва бунинг сабабини сўради.

Вазирнинг қизи деди:— Бугун подшоҳ саройига бориб эдим, подшоҳнинг хотини менга илтифот қилмади. Мен ўз тенгларим ва дугоналарим ўртасида хижолат тортдим. Вазир қизига тасалли бериб деди:— Фам ема, бир-икки кун ичиди унинг умр чироғи ўчади ва ҳаётининг гули сўлади.— Қиз буни эшитиб нима гаплигини сўради. Вазир ҳамма гапни айтиб берди ва сир тутиб буни ҳеч кимга айтмасликни уқтирди. Қиз эшитганларидан хурсанд бўлиб отаси ҳузуридан чиқди. Бу аснода ҳарам ходимларидан бири узр сўраб, қиз ёнига келди. Қиз деди:— Майли, хоним мени бесабаб хафа қилгани учун жазосини кўради.— Ходим хурсанд бўлиб сўради:— Бу сўзни қаердан эшитдинг?

Қиз жавоб берди:— Бировга айтмасанг, сўзлаб бераман.— Ходим онт ичгач, қиз ҳамма гапни айтиб берди.

Ходим дарров уйига бориб, эшитганларидан хотинини огоҳ қилди. Хотин эса гуноҳкор йигитни хилватга чақириб, ҳамма гапни айтиб берди. У йигит бир неча шерикларини тўплаб подшоҳни ўлдирди.

Агар подшоҳ вазирга сирини айтмаганда эди, шу ҳолга тушмаган бўлар эди. Бу қиссадан ҳисса шуки, подшоҳ вазирлар билан кенгаш қилиши ва уларнинг берган маслаҳатларидан фойдаланиши мумкин, аммо ўз сиридан уларни воқиф қилмаслиги керак. Чунки

ўзга одам ҳеч қачон били:— Ой нима хабар юборди? майди.

Аммо шоҳларнинг сийтса ва ўз куч-қудратидан мағнинг баъзиларини бирорарни таҳқир этса, унинг бу баъзиларини айрим қиёлокатига сабаб бўлади. Сен айтмоқчи бўлган сирга ўрдан устун ҳисоблаб ҳаддинг-қулоқ ва икки юрак вражага етибдик, менинг номим.

Шоҳ бешинчи қарға қўшинларингни олиб бориб сувига кириб сўради:— Би огоҳлантириб қўяй, агар бундан ган адоват ва душмани такрорласанг кўзларингни ўйиб

Коршинос деди:— Ҳалок этаман. Агар бу сўзлардан сўзи сабаб бўлган ҳулоқ бошига кел, ўша ерда сен

Шоҳ сўради:— Қанда,

**Ҳикоят:** Коршинос деди:— сўзларни эшитиб таажжуни ўзларига шоҳ кўтармоқчи олди. Сувга қараб ойнинг ўйифишиб, бу борада кенгаша узоқдан бир қарға кўринди. Қушларни тез бўл, ҳар Бир оз сабр қилайлик, қарға етиб келсин, у билан ҳам маслаҳатлашиб кўрайлик-чи, нима дер экан, ахир у ҳам паррандалар жинсидан-ку. Агар бутун табақа намояндалари яқдил бўлмасалар, қарор бир оғиздан қабул этилган ҳисобланмайди.

Қарға келиши билан унга аҳволни баён этдилар.

Қарға деди:— Агар бутун қушлар ҳалок бўлиб, то-вус, турна, ғоз каби номдор паррандалар йўқ бўлиб кетсалар ҳам бойқушга тобе бўлиб, унинг сўzlари ва буйруғи билан яшашдан кўра шоҳсиз қолиб, ўз ақл-идрокимиз билан яшаш яхшироқdir. Чунки бойқуш зоҳирان қушларнинг энг хунуги, ботинан энг ёмони ва ифлосидир. Унинг ақли кам, ўзи ниҳоят даражада аҳмоқ, сержаҳл ва раҳмсизdir. Бунинг устига, у кундуз-куни ҳеч нарса кўрмайди. Ҳаммасидан даҳшатлиси шуки, у хосиятсиз, шарм-ҳаёсизdir. Бинобарин, фикрингиздан қайтинг, уни ўзинигизга шоҳ қила кўрманг, усиз ҳам кунигиз ўтади. Ҳзини ойниг элчиси эълон қилиб, ўз ақли билан буюк ишлар қилган қўён каби бўлинг.

Қушлар сўрадилар:— У қандай ишлар қилган?

**Ҳикоят.** Қарға деди:— Филлар яшайдиган ўлкаларнинг бирида қурғоқчилик рўй берди. Булоқлар қуриди. Сувлар тугади. Филлар сувсизлик ва ташналика чидай олмай ўз шоҳлари ҳузурига келиб, шикоят қилдилар, зор-зор йиғладилар.

Шоҳ сув ахтаришга одамлар юборди. Кўп ахтариб,

Йигит унга қаттиқ мөхр қўйибдор бир булоқ топдилар. Қўя ва қош имоси билан гапларосини тўплаб, ўша булоқ айшу ишрат қилиб ўтирганилар ўлкасида бўлгани ўрнидан турди ва ўз маъшуқаси ўенларни топтаб, ҳамма қўйди. Маъшуқаси ҳам табаси куни қуёnlар йиғилиб, унинг кўнглини овлади. Буни кілар ва дедилар:— Фил-ғазаби қўзиб маҳбубасининг бфалокатлари сенга маънайин ўйлаб, икки кишини ўлдибир кўрилмаса, улар эмас, сабр қўлмоқ керак, деб ўзинилар. Эртаси кун подшоҳ ҳар кундагидек ўзинг нима таклифи ғулланди. Кейин давлат устуилари<sup>1</sup> қилиб шу балони зирни хилватга чақириб, унга кечашни айтди. Вазир уларни «донолиги» билан шуҳди. Подшоҳ билан вазирни ўзён бор эди. У олдинга уларга заҳар бериб ўлдирм<sup>2</sup> бу ишни менга ҳавола қиподшоҳ ва вазир орасиг<sup>3</sup> ўорсиналар, менга ишончли бир зир уйига келиб кетибди. У менинг нималар деб, нималар шоҳиди бўлади ва келиб шоҳга айтиб беради.

Шоҳ деди:— Биз сёнинг айтган сўзларингга ишонализ. Қиладиган ишларинг муваффақиятли бўлишига шубҳа қилмаймиз. Майли, бор. Вазият ва шароитга қараб ҳаракат қил. Лекин унумтаки, элчи шоҳнинг тили, зеҳни ва қалбидир. Элчининг ақл-заковатига қараб уни юборган шоҳнинг ақли ва ишлари қай аҳволдалиги тўғрисида ҳукм чиқарадилар; агар элчи назокатсизлик қиласа, уни юборган шоҳни таъна қиладилар, элчи ўз шоҳнинг номус ва иззатига, шаън ва шавкатига халал етказмаслиги, шу билан бирга душманнинг нима фикрда эканлигини билиб келиши лозим.

Бу сўзларни диққат билан эшитган Беҳруз ойдин кечада филлар томонига равона бўлди. У ўзича ўйлар эди:— Агар филлар ўзлари ёмонлик қилишни истамасалар-да, уларга яқинлашмоқ мен учун хатарлидир, оёқлари остида қолиб кетишими мумкин. Илон уни ўз қўлида ўйнатётган одамни чақиши истамаса ҳам, оғзининг суви унга тегса бас, одам ўша соатда ҳалок бўлади. Яхшии шуки, бир тепанинг устига чиқиб, филлар билан ўша ердан туриб гаплашай.— У шундай қилди. Узоқдан филларнинг шоҳини чақириб деди:— Мен Ой тарафидан юборилган элчиман. Элчининг айтганлари кўнгилсиз бўлса-да, унга диққат билан қулоқ солмоқ ва бунинг учун элчини қораламаслик керакдир.

**Филларнинг шоҳи сўради:**— Ой нима хабар юборди? **Беҳруз деди:**— Ой дедики, ҳар ким ўз қувватига ишониб заифларни ранжитса ва ўз куч-қудратидан мағърурланиб ўзидан кучсизларни таҳқир этса, унинг бу куч-қуввати ўзининг ҳалокатига сабаб бўлади. Сен ўзингни бошқа ҳайвонлардан устун ҳисоблаб ҳаддингдан ошибсан. Иш шу даражага етибдик, менинг номим билан аталган булоққа қўшинларингни олиб бориб сувийни булғатибсан. Сени огоҳлантириб қўяй, агар бундан кейин янга шу ишингни тақрорласанг кўзларингни ўйиб оламан ва ўзингни ҳалок этаман. Агар бу сўзлардан шубҳа қилсанг, ҳозир булоқ бошига кел, ўша ерда сен билан учрашамиз.

**Филларнинг подшоҳи** бу сўзларни эшитиб таажжуబланди ва булоқ тарафга йўл олди. Сувга қараб ойнинг аксини кўрди.

**Беҳруз деди:**— Нега қараб турибсан, тез бўл, ҳар туминг билан сув олиб юзингни юв, бош эгиб таъзим қил.

**Фил** хартумини сувга солиши билан сув чайқалиб ой қалқий бошлади. **Фил** кўрқиб Беҳруздан сўради:— Хартумимни сувга тиқсанам ачичиги келяпти шекилли.

**Беҳруз деди:**— Албатта ачичиги келади-да, тез бўл, вақт ўтмасин, сажда қилиб узр сўра!

**Фил** дарҳол бош эгиб узр сўради ва бу ерга бундан кейин ўзим ҳам, бошқа филлар ҳам оёқ босмайдилар, деб онт ичди.

**Қарға деди:**— Бу масални айтишдан мақсад сизни огоҳ қилиб қўймокдир — бойқуш маккор ва алдамчидир. Шунинг учун бойқушни ўзингизга шоҳ кўтариб ўтиргангиз ва ўз ишларингизни унга топширмангиз. Зошим подшоҳларга, ҳийлакор ва ёлғончи ҳукмдорларга ишонгандарниг бушига тақводор мушукка мурожаат этган каклик билан тиҳу<sup>1</sup> бушига тушган савдо тушади.

**Қушлар** сўрадилар:— Уларга нима бўлиби?

**Ҳикоят.** **Қарға деди:**— Бир каклик менинг қўшним эди, бир-биримизга мөхру муҳаббатимиз зўр эди. Бир куни у тўсатдан йўқолиб қолди. Ҳалок бўлган бўлса керак, деб ўладим. Бир неча вақт ўтгандан кейин бир тиҳу келиб, унинг уясидаги яшай бошлади. Мен унга ҳеч нарса демадим.

<sup>1</sup> Тиҳу — ёввойи товуқ.

Орадан бир неча кун ўтгач, каклик қайтиб келди.  
Үйида тиҳуни кўриб, деди:— Үйимни бўшат!

Тиҳу деди:— Ҳозир бу йй меники. Агар сеники бўлса,  
исбот қили.

Каклик деди:— Сен нима деяпсан, менинг қозидан  
хужжатим бор.

Тиҳу жавоб берди:— Бир одил ҳокимни топиб унга  
мурохаат қилишимиз керак. У ҳар биримизнинг сўзла-  
римизни тинглаб одилона қарор чиқариб берсни.

Каклик деди:— Яқинимизда бир мўмин мушук бор,  
у кечаю кундуз рўза тутиб тоат ва ибодат билан маш-  
ғул бўлади... Ундан кўра одилроқ бўлган қози топа ол-  
маймиз. Сўзимизни эшитиб, инсоф билан ҳукм чиқа-  
риб беради.— Икковлари мушук ҳузурига келдилар. Мен  
ишнинг нима билан тамом бўлишини, мушукни кўриш  
ва унинг қандай ҳукм чиқаришини билиш мақсадида  
уларнинг орқасидан эргашиб бордим. Мушукнинг кўзи  
уларга тушиши билан меҳробга юз ўгириб намоз ўқий  
бешлади.

Намозни тутагтгач, каклик назокат билан ундан ил-  
тимос қилди:— Уртамида низо чиқди, ҳал қилиб бер-  
сангиз.

Улар ўз даъволарини айтиб бўлгач, мушук деди:—  
Менга қарилек таъсир қилиб, танимда қувват қолмаган,  
кўзларим нурсизланиб, қулоқларим оғирлашган.. Яқин-  
роқ келинг ва баландроқ сўзланг, мен гапингизни яхши  
эшитиб олиб, одилона ҳукм чиқарай. Лекин бундан олдин  
сизларга бир маслаҳат берай, агар диққат билан қулоқ  
солиб, сўзимга амал қиласангиз, ҳар иккингиз дунёда  
баҳтли бўласиз. Маслаҳатим шуки, ҳар иккингиз ҳам  
чин гапни айтинг, чунки ҳукм ҳақиқатни айтганинг за-  
рарига чиқарилса ҳам, у одам голиб ҳисобланади, агар  
ёлғон айтганинг фойдасига чиқарилса ҳам, у одам ен-  
гилган ҳисобланади. Бу дунёда инсон учун тўғри сўздан,  
дуруст ишдан ҳам катта давлат бўлмайди. Ақлли одам  
бу дунёнинг молига ҳирс қўймайди, бойликни ёз булу-  
тидек ўткинчи ва қиши куни каби қисқа деб билади, кат-  
та-кичик — косиб, савдогар, камбағал, бойга бир кўз  
билан қарайди. Ўзига раво кўрмаган нарсаларни ўзга-  
ларга ҳам раво кўрмайди.

Мушук шу қадар тилёламалик билан сўзлар эдики,  
каклик билан тиҳу унинг гапига маҳлиё бўлиб, яқинро-  
ғига бориб ўтиридилар.

Мушук бир сапчиб, уларнинг иккаласини тутиб еди.  
Унинг парҳез сақлаб, рўза тутмоғининг, тоат-ибодат  
қилмоғининг макр-ҳийла эканлиги аён бўлди. Бойқуш  
ҳам шундай ваъдага вафосиз маккордир. Бинобарин,  
хомлик қилиб уни подшоҳ қўтартманг. Шоҳлик тожини  
унинг ифлос бошига кийгизманг.

Кўшлар бу сўзларни эшитгандан сўнг бойқушни под-  
шоҳ қўтариш ниятидан воз кечдилар.

Бойқуш пушаймон бўлиб маъюс ҳолда қарғага де-  
ди:— Сен мени расво қилдинг, сен орамизга шундай бир  
хусумат солдингки, у, дунё тургунча тураверади. Мен  
сенга бирон ёмонлик қилдиммики, унинг аламини ола-  
сан. Ҳар ҳолда шуни билишинг керакки, дараҳтни кесса-  
лар, унинг илдизидан бир шоҳча кўкариб, унинг ўринини  
босади, қилич ва ўқ яраси битиб кетади, лекин тил яраси  
ҳеч вақт тузалмайди. Қалбга санчилган сўз ўқини чиқа-  
риб бўлмайди. У умрбод ўша ёрда қолади. Ҳар дардинг  
бир дармони бор. Сувнинг дармони ўт, заҳарининг дар-  
мони тарёқ, ғамнинг дармони сабр, ишқнинг дармони  
висолдир; адоватни босадиган дори йўқ. Агар бутун дарё-  
ларнинг сувини сепсалар ҳам кин ва ғазаб оташини  
сўндира олмайди. Сен қарғалар билан бойқушлар ораси-  
да шундай бир хусумат дараҳтини ўтқаздингки, унинг  
илдизлари жуда чуқур, шоҳлари жуда каттадир, у ҳеч  
қачон қуримайди.

Бу сўзларни бойқуш газаб билан айтиб, маъюс ҳол-  
да чиқиб кетди.

Қарға қилган ишидан пушаймон бўлиб, ўз-ўзига де-  
ди:— Нодонлик қилдим, ўзим ва ўз ҳамжинсларимга  
душман орттиридим. Бу сўзларни айтишга бошқа қуш-  
ларга қараганде ҳақим кўп әмас эди, улар ҳам бойқуш-  
ларнинг айбларини билар ва уларнинг нималарга қодир  
эканликларини мендан яхши тушунар эдилар. Лекин бу-  
нинг оқибатини билиб, юракларидағи сўзларни айтишдан  
ўзларини тийгаилар. Энг даҳшатлиси шуки, мен сўзни  
юзига айтдим, юзга айтилган сўзиниг тиги ўтирир бўла-  
ди. Куч ва қувватга ишонган ақлли одамлар ҳам бош-  
қаларда адоват уйғотишини маслаҳат кўрмайдилар, ўз  
шаън-шавкатларига маҳлиё бўлмайдилар. Тарник ва  
бошқа дори-дармонлари бўлган одам уларга ишониб за-  
ҳар ичмайди. Энг яхши фазилат — хайрли иш қила бил-  
моқдир. Яхши сўз хайрли ишнинг ўринини боса олмайди,  
яшни чиройли сўз бўлмаган тақдирда ҳам яхши иш ўз  
чунки чиройли сўз бўлмаган

Енмарасини курсатади ва барча томонидай тақдирлана-ди. Аммо чиройли сўз қилинадиган ишни халқ кўзида қанчалик латофатли қилиб кўрсатмасин, барибир бу иш амалга ошмай қолганда у сўз пушаймонлик келтиради. Мен сўзга эътибор бериб, ишнинг охири нима билан та- мом бўлишини билмаган, бунга аҳамият бермаган ана шундай аҳмоқларданман. Агар ақлим бўлса эди, бун- дай аҳмоқлик қилмаган бўлардим, аввал бирор киши билан маслаҳатлашардим. Муайян бир қарорга келган- дан сўнг пардали сўзлар билан ўз фикримни айтганим- да ўз ақлимнинг ноқислигини ошкор қилиб қўймаган бўлардим. Яхши ўйламасдан туриб бундай катта ва масъулиятли иш тўғрисида гап бошлаш ақлсизликдир. Дунё кўрган тажрибали одамлар билан маслаҳатлаш- масдан иш бошлаганларни нодон деб ҳисоблайдилар. Ахир кўра-била туриб, ўзимизга душман орттиридим!

Қарға бир соатча ўз-ўзи билан шу зайдада сўзлаган- дан сўнг учиб кетди.

Биз билан бойқушлар ўртасидаги душманчиликнинг бошланиши мана шундай бўлган эди.

Шоҳ деди:— Бу гапларни айтаб берганларинг яхши бўлди. Эди айт-чи, сен бизнинг бошимизга тушган иш тўғрисида нима фикрдасан? Бир тадбир кўрсатки, на- жот топайлик.

Бешинчи қарға деди:— Урушишга, бож-хирож бериши- га, ватанинн тарқ этиб кетишга қарши эканлигини айт- ган эдим. Менингча, бу ишнинг чораси ҳийладир. Кўп одамлар ақл билан шундай зафар қозонгандарки, уларни куч ва уруш воситаси билан қўлга киритиб бўлмайди. Масалан, бир зоҳиднинг қўлидан ҳийла билан қўйини тортиб олганлари каби...

Шоҳ сўради:— Айт-чи, қандай ҳийла билан қўйини тортиб олибдурлар?

Ҳикоят: Қарға деди:— Бир зоҳид қурбонлик учун бир қўйини уйита олиб борар эди. Йўлда бир неча одам- лар унга дуч келдилар. Улар зоҳидни алдаб, қўйини олиб кетишга қарор қилдилар. Улардан бири зоҳидга яқинла- шиб деди:

— Эй шайх, бу итни қаёққа олиб кетяпсан?

Иккинчي тарафдан яна бири келиб деди:— Шайх бу итни овга олиб бораётган бўлса керак.

Яна бири бошқа томондан келиб деди:— Бу киши ташқи кўринишидан зоҳидга ўхшаса ҳам, лекин аслида

зоҳид эмас, чунки зоҳид ит билан дўст бўла олмайди, қўлинигина эмас, ҳатто кийимини ҳам итга тегизишидан жириканади, итни ҳаром деб билади.

Зоҳид уларнинг бир хил гапиравётганларини эшитгач, юрагига шубҳа тушди ва ўз-ўзига деди:— Балки қўй сотгани одам жодугардир, итни кўзимга қўй қилиб кўрса- тиб, менга сотгандир.— Шуни деб қўйини ташлаб кетди. Лўттибозлар эса қўйни сўйиб, гўштини бўлиб олдидар.

■ Бу масални айтмоқдан мақсадим, биз ҳам иши- мизни ҳийла ва тадбир билан саранжом қилмоғимиз мумкинлигини кўрсатмоқ эди. Мен иажот йўлида ўзимни қурбон қилишга тайёрман. Шоҳ мендан ғазабланган бўлсинлар ва мени ўз қонимга бўяб, патларимни юлиб, бир дараҳт тагига олиб бориб ташлашга амр қилсилар. Сўнгра шоҳ ўз қўшинларини олиб фалон ерга чекинсин- лар ва менинг қайтишимни кутсиналар. Мен ҳийланни иш- латиб ишни битиргандан кейин шоҳнинг ҳузурига бора- ман.

Шоҳ унинг айтганларини бажо келтириди. Худди ўша кечаси бойқушлар яна босқин қилдилар. Лекин қарға- лардан асар топа олмадилар, дараҳт тагига ётган қарғани ҳам кўрмадилар. Мажақланган қарға, бойқушлар уни кўрмасдан кетиб қолишлидан ва чеккан жафолари бекор кетишидан қўрқиб, ётган ерида қимирлаб, секин- аста оҳ-воҳ қила бошлади. Бойқушлар унинг оҳ-зорини эшитиб, ўз шоҳларига хабар етказдилар. Шоҳ бир неча бойқуш билан ёнига келиб, унинг ким эканлигини, қарғалар қаерга кетганликларини сўрашни буюрди.

Қарға отини, отасининг отини айтаб дедики:— Қарға- ларнинг қаерга кетганликларини билмайман, бу менинг ҳозирги ҳолимдан ҳам маълумдир.

Подшоҳ деди:— Бу, қарғалар шоҳининг вазиридир, билин керак, шима учун уни бу кўйга солған эканлар.

Қарға деди:— Сиз у куни бизга ҳужум қилгай кеча- дан сўнг шоҳ бизни чақириб бу ҳақда фикримизни сў- ради. Мен дедим:— Бойқушларга қаршилик кўреатиш- нинг фойдаси йўқ, чунки улар бизга нисбатан кучли, шаън-шавкатлидир. Шунинг учун бир элчи юбориб улар билан сулҳ тузайлик, бож-хирож тўлайлик, рози бўлма- салар шаҳарларга тарқалиб кетайлик, чунки улар учун уруш, биз учун эса сулҳ фойдалидир. Кучли душманга тобе бўлишдан бошқа чора йўқдир. Кўрмайсизми, кўк ўтлар бош эгиб кучли шамолдан ўзларини саломат сақ-

лаб қоладилар, илдизи мустаҳкам, шоҳлари йўғон дарахтлар эса ағдарилиб тушадилар. Шуларни айтганимдан кейин қаргалар газаблашиб, мени хоин ва бойқушларнинг тарафдори деб, шу аҳволга солдилар. Энди билишимча, улар урушга тайёргарлик қўраётирлар.

Бойқушларнинг шоҳи бу сўзларни эшитгандан сўнг вазирларининг биридан сўради:— Сен бу қарға ҳақида қандай фикрдасан?

Вазир деди:— Унинг тўғрисида фикрлашиб ўтиришга ҳожат йўқ. Ер юзини унинг ифлос ва ярамас вужудидан қанчалик тез тозаласак, шунча яхши бўлади ва унинг макру ҳийласидан шунча тез қутулган бўламиз. Унинг ўлими қаргалар учун катта талафот бўлади. Оталар айтибдурлар:— Кимики бугун қиласидиган муҳим бир ишни эртага қолдирса бармоғини тишлайди.

Ўлим гирдобидан қутулиб қолган ожиз душманни ўлдириб ундан қутулмаган пушаймон еди. Шоҳ унинг сўзларига ишонмасинлар, сафсаталарига эътибор бермасинлар...

Шоҳ иккинчи вазирдан сўради:— Сен нима дейсан?

Иккинчи вазир деди:— Мен унинг ўлдирилишини зарур деб билмайман. Чунки қучсиз ва қуролсиз душман муруватга сазовордир, ақлли одамлар бундайларни афв этиш билан ўзларининг олижаноб эканликларини бутун дунёга намоён қиласидилар. Сигиниб, ҳимоя излаб келгандарга бошпана бермоқ керак. Баъзи ишлар борки, улар ўғри киши савдогарнинг хотинини ўз эрига меҳрибон қилиб қўйган каби душманга шафқат уйғотади.

Шоҳ сўради:— Ўғри қандай қилиб хотинини эрига меҳрибон қилиб қўйибди?

**Ҳикоят:** Иккинчи вазир деди:— Давлатманд, лекин ҳаддап ташқари хунук бир савдогар бор эди. Унинг хотини эса ғоят гўзал эди.

Эри уни жуда яхши кўрарди. Лекин у эридан нафратланар, ундан ўзини олиб қочиб юрар ва бутун умри бўйи бир соат ҳам эри билан бирга бўлишини истамас эди. Бир куни уларнинг уйига ўғри гущди. Савдогар ухлаб ётар, хотини уйғоқ эди. Хотин ўғрини кўриб қўрқиб кетди. Қочиб бориб эрининг қўйнига кирди ва уни маҳкам қучоқлаб олди. Эри уйқудан уйғониб кетиб сўради:— Бу қандай лутф, бу қандай марҳамат? Қайси хизматим эвазига бу неъмат менга мусассар бўлди?— Аммо ўғрини кўриб масалани тушунди ва ўғрига деди:— Эй

шер юракли йигит, кўнглинг истаганича молу давлатидан ол. Сенга ҳалол бўлсин. Мен ёлғиз сенинг муборак қадаминг туфайли бу баҳтга эришдим.

Иккинчи вазир ҳикоясини тугатиши билан шоҳ учинчи вазирнинг фикрини сўради.

Учинчи вазир деди:— Албатта буни ўлдириш керак эмас, аксинча, унга илтифот кўрсатиб баҳшиш бермоқ лозимdir, шоҳ саройи унга паноҳ бўлсин. Ақлли одам душман орасига нифоқ солишини ҳам ғалаба деб ҳисоблайди. Ўгри билан дев орасидаги жанжал зоҳидга қўл келгани каби душманлар орасидаги ихтилоф ҳам ишларни йўлга солиб юборишга имкон беради.

Шоҳ сўради:— Ўгри билан дев нега жанжаллашиб қолган экан?

**Ҳикоят:** Учинчи вазир деди:— Зоҳид бир ҳўқизни уйига олиб кетаётган эди, уни ўғри кўриб қолиб зоҳиднинг кетига тушди, бир дев ҳам инсон қиёфасига кириб, ўғрига ҳамроҳ бўлди.

Ўғри сўради:— Сен кимсан ва қаерга кетяпсан?

У жавоб берди:— Мен девман, зоҳидни таъқиб этиб келмоқдаман. Фурсат топиб, уни бўғиб ўлдирмоқчиман. Ҳўш, сен ўзинг кимсан?

Ўғри деди:— Мен юлдузни бенарвон урадиган ўғриман. Ҳозир зоҳиднинг семиз ҳўқизини ўғирламоқчиман.

Улар бирга йўлга равона бўлдилар ва тунда зоҳиднинг уйига этиб келдилар. Зоҳид ҳўқизни боғлаб, унга сув, пичан бериб, ўзи ўрнига кириб ётди.

Ўғри, агар дев зоҳидни ўлдирмоқчи бўлса, у уйғониб қолиб шовқин солиши мумкин, унда ҳўқизни ўғирлаш қийин бўлади, деб ўйлади.

Дев ҳам агар ўғри ҳўқизни ўғирласа, чиқиб кетаётганида унинг овозидан зоҳид уйғониб кетади-ю, уни ўлдириш мумкин бўлмай қолади, деб ўйлади.

Дев ўғрига деди:— Сен бир оз сабр қил, мен зоҳидни ўлдирай, сўнгра сен ҳўқизни олиб кет.

Ўғри деди:— Йўқ, аввал мен ҳўқизни олиб кетай, сўнгра сен зоҳидни ўлдириб.

Шундай қилиб, улар бир-бирлари билан келишолмай, жанжаллашиб қолдилар. Ўгри зоҳидни чақириб деди:— Эй бадбахт, нима қилиб ётибсан, тур, бу ерда дев бор, у сени ўлдирмоқчи.

Дев ҳам бақириб деди:— Зоҳид, тур, уйингга ўғри тушди, ҳўқизингни ўғирлаб кетмоқчи.

**Зоҳид уйғониб кетиб, додлай бошлади. Дев ва ўғри кўрқиб қочдилар.**

Шундай қилиб, душманлар орасидаги ихтилоф зоҳиднинг моли ва жонининг саломат қолишига сабабчи бўлди.

Бу сўз шу ерга етганда, қарғанинг ўлдирилишини маслаҳат кўрган биринчи вазир деди:— Мен кўриб турибман, бу қарға ўз макри билан сизни алдашга мувоффақ бўлди. Мен ҳамон таъкидлайман, сиз гафлат уйқусидан уйғониб, кўзингизни катта очинг, бу ишнинг оқибатини ўйланг. Ақлли одамлар ёлғон сўзларга учмайдилар.Faқат тажрибасиз одамгина кичик бир хушомадгўйликни кўрганда юмшаб, аввалги хусуматни, душманнинг хиёнати ва риёкорлигини унутади, душманнинг ёлғон гапини рост деб қабул қиласди ва у билан келишади. Ҳаммасидан таажжублиси шуки, бу ёлғончиинг кўзбўямачилиги натижасида Басра сизнинг кўзингизга Бағдод бўлиб кўриняпти ва сиз хотинининг сўзига ишонган дурадгорга ўхшаб қояпсиз.

Шоҳ сўради:— Дурадгорга нима бўлибди?

**Ҳикоят:** Биринчи вазир деди:— Сарандип шаҳрида бир дурадгор бор эди. Унинг хотини бағоят хушрўй, ҳадийлакор ва ишвали аёл эди. Дурадгор ўз хотинини ҳаддан ташқари севар, у эса қўшниларидан бири билан алоқада эди. Қариндошлар бундан хабардор бўлиб қолиб, дурадгорга етказдилар. Дурадгор аввал ишни текшириб бокиб, сўнгра чора кўрмоқчи бўлди.

У хотинига деди:— Мен унча ҳам узоқ бўлмаган бир қишлоқка борадиган бўлиб қолдим. Лекин сафарим учтўрт кунга чўзилса керак. Сафар апжомини ҳозирлаб кўй.

Хотин дарҳол сафарга керакли нарсаларни тайёрлай бошлади. Дурадгор хотини билан хайрлашиб чиқиб кетди.

Эри кетиши билан хотин ўйнашига хабар қилди. Дурадгор эса кечаси яширин йўл билан уйига кириб келди. Хотинини ўйнаши билан бирга сухбат қуриб ўтирганини кўрди, лекин дурадгор шошилмади, улар ётоқقا кирсанлар, кейин ушлайман, деб кутиб турди. Улар ётоқقا кириб ётдилар. Дурадгор иш нима билан тугашини мушоҳада қилмоқ учун тахтанинг остига кириб олди. Лекин сабир оз вақт ўтгач, уни ўйқу элитиб, оғзи тахтанинг остидан чиқиб қолганини билмай қолди. Хотинининг кўзи

оёққа тушиши билан дарҳол масалани тушунди. У ўйнашининг қулогига секингина бир нарса деб пичирлади.

Ўйнаши кулимсираб сўради:— Эрининг кўпроқ севасанми ёки мени?

Хотин жавоб берди:— Эримни кўпроқ севаман. Баъзан соддалик, баъзан нодонлик ва баъзан эҳтирос хотинларни одамларнинг асл ва насабига, қобилият ва лаёқатига қарамай, улар билан яқинлик қилишга мажбур этади. Энди эрга келсак, у бошқа масала. У ота, жигар ва авлод кабидир. Ўз азиз жонидан эрини минг марта ортиқ кўрмаган, эрингроҳати ва фароғати учун ўз ҳаётини қурбон қилмаган хотинга минг лаънат!..

Дурадгор бу сўзларни эшитгач, юраги юмшади ва ўз-ўзига деди:— Хотинимдан бадгумон бўлиб, яхши иш қилмадим. Ҳеч бўлмаса энди уларнинг кайф-сафоларини бузмай. — Шундан кейин овозини чиқармай, саҳаргача тахтанинг остида ётди...

Тонг билан ўйнаш кетгандан сўнг, дурадгор тахтанинг остидан чиқиб хотинининг олдига келиб ўтириди. Хотин ўзини ухлаганга солиб ётди. У, хотинини астасекин ўйғотиб, оҳиста силаб дер эди:—Агар сенинг қалбининг садосини эшитмасам эди, ҳалиги кишининг ўйини ёндириб юборардим, бошқа ҳаёсизларга бу ибрат дарси бўлар эди. Лекин сенинг менга бўлган муҳаббатингни ва бу ишни янгилишиб соддалигингдан қилиб қўйганингни билгач, сенинг номусингни қўриқлашни лозим билдим. Кўрқма, ўзингни қўлга олиб дадил бўл. Сенинг ҳақингда баъзи ёмон нарсалар ўйлаб, бадгумон бўлганим учун мени кечир.

Хотини ҳам узр сўрай бошлади. Шундай қилиб, ҳар икки тараф орасида тотувлик вужудга келди.

Бу масални шунинг учун келтирдимки, сиз ҳам дурадгор каби алданиб, қарғанинг макр-ҳийласига учмагай ва ҳушёргингизни йўқотмагайсиз. Душманлар узоқ масофадан туриб зарба бера олмасалар, яқинлашиш йўлини қидира бошлайдилар ва ўзларини хайриҳоҳ қилиб кўрсатишга уринадилар, шу восита билан сирдош бўлиб оладилар. Сирларни билиб, керакли маълумотларни олгач, пайт пойлаб туриб шундай зарба беришлари мумкинки, улар етказган жароҳатларни асрлар мобайнида ҳам тузатиш мумкин бўлмайди. Мен қарғаларни синаб кўрган, уларнинг ақл-фаросатларини имтиҳон қилганиман. Бу малъун қарғани кўриб, унинг сўзларини эшит-

тагч, уларнинг узоқни кўрадиган эканликлари яна бир  
карра маълум бўлди.

Бойкүшларнинг подшоҳи вазирнинг сўзларига аҳамият беради. Қарғани ҳурмат қилиб, едириб-ичириб, уни яхши меҳмон қилишни буорди.

Қарғани ўлдириш тарафдори бўлгаи вазир деди:—  
Модомики, қарғани ўлдирмадингиз, ҳеч бўлмаса, у билан  
душман каби муомалада бўлинг. Унинг макр ва ҳийлала-  
рига учеб хотиржам бўлманг. Шуни айтиб қўяйки, унинг  
бу ерда бўлиши — бизга баҳтсизликкина келтиради.

Подшоҳ унинг бу сўзларига ҳам эътибор бермади, доно ва ақлли вазирининг насиҳатларига қулоқ солмади. Қарға эса шоҳнинг хизматида қолиб, иззат-хурмат ичида яшай бошлади. У шоҳга яқин одамлар билан қалин дўст бўлиб олди. Шоҳ ва унинг мулозимлари унга меҳр кўйиб, насиҳатларига қулоқ соладиган бўлдилар.

Бир куни қарға катта бир мажлисда, жамоат олдида шундай деди:— Қарғаларнинг шоҳи менга сабабсиз жафо етказди, мен ундан қасос олмагунимча тинчий олмайман. Бу ҳақда кечаю кундуз ўйлайман. Охири шу фикрга келдимки, қарғалигимча қолсам, бу орзумга ета олмайман. Олимлардан эшитган эдимки, бирор золимдан жафо кўриб, ўзини оловга ташласа ва шу чоғда дуо ўқиса илтижоси мустажоб бўлади. Подшоҳ рози бўлса, мени ўтга ташланглар, бағримга олов ўта бошлагандা, бойқушга айланишимни сўраб дуо қиласман, зора шу ўйл билан у золимдан интиқом олсан.

Карғани ўлдиришни маслаҳат кўрган бойқуш ҳам шу мажлисда эди. У қарғанинг бу сўзларини эшишиб деди:

— Сен ўзингги зоҳирсан гулдек покиза қилиб кўрса-тишга уринастган бўлсанг ҳам кўнглинг қора, ўзинг маккор ва риёкор маҳлуқсан. Сен ранги гўзал, ҳиди хуш, лекин заҳар солинган шаробга ўхшайсан. Сенинг қора қалбинг, нопок вужудинг на сув билан тозаланур, на ўт билан; сен қайси шаклда кўринмагин, семурғми, товусми қиёфасига кирмагин, барибир ҳамиша сен қарғаларга ёрдам қилиш орзусидасан. Сен қуёш, булут, шамол ва тоққа тегиш ҳақидаги таклифни рад этиб, улардан сичқонни афзал кўрган сулув қиз қиёфасидаги сичқонга ўхшайсан.

Шоҳ сўради:— У сичқон қандай куёвга чиқибди?  
Хикоят. Бойкуш деди:— Бир дуоси мустажоб зоҳид

бор эди. Бир куни у ариқ лабида ўтирганида тепасидан бир калхат учиб ўтди. Унинг тумшуғидаги сичқон боласи зоҳиднинг ёнига тушиб кетди. Зоҳид у сичқон боласига шафқат қилиб, уни япроққа ўради-да, уйига жўна-ди. Ўйнагилар уни ранжитмасин, деб бир дуо билан уни сулув қизга айлантирди. У шундай бир қиз бўлдики, кун деса кўзи бор, эй деса юзи бор эди. Хотинига деди:—Бу менинг қизим, ўз болаларингни қандай тарбият қилсанг, буни ҳам шундай тарбият қил.

Хотин уни ўз қизидек күриб, парвариш қила бошлади. Қиз балоғатта етгач, зоҳид унга деди:— Сен катта бўлиб қолибсан, энди эрга тегадиган вақтинг келди, кўнглинг истаган одамлардан бирортасини айт, мен сени унга узатай.

Киз деди:— Мен энг кучли бир кимсага күёвга чи-  
кишни истайман.

Зохид деди:— Демак, қүёшга турмушга чиқмоқчи экансан-да?— сүнгра қүёшга қараб деди:— Бу гүзэл ва иффатли қызы күчли ва қудратли эрга талабгор, уни сен-га берсам дейман.

Күёш деди:— Мен унга ўзимдан ҳам кучли, қудратли бир эр кўрсата оламан. У булатдир. У менинг ўзимни беркитиб, инсонларни менинг жамолим ёруғлигидан маҳрум этади.

Зоҳид булатнинг ёнига келиб, ўша гапни айтди.

Булут деди:— Шамол мендан күчли, чунки у мени хохлаган ерига қувиб олиб кетади.— Зоҳид шамол ёнига келиб, ўз таклифини такрорлади.

Шамол деди.—Тоғ мендан кучли, мен уни жойидан қўзғатолмайман, у менинг йўлимни тўсади.—Зоҳид тоғнинг ёнига келиб, ўша гапни айтди.

Тоға деди: — Сичқон мендан кучли, у менинг бағримни тешіб, юрагимда үзига ин ясаган. Уни қувиб чиқаришга күчим етмайди. Сен унинг ёнига бор.

Кыз бу сүзин эшитгач, деди:— Түрги гап. Менинг асл  
эрим ўша сичқон бўлиши керак.— Зоҳид сичқоннинг ёни-  
га келиб, деди:— Сен шу қизга уйланасанми?

Сичқон деди:— Менинг хотиним ўз жинсимдан бўлиши керак.

Киз зоҳидга деди:— Дуо қил, мен сичқон бўлай.  
Зоҳид дуо қилди. Киз сичқонга айланиб қолди ва зоҳид уни сичқонга узатди, шундай қилиб, сичқон аслига

Шуни деб бойқуш қарғага деди:— Эй ҳийлакор, сенинг ҳам табиатинг шу сичқоннинг табиатига ўхшайди.

Бойқушлар подшоҳи бу сафар ҳам унинг сўзларига бовар қилмади. Қарға эса ўз ишини билиб қилас, ҳар куни янги-янги мароқли ҳикоялар, ажойиб ва ғаройиб афсоналар айтиб, бойқушларнинг бошини айлантира, секин-секин уларнинг қалбларига кириб сирларини ўрганар, ётадиган-турадиган ерларини кўз остига олиб қўяр эди. Ниҳоят, бир куни фурсат топиб, яширинча қарғаларнинг ёнига келиб, деди:

— Мўлжалланган ишларимни битирдим, энди бу ёни сизларга қолди, ишни бошлаш керак. Бир гайрат кўрсатсангиз бойқушлар подшоҳини қўшин-пўшини билан асфаласофилинга жўнатасиз.

Шоҳ деди:— Сенсиз ишимиз битмайди. Нима қилмоқ лозим бўлса айт, амр қиласай.

Қарға деди:— Бутун бойқушлар ҳозир фалон тоғдадирлар, кундузлари фалон форга тўпланадилар. Горнинг яқинида қуриб ётган тиканзор ва чакалакзор бор. Подшоҳ буюрсин, қарғалар ўтиларни йигиб гор оғзига қаласинлар. Мен эса бирор чўпон гулханидан бир чўғ олиб келиб ўтига ташлай, шунда қарғаларнинг ҳаммаси қанот қоқа бошласинлар, бунинг шамолидан олов гуриллаб ёниб кетади, фордан чиқсан ҳар бир бойқуш куйиб ўлаверади, чиқолмаганлари эса, тутундан бўғилиб ҳалок бўлади.— Подшоҳга бу тадбир маъқул тушди. Шоҳ амр қилди, қарғанинг бутун айтганларини бажо келтирдилар. Бойқушларнинг ҳаммаси куйиб ўлди. Қарғалар ғалаба қозониб, ҳен талафот бермай шол ва хуррам бўлиб ўз ерларига қайтдилар. Шоҳ ва унинг лашкарлари қарғанинг бу ажойиб тадбирини, кўрсатган бу улуғ хизматини мақтаб, унга миннатдорлик билдиридилар.

Бир куни шоҳ суҳбат асносида қарғадан сўради:

— Дейдиларки, яхшилик билан ёмонлик ўт билан сувдек бир-бираига душман, яхшилар ёвуз одам билан улфатчилик қилолмайдилар. Сен эса қандай қилиб шунча муддат бойқушлар билан бирга яшай олдинг?

Қарға жавоб берди:— Рост айтдингиз. Лекин ақлли одамлар ўз қабиладошларининг орзуларини рўёбга чиқариш учун жонбозлик кўрсатиб, йўлида дуч келган ҳар қандай қийинчилклардан қўрқмайдилар, мashaққат ва

азиятни писанд қилмайдилар. Ахир, танж<sup>1</sup> ранжисиз қўл<sup>2</sup> га кирмайди, гул тикансиз бўлмайди. Қатта ва масъулиятли ишларда, айниқса ватан ва шоҳ таҳлика остида қолганда душманни даф этиш ишига совуққонлик билан қараган шахсларни ҳикмат эгалари қоралайдилар...

Подшоҳ деди:— Бойқушларнинг ақл-фаросатидан сўзлаб берсанг.

Қарға деди:— Уларнинг ичиде мени ўлдиришни маслаҳат кўрган бойқушдан бўлак бирорта зийрак ва ақллисини кўрмадим. Унинг гапига ҳеч ким қулоқ осмади. Мен ўз уруғдошларим олдида юксак ҳурмат ва баланд мавқе эгаси эканлигим, ақлли ва тажрибали ҳисобланганлигимни, ҳийла ишлатиб уларга тузоқ қўйишим мумкинлигини англашга фаросатлари етмади. Улар на ўз ақллари билан иш кўра олдилар, на маслаҳатчиларнинг айтганларини қабул этдилар. Улар мендан ўз сирларини ҳам яшира олмадилар. Ҳолбуки, подшоҳлар ўз сирларини иорози дўстдан сақлашлари лозим.

Подшоҳ деди:— Демак, бойқушлар ҳалокатининг сабаби подшоҳларининг такаббурлиги ва вазирларининг аҳмоқлиги экан-да?

Қарға деди:— Худди шундай. Фалаба қозониб мағурликка берилемайдиган, хотинлар билан ёмон юриб, шарманда бўлмаган, кўп таом еб қорни оғримаган одам, ақлсиз вазирлар сўзига кириб ҳалок бўлмаган подшоҳ камдан-кам топилади.

Подшоҳ деди:— Душманни даф этиш учун кўп маҳқатлар чекдинг. Ҳатто ўз иззат-нафсингни аямай душман олдида тиз чўкишга ва уни ҳурматлашга мажбур бўлдинг.

Қарға деди:— Мақсадга эришиш учун барча азобуқубатни бўйнига олган кимсага бундан бошқа чора йўқдир. Шоҳим, илоннинг нима учун қурбақага хизмат қилишга рози бўлганлигини эшитгандирлар.

Подшоҳ деди:— Қани, эшитайлик.

**Ҳикоят.** Қарға деди:— Бир илон қариб, куч-кувватдан қолди. Овра ярамай, тирикчилик ўтказиш ўйлини топомай қолди. Ўз-ўзига дер эди: «Йигитлик кетди, уни энди қайтариб бўлмайди. Ҳеч бўлмаса қарилигимни тинчгина ўтказсайдим. Бу вафосиз дунёга кўнгил қўйиб бўлмайди, охири войдир. Модомики, мен шу аҳволга тушиб-

<sup>1</sup> Хазина.

ман, азият ва машаққатга таслим бўлмай макр ва ҳийлага мурожаат этай».

Шуни деб илон қурбақалари кўп бўлган бир кўлнинг қирғоғига судралганича келди-да, чўзилиб ётди. Бир қурбақа унинг ёнига келиб сўради:— Сенга нима бўлди? Ҳафа кўринасан?

Илон жавоб берди:— Дунёда мендан баҳтсиз бир маҳлуқ бормикин? Менинг тириклигим қурбақа тутиб ёйиш билан ўтар эди. Энди шундай бир касалликка йўлиқдимки, қурбақалар ўзлари келиб оғзимга кирсалар ҳам юта олмайман.

Қурбақа бу хабарни ўз шоҳига етказди, қурбақалар шоҳи таажжуб қилиб илонни ўз ҳузурига чақириди ва деди:— Қандай қилиб сен бу касалликка йўлиқдинг?

Илон деди:— Бир куни бир қурбақани тутмоқчи бўлиб қувлаган эдим, у қочиб бир зоҳиднинг уйига кириб кетди, мен ҳам унинг орқасидан эргашдим. Уй қоронғи эди. Зоҳиднинг ўғли ухлаб ётган экан, билмабман. Орзимни очиб бир ҳамла қилган эдим, қурбақа деб ўша боланинг бошмалдоғини тишлаб олибман. Зоҳиднинг ўғли ўша замоноқ жон берди.

Зоҳид буни қўриб менинг орқамдан қувлай бошлади ва мени лаънатлаб дер эди: «Илоё, сен шундай бир касалликка дучор бўлгинки, қурбақалар шоҳи сенинг устингга миниб гашт қилиб юрадиган бўлсин. Қурбақалар шоҳи ўзи инъом қилмагунча, асло қурбақа юта олмагин». Энди бу ерга, зора шоҳ менинг устимга миниб сайд қилиб юрса деган умид билан келдим, чунки қазонинг ҳукмидан қочиб қутулиб бўлмайди.

Шоҳга бу сўз маъқул тушди, ўзининг шундай бир шаън-шавкатга, шараф ва ҳурматга лойиқ бўлганинигидан шод бўлди ва илоннинг устига миниб олиб керилганича сайдга жўнади.

Бир оз вақт ўтгач, илон деди:— Шоҳим омон бўлсинлар, менга сизни сайд қилдириб юриш учун куч керак, овқат керак, энди эса ҳоли жоним қолмади.

Шоҳ деди:— Тўғри айтасан. Ҳар куни сенга икки қурбақа инъом қиласман.

Илон ҳар куни икки қурбақа еб ўз кунини ўтказар эди. У ўзининг қурбақага қилаётган бу хизматидан фойда олаётгани учун уни ўзига ор ва номус деб билмас эди.

Мен ҳам азият чексам-да, сабр қилдим, чунки бу, душманни ҳалок этмоқ, қавмимизни таҳлиқадан қутқар-

моқ ва шоҳнинг ҳаёти, давлатини сақлаб қолмоқ учун зарур эди. Душманни бартараф қилишда ҳийла ва сабрнинг ўрни каттадир. Шунга кўра, «Ақл кучдан устундир», деганлар. Масалан, бир одам қанчалик кучли бўлмасин, уруш майдонида 10-20 дан ортиқ одамни ҳалок қила олмайди, ҳолбуки бир ақлли одам ўйлаб, тадбир билан иш кўрса, бутун бир ўлкани ҳароб этиб, қувватли бир қўшинни мағлубиятга учратиши мумкин. Масалан, ўт агар бир дараҳтнинг устига тушса, ердагидан кўра кўпроқ зарар етказмайди, ҳолбуки сув суюқ бўлишига қарамай катта дараҳтларни иjdизлари билан қўпориб кета билади.

Дебдиrlарки, агар икки киши бир буюк орзуга етишишни истасалар, бунга уларнинг муруватда устун бўлгани муваффақ бўлади; агар муруватда тенг бўлсалар, иродаси кучли бўлгани етишади; иродада ҳам баробар бўлсалар, ёрдамчи ва дўстлари кўп бўлган енгиб чиқади; агар бу жиҳатдан ҳам ораларида фарқ бўлмаса, у вақтда толеи баланд бўлгани етишади...

Ҳикмат эгалари айтибдурлар: «Қимки ғалабадан боши айланмайдиган ва мағлубиятдан руҳи тушмайдиган ақлли ва тажрибали шоҳлар билан олишса, ундаи одам ўз баҳтини қора қилган ва ўзини-ўзи ўлимга ҳукм қилган бўлади. Шоҳ пайдо бўлиши мумкин бўлган барча монеликларни назарга олиши, қилинадиган ишни ҳар томонлама ўрганиши, қаерда шошилиб, қаерда сабрли бўлишни, қаерда ғазабли, қаерда мулоҳим бўлишини яхши билиши зарур. Жуда юмшоқлик қилиб ҳар нарсага йўл қўя бермасин, жуда ҳам шафқатсизлик қилиб ҳар нарса учун жазо беравермасин...»

Подшоҳ деди:— Бойқушлар бизни назарга илмадилар, чунки бизни оз ва заиф деб ўйладилар.

Қарға деди:— Дунёда тўрт нарса борки, уларнинг камини ҳам кўп ҳисоблайдилар. Биринчиси — олов бўлиб, унинг кўпи ҳам, ози ҳам куёдиради, кичиги жуда тез катта бўлиб кетади; иккинчиси — қарз бўлиб, қарзини сўраб келувчилардан етишадиган хижолат бир танга учун ҳам, минг тилла учун ҳам баробардир; учинчиси — беморликдирки, ҳар қандайи ҳам кишини бехузур қилиб, заифлаштиради; тўртинчиси — душман бўлиб, у қанчалик хор ва заиф бўлмасин, ахир бир кун ўз ишини қиласми.

**Шоҳ сўради:**— Чумчук қандай интиқом олибди?

**Ҳикоят:** Қарға деди:— Бир том бўётида икки чумчук ин қўйган эдилар. Улар бир куни бола очдилар. Йиковлари навбатма-навбат болаларини боқиши учун овқат излаб кетар эдилар. Кунлардан бир кун эри келганда она чумчук ўз ини олдида парвона бўлиб учиб юради, эри, нима гап, деб сўради.

Аёли жавоб берди:— Бир лаҳза фойиб бўлган эдим, келсан бир ҳайбатли илон келиб болаларимизга қасд қилаётган экан. Шунча ялиниб-ёлвордим, бўлмади, кейин таҳдид қилишга ўтдим: «Бу ишингдан қайт, йўқ эса болалариминг отаси билан интиқом камарини белимизга боғлагаймиз»,— дедим, бўлмади. Фарёду зоримга қарамай иннимизга кириб, болаларимизни еди, ҳозир ҳам ўша ерда ётиби.— Ота чумчуқнинг ғазаби ёниб, нима қилишин билмай турган эди, шу вақт уй эгаси қорачироқ ёқмоқчи бўлиб пиликни ёндириди ва энди уни чироғдонга қўймоқчи бўлганда, чумчук париллаб учиб келиб, ёниб турган пиликни олиб қочди, уни бўғотдаги инга отди. Уй эгаси уйга ўт кетишидаң қўрқиб дарҳол томга чиқди ва бўғотни очиб ўтиш ўчиришга уринди. Илон оловдан қутулиш учун бўғот очилган томондан бошини чиқарган эди, уй эгасининг кетмони келиб бошини чўрт узди. Бу қиссадан ҳисса шуки, илон ўз душманини менсимагани ва заиф деб ҳисоблаганлиги учун ҳалок бўлди.

Ҳозир мамлакатни муҳофаза қилиш ва душманни бартараф қилишда бизнинг шоҳ билан тенглашадигани ўйқдир; ўз хизматида бўлганларга ғамхўрлик қилишда, уларни ўз истеъдод ва лаёқатларига қараб давлат ишларига тайинлашда, лутф-карам кўрсатишда, раият учун ғамхўрликда шоҳимизининг мисли йўқдир.

Шоҳ деди:— Йўқ, ба буюк ишларни рўёбга чиқариш, душманларни маҳв этиш — сенинг тўғри маслаҳатларинг ва зўр маҳоратинг натижасидагина мумкин бўлди. Мен сенга илтифот қилиб, унинг самарасини кўрдим. Кимки давлат ишларининг жиловини ақлли вазирларга топширса, у ҳеч вақт пушаймон бўлмайди, ҳеч нарса унинг баҳтини қўлидан тортиб ололмайди. Энг таажжубли нарса шуки, узоқ муддат душман орасида яшаб, уларнинг минг хил таъна ва таҳқиқларини эшишиб, азоб-уқубатлар чекиб, бирор марта ҳам оғзингдан душманда шубҳа туғдириши мумкин бўлган сўз чиқармадинг.

Қарға деди:— Мен ҳар ишда, ҳар қандай вазиятда

шоҳнинг берган панд-насиҳатларини қулогимда тутдим, билими, ақли, зеҳни фоят юксак бўлғанлиги учун ҳар ишда ундан ўrnак олишга тиришдим, унинг шоҳларга хос бўлган дастуриламал ва фармонларини ўзимга раҳнамо деб билдим...

Шоҳ деди:— Сен хушмуомалалигинг, тўғрилигинг, ишбилармонлигинг жиҳатидан сарой мулоғимларининг мумтози эдинг. Зўр ақл ва метин ирода билан шундай улуғ ишнинг удасидан чиқа олдинг. Унгача на еганимизда, на ётар-турарда ҳаловатимиз бор-эди, чунки ўзидан кучли душманга дуч келган одам то жонини ундан халос этмагунча кечани кундуздан, оқни қорадан ажратта олмай қолади. Ҳикмат эгалари айтибдурларки, касал одам то соғаймагунча еган овқатининг лаззатини билмайди, ҳаммол то оғир юк остидан чиқмагунча чуқур нафас ололмайди, мазлум халқ то душман йўқотилмагунича тинчимайди. Энди айтиб бер-чи, уларнинг подшоҳи қандай экан?

Қарға деди:— Унинг раёсатининг асосини фуқарога меҳрибонлик эмас, такаббурлик, худписандлик ташкил этар эди. Бунинг устига у ақл ва закодан маҳрум, калтафаҳм, ҳеч қандай фазилатсиз бир маҳлуқ эди. Унинг ёнидагилар — вазир ва вакиллари ҳам айнан ўзига ўхшарди. Ёлгиз мени ўлдиришни маслаҳат кўрган бойкуш вазиргина улардан ажралиб турар эди.

Шоҳ деди:— У вазирининг ақлидан дарак берадиган хусусиятлари нимадан иборат экан?

Қарға деди:— Унинг иккита хусусияти бор эди: бири — мени ўлдиришни маслаҳат бергани; иккинчиси — ўз шоҳининг рози эмаслигини билса ҳам ўз фикрини ундан яширмаганлиги. У назокат ва мулоғимлик билан шоҳга қаттиқ, лекин дилга ботмайдиган сўзлар айтар, шоҳнинг қандай улуғ одам бўлиши кераклигини эснга солиб турар эди; шоҳнинг хатоларини кўрганда, гўзал ва ибратли сўзлар, масаллар билан хатосини тушунтиришга уринар эди, маъноли ривоятлар, қизиқ воқеалар, чиройли ҳикоялар айтиб бериб, шу орқали бошқаларнинг нуқсонларини шоҳ ибрат кўзгусида кўргазарди, токи шоҳ унга қараб ўзининг айбларини кўрсинг ва унга ғазаб қўймасин. Бир куни шоҳига қўйидаги гапни айтиб турганини эшишиб қолдим: «Ҳукмдорлик жуда шарафли иш ва улуғ мавқедир. Бу баҳтга мұяссар бўлгач, унинг қадрини билмоқ ва уни қўриқлаш учун мислсиз фидокорлик

қўрсатмоқ керақ, Энди мумкин қадар оз хато қилиб, кўп иш қилиш пайти қелди. Мамлакатнинг осойишталиги ва давлатнинг мустаҳкамлигий етук ақл, мустаҳкам ирода, тўғри маслаҳат ва ўткир қилич билан барқарордир». Лекин унинг сўзига қулоқ солувчи ва маслаҳатини қабул қилувчи топилмади, На улар бу бойқушнинг ақл ва зақосидан фойдалана олдилар, на унинг ўзи доно маслаҳатлари ва ақли билан жонини балодан қутқара билди.

Душман заиф ва кучсиз бўлса ҳам унинг макр ва ҳийласидан эҳтиёт бўлмоқ ҳақидаги ҳикоя шундан иборатdir. Қарга заиф ва кучсиз бўлса-да, ўз ақли ва зakovati билан ўзи кучли, лашкари беҳисоб, лекин калта-фаҳм душманини мана шундай йўл билан тор-мор келтира олди. Бошқа йўл билан у ўз мақсадига эриша олмас эди. Маърифат соҳиблари бу ҳикоядан ибрат дарсини олишлари, керакли хulosалар чиқаришлари лозим ва билишлари керакки, душман заиф бўлса-да, унга эътиборсизлик, менсимаслик билан қараваш ва ҳеч нарса қила олмайди, деб ўйлаш хатодир...

Садоқатли дўст ва лаёқатли кўмакчилар энг қимматли давлат ҳисобланади. Қимки буларнинг иккаласига етишса, ҳам дўстлар орасида сарафroz, ҳам душманларнинг макр-ҳийласидан эмин бўлади.

## МАЙМУН ВА ТОШБАҚА БОБИ

Рожа бараҳманга деди:— Душманинг ҳийласидан ва рақибининг фитна-фасодидан эҳтиёт бўлишлик ҳақида-ги ҳикояни эшидим. Энди илтимос қиласдим, мумкин бўлса, шундай бир ҳикоя сўзлаб берсангки, унда бирор бир нарсани қўлга киритмоқ учун ҳаракат қилса-ю, лекин мақсадга етгандан кейин бегамлик қилиб уни қўлдан бериб қўйган бўлса.

Бараҳман деди:— Бир нарсани қўлга киритмоқ уни сақламоқдан осондир, чунки қимматли, нафис ва нодир нарсалар баъзан баҳтли тасодиф туфайли ҳеч бир меҳнатсиз қўлга кириб қолади, лекин мияни ишлатмасанг, уни сақламоқ жуда қийиндир. Масалан, бир тошбақа меҳнат сарф қилмасдан меҳрибон ва фидокор бир маймунга ошна бўлиб қолди-ю, лекин ақлсизлиги ва нодонлиги туфайли ундан айрилиб, пушаймон бўлди.

Рожа сўради:— Қандай қилиб?

**Ҳикоят.** Бараҳман деди:— Бир оролда маймунлар кўп эди. Уларнинг Кордон номли бир подшоҳлари бор бўлиб, сиёсат ва раёсат бобида тенги йўқ, одил ва ақли комил эди. Умрининг баҳори ўтиб қариллик уни исканжасига ола бошлиди. Қўзининг шури, белининг қуввати кетиб, унга заифлик юзланди... Бу замон унинг қариндошлари ичидага баҳт юлдузи ёниб, пешанасида саодат нури порлаган, саркардалик ва шоҳлик мансабига лойиқ бўлган бир ёш маймун тахтига даъвогар бўлди. Қарив, куч-қувватдан қолган шоҳни тахтдан тушириб, мамлакатнинг жиловини унга бердилар.

Бечора қари маймун қайғу-ҳасратга тўлиб-тошиб

йўлга равона бўлди, юра-юра бир денгиз қирғоғидаги қалин ўрмонга келди. У ерда бир анжир дарахтини топиб олдию, унинг меваларини еб, кун кечира бошлади. Бир куни маймун анжир дарахтининг устида ўтириб унинг меваларини маза қилиб еяётганида бир анжир сувга тушиб кетди. Анжирнинг шопиллаб сувга тушган овози маймунга жуда ёқиб тушди. Маймун дам-бадам сувга анжир ташлар ва бундан катта завқ олар эди. Ўша сувда бир тошбақа яшар эди, сувга тушган анжирларни иштаҳа билан ер ва «маймун буларни атайин мен учун ташламоқда, таниш бўлмагани ҳолда менга шунча меҳрибонлик кўрсатмоқда, дўстлашсам менга нималар қилиши мумкин»,— деб ўйлар эди. Маймуннинг яхшилигини қайтариш орзусида тошбақа қирғоққа чиқиб, у билан саломлашди. Улар суҳбатлашиб ўтириб, бир-бирла-рига меҳрибон дўст бўлиб қолдилар, гёй икки тандада бир жон ва бир кўкракда икки юрак каби...

Маймун ўз мামлакати ва давлати қўлдан кетганилиги-ни сўзлаб берди. Тошбақа унинг гапига маҳлиё бўлиб ўз уйни ва оиласига қайтишни унутиб қўйди. Тошбақанинг хотини унинг узоқ муддат йўқ бўлиб кетганидан хавотирланиб, нима қилишини билмай, қўшнисига ҳасрат қилди.

Қўшниси деди:— Хафа бўлма, унинг қаерда эканлигини сенга айтиб беришим мумкин.

Тошбақанинг хотини деди:— Эгачи, тезроқ айтинг, у қаерда?

Қўшниси деди:— Мен эшитдимки, эринг бир маймун билан дўстлашиб, унга мафтун бўлиби, унинг васлинни сенинг ҳижронингдан устун тутиб, сенинг фироқинг оловини унинг висоли суви билан ўчириб юрибди. Энди ғам чекишининг фойласи йўқ. Бир тадбир кўриш керакки, эринг уйга қайтсан.

Улар иккаласи бир бўлиб маслаҳатлаша бошладилар. Охирида маймунни ўлдиришдан бошқа чора йўқ, деган қарорга келдилар. Тошбақанинг хотини ўзини касалга солиб, қўшнисидан эрига хабар юборди. Тошбақа хотинининг касал бўлганини эшитгач, маймундан уйига бориб келиш учун ижозат сўради ва йўлга тушди.

Уйига келиб қараса, хотини кўрпа-ёстиқ қилиб ётибди. Унинг атрофида парвона бўлиб ҳол-аҳвол сўради, лекин хотини бир сўз айтмади.

Тошбақа хотинининг хасталиги ва нима учун гапир-маслиги сабабини қўшнисидан сўради.

Қўшниси жавоб берди:— Беморнинг дарди оғир бўлиб, согайишдан умиди узилгац бўлса, қандай қилиб гапира олсин?

Тошбақа деди:— Унинг дардининг давоси нима экан? Агар бу ерларда бўлмаса, бошқа жойлардан ахтарай, дўстлардан илтимос қиласай, душманларга ёлворай.

Қўшниси деди:— Бу,, биз хотинларга хос бўлган ка-салликдирки, уни маймуннинг юрагидан бошқа ҳеч нарса билан муолижа этиб бўлмайди.

Тошбақа деди:— Маймун юрагини қаердан топсам бўларкин?

У фамга ботди. Ўйлаб-ўйлаб ҳеч бир чора топа олмагач, дўсти маймун ёдига тушиб, ўз-ўзига деди: «Агар орамизда бўлган дўстлик ва садоқатга қарамай унга хиёнат қиласам, бу номардлик ва инсоғисизлик бўлади; агар аҳдга вафо қиласаман десам уйимнинг таянчи, ҳаётимнинг безаги, фарзандларимнинг паноҳи бўлган хотинимдан ажралиб қоламан».

Анчагина вақт бу ҳақда ўйлаб изтироб чекди, шубҳа ва тарафдуд ичида қолиб, ниҳоят, хотинининг ишқи ғалаба қилди. Шундай қилиб, у вафодорликдан воз кечиш қарорига келди... Лекин яхши билардик, маймунни бу ерга келтирмагунча, мақсадига эриша олмайди. Шулар ҳақида ўйлаб-ўйлаб маймуннинг ҳузурига борди. Айрилиқ вақтларида муҳаббати янада кучайиб кетган маймун тошбақани зўр қувонч билан кутиб олди ва унинг касал хотинининг аҳволи, болаларининг, қавм-қариндошларининг соглиқ-саломатликлари ҳақида сўраб-суриншириди.

Тошбақа деди:— Сенинг фироқинг ўти шундай ёндириди, уларни кўришдан бирон ҳам лаззат ололмадим. Ёлғизлигинг эсимга тушганда тинчлигим бузилиб, дунё кўзимга қоронги бўлиб кўринарди. Мана энди ёнингга келдим. Марҳамат қилиб менинг уйимга борсанг, фарзандларимни кўриб, хотинимни севинтирасанг, қавм-қариндошларим, дўст-оиниаларим олдида бошим осмонга етарди. Улар тайёрлаб қўйган овқатларини олдиннга қўйиб, ўз меҳмондўстлик бурчларини бажарадилар. Шу билан яхшиликларингни бир оз бўлса ҳам қайтарган бўлар эдим.

Маймун деди:— Қўй, бу ҳақда ўйлаб қўп азият чекма. Сен дўстлик ва аҳд-вафода мени ўзингдан устун қўйма, чунки орамиздаги дўстлик ипини бошлаб сен мустаҳкамладинг. Энди мен ўз кўнглимнинг хоқониман. Баҳт-

саодат ичидя яшамоқдаман. Агар бу озодлик ва роҳат шамоли менинг димомигма аввал етганда эди, бундай тинч, баҳтли яшашинг шундай ширин эканлигини аввалроқ билсайдим, фойдаси оз, гами кўп ҳукмдорликдан аллақачон воз кечган бўлардим. Лекин шу билан бирга мен ватандан, қавм-қариндош, дўст-ошноларимдан узоқ-қа тушган бир бечора маҳлуқман. Мен шундай айрилиқ азобида маҳв бўлиб кетаётганимда сен менга дўстлик қўйини узатдинг. Саховат аҳли назарида дўстлик ғоят бебаҳо нарсадир. Ҳақиқий дўстлик беғараз бўлур. От ва эшак бирга хашак ёсалар ҳам ораларида дўстлик пайдо бўлмайди. Аммо ҳақиқий дўстларнинг бири машриқда, бошқаси марғибда бўлса ҳам баривир, бир-бирларини эслаб ва шундан тасалли топиб яшайверадилар...

Денгиз сафарига чиқсан одам ўзига ҳамроҳ ахтаради, лекин дўстлари бундай сафарга боришга рози бўлмасалар, буни душманлик деб ҳисобламаслик керак. Сен менга оиласнинг бориб кўришни таклиф қилияпсан, майли, қабул қиласай, лекин менинг дарёдан ўта оиласлигимни биласанми?

Тошбақа деди:— Хотиринг жам бўлсин, сени ўз орқамда кўтариб; манзилимга олиб бораман. У ерда роҳат ва фарогатда яшайсан.

Хуллас, тошбақа турган жойини шу қадар мақтадики, ниҳоят маймун боришига розилик берди ва ўз муқаддаратини унга тоғширди. Тошбақа уни ўз орқасига миндириб уйи томон равона бўлди. Сувнинг ўртасига етганда ўйлаб қолди ва ўз-ўзига деди: «Олимлар вафосизлик ва хиёнат, айниқса эътиборсиз хотинилар учун қилингани хиёнат энг катта гуноҳдир, дейдилар. Улугларнинг яна шундай гапи бор: «Олтиннинг соғлигини ўтда, ҳайвоннинг кучини оғир юқ ортилганда, инсоннинг тўғрилигини омонатга хиёнат этмаслигига билса бўлади». Ҳар ҳолда донолар хотинларнинг макр-ҳийлаларига алданмасликни маслаҳат кўради».

У шундай бир-бирига зид муҳокамалар юритиб сувнинг ўртасида тўхтаб қолди... Унинг тарааддудга тушганлигини ва қандайдир жиҳдий бир нарса ҳақида ўйлаётганини сезган маймун, шубҳаланиб тошбақадан сўради:— Нима бўлди, нима учун фикр дарёсига ғарқ бўлдинг, балки мени кўтариш сенга оғирлик қилаётгандир?

Тошбақа деди:— Сен нимага асосланиб бундай савол

беряпсан? Ё мен бирор ҳаракатим билан буни ошкор қилиб қўйдимми?

Маймун деди:— Мен кўриб турибман: сен виждан азоби чекмоқдасан, ўз нафсинг билан курашмоқдасан, тарааддуд ва изтироб ўтида ёнмоқдасан.

Тошбақа деди:— Тўғри айтасан. Сен биринчи марта бизникига кетяпсан, хотиним эса касал, уйлар остин-устин бўлиб ётгандир. Қўнглим истаганидек сени яхши қабул эта олмасам, меҳмондорчиликни жойига қўя олмасам, ҳамманинг олдида расво бўламан деб қўрқаётиман.

Маймун деди:— Сенинг номусли ва тўғри бўлганлигинг, мени дилдан дўст ҳисоблаб яхши ният билан уйингга олиб бораётганинг маълум. Утиришимиз қанчалик содда, дастурхон қанчалик фақирона бўлса, сұхбатимиз шунчалик самимий ва ширин бўлади. Сенинг тоза юракли эканингни билганлигим учун айтишим мумкини, сен бекорга ташвиш тортяпсан, меҳмонни яхши кутиб олмасам нима бўлади, деб изтироб чекишга асос ўйқидир; бу жиҳатдан хотиржам бўл, ўзингни бекорга хафа қилма.

Тошбақа бир оз сузид бориб, яна тўхтаб қолди, яна аввалгидек ўй-хаёлга толди.

Маймуннинг шубҳалари орта бошлади ва ўз-ўзига деди: «Дўстидан шубҳа қилган одам ўша соат тадбир кўриб, унга нисбатан эҳтиётли муносабатда бўлиши, ўзини сақлаши керак. Агар шубҳалари тўғри чиқса, муқаррар бўлган фалокатдан ўз жонини сақлаб қолган бўлади, гумони хато бўлиб чиқса, эҳтиёткорлик қилгани учун уни койимайдилар. Юрак тез-тез ўзгариб тургани учун уни қалб<sup>1</sup> деб атаганлар. Ҳар дақиқада у нима хаёлга тушади, нияти яхшими, ёмонми, билиб бўлмайди». Сўнгра тошбақага деди:— Яна нима бўлди, хаёл дарёсига шўнгигиб кетдинг?

Тошбақа деди:— Нима қиласай, хотинимнинг касаллиги, сиҳатининг ёмонлиги хаёлнимни паришон қилмоқда.

Маймун деди:— Дўстлик ҳурмати учун бу нарсанни менга очиқ айтиб бердинг. Энди уни нима билан соғайтириш, дардига нима даво топиш мумкин, айта оласанми?

Тошбақа деди:— Табиблар шундай дармон белгиладиларки, уни ҳеч қасрдан топиш мумкин эмас.

Маймун сўради:— У қандай дармон экан?

<sup>1</sup> Қалб — арабча «айланувчи», ўзгарувчи демакдир.

**Тошбақа деди:— Маймуннинг юраги.**

Буни эшитиб дарё ўртасида турган маймуннинг қути учиб кетди, кўз ўнги қоронfilaшди ва ўз-ўзига деди: «Мени бу даҳшатли фалокатга судраган нарса баднафслик ва очкўзлик бўлди; мени бу қўрқинчли гирдобга шуҳратпарастлик ва ҳарислик солди. Энди эса мени ҳийла ва тадбирдан бошқа ҳеч нарса ҳалос эта олмайди. Агар оролга борсам, ўлишим муқаррар, ўзимни бу ерда сувга ташлаб қочмоқчи бўлсан, чўкиб ҳалок бўлишим аниқ».

Маймун бу фикрларини хаёлидан кечириб, тошбақага деди:— Олимлар айтубдирларки, ҳалққа зарур бўлган озуқани яширган шоҳ, дўстларнинг баҳти бўлиши учун керак нарсани бермаган дўст, шоҳ ва дўст деган номларга нолойиқдурлар. Мен хотинингни қанчалик севищингни биламан, унинг соғайиб кетиши учун зарур бўлган дармонни бермаслик дўстликка хиёнат қилиш демакдир. Мен хотинингни дардини биламан, чунки бизнинг маймун хотинларда ҳам шундай хасталик бор. Биз юракларимизни бериб, уларни муолижа этар эдик. Ўзимиз эса юраксиз яшай берар эдик. Агар сен буни соҳилда айтганингда, мен юрагимни ўзим билан бирга олиб чиқар эдим. Қағиған вақтимда менга юракнинг эҳтиёжи йўқ. Менга юрагимни кўтариб юриш жуда оғир, чунки унга ўнган ғам-андуҳ ҳаддан ташқари қўп ва оғирдир. Шунинг учун юрагимни дарди бир оз камайсин, деб олиб қўйган эдим.

Тошбақа деди:— Нима учун юрагингни ўйда қолдирдинг?

Маймун деди:— Маймунларда бир одат бор: яқин дўстларининг уйинга кетаётганиларида, меҳмондорчилик яхши ва ширин ўтсин деб, юракларини ўзлари билан олиб бормайдилар, чунки юрак ғам ва алам масканидир. Сенинг ақлли ва иффатли хотинингни хасталигини эшитгач, юрагимни олиб юрсан эзилиб кетади, деб ўйладим. Албатта, сен менинг дўстлигимни синағансан, шунинг учун сўзларимга ишонасан. Лекин сенинг қавму қариндошинг, қалин дўст бўлса ҳам ўзига унча зарур бўлмаган бир нарсани бизга беришдан бўйин товлади, деб бадгумон бўлишлари мумкин. Яхшиси, орқага қайтсак, юрагимни олиб келаман.

Тошбақа суюниб дарҳол орқасига қайтди. Қирғоқ бўйига етгач, маймун сакраб бир дараҳт устига чиқиб олди.

Тошбақа бир соатча кутди, сўнгра маймунни чақирди ва деди:— Эй, азиз дўстим, юрагингни олиб туш, фурсат ўтмасин.— Маймун кулиб деди:— Мен узоқ яшаб, кўп нарсаларни бошимдан кечирган, дунёнинг иссиқ ва совуғини кўрган, аччиқ-чучугини тотганман. Энди келиб-келиб сендан панд ейми? У хом хаёлингдан воз кеч ва бундан сўнг ҳеч кимга аҳду вафодан сўз очма. Сенинг бева-фо эканлигингни илгарироқ пайқаган эдим. Мени, тулки айтган «юраги ва қулоғи йўқ ёшак», деб гумон қилмагин.

Тошбақа сўради:— Тулки нима деган экан?

**Ҳикоят.** Маймун деди:— Бир шер қўтириб касалига мубтало бўлгандан кейин қуввати кетиб, ов қилолмай қолди. Унинг хизматида бир тулки бор эди. У шердан қолган таом билан кунини ўтказарди. Шер овга ярамай қолгандан кейин, тулкининг ризқи кесилди. У бир кун шерга деди:— Шоҳим, дардларини муолижа қилиш фикрида эмасмилар?

Шер деди:— Эй тулки, агар дармони топилса, бу азобга бир зум ҳам чидаб ўтирумас эдим. Эшитишимча, ёшакнинг қулоғи билан юраги дардимга даво эмиш.

Тулки деди:— Агар ижозат берсангиз, ёшакни топиб келтирсам. Бу яқинликдаги булоққа бир одам ҳар куни кир ювгани келади. Унинг бир ёшаги бор, ҳар келганида булоқ атрофида ўтлаб юради. Зора ўшани ҳийла билан олиб келсан. Шоҳим, унинг юраги ва қулоқларини еб, қолганингни ўз хизматчисига берса.

Шер рози бўлди. Тулки булоқ тарағига жўнаб кетди. Узоқдан бир ёшакни кўриб қолди. Унинг ёнига келиб салом берди, меҳрибонлик кўрсатиб у ёқ-бу ёқдан сўз бошлиди, сўнгра сўради:— Нима учун сен жуда ҷарчаган, ҳафа ва'ориқ қўринасан!

Ёшак деди:— Хўжайним борган сари қўпроқ юк ортиб, камроқ овқат беряпти. Нима қилишимни билмайман.

Тулки деди:— Сен содда ва гўл бўлмасанг, қочиб бу азоб-уқубатдан қутулган бўлар эдинг.

Ёшак деди:— Қаерга бормайн, мен бу азобдан қутулламайман.

Тулки деди:— Хўп десанг, сени шундай бир чаманзорга олиб бориб қўяйки, у жойнинг ҳавоси мусаффо бўлиб, кўм-кўк ўт белингдан келади... Бундан илгарироқ бир урғочи ёшакка насиҳат қилиб эдим, у ҳозир ўша чаманзор-

га бориб, юк ҳам ташимасдан, еб-ичиб маза қилиб юрган эмис...

Бу сўзлардан эшакнинг оғзига сув келди ва хурсанд бўлиб тулкига деди:— Сенинг маслаҳатингга кирмасдан бўлмайди, чунки сен буни дўстлик, шафқат ва хайриҳоҳлик юзасидан айтмоқдасан.

Тулки эшакни шернинг ҳузурига келтирди. Шер очкўзлик қилиб бўкирганича эшакка ташланди, лекин заифлиги туфайли уни ушлай олмади. Эшак эса қочиб қутилди.

Тулки шернинг заифлигидан таажжуб қилиб деди:— Бахтсизлигингизни қаранг, бир ориқ эшакни ҳам тутиб ея олмадингиз-а!

Бу сўз шерга оғир туюлди, у ўз-ўзига деди: «Агар, ўзим жўрттага тутмадим десам, уни таажжублантирган бўламан, агар заифлигим туфайли тута олмадим десам, ожизлигимни эътироф этган бўламан».

Сўнгра тулкига қараб деди:— Шоҳларнинг қилаётган ишлари сабабини раиятнинг билиши шарт эмас. Сен бу савонни менга бермаслигинг керак эди. Эндиликда бу фикрингдан кеч. Яна бир ҳийла ишлатиб, эшакни қайтариб келсанг, сенинг садоқатинг ҳамда фидокор эканлигинг яна бир карра исбот этилган бўлар эди.

Тулки ўрнидан туриб эшакнинг ёнига келди. Эшак уни кўриб койиб деди:— Сен мени қаерга олиб борган эдинг?

Тулки деди:— Сенинг одамлардан кўрган азоб-уқубатларинг ҳали ҳам ёдингдан чиқмаганга ўхшайди. Шунинг учун ҳар нарсадан қўрқаверасан. Аслида у ерда таҳликали ҳеч нарса йўқ эди. Сенинг кўрганинг мен сенга айтган урғочи эшак эди. У эҳтироси шиддатидан ўзини унугиб қўйиб сенга ташланди. Агар бир оз сабр қилсанг эди, унинг қанчалик меҳрибон ва юмшоқ муомалали эканлигини кўрар эдинг.

Тўлки урғочи эшакни шундай мақтаб кетди, охири бу эшак унинг галига ишонди (у шу вақтга қадар шерни кўрмаган эди) ва тулкининг олдига тушиб, шернинг ҳузурига тулки кетидан равона бўлди. Тулки олдинроқ бориб, шерни огоҳлантириб қўйди. То эшак шерга яқинлашмагунача ҳамла этмаслигини илтимос қилди.

Шер тулкининг айтганини қилиб, эшакни меҳрибонлик билан қарши олди, бир неча оғиз ширин сўз айтди. Эшак тап тортмай шернинг олдига жуда яқин келди.

Шунда шеър сакраб туриб эшакни пора-пора қилиб ташлади, сўнг тулкига деди:

— Мен булоққа бориб чўмилиб келгунимча буни пойлаб тур, келганимдан сўнг унинг юраги ва қулоқларини ейман.— То шер чўмилиб келгунча тулки эшакнинг юраги ва қулоқларини еб тўйиб олди.

Шер келиб эшакнинг юрак ва қулогини топмагач, тулкига деди:— Бунинг юраги ва қулоқлари қани?

Тулки деди:— Шоҳим саломат бўлсинлар. Бу эшакнинг қулоги ҳам, юраги ҳам йўқ эди. Агар унинг юраги бўлса эди, хавф-хатарни сезган, қулоги бўлса, биринчи ҳужумингиздан сўнг менинг ёлғонларимга қулоқ солмаган ва ўз обёги билан гўрга кирмаган бўлур эди.

Бу масални шунинг учун келтирдимки, сен билгин: мен эшак каби қалбсиз ва қулоқсиз эмасман. Сен ҳийла ва макрларинги ҳаммасини ишлатдинг, мен эса уларни ўз ақл ва идроким билан тушуниб олдим. Энди сен яна орқага қайтишини хоҳлайсан, йўқ, бу ҳийлангдан энди ишчиқмайди.

Тошбақа деди:— Тўғри айтасан, сенга эҳтироз этишга ўрин қолмади. Энди сенинг қалбинга шундай доф тушдики, уни ҳеч нарса ювиб ташлай олмайди. Менинг ҳам бетимга шундай бир разолат тамғаси босилдники, уни ҳам ҳеч нарса йўқотолмайди... Энди фироқ заҳарини қатра-қатра ютиб, ҳижрон қамчиларига елкани тутиб беришдан бўлак илож қолмади...

Тошбақа бу сўзларни дегандан сўнг минг пушаймон бўлиб уйига қайтиб кетди. Бир қиммат нарсани ёки бир дўстни қўлга киритиб, нодонлик ва ғафлат туфайли ундан айрилиш ҳақидаги ҳикоят мана шундан иборатдир. Ақл ва тажриба эгалари бу қиссадан ибрат олиб, қўлга киритган давлат, орттирган дўст ва бошқа неъматларини эҳтиёт қилиб сақлашга интилишлари ва уларни қўлдан бой бермасликлари лозим. Чунки қўлдан кетган нарсани қайтармоқ мумкин бўлмайди, бир сўз билан айтганда, охирги пушмон — ўзингга душман.

## ЗОҲИД ВА ЛАТЧА<sup>1</sup> БОБИ

Рожа бараҳманга деди:— Фурсатни қўлдан бериб, пушаймон бўлмоқ ҳақидаги ҳикояни эшидим. Энди шундай бир ҳикоя айтиб берки, унда доимо шошиладиган, ишнинг орқа-ўнгини ўйламасдан ҳаракат қиладиган бир одамнинг аҳволи тасвир этилсин ва унинг оқибати нима билан тугаши кўрсатилсин.

Бараҳман деди:— Ишларини ақл ва тажрибага суюниб қилмайдиган бемулоҳаза одам, ҳамиша охирида пушаймон бўлади. Бунга мисол қилиб бир зоҳиднинг ўйламасдан шошилинч иш қилиб, бир бечора латчани ўлдиргани ва қўлини ноҳақ қонга бўягани ҳақидаги ҳикояни келтириш мумкин.

Рожа сўради:— Қани, зоҳид ва латча ҳикоясини эшитайлик.

Ҳикоят. Бараҳман деди:— Бир зоҳид ва унинг ғоят гўзал, иффатли хотини бор эди. У хотиннинг чеҳраси тонг шафағи сингари гўзал; соchlари тун қоронғисидек қоп-қора эди. Улар узоқ вақт бирга турмуш кечирдилар, лекин фарзанд кўрмадилар. Бир куни хотини фарзанд кўришдан умидини узган эрига ҳомиладор бўлганлигини айтиб, беҳад қувонтирди. Зоҳид хотинига деди:— Сен яқинда ўғил туғиб берасан, мен унга яхши бир от қўяман, бир энага топиб бераман, кейин уни ўз тарбиямга олиб, олим қилиб етишираман, тариқат йўлларини ўргатаман.

Хотини деди:— Қаердан биласиз ўғил туғилишини, бордю ўғил бўлганда ҳам сиз айтгандек умр кўрадими, йўқми? Ҳалитдан орзу отига миниб олиб, хаёллар майдонида чопсангиз яхши бўлмайди. Сизнинг бу сўзларингиз юзи ва соқолига асал ва ёф сачраб кетган дарвишнинг ишига ўхшайди.

<sup>1</sup> Латча — сусарлар оиласидан бўлган йиртқич кичик ҳайвон (кабутар ва товуққа жуда ўч).

Зоҳид сўради:— Дарвиш нима қилган экан?

Ҳикоят: Хотини деди:— Бир покиза дарвиш бор эди. У ёф ва асал сотувчи бир савдогарнинг қўшниси эди. Савдогар деярли ҳар куни унга бир оз асал ва ёф чиқариб турарди.

Дарвиш истаганича еб, қолганини кўзага солиб қўяр эди. Бир кун қараса, кўза тўлиб қолибди. Дарвиш ўзига-ўзи деди: «Агар бу ёф билан асални ўн тангага сотсан, бу ўн тангага бешта совлиқ қўй оламан. Бу қўйлар олти ойда бешта туғиб беради, бора-бора улар жуда кўпайиб, бой бўлиб кетаман. Кейин тагли-зотли бир оиласдан хотин оламан, у албатта бир ўғил туғиб беради. Унга бир чиройли от қўйиб, яхши таълим ва тарбия бераман. Агар сўзимга кирмай тўполон қилса, мана бу таёқ билан боплаб адабини бераман», — деб жаҳл аралаш таёғини кўтариб бир урган эди, кўзага тегиб уни синдириди. Ёф ва асал унинг юзи ва соқолига сачраб кетди. Шундай қилиб, дарвишнинг ҳамма хаёллари пучга чиқди. Мен бу масални шунинг учун келтиридимки, оқибати нима бўлишини яхши билмасдан туриб, бўлмаган нарсаларни хаёл қилмаслик керак. Акс ҳолда пушаймон бўлиш мумкин.

Хотинининг бу сўзлари зоҳиднинг эс-ҳушини жойига келтириб қўйди.

Маълум вақт ўтгач, хотиннинг кўзи ёриб, паҳлавондек ўғил туғди. Шод-хуррам бўлиб, назр-ниёзлар бердилар. Зоҳиднинг хотини бир оз кувватга киргач, болани эрига топшириб, ўзи ҳаммомга кетди. Бир соат ўтгач, саройдан фаррош келиб, дарвишни подшоҳ чақираётганилигини айтди. Зоҳид нима қилишини билмай, уй пойлашга ўргатилган латчани ўғли билан қолдириб, ўзи подшоҳ ёнига кетди. Дарвиш уйдан чиқиши билан тешикдан бир катта илон чиқиб, бешик томон ўрмалаб келаверди. Латча югуриб келиб илонни бўйнидан олди-да, тишлаб ўлдирди, болани ҳалокатдан кутқарди. Шу пайт дарвиш қайтиб келиб қолди, латча гўё уни суюнтиromoқчи бўлгандек, олдига югуриб чиқди. Дарвиш қонга бўялган латчани кўргач, ўғлимни ўлдирибди, деб гумон қилиб, ҳеч ўйламай-нетмай, латчанинг бошини эзиб ташлади. Уйга кириб қараса, ўғли саломат, бешик тагида эса, бир катта илон чўзилиб ётибди. Зоҳид масалани тушунди ва қилиб қўйган ишидан минг пушаймон бўлиб соchlарини юла бошлади...

Шу вақт хотини келиб қолди. Бўлган воқеани эшитиб, жуда хафа бўлди. Бир неча вақт ўтгандан кейин эрига тасалли бериб, уни тинчтди.

Зоҳид ўзига келгач, хотинига деди:— Бу ҳодисани яхшилаб эсингда тут ва билгинки, шошилиб қилинган ишнинг оқибати хунук бўлади.

Хотини деди:— Тўғри, шошилган одам муродига етмайди. Бир подшоҳ ўз лочинини бегуноҳ ўлдириб қўйиб, ҳасрат ва надомат чекканидек, сиз ҳам қилиб қўйган ишингиздан ҳадеб пушаймон бўлаверманг.

Дарвиш сўради:— У нима қилган экан?

**Ҳикоят.** Хотини деди:— Илгари замонда овни жуда яхши кўрадиган бир подшоҳ бўлган. У подшоҳнинг лочини бўлиб, унинг парвози баланд, кўзи ўткир ва панжаси темирдек эди. Подшоҳ уни жуда севар ва доим ўз қўли билан боқар эди. Бир куни шоҳ уни қўлига қўндириб овга жўнади. Чўлда унинг олдидан бир оҳу қочиб ўтди. Подшоҳ унинг орқасидан шундай тезлик билан от чоптириб кетдики, мулозимлари орқада қолиб кетдилар. Подшоҳ жуда чанқаб, бир тоғдан оқиб тушаётган зилол сув ёнига келди. У шу сувдан ичмоқчи бўлиб, сувдонни тўлатган ҳам эдикни, қуш қанот қоқиб сувни тўкиб юборди. Шоҳнинг жаҳли чиқиб, яна сувдонни тўлдирди. Бу дафъя ҳам лочин қаноти билан идишни ағдариб юборди. Подшоҳ дарғазаб бўлиб лочинни ерга уриб ҳалок қилди. Шу вақтда унинг бир мулозими келиб қолди. Подшоҳ унга деди:— Тоғдан тушаётган бу зилол сув томчиларидан сувдоннинг тўлиши учун анча вақт керак экан. Сен юқорига чиқиб, булоқнинг ўзидан тезда сув олиб туш.

Мулозим тоққа чиқди. Қараса, у ерда кичкина бир булоқча бўлиб, унинг лабида бир ҳайбатли аждаҳо ўлиб ётган экан. Кун ҳарорати таъсир қилиб ундан қатра-қатра заҳар сувга томаётган экан. Мулозим дарҳол тоғдан тушиб, кўрганларини подшоҳга айтиб берди. Шоҳ унинг сўзини эшитиб йиғлай бошлади.

Мулозим сўради:— Йиғингизнинг сабаби нимадир?

Подшоҳ чуқур уҳ тортиб, бўлган воқеани айтиб берди.

Мулозим деди:— Эй шоҳим, бу ишни шошилмай ўйлаб қилишингиз керак эди.

Шоҳ деди:— Қилиб қўйган ишимдан ниҳоятда пушаймонман, лекин фойдаси йўқ. Ўлгунимча бу жароҳат кўксимдан кетмайди.

**Дарвишнинг хотини деди:**— Бу масални шунинг учун келтирдимки, сизга маълум бўлсин, бундай ҳодисалар кўп бўлади.

Зоҳид деди:— Эй меҳрибон ёрим, бу ҳикоятни айтиб бериб, менга анча тасалли бердинг, гўё ярамга малҳам қўйгандек бўлдинг. Бу воқеалар даврон саҳифаларига ёзилади. Ана шунда, буни ўқиган одамлар ибрат олиб, ҳеч ишни шошилиб ва ўйламасдан қилмайдиган бўладилар. Чунки шошилинч билан қилинган ишнинг оқибати фақат пушаймонликдир...

## МУШУК ВА КАЛАМУШ БОБИ

Рожа деди:— Ўйламасдан иш қилган ва оқибатда пушаймон бўлиб, афсус-надомат дарёсига ғарқ бўлган одам тўғрисидаги ҳикоятни эшидим. Энди шундай бир воқеани айтиб берки, унда ҳар томондан ўраб олган душманлар ҳужумига дучор бўлиб, ўлим, жар ёқасида қолган ва ўзини қутқариш учун душманларнинг бири билан дўстлашган, у билан аҳд-паймон тузиб, ўз жонини қутқариб қолган киши тасвир этилган бўлсин. Яна душмани билан қандай ярашганилиги, бунга қандай йўллар билан эришилганлигини баён қилиб бер.

Бараҳман деди:— Кўпинча дўстлик ва душманлик узоққа чўзилмайди. Улар бўлаётган ҳодисаларнинг жарёнига ва замон фиддирагининг айланишига қараб ўзгарадилар.

Улар хотинларнинг вафоси, шоҳларнинг дўстлиги, тентакларнинг мулоийимлиги, болаларнинг гўзаллигига ўхшайди. Узоқ вақт давом этган соғ дўстликка ҳам баязан кўз тегиши, тезда нафрат ва адоваратга айланиши мумкин. Шунингдек, қадимдан мавжуд бўлган душманлик ҳам бир бахтили тасодиф туфайли дўстликка алмашиниши мумкин. Шунинг учун ақлли одам ҳар икки ҳолда сабрли бўлади ва душманнинг бир вақт келиб дўст бўлиши мумкинлигига умид боғлаб, у билан хушмуомала қилишини тарқ этмайди ҳам дўстлари билан яхши муносабатда бўлиб, айни замонда бу дўстликнинг абадий бўлмаслигини эсдан чиқармайди. Узоқни кўрадиган киши душман билан сулҳ тузиб, у билан дўстлашмоқни ғанимат билади, чунки шундай қилинганда хатар бартараф

бўлиб, фойда қўлга киради. Кимки айтилиб ўтилганларга амал қиласа, мушук билан каламуш каби ўз мақсадларга эришади.

Рожа сўради:— Улар қандай қилиб мақсадларига эришибдилар?

Ҳикоят. Бараҳман деди:— Фалон мамлакатдаги ўрмонлардан бирида бир катта дараҳт бўлиб, остида бир каламушнинг ини бор эди. Унинг яқинида бир мушук яшарди. Бу ерларга овчилар тез-тез келиб туришарди. Кунлардан бир кун бир овчи дараҳт яқинига дом қўйиб учига бир парча гўшт илиб кетди. Мушук келиб, домга илинди. Шу орада каламуш ҳам овқат излаб келиб қолди ва мушукни тузоқда кўриб жуда қувониб кетди. Ноғоҳ кўзи уни тутишга пайт пойлаб турган латчага тушди, дараҳтга қараса, бир бойқуш ҳам ҳужумга ростланиб турганини кўрди. У қўрқиб кетиб, ўзига-ўзи деди: «Агар орқага қайтсан, латча мени парчалаб ташлаиди, турган жойимда қолсан, бойқуш устимга ўзини отади, олдинга юрсан, мушукка йўлиқаман. Бало денгизи тугёнга келиб, фалокат тўғони ҳужумга тайёр турибди; шунга қарамай мен ноумид бўлмаслигим, ўз ҳаётимни қутқаришим керак. Бу ҳолда менга ақлдан яхшироқ мададкор йўқдир. Ақлли кимса ҳеч вақт саросимага тушмаслиги, қалбини даҳшат ва ташвиш чулғаб олмаслиги керак. Энди мен учун ягона нажот йўли бало занжирида талпиниб ётган ва менинг ёрдамимга муҳтож бўлган мушук билан келишиб дўстлашмоқдир. Балки у ўз вазиятини назарда тутиб, менинг сўзларимга қулоқ осар ва душманлиқдан воз кечиб, халос бўлиш учун маслаҳатларимни қабул этар. Шундай қилиб, ҳар иккимиз балодан омон қоламиз».

Каламуш мушукка яқинлашиб ҳол сўради:— Қани, хўш, ҳол-аҳволинг қалай?

Мушук ҳазин овоз билан жавоб берди:— Бундай бало домига тушиб, азият чекканларнинг аҳволи қандай бўлар эди?

Каламуш деди:— Шу вақтга қадар ҳеч ким менинг ёлғон гапирганимни эшишмаган. Сен ғамнок бўлсанг, ҳамиша мен шод бўлар, мұваффақиятсизлигиндан қувонар эдим. Ҳозир эса икковимизнинг ҳам бошимиз хатарда қолди. Бу балодан қутулиш учун сендан нажот кутаман, шунинг учун дўстлашмоқчиман. Агар диққат қилиб атрофга қарасанг, латчанинг мени таъқиб этаётганини

ва бойқушнинг фурсат пойлаб ўтирганини кўришинг мумкин. Ҳар иккиси ҳам мени ҳалок қилиш фикридадирлар. Улар икковимизнинг ҳам душманларимиздир. Агар сен мени ўз паноҳингга олсанг, улар мендан умид узадилар.

Агар менга тегмасанг ёнингга бориб мақсадимга эришаман — бандларингни кесиб сени ҳам озод қиласман. Яна қайтариб айтаман, бу сўзларимга ишон. Ҳайриҳоҳ эканимга шубҳа қиласма. Ҳеч кимга ишонмайдиган ва ҳикмат эгаларининг сўзларига қулоқ солмайдиган киши баҳти ҳаёт кечиролмайди.

Иккиланмай менинг бу лутф-марҳаматимни қабул эт, ақлли одамлар катта ва масъулиятли ишларда тарааддудга тушиб, фурсатни қўлдан бермайдилар. Кема кемачининг саъий ҳаракати билан соҳилга етиб боргани каби, халос топишимиз икковимизнинг ҳаракатимизга боғлиқдир.

Мушук каламушнинг гапини эшитиб хурсанд бўлиб кетди ва деди:— Сенинг гапинг ақлга мувофиқдир. Бу маслаҳатингни бажону дил қабул этаман ва ўлгунимча сендан миннатдор бўламан. Дебдурларки, душман сен билан сулҳ тузишни истаса, унинг узатган қўлини қайтарма.

Каламуш деди:— Олдингга борганимда сен мени меҳрибон дўст каби кутиб ол, душманлар иноқлашганимизни кўриб, жўнаб қолсинлар, шунда мен тузоқ илларини қиркишга киришаман.

Мушук унинг гапига кўнди. Каламуш тузоқ илларини қирқа бошлиди. Мушукнинг назарида каламуш имиллаб ишлаётганга ўхшаб кўринди.

Мушукнинг тоқати тоқ бўлиб деди:— Мен сенинг аҳдингга ишонган эдим. Энди мақсадингга эришганингдан кейин берган сўзингдан қайтмоқчимисан? Лекин билиб қўйки, вайдага вафо, аҳднинг бузилмаслиги оғир кунларда синалади... Мени кечир, деб ёлворишиларга қарамай, зулмдан қўл торта олмаган, афв этиш қўлидан келмаган одам яхши ном қозониш неъматидан маҳрум ва мард одамлар орасида юзи қора бўлади. Аммо хиёнат қилгандар ва ёлғондан қасам иҷланлар тўхтовсиз жазога мустаҳкидирлар.

Каламуш деди:— Билиб қўй, дўстлар иккى хил бўладилар; биринчилари — ўз ихтиёрлари билан самимий дўст бўлганлар; иккинчилари — маజбурият ва зарурият

юзасидан аҳду паймон боғлаганлар. Буларнинг мақсади фойда кўрмоқ ва зарадан қочмоқдир. Лекин самимият ва садоқатга асосланган дўстлик ҳамиша, ҳар ерда ва ҳар шароитда ишончли бўлади; зарурият ва маజбурият натижасида пайдо бўлган дўстлик эса ундай бўлмайди. У дарё каби гоҳ тошиб атрофни босади, гоҳ қуриб суви озайиб қолади. Мен берган сўзимнинг устидан чиқаман, лекин ўз жонимни сақлашни ундан афзалроқ деб биламан. Чунки мен гарчи душманларнинг ҳужумидан сенинг ёрдаминг туфайли қутулиб қолган ва шунинг учун сен билан келишишга мажбур бўлган бўлсам-да, лекин сен ўша душманлардан ҳам хавфлисан. Мен таҳликини даф этиб, хатарли ишларнинг олдини олиш учун сен билан муроса қиляпман, бу вақт ва замон тақозоси билан қилинган бир тадбирдир. Ҳар ишнинг ўз ери, ҳар соатнинг ўз ҳукми бордир. Вақтни ўтказиб, мавқеини қўлдан берган одамни узоқни кўрадиган одам деб бўладими?! Мен албатта бандларингни кесаман, лекин бир асосий бандни жонимнинг гарови сифатида сақлаб турман. Уни сен ўзинг билан овора бўлиб, менга ҳужум қилишдан мұхимроқ иш билан машгул бўлиб, ўз жонинг ғамини еб қолганингдагина кесаман. Ана шунда сен банддан озод бўласан, мен ҳам сендан қутураман.

Каламуш айтганини қилди — ҳамма бандларни қирқиб, биттасини қолдирди. Тонг отиб, уфқдан күёш бошкўтара бошлиди. Бир оздан кейин узоқдан овчининг келаётгани кўринди.

Каламуш деди:— Энди охирги бандни кесмоқ, ваъда устидан чиқмоқ вақти келди.

Мушукнинг кўзи овчига тушиши биланоқ ўлим ваҳмига тушди, каламуш унинг ёдидан кўтарилиб кетди. Шу вақтда каламуш охирги бандни кесди. Мушук сапчиб, бир дарахтнинг устига чиқиб олди, каламуш эса бир тешинка кириб ғойиб бўлди. Овчи титилган-кесилган тўрни кўтариб орқасига қайтди.

Эртаси кун каламуш инидан мўралаб турган эди, мушукни кўриб қолди. Лекин унинг ёнига боришига журъат қила олмади.

Мушук баланд овоз билан қичқириб деди:— Эй дўстим, нега мендан хавфсирайсан? Қўлга киритилган энг яхши ноёб нарсани — дўстлигимизни сақлаб қолиш керак. Яқинроқ кел, мен яхшилигингни қайтарай, муруват қилиб, мардлигим ва сахийлигимни кўрсатай,

Каламуш унинг таклифини қабул этмай ўз жойида туаверди.

Мушук деди:— Дийдорингни мендан яширма ва дўстлигимизни барбод этма... Мен сен туфайли тирик қолдим, бундан буён ҳаётимни сенга бағишлийман, умримнинг охиригача яхшилигингни унутмайман ва имкон туғилиши билан сенинг яхшилигингни қайтаришга ҳаракат қиласан.

Мушук кўп ёлворди, кўп ялинди, лекин сўзлари каламушга кор қилмади.

Каламуш жавоб берди:— Зоти душман бўлиб дўстликдан лофтурганларга, дилидағаним, тилида дўст бўлганларга ишониб бўлмайди. Иккимизнинг ўртамиизда ҳамжинслик йўқ. Қимки ўз жинсидан бўлмаганга қўшилса, қурбақадек балога йўлиқади.

Мушук сўради:— Қурбақага нима бўлган экан?

Ҳикоят. Каламуш деди:— Бир сичқон ўрмон четида яшар эди. Шу атрофдаги булоқда бир қурбақа умр ўтизар эди. У гоҳ-гоҳ булоқ четига чиқиб ҳаво олиб ўтирап ва ўзини булбул фаҳмлаб, ёқимсиз овоз билан сайрап ва хуш овозли қушларнинг энсасини қотирар эди.

Бир кун сичқон ўз инида бир иш билан машғул эди. Қурбақанинг носоз овозини эшитиб ҳайрон бўлди, хонанданинг юзини кўрмоқчи бўлиб ташқарига чиқди ва унинг хунук башараси-ю, бемаъни ашуласидан таажжубланиб қўлларини бир-бирига ура ва бошини қимирлата бошлади. Қурбақа бу ҳолни кўриб, у менга таҳсин қилаётир, деб хурсанд бўлди ва сичқон билан ошина бўлиш орзусига тушди. Хуллас, сичқон билан қалин оғайнини бўлиб олди. Улар бир-бириларига ажойиб ҳикоятлар айтиб бериб, вақтларини чоғ этар эдилар.

Бир куни сичқон қурбақага деди:— Неча вақтдан бери сен билан сұҳбатлашгим келиб, булоқ ёнига келсан, сен сув остида бўласан, қанчалик баланд овоз билан чақирсан ҳам эшитмайсан.

Қурбақа деди:— Тўғри айтасан, мен ҳам кўпдан бери шуни ўйлайман. Баъзан мен қирроққа чиқиб сени топоммайман, сен бошқа тешикдан чиқиб кетган бўласан. Мен анчагача мунтазир бўлиб ўтираман. Энди бу ишнинг тадбирини ҳам ўзинг кўриб, муаммони ўзинг ҳал этасан.

Сичқон деди:— Энг яхши тадбир шуки, мен бир узун ип топаман, унинг бир учини сенинг оёғингга, иккинчи учини ўзимнинг оёғимга боғлайман. Ҳар вақт сувнинг

лабига келиб, ипни қимирлатсан, дарҳол чиқасан. Агар сен ҳам менинг ёнимга келмоқчи бўлсанг, ипни тортиб мени хабардор қиласан.

Икковлари ҳам бу тадбирни маъқул топиб, кўп вақтгача шу усул билан бир-бириларидан хабардор бўлиб, кўришиб юрдилар. Бир куни сичқон сув ёқасига келди, қурбақани чақириб сұҳбат қиласай деб турган эди, ногоҳ бир қарға бало-қазодек ҳаводан тушиб, сичқонни кўтариб учди. Оёғидан ипга боғланган қурбақа ҳам улар билан ҳавога кўтарилди. Сичқон қарға тумшуғида, қурбақа эса пастроқда осилган ҳолда учеб борар эдилар. Бу ҳолни кўрган одамлар ҳайрон бўлиб дер эдилар:— Ажаб ҳолат, қарға ўз одатига хилоф равишда қурбақани олиб кетяпти, ахир ҳеч вақт қурбақа қарғага ов эмас эди-ку. Сичқон билан дўстлигининг касофатидан қурбақа бу балога мубтало бўлибди. Қимки ножинсга қўшилса, жазоси мана шундай бўлади.

Мушук деди:— Сұҳбат қилишга рағбатинг йўқ экан, нима учун аввал мендан дўстлик талаб қилдинг?

Каламуш деди:— У маҳалда шунга муҳтоҷ эдим. Ақлли одам оғир аҳволга тушса-ю, душманнинг ёрдами билан фалокатдан қутулмоғи мумкин бўлса, душман билан яқинлашиб, унинг кўмагидан фойдаланади. Шунингдек, дўстдан зиён кўрса, ундан узоқлашади. Ҳайвоны болалари ҳам сут эмадиган вақтларида оналари билан бирга юрадилар. Сутдан айрилгач эса, ҳеч нарса бўлмагандек, улардан узоқлашиб кетадилар. Ақлли одам буни душманлик демайди. Ақл эгалари ҳамиша ўз ишларини замонанинг тақозоси ва ҳаёт талабини ҳисобга олиб қиладилар; замон ва маконни назарга олиб тадбир кўрадилар, дўст — ошина билан, рақиб ва душман билан қандай муомала қилишни, вақтида меҳрибонлик кўрсатиб, вақтида қаттиқўл бўлишни биладилар. Ўзинг биласанки, сен билан бизнинг асл зотимиз ва табиатимиз бир-бирига тамомила қарама-қаршидир, бир-биримизга душманмиз. Зарурият юзасидан пайдо бўлган дўстлигимизга ишониб бўлмайди, зарурият ўртадан кўтарилган замон дўстлик адоватга айланиши муқаррар. Ахир каламуш жинси учун мушукдан қўра даҳшатли душман йўқдир. Ҳар иккимиз ўлимдан халос бўлмоқ учун мажбуран сулҳга келган эдик. Энди эса зарурат йўқолди, демак, яна қадими хусумат пайдо бўлди. Мен сени ўзимга дўст деб ҳисобламайман, энди сенинг яқинлашишингдан кўзлаган

мақсадинг менинг лаззатли түштимни ейишидир. Лекин мен қурбон бўлиши хоҳламайман. Қучсиз кучлидан, заиф қувватлидан узоқ бўлиши керак. Кел, гапни қисқа қиласайлик, иккимиз икки ёққа қараб кетайлик.

Мушук хафа бўлиб, кўзига ёш олди...

Шундай қилиб, мушук каламуш билан абадий видолашди.

Зарурият натижасида душман билан дўстлашиб, фурсатни қўлдан бермаган ва ўз мақсадига етгандаң сўнг эҳтиётли бўлиб, ўз жонини саломат сақлаб қолгай ақлли каламуш ҳақидаги ҳикоят шундан иборатdir.

## ШАҲЗОДА ВА ҚУББАРА ҚУШ

Рожа бараҳманга деди:— Қувватли, бесомон душманлар қуршовида қолган, қочиб қутулиш йўллари боғланган одамнинг истар-истамас ўз душманларининг бири билан дўст бўлгани, у билан сулҳ тузиб, ўз жонини халос этгани, эҳтиётликни қўлдан бермай ўз ҳаётини охирги душманнинг қўлидан қутқариб қолгани ҳақидаги ҳикоятни эшидим. Энди илтимос қиласман, шундай ҳикоят айтиб берки, унда бир-биридан қасос олмоқ пайида юрган, кўришганда эса ҳеч сир бой бермайдиган икки кимса тасвир этилган бўлсин.

Бараҳман деди:— Ақли бошида бўлган, тажрибали одамлар ҳеч вақт эҳтиётликни қўлдан бермайдилар. Яшини ёмондан, савобни гуноҳдан ажратса оладилар, ранжиган дўстлардан, норози бўлган ошналардан эҳтиёт бўлиб, уларнинг макр ва хиёнатларидан сақланишни яхши биладилар. Ақл ва идрок эгалари бундай одамларнинг юрагидаги нарсаларни, уларнинг яширин фикр ва истакларини, нима қилиш хаёлида эканликларини кўзлари ва ҳаракатларидан билиб оладилар... Кимки, бундай одамларнинг тилёгламаликлари ва ширин сўзларига ишониб, эҳтиёткорлик ва сезгириликни йўқотса, у ўз жонини бало ўқига нишон қилган бўлади. Бунга Қуббара қуш қиссаси мисол бўла олади.

Рожа сўради:— Унга нима бўлган экан?

Ҳикоят. Бараҳман деди:— Ибн Мадин отли бир подшо бор эди. Унинг бир Қуббара деган зийрак, нутқи яхши ва чиройли қуши бор эди. Қунлардан бир куни Қуббара шоҳ саройида тухум қўйиб бола очди. Подшо қуш боласини ўз саройида авайлаб, парвариш қилишни буюрди. Шу

вақтда подшо ҳам сиймосида баҳт-саодат юлдузи порлаған бир фарзанд кўрди.

Қуббаранинг боласи билан шаҳзода ҳамиша бирга ўйнар эдилар. Қуббара ҳар куни тоғ ва ўрмонларга учиб бориб, одам қўли тегмаган мевалардан икки дона олиб келарди. Улардан бирини ўз боласига ва иккincinnisinи шаҳзодага берарди. Қушча билан шаҳзода уни еб, кучкүватга кириб тез ўса бошладилар. Шу туфайли подшоҳ ва сарой одамлари назарида Қуббаранинг қадри ошарди. Бир куни Қуббара уйда ўйқлигига унинг боласи шаҳзоданинг қўлинни тириаб олди. Шаҳзода ғоят разабга келиб, дўстликни унудти ва қущчанинг оёғидан ушлаб ерга шундай урдики, у ўша замоноқ ҳалок бўлди. Қуббара қайтиб келиб, боласининг ўлиб ётганини кўриб фарёд қила бошлади. Подшоҳларга лаънатлар ўқиб дерди:— Бу балони ўзимга ўзим орттиридим, фароғатни машақатга алмаштириб олдим. Бир дарахт шохига уя қилишим керак эди. Подшоҳнинг саройини менга ким қўйибди? Ўз фарзандимнигина тарбият қилишим керак эди, подшоҳ ўғлини парвариш қилишнинг нима ҳожати бор эди? Агар озга қаноат қилиб ҳаёт кечирганимда эди, бу балога мубтало бўлмас эдим. Шоҳлар, султонлар ва шаҳзодалар билан дўстлик қилишнинг оқибати шундай бўлади. Чунки шоҳ, султон ва мустабидлар ўз аҳдларини тез унуддилар. Улар ҳамиша вафога жафони мукофот қилиб берадилар. Уларнинг назарида на садоқатнинг аҳамияти бор, на самимиятнинг. Уларнинг дўстликдан кўзлаган мақсадлари ёлғиз манфаатдир. Улар ўз роҳатларини кўзлаб, бутун қонун-қоидаларни топтайдилар, раҳмашафқат қилиш керак бўлганга жазо берадилар, жазоланиши керак бўлганни афв этадилар. Ўзлари қилган қабиҳ ишларни кичик ва аҳамиятсиз деб, бошқаларнинг кичик хатоларини эса, жуда катта ва таҳликали иш деб ҳисоблайдилар. Энди мен фурсатни қўлдан бермай, ўз дўстини ўлдирган бу раҳмсиз ва шафқатсиз шаҳзодадан болам учун интиқом олишим керак.

Шуни деб Қуббара ўзини шаҳзода устига ташлади. Унинг икки кўзини ўйиб олиб қалъанинг бурчига бориб қўнди. Бўлган воқеани шоҳга етказдилар. Шоҳ ўғлининг кўр бўлганини кўриб, куйиб-ёнди; аввал қушни ҳийла билан ушлаб олмоқчи, сўнгра қийнаб ўлдирмоқчи бўлиб, яқинига борди ва деди:— Қуббара, пастга туш, сенда ҳеч айб ўйқ.

Қуббара унинг сўзини рад этиб деди:— Шоҳимга итоат қилишга ўрганиб қолган эдим, энди унинг амридан чиқиб, рад жавобини бериш менга жуда оғир. Шоҳ саройи менинг Каъбам эди, энг саодатли кунларим шоҳнинг марҳамат ва лутфи карами соясида ўтди. Мен ҳамиша шундай бўлади деб ўйлардим. Агар менинг икки жоним бўлса ва дунёга икки марта келишим мумкин бўлсайди, ўшанда «лаббай», деб хизматингга қайтар эдим... Энди қандай қилиб боламнинг қони тўкилган жойга қайтиб бораман? Мен учун энг тўғри йўл, буйруғингга бўйин эгмаслик ва саройга қайтмасликдир. Мен энди сенинг сўзларингга ишона олмайман ва ўзимни бало гирдобига ташлашини истамайман. Шаҳзода менинг фарзандимни ҳалок этди. Мен эса ундан қасдимни олдим. Ҳар ким алам ва ситам дараҳтини экса, уқубат ва азоб мевасини териб олади. Сен Донодил ва ўғрилар ҳақидаги ҳикоятни эшитганимидинг?

Подшоҳ сўради:— У қандай ҳикоят?

Ҳикоят. Қуббара деди:— Бир шаҳарда дарвиш яшар эди. У хушфеъл, одобли ва доно бўлгани учун уни Донодил дер эдилар. Фуқаро уни хурмат қилар ва севар эди.

Кунлардан бир кун Донодил Макка зиёратига бир ўзи равона бўлди. Иўлда бир неча ўғри, унинг молу дунёси кўп бўлса керак, деб ўйлаб, ўғлини тўсди. Шунда Донодил деди:— Менда молу дунё ўйқ, йўлга олган кўрпашагимгина бор. Истасангиз олинг, лекин мени саломат қолдиринг, орзумга етай.

Ўғрилар унинг сўзига эътибор бермай, ўлдириш учун қилич яланғочладилар. Донодил саросимага тушиб, атрофга аланглади. Шу вақт тепаларидан учиб бораётган бир тўда фозларга кўзи тушди. Донодил уларга қараб деди:— Эй фозлар, бу биёбонда ситамкорлар қўлига тушдим. Ҳолимдан хабар оладиган ҳеч кимим ўйқ. Сизлардан ўтинаман, бу одамларнинг адабини берингиз!

Ўғрилар кулиб сўрадилар:— Отинг нима?

Донодил жавоб берди:— Донодил.

Ўғрилар дедилар:— Сен ҳеч нарсадан хабарсиз, бекаъл одам экансан. Ақлсизни ўлдиришнинг айби ўйқ.

Донодил деди:— Мен бир сўз айтай, эшитиб ақлим даражасини билинг.

Ўғрилар сўзига қулоқ солмай, уни ўлдириб, молини олдилар. Бу хабар шаҳар аҳлининг қулогига етди. Улар

қотиллардан қасос олишга қасд қилдилар. Бир куни та-  
лай одам жомега намоз ўқигани йиғилди. Бир бурчакда  
Донодилнинг қотиллари — ўғрилар ҳам ўтирган эди-  
лар. Ногоҳ осмондан бир тўда ғозлар учуб келиб, чу-  
рулашиб, ўғрилар бошида айланга бошладилар. Шу  
вақт ўғрилардан бири истеҳзо билан ёнидаги шеригига  
деди:

— Булар Донодилнинг хунини талаб қилмоқдалар.—  
Бу гапни эшитган киши ёнидаги ҳамроҳига, у эса яна  
бошқасига айтди. Шундай қилиб, бу хабар шаҳар ҳоки-  
ми қулоғига етиб борди. Дарҳол ўғриларни ушлаб, қий-  
ноқ билан ҳалок қилдилар.

Худди шу сингари мен ҳам шаҳзодани жазоладим.  
Энди макру ҳийланг домига илинмайман, буйруфингни  
бажо келтирмайман.

Подшоҳ деди:— Ҳар икки томон ҳам нодонлик қилиб  
қурбон берибди. Энди на менинг ғазабланишга ҳақим  
бор, на-да сенинг қўрқишига асосинг. Мен қасос олишни  
одамларнинг энг катта айбларидан бири деб биламан ва  
ҳеч вақт ўзимга бу ишни раво кўрмайман.

Қуббара деди:— Мен ҳузурингга қайтиб боролмай-  
ман. Чунки оталар айтибдурларки, зарар кўрган одам  
ширин гапириб, меҳрибонлик кўрсатиб, ўз кин-адоватини  
ошкор қилиб қўяди. Ҳикмат эгалари ота-оналарни,  
дўст, ака-укаларни — ўртоқ, хотинларини умр йўлдоши  
деб биладилар. Қариндошни қарз олганларга, қизни са-  
фарга бирга чиққан ҳамроҳларга, ўғилни эса ворисларга  
ўҳшатадилар. Инсон ўзини биттаю битта ҳисоблайди.  
Муҳим бир ҳодиса, жиддий бир фалокат юз берганда,  
ҳар ким ўзини четга олади, ҳеч ким ўзини бирор учун  
фиido этмайди.

Мен бугун танҳо қолдим. Ҳаммадан айрилдим. Қал-  
бимнинг бир парчаси, белимнинг қуввати, кўзимнинг ну-  
ри бўлган ёлғиз боламни сенинг хизматингда қурбон бер-  
дим-а! Бунинг устига ўзимнинг бошим ҳам хатарда. Энди  
тилёғламалигинга ишониб, тўрга илиниш ақлсизлик бў-  
лади. Мен фироқ ўтида ёниб, сабр қилишни сенга хизмат  
қилишдан афзал кўраман.

Шоҳ деди:— Агар бу ишни сен бошлаган бўлсанг эди,  
қўрқишинг ўринли бўлар эди. Лекин бу ишни қасос олиш  
учун қилгансан, бунинг учун хавфсирашинг тўғри эмас.  
Модомики шундай экан, мендан қочишинг ва нафратла-  
вишинг сабабини тушуна олмаяпман.

Қуббара деди:— Юрагида кин-адоват, кўзларида га-  
ваб бўлган одамнинг оғзидан чиққан мулоийим сўзларига  
ишониб бўлмайди. Чунки бундай вақтларда киши юрак-  
да бор ҳақиқатни яширмоққа уринади. Лекин қалблар  
ёлғон гапириб, алдамоқ истеъодига эга эмаслар. Улар  
ҳақиқат ва адолат хабарчилариридир. Сенинг дилингдаги  
гап тилингдаги гапга тўғри келмайди. Мен сенинг қанча-  
лик кек сақлайдиган эканлигингни биламан, шунинг  
учун менга жазо бермаслигиннга ишонмайман.

Бир табиб юраги оғриган кишига, сенинг касалингга  
кўз оғриқ дориси даво бўлади, деб айтган экан, мен ўша  
киши тоифасидан эмасман.

Шоҳ сўради:— У кишига нима бўлган экан?

Ҳикоят: Қуббара жавоб берди:— Бир киши бир табиб  
олдига келди. У қорни қаттиқ оғригандан ерга юмала-  
ниб-юмаланиб инграр эди. Табиб унинг касалини аниқ-  
лаб, беморга деди:— Бугун нима еган эдинг?

Қасал соддагина киши эди, жавоб берди:— Бир пар-  
ча куйган нон еган эдим.

Табиб ёрдамчисига буюрди:— Кўзини равшан қила-  
диган доридан келтиринг, бу кишининг кўзига суртиб  
кўяман.

У киши фарёд қилди.— Эй табиб, масҳарабозликни  
кўй, мени масҳара қилма, менинг қорним оғрияпти. Сен  
эса кўзимга дори қўймоқчисан. Ахир кўзининг қоринга ни-  
ма алоқаси бор?

Табиб деди:— Мен аввал кўзингни даволамоқчиман.  
Шунда сен оқни қорадан фарқ қиласидиган бўлиб, иккинчи  
марта куйган нон емайдиган бўласан. Демак, кўзингни  
даволаш қорнингни даволашдан кўра зарурроқдир.

Қуббара ҳикоясини тамомлаб шоҳга деди:— Мен се-  
нинг адоват сақлаб туриб гапираётганингни ва менга жа-  
зо беришга тайёр эканлигингни кўриб турибман.

Шоҳ деди:— Дўстлар орасида кўнгилсиз ҳодисалар  
кўп бўлади. Ақлли одамлар бундай ҳодисаларнинг олди-  
ни олишга ҳаракат қилишлари керак.

Қуббара деди:— Мен дунёнинг иссиқ-совуфини кўр-  
дим, аччиқ-чучугини тотидим. Қўп қимматбаҳо нафис  
шарсаларни бу алдамчи ва кўзбўямачи дунё шамолига  
совурдим. Энди етарли тажрибага эга бўлиб, ҳақиқатни  
тушунадиган бўлиб қолганман. Бу масҳарабоз дунё ме-  
нинг қулоғимни бураб, менга ибрат дарсини берди. Қим  
зўр бўлса, у бошқаларни хор этмоқда, инсоф ва муруў-

ват, адолат ва садоқатни оёқ ости қилмоқда. Ақл китобида, душманнинг тилёғламалигидан ҳазар этинг, рақибнинг ширин сўзларига, юмшоқ муомаласига учманг, деб ёзилсан... Душман ҳамиша қасос олишга, ўз ниятига етишга фурсат ахтаради. Агар куч билан енга олмаса, ҳийла ишлатади. Мен ҳеч вақт, ҳеч бир шароитда шоҳнинг мени кечиришига, мендан қасос олмаслигига ишонмайман, чунки мен заиф, у қудратли...

Шоҳ деди:— Олижаноб ва мард одам оғир кунларда ўз дўётини ташлаб кетмайди, ҳар қандай шубҳа ва гумонга асосланиб ўртоқлик алоқаларини узмайди, боришкиниш, салом-аликни канда қилмайди.

Қуббара деди:— Риё ва хиёнатдан, айниқса шоҳларнинг адоватидан қўрқмоқ лозимdir. Чунки шоҳлар қасос олмоқни қонун деб биладилар, жазо бермоққа имкон топилса севинадилар. Жазо бериш фурсати қўлдан кетса ғазабланадилар... Қалбда йигилиб ётган адоват кул остидаги чўғга ўхшайди, чўғ ўтинга тушса, ёндириб юборгани каби, адоват фурсат келганда ғазаб ўтига айланади. Бу ёнғини на сўз, на хокисорлик, на ёлвориш, на ҳийла, бир сўз билан айтгана, ҳеч нарса, ҳа, ҳеч нарса сўндира олмайди. Тараша ёниб тугамагунча шуъласи пасаймагани каби, айбордor жазоланмагунча кин-адоват ҳам орадан кўтаришмайди. Шуларнинг ҳаммасига қарамасдан қасди бор кимса рақибидан фойдаланмоқ ёки кутилган балонинг олдини олмоқ учун у билан аввалги дўстлик муносабатларини тиклаб, яхши муомалада бўлиш мумкин; лекин ундан бахт менга мусассар бўлмас, мен шундай омадсизмаки, оқар сув ёқасига борсам, сув ҳам қуриб қолади. Менинг хизматим қалбингдаги кинни марҳаматига айланитира олади, бироннинг орамизда муҳаббат ва дўстлик барқарор бўлади, деб қандай ишона оламан? Агар мен ҳузурингга қайтиб борсам ҳам ҳамиша қўркув ва ташвиш ичидан яшаб, ҳар соат ўз ўлимимни кутиб тураман. Йўқ, қайтишдан менга ҳеч қандай фойда йўқ. Мен кўра-била туриб ўз бўйнимни пичоққа тутиб бера олмайман.

Шоҳ деди:— Ҳар нарса толега боғлиқ... Үғлимнинг қилмишига яраша жазо беришинг қазонинг ҳукми билан бўлди. Бунда ҳеч ким айборд эмас. Ҳали ҳам бўлса мени ранжитиб, юрагимга ўт ёқиб кетма, давлат ва саодат дўст-ошналарга, раият ва мулоғимларга насиб бўлгандагина у кишига лаззат бериши мумкин.

Қуббара деди:— Тўғри айтасан, ҳамма нарса фалакнинг қўлида. Лекин шу билан бирга эҳтиёт бўл, умрни фалакнинг шамолига совурма, деганлар.

Сенинг тилинг билан дилинг бир эмаслиги мен учун аён. Шуни била туриб қайтиш— ақлсизликдир. Мени алдаб тузоққа илинтироқчисан, ўлдириб қалбингга тасалли бермоқчисан. Ҳозирга қадар ҳеч бир ҳайвон ўз ихтиёри билан ўлим шарбатини ичмаган. Дейдиларки, фам— бахтсизлик, камбагаллик — бахтсизлик, душманга яқин бўлиш — бахтсизлик, дўстлардан жудо бўлиш— бахтсизлик, хасталик, ғариблик— бахтсизлик, лекин энг буюк бахтсизлик ўлимдир. Юрагида ҳасрат доғи бор одамларнинг дардини бошидан ўтган одамлар тушуниши мумкин. Ҳозир мен ҳам ўз тажрибаларимга асосланиб, шоҳнинг нима қилмоқчи эканлигини, нималар ўйлаётганлигини билиб турибман. Унинг ҳаяжон ва изтироблари менга маълум, қалбидаги ғазаб ва интиқом оловининг учқунларини мен кўзидан кўриб турибман. Мен яхши биламаки, сен ўз ўғлингнинг кўздан айрилганлигини, мен эса ўз фарзандимдан жудо бўлганини эсга олганимизда юракларимизда ғазаб тўлқинланиб кетади. Бунинг нима билан тугашини билиб бўлмайди. Ҳар ҳолда бизнинг дўст бўлишимиз фойдасиздир, айрилишимиз яхшидир.

Шоҳ деди:— Хўп, майли, лекин ўз дўстларининг хатоларини кечирмасликинг, уларга етказган зарарни уннутмасликнинг одам учун нима фойдаси бор? У қанлай инсонки, ўз дўстининг тавба ва узрини қабул этмасин ва уни севинч бидан қарши олмасин. Менинг қалбим шишадек мусаффодир. Сен айтган нарсаларнинг биронтасини хаёлимга ҳам келтирмаганман. Сен биласанки, мен ҳамиша мулоғимларнинг гуноҳини кечириб, хизматчиларга марҳамат кўрсатиб, инъом бериб келганиман...

Қуббара деди:— Товонига тикап кирган одам унга аҳамият бермай қиррали тошлар устида юраверса, албатта унинг ярага айланиб кетишига сабабчи бўлади ва юмшоқ тупроқ устида юришдан ҳам бенасиб бўлиб қолади. Қўз оғриғига дучор бўлган одам қуёшга қараса ё шамолга тутса, кўздан ажралиши мумкин бўлгани каби, гуноҳкор одам ўз душманига яқин келса ҳалок бўлади. Шунинг учун душмандан қочмоқ табиий ва қопнунийдир. Ҳеч бир маҳлуқ ўз бошига нималар келишини, қилган ишлари охирда қандай натижалар беришини

олдиндан била олмайди... Қим душманнинг айтганига ишониб иш кўрса, эътиборсиз одамнинг сўзига кириб ҳаракат қилса, уни донишманд одамлар беақл ва жоҳил деб ҳисобладилар. Пешанасига нима ёзилганлигини, бошига нима келишлигини ҳеч ким билмайди. Лекин бунга қарамасдан, ҳар ким ўз қадамини билиб бошиши, ақлга тўғри келадиган ишлар билан машғул бўлиши лозим. Ақлли кимса ўз куч-куватига ишонади, ҳеч нарсадан кўрқмайди, таҳликага тушмасдан нажот йўлини ахтаради. Ҳозир менинг қаршимда ўлим турибди, лекин қочадиган йўлларим кўп, нажот йўллари очиқ, тараддуланиб турсам иродасизлик қилиб, заифлик кўрсатсан ҳалок бўламан. Қаерга борсам ҳам овқатими топиб ейман. Дебдурларки, қуйидаги беш хосияти бўлган одам оч қолмайди, узоғи яқин бўлади, бегоналар юртида ҳам унга дўст топилади.

Бу беш хосият шудир: мардумга озор бермаслик, шубҳали ишлар билан машғул бўлмаслик; ахлоқли, назокатли бўлиш, олижаноб бўлиш, ўз қадрини билиш.

Шуни билмоқ керакки, мол-давлатнинг энг яроқсизи унинг фойдаланимай қолиб кетгани; хотинларнинг энг ҳаёсизи — эри билан келишмагани; фарзанднинг энг тарбиясизи — ота-онасиининг сўзига кирмагани; дўстнинг энг вафосизи — оғир кунларда юзини тескари ўргани; шоҳнинг энг лаёқатсизи — гуноҳсизларни қўрқувга соггани, мамлакатларнинг энг ёмони тинч бўлмаган, ҳавфисизлик таъмин этилмаган мамлакатдир. Энди қанчалик шоҳ менга лутф-карам ваъда этиб, тасалли бермасин, онт ичиб аҳду паймон қилмасин, унинг ҳузурида яшамоқ менга роҳат багишламаслиги аниқдир. Замон ўртамизга душманчилик солди ва яқин бўлиш йўлларини бекитиб қўйди.

Куббара бу сўзларни айтиб, шоҳ билан видолашди ва бир қанот қоқдио учди-кетди...

Хусумати бўлган душманнинг ҳийласидан сақланмоқ ва унинг ширин сўзларига учмаслик ҳақидаги ҳикоят мана шудир.

## ШЕР ВА ШАГОЛ БОБИ

Рожа деди:— Ораларида адоват бўлган рақибларниң бир-бираига ишона олмаганликлари ҳақидаги ҳикоятни эшидим. Энди яна бир ҳикоят айтиб бергинки, унда шоҳлар билан уларнинг яқин одамлари орасида рўй берган ҳодисалар тасвир этилсин, ҳақ ё ноҳақ жазолангандан сўнг яна улар шоҳ ҳузурига қайтиб келсинлар, бунинг тўғри ёки потўғри эканлиги кўрсатилсан.

Бараҳман деди:— Шоҳ афв ва марҳамат эшигини беркитса, озгина гуноҳ қилиб қўйганиларни қаттиқ жазоласа, ҳеч ким унга ишонмайди, унга эътиқод қилмайди. Натижада мамлакат ишлари хароб бўлади, мулоғимлари афв этилишдан ноумид бўлиб, мамлакат ишлари орқага кетади.

Улуғларнинг энг буюк хусусияти одамларни афв этиб, гуноҳларини кечиришдадир. Лекин шоҳларнинг лутфи ҳам беҳад бўлмаслиги, зулми ҳам чегарадан ошмаслиги лозим. Хизмат — ҳадясиз, хиёнат — жазосиз қолмаслиги лозим. Шоҳлар шундай иш юритишлари керакки, ҳам дўстлар ноумид бўлмасинлар, ҳам душманлар ҳадларидан ошмасинлар.

Хуллас, шоҳлар гуноҳ қилиб қўйган одамнинг самиият ва садоқати дарражасини, ақли ва идрокининг савијасини яхши ўрганишлари, билишлари керак. Агар бундай одамлар фойда бера олишлари мумкин бўлса, уларга иш топширишлари, уларни тўғри йўлга солиб юборишга интилишлари лозим. Шоҳлар бундай одамларнинг гуноҳларини кечиришлари, барча ҳуқуқларини қайтириб беришлари, уларни қўрқув ва шубҳадан қутуяти-

ришлари ва шу равишда аввалги вазиятларини тиклашлари керак. Шоҳ билмоги керакки, вазирлар, мулоzимлар, маслаҳатчиларсиз мамлакатни бошқариш мумкин эмас. Табиатан ақлли, билимли, тўғри ва ҳайриҳоҳ бўлган мулозимлардангина яхшилик кутиш мумкин. Шоҳларнинг ишлари кўп, фаолият соҳалари кенг ва ниҳоясизdir. Шунинг учун ҳам уларнинг ишбилармон, чигал тугунларни еча оладиган, вазиятни яхши тушуниб, узоқни кўрадиган, мустақил ташабbus кўрсатадиган, уддабурон хизматчиларга эҳтиёжлари кўпdir. Шоҳлар мана шундай одамларни хизматга олиб иш топширишлари керак.

Уларнинг бутун ишлари шоҳнинг назорати остида бўлиши керак. Шоҳ содиқларнинг ҳизматидан ҳам, хоинларнинг риёкорлигидан ҳам хабардор бўлмоғи лозим. Садоқат кўрсатганларга муносиб мукофот, хиёнат қилинларга мувофиқ жазо бериш керак. Агар шундай қилинмаса, садоқатликлар танбаллашиб, ишдан совиб кетадилар, хоинлар ҳадларидан ошиб қутурадилар, ишларда сустлик, машшатда бузғунлик рўй беради, натижада давлатлари барбод бўлади. Бунга мисол қилиб шер ва шағол масалини келтириш мумкин.

Рожа сўради:— У қандай масал?

Ҳикоят. Бараҳман деди:— Ҳинд тупроғида художўй бир шағол бор эди. У дунёдан юз ўғириб, тоат-ибодат билан машғул, гўшт ейишдан, қон тўкишдан, жоноворларга озор беришдан воз кечган эди. Бир куни ёронлари унга эътиroz билдириб, дедилар:— Сенинг бу ишларнинг дан биз рози эмасмиз. Модомики, бизлар билан бир ерда яшар экансаи, одат ва айъаналаримизга риоя қилишининг керак. Умрингни зоҳидлик билан оч-яланғоч ўтказишнинг нима фойдаси бор? Утган кунинг қайтиб келмайди. Эртанги кунга эса умид йўқ. Бас, шундай экан, бугунги кунни зое қилиб, фурсатни қўлдан бериш яхши эмас. Умрни айш-ишратда ўтказиш керак.

Шағол деди:— Эй менинг азиз дўстларим ва меҳрибон биродарларим! Бу маъносиз сўзларни ташланг. Ўзингиз айтиб турибсизки, бугундан ҳам, эргадан ҳам умид йўқ деб. Бинобарин, фурсатни қўлдан бой бермай, охират учун савоб ишлар қилиш керак. Ахир бу вафосиз дунёнинг айб ва хатолар билан тўла эканлигини биласиз-ку!..

Бу дунёнинг лаззаги чақмоқ каби, булут сояси каби бир зумда ўтиб кетади. Агар ҳар икки дунёда бахти

бўлмоқ истасангиз, менинг сўзларимга қулоқ осинг. Нафс балоси учун ҳайвонларни ўлдириш ва бошқаларга азият беришдан қўл тортиңг. Менинг сизлар билан бир ерда яшаб, дўст бўлишим гуноҳга сабаб бўлмайди. Лекин ҳаром ишларингизга шерик бўлиб, ёвуз фикрларингизни маъқулласам, у дунёда азоб ва исканжага дучор бўламан. Қўл ва дил гуноҳ воситалариридир: бири — ярамас ишлар қиласи; иккинчиси — нолойиқ нарсаларни орзу қиласи.

Шағол оз фурсатда тақво ва ибодатда шундай даражага етдики, шуҳрати ҳамма ёқса ёйилди. У яшаётган жойнинг яқинида гўзал бир чаманзор бор эди. Унда ҳайвонлар ниҳоятда кўп бўлиб, уларга бир шер подшоҳлик қиласи. Үрмондаги барча ҳайвонлар унинг амр-фармонидан чиқмас эдилар. Шағолнинг тақводорлиги ҳақидаги хабар бу шерга етиб келди. Шер уни ўз ҳузурига чақириб, сухбатлашиб, кейин хилватда шағолга деди:— Шоҳлар яхши маслаҳатчиларга муҳтоҷ бўладилар. Мен сенга бир иш топшириб, мартаба ва мансабингни оширасам, менинг энг яқин маҳрамларимдан бўлсанг.

Шағол жавоб берди:— Шоҳларнинг ишбилармон, тадбирчан хизматчилар танлаб олишга ҳақлари бор. Лекин одамларни мажбуран ишга тортиш нотўғри, чунки зўрлик билан юклатилган вазифанинг яхши бажарилиши маҳолдир. Мен давлат ишларидан ўзимни олиб қочаман, унинг устига бу соҳада на тажрибам бор, на маълумотим. Сиз буюк ҳукмдорсиз, хизматишизда бақувват, ишбилармон, тадбирчан, мансаб севадиган, мол-дунёга ҳирс қўйган мулозимлар кўп. Агар сиз менга топшироқчи бўлган ишни улардан бирига юкласангиз, ҳам ишнинг бажарилишидан хотиржам бўлардингиз, ҳам улар сиздан мамнун бўлар эдилар.

Шер деди:— Баҳоналарингни қўй, мен сени ишсиз қолдириб, мансабсиз қўймайман.

Шағол деди:— Шоҳ хизмати иккى одамлар учун яхшидир: биринчиси — ҳийлакор ва жасур одам учун; бундай одам ўз жасурлиги билан мақсадга етиб, ҳийла билан жонини қутқаради, иккинчиси — нодон ва қўрқоқ одам учун, бундай одам хўрликлар ва таъналарга чидайверади, ҳеч вақт ҳурмат қозониш, шон ва шуҳратга эга бўлиш ҳақида ўйламайди. Шунинг учун бошқалар унга ҳасад қилмайдилар. Мен булардан ҳеч қайсисига ўхшамайман. Бахил, очкўз эмасманки, хиёнат қила ол-

сам, қорин ғамини ейдиган махлук әмасманки, хорликни бўйнимга олсам... Шоҳга содиқ бўлиб, самимий ва тўғри хизмат қилишни истаган, шоҳни хиёнат ва сунқасдлардан муҳофаза этиб, унинг саройини риёкор ва фитначи музозимлардан тозаламоқ орзусида бўлган кимсанинг иши яхши юришмайди, у даврон суролмайди. Унга дўстлар ҳасад қиласидилар, душманлар бало ўқларини ёғдирадилар. Ичи қора дўст билан ёвуз душман бирлашса, ҳасад билан адоват қовушса, одамни ҳалок этади. Унинг ҳурмати, шон ва шуҳрати қўкларга чирмашган бўлса-да, эртами-кечми, йўқ бўлиб кетади. «Сен ўзингга дўст ахтар, душман ўзоқ бошидадир», деган гап бор.

Шер деди:— Мен сенинг томонингда бўлсан яқин одамларимдан бирортаси ҳам сенга ҳеч бир зарар етказа олмайди. Душманларга келсак, улардан чўчишга эҳтиёж йўқ, чунки мен уларнинг бутун ҳийлаларини фош қилиб, бир зарар билан жонларини оламан, сенинг роҳат ва фарогатда яшамогингни тъзмин этаман.

Шагол деди:— Агар шоҳ менга лутф ва марҳамат кўрсатмоқи бўлса, кетишга ижозат берсин. Мен бу саҳрова табиат ато этган неъматлардан еб, тирикчилик ўтказай, ўт, сабза ва сув билан кифояланиб, рақибларнинг ҳасад ва адоватларидан узоқ бўлай. Тинчлик билан кечирилган қисқа умр қўрқув ва ташвиш билан кечирилган узоқ умрдан яхши деб оталаримиз бекорга айтмаганлар.

Шер деди:— Нима демоқчи бўлганинг маълум бўлди. Хотиржам бўл, сен менинг энг яқин одамларимдан бири бўласан.

Шагол деди:— Агар шундай бўлса, унда менга шундай ваъда берсинглар: дўстлар қасд қилсалар, ёлгои гапириб бўхтон тўқисалар, менга жазо беришга шошилмасинлар, аввал текшириб кўриб, сўнгра чора кўрсинглар.

Шоҳ онт ичиб шундай қилишга ваъда берди. Хазиналар калитини унга топширди. Ўлкани бошқариш ишларида унинг фикри ва маслаҳатини сўрайдиган бўлди. Шундай қилиб, шаголнинг мартабаси кундан-кунга зиёда бўлди.

Бу эса шоҳнинг атрофидагиларга ёқмади. Улар ҳаммаси бир бўлиб, шаголни ағдариш учун ҳар қандай йўл ахтара ва тадбир кўра бошлидилар. Ниҳоят, бир овоздан, шернинг бекитиб қўйинг, деб тайинлаб кетган лаззатли гўштини ўғирлаб, шаголнинг уйига яшириш қарорига келдилар. Шундай қилдилар ҳам. Эртаси кун шер ўша

гўшти егани келганида, унга гўшт ўғирланибди, дедилар, шу вақтда шағол йўқ эди. Шернинг ғазаби алангланганини, сабр косаси тўлиб-тошганини кўрган душманлар ниятларини амалга ошириш пайти келганини англадилар.

Улардан бири деди:— Гарчи шоҳга ёқмаса-да, биз уни фойда ва зарарига алоқадор бўлган барча ҳодисалардан хабардор қилишни ўз бурчимиз деб биламиз. Мен гўшти шағол ўз уйига олиб кетган, деб эшидим.

Яна бири деди:

— Мен бу гапга ишона олмайман. Бу ишни яхшилаб текшириш керак, одамзодни билиш қийин...

Учинчиси деди:— Тўғри, бироннинг кўнглидаги нарсани билиш қийин. Агар гўшт унинг уйидан чиқса, бошқа хиёнатлари тўғрисидаги гапларга ишонса бўлади.

Бошқаси деди:— Ўз мансаб ва мавқеига ишониб, ҳар нарсани қиласавериш ҳам яхши әмас, хоин ҳеч қачон ўз жиноятини яшира олмайди.

Яна бириси деди:— Мен унинг ҳийлакор ва риёкор эканлигини билар эдим. Биринчи қарашдаёт ишларининг оқибати пима бўлишини англаган эдим ва аллакимга, бу тақводорнинг иши охири расвочилик бўлади, ундан катта хатолар, кечирилмас гуноҳлар содир бўлади, деб айтган эдим.

Яна бир бошқаси деди:— Сизларнинг ҳаммаларингиз эътиборли ва сипалган зотларсиз. Сўзларингиздан шубҳаланиб бўлмайди, лекин энг тўғри тадбир шуки, шоҳ шағолнинг уйига бирортани юбориб, уйини тинтуб қилдирсиз. Ана шунда ҳақиқат юзага чиқади.

Яна бир бошқаси деди:— Бўлмаса шошилиш керак — шағолнинг жосуслари ҳар ерда бор, ўғирлик молни бекитиб қўймасинлар...

Бошқаси деди:— У хоин гуноҳи аниқланса ҳам макрҳийла ишлатиб, шундай баҳоналар топиши мумкинки, натижада биз шоҳнинг олдида гуноҳкор бўлиб қоламиз.

Шоҳнинг ғазаби алангланиб турганида айтилган бу гаплар унинг юрагида шаголга қарши шубҳа уйғотди. У шағолни чақириб келишларини буюрди. Шағол етиб келгач, гўшт қаерда эканлигини сўради.

Шагол деди:— Сизга таом тайёрлаш учун эрталаб ошпазларга берган эдим.

Ошпазлар ҳам душман томонида эдилар. Улар дедилар:— Ёлгои гапиряпти, бизга гўшт бергани йўқ.

Шундан кейин шер шағолнинг уйига бир неча одам юборди. Улар шағолнинг уйидан гўштни топиб келтириллар.

Шунда хозир бўлганлардан бири — шу вақтгача индамасдан ўтирган, ўзини одил қилиб кўрсатишга тириштан, масала исбот этилмагунча ишга аралашмайдиган қари бўри олдинга чиқиб деди:

— Бу пасткашнинг кирдикори очилди. Энди шоҳ тезлик билан уни жазолаши лозим. Акс ҳолда жинояткорлар кўркмайдиган бўлиб қоладилар.

Шоҳ шағолни зинданга солишига амр қилди. У ердагилардан бири деди:— Жиноят ошкор бўлгандан кейин ҳам шоҳ айборни жазолашни пайсалга солмоқда. Таажжуб!

Шер орадан бир неча кун ўтгач, шағолга хабар юборди ва айттириди:— Агар гуноҳи кечирилишини истаса, узр сўрасин.

Унинг мулоғимларидан бири бу гапни шағолга етказмай, унинг номидан бўлмагур гапларни келиб айтди. Буни эшишиб, шоҳнинг қони қайнаб кетди, ичган онтини ҳам унутиб, шағолни қатл этишига қарор қилди. Бу хабар шернинг онасига етиб борди. У шернинг шошилаётганини билиб, ўз-ўзига деди:— Тезда бориб ўғлимни бу хатодан халос этмоғим лозим...

Она келиб, шағолни қатл этиш иши топширилгандарга буйруқни ижро этишини кечикириш кераклигини айтди, сўнгра ўғлининг олдига бориб деди:— Шағолнинг гуноҳи нима, нечун уни ўлдиртиromoқчи бўлдинг?

Шер бўлган гапнинг ҳаммасини айтиб берди.

Онаси деди:— Ўғлим, шошилипч бир ишни қилиб, пушаймон бўлиш шоҳларга ярашмайди. Шоҳлар учун сабр ва мулоҳазадан шарафли нарса йўқ. Сен шуни билиб қўйки, хотиннинг яхши бўлиши эрига, ўғилнинг итоаткорлиги отасига, шогирднинг билими муаллимга, лашкарнинг жангга лаёқати саркардасига, раиятнинг тинч-омонлиги шоҳларга боғлиқ. Шоҳларнинг ақлли эканини кўрсатувчи белги раиятни яхши билиш, одамларга тажрибалари ва истеъдодларига мувофиқ вазифа топширишдан иборатдир. Агар хизматчилар бир-бирларига чоҳ қазиб, садоқатли одамларни хиёнатда айбласалар, хоинларга содиқлик либосини кийдирсалар, яхшини ёмон, ёмонни яхши десалар, шоҳ уларни қўлламаслиги керак.

Шоҳнинг ўзи ишни яхши текшириб, ҳақиқатни юзага чиқармагунича, садоқатли ва ишончли одамларни жазоламаслиги, фидокор хизматчиларнинг кечмишдаги хизматларини ҳамиша кўз ўнгидан тутиши, яхши фазилатларини эса сақлаб, берган фойдаларини унутмаслиги керак. Истеъдодсиз одамларнинг ҳунар эгалари ҳақида айтган сўзларига ишонмаслик керак... Шағол сенинг хизматнингда улуғ вазифа ва юксак мавқега эга бўлган эди. Энди сен унинг ҳақида берган буйруғингни бекор қилиб, уни ҳам, ўзингни ҳам душманлар таънасидан муҳофаза этишинг, рақибларнинг ғалаба қозонишларига йўл бермаслигини керак. Сен ўзингга яраша олижаноблик ва эҳтиёткорлик билан бу ишни текшириб кўр, ўз виждонинг олдида ва раият қаршисида хижолат чекма. Ахир, бир гўнит парчаси шунчалик катта нарса эмаски, шағол унинг учун ўз номини булғасин. Бунинг устига сен биласанки, шағол бутун хизмати муддатида гўшт емаган. Шунинг учун ҳам бу иш ойдинлашмагунча, жазолашни пайсалга солиб тур, чуцки фарғаз ҳамда тахминга қараб иш қилиш натижасида қўғиша потўғри ҳукмлар чиқарилган. Масалан, тун қўронғилигига ялтироқ қуртни биринчи кўрган одам уни чўғ деб ўйлаши мумкин, лекин қўлига олиб қараса, алдангани маълум бўлади. Бир нарсани жуда яхшилаб ўрганимасдан туриб, у ҳақда қатъий бир қарорга келиш потўғридир. Ахир подоннинг олимга, помардиниғ мардга, қўрқоқнинг жасур одамга ҳасад қилиши ҳаммага маълумдир... Менимча, гўштни шағолнинг уйига унинг рақиблари олиб бориб қўйғанлар. Хоин одамларнинг қанчалик баҳил бўлишларини ҳамма билади. Айниқса олижаноб одамни кўрганларида, ҳасаднинг ҳадди ҳудуди бўлмайди. Кўкдаги қушлар, денгиздаги балиқлар, саҳрордаги ҳайвонлар ҳам бу бадбахтларнинг қўлидан ўз жонларини саломат қутқара олмайдилар... Сен бу ишда сабрли бўл. Ўзингга хос улуғворлик билан ҳақиқатни юзага чиқар, шағолни ўлдириш эса осон гап, бу ишни кейин қилсанг ҳам бўлаверади.

Шер диққат билан онасининг сўзига қулоқ солиб эсҳуши жойига келди. Шағолни ёнига чақириб деди:— Аҳду паймонимизга мувофиқ, сенинг узринги қабул қилиб, гуноҳингни кечириш, душманлар сўзига эътибор беришдан кўра афзал.

Шағол деди:— Подшоҳ масалани ойдинлаштирмачунча юрагим тинчимайди, юзимда доғ қолади. Бу иш

қанчалик синчиклаб текширилса, менинг тўғрилигим ва садоқатли эканлигим ҳамма хизматчиларга шунчалик ойдин бўлади.

Шер сўради:— Бунинг учун нима қилмоқ керак?

Шагол деди:— Бунинг учун тұхматчиларнинг ҳар бири билан айри-айри сұхбатлашмоқ керак. Айтсилар, нима учун гўшт ейдиганлар, бир парча гўшт устида бир-бири билан бўғишадиганлар бир томонда қолиб, бу гуноҳни менинг устимга ағдармоқдалар? Шоҳнинг бундай саволига жавоб бермасдан шовқин-сурон солсалар, шоҳ ҳақиқатни сўзлаганларни гуноҳидан кечаман деб ваъда берсинлар. Ана шунда ҳақиқатнинг юзидан парда олиб ташланади ва менинг тўғри ва соғлигим исбот бўлади.

Шер деди:— Бир бегуноҳга бўхтон қилиб, ҳалок этмоқчи бўлганларнинг гуноҳини кечириб бўладими?

Шагол деди:— Афв шоҳларнинг ҳурмати ва шұхратини оширади, қанчалик құдратли эканини кўрсатади. Гуноҳкор тавба қилиб, садоқат билан хизмат қиласман, деб онт исса, ундан қасос олиш инсофчизлик бўлади. Олимлар, ёмон ишнинг олдини олиб, гуноҳни кечирмоқ савоб иш қилмоққа баробардир, деганлар.

Шер у айтгандек қилиб, ишни текшира бошлади. Борган сари масала ойдинлашди, баъзилар гуноҳларини эътироф қилишга мажбур бўлдилар, бошқалари эса уларнинг сўзларини тасдиқладилар. Шағолнинг гуноҳсиз эканлиги тамомила маълум бўлди. Буни эшитган шернинг онаси ўғлининг ёнига келиб деди:

— Шоҳ бу бўхтончиларни ноҳақ кечирибди. Энди бўлар иш бўлибди, айтилган сўзни қайтариб олиб бўлмайди, лекин шер бу воқеадан ўзига керакли ибрат дарсини олиши керак. Бундан буён мулоғимлари тўғрисида айтилган сўзларга қулоқ солиб шубҳага тушмаслиги, хоинларнинг бўхтонига ишонмаслиги, ёмон ниятли фитначиларга эътибор бермаслиги керак. Уларнинг оғзига урилмаса бора-бора шу даражага етадиларки, ортиқ уларни даф қилиш мумкин бўлмай қолади; сен шуни билгинки, саккиз хил одам билан дўстлашиб бўлмайди. Биринчиси— ўз сўзида турмовчилар; иккинчиси— нон-кўрлар; учинчиси— ёшининг катталигига қарамай, одоб қоида-қонунларига риоя қилмаганлар; тўртинчиси— осонликча хиёнат ўйлига тушиб кетадиганлар; бешинчиси— ёлғончилар; олтинчиси— очкўз, пасткаш, мишишпараст-

лар; еттинчиси— одамлардан сабабсиз шубҳаланиб, уларни асоссиз гуноҳкор қилиувчилар; саккизинчиси— ҳаёсизлар. Кўйнадиган саккиз хил одамлар билан дўстлашиш мақсадга мувофиқдир: биринчиси— қаюоатли кишилар, иккинчиси— ўз сўзида қайтмайдиганлар; учинчиси— олим ва ҳунар соҳибларини қадрлайдиганлар; тўртинчиси— хиёнат ва номардликдан нафрат этадиганлар; бешинчиси— яхши хулқли, назокатли кишилар; олтинчиси— газаб вақтида ўзини қўлга оладиганлар; еттинчиси— сахийлар, саккизинчи— бадаҳлоқ одамларнинг айшу ишрат мажлисларидан нафратланувчилар.

Шагол ишнининг бундай тугашидан онаси мамнун бўлганларнинг кўриб, шер беҳад севинди ва деди:— Бу сенинг хайриҳоҳлигинг натижасида рўй берди.

Эътиборли бир хизматчи, иш биладиган, тадбирли маслаҳатчи оқланди, садоқатли, гуноҳсиз бир маҳлуқ ўлим таҳликасидан қутулди.

Бундан сўнг шернинг шағолга бўлган меҳри яна ортди. Уни ёнига чақирибири келиб, деди:— Сенга тўнкалган айблар асоссиз эканлиги маълум бўлгандан кейин сенга бўлган ҳурмат ва ишончим яна ортди. Аввалгидай ўзингга топширилган вазифаларни бажаравер.

Шагол деди:— Шоҳ аввалги аҳдига вафо қилмай, душманларнинг уйдирмаларига ишонди. Бундан кейин шундай ҳодиса рўй бермайди деб ким айта олади...

Шер деди:— Бу ҳақда гапириб ўтиришга энди ҳожат йўқ, чунки сенинг ҳурматнинг ҳам тушмади, мансабиниң ҳам пасаймади. Шунингдек, менинг сенга бўлган ишончимга путур етгани ҳам йўқ. Ўзингни қўлга олиб иш бошла.

Шагол жавоб берди:— Бу сафар жоним саломат қолди. Лекин дунёни баҳил, разил ва оғзи катта одамлардан тозалаш жуда ҳам қийин. Шоҳ мендан марҳаматини дариг тутмас экан, рақибларнинг ҳасад ва адовати камаймайди. Шоҳнинг улар сўзига қулоқ солғанларини бир дафъа кўрганлари учун улар яна янги туҳматлар ёғдиришдан, янги бўхтонлар тўқишидан қайтмайдилар. Фитна-фасодчиларнинг бўхтон ва ифтиrolарига қулоқ осган ва халқнинг фалокатга тушишини истайдиган, найрангбозлар ишининг томошабини бўлган бир шоҳга хизмат қилиш ўзини-ўзи ўлим гирдобига отиши билан баробардир. Шундай шоҳга хизмат қилмоқ керакки, унинг қалби дарёдек кенг, иродаси тоғдек мустаҳкам бўлсин. На хиёнат бўронлари уни тўлқинлат

олсин, на ғазаб зарбалари уни жойидан қўзгата билсин...

Шер деди:— Сенинг сўзларинг тўғри ва ибратлидир. Лекин бу гап менга қаттиқ тегяпти.

Шағол деди:— Шоҳ рақибларининг ёлғон сўзлари га ишонганида бундан ҳам қаттиқ гапларни айтган эди. Қуруқ туҳматларга қулоқ солсан одам энди тўғри ва самимий сўзлардан аччиқланмаслиги керак.

Шер деди:— Бу ҳам тўғри, лекин ишингни дикқат билан текшириб, сени ўлим гирдобидан кутқариб қолган мен эдим-ку.

Шағол деди:— Аммо шуни ҳам унумаслик лозимики, шошилинч ҳолда ўлдиришга ҳукм чиқарган шу шоҳнинг ўзи эди.

Шер деди:— Биласанми, хатога кетиб ўлимга маҳкум этилган одамга янгидан ҳаёт бериш энг буюк яхшилик ва энг катта савоб ҳисобланади.

Шағол деди:— Қанча узоқ умр кўрсам-да, шоҳнинг менга қилган бу лутф ва марҳаматини қайтара олмайман. Айниқса, қатл этиш ҳақида ҳукм эълон қилингандан кейин афв этилиб оқланганилгим шоҳнинг шувактга қадар менга қилган яхшиликларидан, берган инъомларидан қўмматлидир, лекин шоҳ шуни ҳам биладики, мен унга содик қулдек садоқат билан хизмат қўлиганиман, ундан ҳеч нарсани, ҳатто жонимни ҳам аямаганман... Бу сўзларни айтишимдан мақсад менинг ишимда хато қилганини шоҳнинг юзига солиш эмас. Лекин мен нодон ва жоҳил одамларнинг ҳунар эгаларини кўришга кўзи йўқ эканлигини айтмоқчиман. Ҳақиқат ахир юзага чиқади. Ҳақ ҳамини голиб келиб, ноҳақ маглуб бўлади. Лекин бунга қарамай, душманлар яна сизда шубҳа уйғотиб, шоҳ билан менинг орамга совуқчилик солмасалар деб қўрқаман. Йўқса мен ҳамиша шоҳнинг хизматида камарбаста бўлар эдим.

Шер сўради:— Душманлар менда яна қандай шубҳа туғдиришлари мумкин?

Шағол деди:— Улар, сиз шағолни азоб-уқубатларга солдингиз, энди у сизга нисбатан юрагида кин сақлайди, деб айтишлари, кўнглингизда шубҳа уйғотишлари мумкин. Айниқса ўзининг содик қулини хафа қилган, унинг мансабини пасайтирган ёки душманини баланд вазифага қўйган шоҳларда жуда тез гумон туғдириш мумкин.

Албатта, ақлли одамлар биладиларкӣ, бир хизматчи сида камчилик борлигини кўрган шоҳ ўзини маҳкам қўлга олиб, уни тўғри йўлга солса, гап ташийдиганларнинг, бўхтончиларнинг сўзларига қулоқ солмаса, бу хизматчисининг юрагида кин ва гина қолмайди. Чунки ҳеч бир содик, истеъдодли хизматчи йўқки, ҳеч бир хатога йўл қўймаган, унга ҳасадчи дўстлари бирон мусибат етказмаган бўлсин...

Шер деди:— Сўзларинг ҳақиқатан ҳам жуда маъноли ва ҳикматлидир. Ҳақиқатан олижаноб эканлигинг маълум бўлди. Энди бор, ҳеч нарсадан қўрқмай, ишингни бошлаб юбор. Бундан буён сендан шубҳаланиш ва бадгумон бўлиш ҳеч мумкин эмас... Биз сени жуда яхши билиб олдик. Бундан сўнг сенинг ҳақингда садоқат ва самимиятдан, инсоф ва муруватдан бошқа ҳар нима десалар, ҳаммаси ёлғон, бошдан-оёқ ифтиро ва бўхтон ҳисобланади. Бекорчи фикрларга берилб кўнглингни бузма. Бизнинг ишонч ва эътиқодимизга ҳеч шубҳаламма...

Шер шундай ажойиб сўзлар билан шағолнинг юрагини забт этиб, уни ўз вазифасида қолишига кўндириди. Шағол умрининг охиригача роҳат ва фароғатда, нозу неъмат ичиди яшади.

Шоҳлар билан унинг яқин одамлари орасида рўй берадиган ҳодисаларга оид ҳикоя мана шундан иборат...

## ОНА ШЕР, ШАГОЛ ВА ОВЧИ БОБИ

Рожа деди:— Шоҳлар билан мулозимлар ўртасида юз берган мажаролар ҳақидаги, мамлакатни идора қилиш ишларини тартибга солмоқ учун жафо чеккан ва тұхматта учраб зулм күрган содиқ хизматчига ишониб, яна аввалғи мұносабатини тиклагани ҳақидаги ривоятни әшият дим... Энди ўз роҳатини күзлаб, бошқаларға азият берган, аммо бошига күлфат тушгандан кейин ақалли одамларнинг маслағатига қулоқ солиб ўзини оғир ахвоздан қутқара олған бир кимса тұғрисида ҳикоя айтис берсанғ.

Бараҳман деди:— Яхшилик билан ёмонлик, фойда билан зиённинг фарқига бормайдыган аҳмоқлардан бошқа ҳеч ким ўзгаларға азоб беришни ўзларигараво күрмайдилар. Ёлғиз жоҳилларгина ўз ишларининг нима билан тамом бўлишини била олмайдилар. Ақалли одам ўзигараво кўрмаганин ўзгага ҳамраво кўрмайди.

Билмоқ лозимдирки, ҳар бир ёмонликнинг бир жазоси бор. Ёмонлик қилган одам албатта ўз жазосини тортиши керак. Ўз ёмонлигини ниқоблаган, ҳийла ишлатиб, ўзини яхши кўрсатган, зоҳиран ўзини халқа хайриҳоқ қилиб кўргазиб юрган одам албатта эртами, кечми қилмишларининг ажрини кўради. Бундай одам ёлғиз жазосини тортгандан кейингина ибрат дарсини олиб фойдали ишларга майл кўрсатадиган бўлиши мумкин. Бунга мисол қилиб она шер, шагол ва овчи ҳикоясини келтирса бўлади.

Рожа сўради:— У қандай ҳикоя?

Ҳикоят. Бараҳман деди:— Ҳалаб вилоятида бир ўрмон бўлиб, унда бир баҳайбат она шер яшар эди. Унинг

қиладиган иши ҳамиша қон тўкиш эди. Унинг Қорақулоқ деган мулозими шернинг ситамкорлиги ва қонхўрлиги оқибатидан жуда қўрқар эди. Ўйлаб-ўйлаб унинг хизматидан кетишга қарор қилди.

Бир куни Қорақулоқ она шер ўрмон четига чиқиб ўтирган эди, бир сичқонцинг жаҳду жадал билан дараҳт томирини кемираётганини кўриб қолди.

Дараҳт тилга кириб унга деди:— Эй дилозор ва ситамкор! Нима учун жоним ришталарини қирқяпсан?

Сичқон унинг нолаю зорига эътибор бермай, ўз ишини давом эттираверди. Ногоҳ бир бурчакдан бир илон чиқиб, сичқонга ҳамла қилди ва бир дамда ютиб юборди. Қорақулоқ бу воқсадан «дилозорнинг жазоси озор экан», деган хулоса чиқариб олди.

Шу вақт бир тарафдан типратикан келиб, илоннинг думидан тицилади-ю, бошини ичига тортиб гужанак бўлиб олди. Илон жаҳл билан унга ўзини ура бошлагаң эди, аъзойи баданини тиканлар пора-пора қилиб юборди. Илон ўша заҳоти ўлди. Қорақулоқ бундан ибрат дарси олди. Илон ўлгач, типратикан бошини чиқариб, унинг яхши-яхши жойидан танлаб еди. Қорни тўйгач, дараҳт соясида контокдек бўлиб юмалаб, ҳузур қилиб ётган эди, ногоҳ бир оч тулки келиб қолди. Типратиканнинг найзалиридан қўрқиб, уни ҳийла билан ўлдирмоқчи бўлди. У типратиканинни ағанатиб қорнига ёзилди. Типратикан ёмғир ёғяпти шекилли деб ўйлаб, бошини чиқарган ҳам эдикни, тулки бир ҳамла билан уни чўрт узди, бўшашиб, қорни очилиб қолган типратиканни иштача билан еб олди. Шу вақт бўрига ўҳшаган ваҳший бир ит келиб, тулкини турган ерида бўғиб, унинг гўшти билан очлигини қондирди.

Қорақулоқ бу ажойиботларни кўриб ҳайрон қолиб ёттар эди.

Ит энди дам олишга ҳозирлик қўраётганда бир қоплон келиб, унинг сийнасидан олди. Қоплон ҳали итни туғатмаган ҳам эди, овчи келиб, бир ўқ билан уни жо-бажо қилди. Қоплоннинг жони ҳали узилмаган эди, у ердан бир отлиқ ўтиб қолди. Унга қоплоннинг териси ёқиб қолиб, овчи билан уриша бошлади. Қилич солиб овчининг бошини танидан жудо қилди ва қоплоннинг терисини олиб йўлга тушди. У юз қадам ҳам юрмаган эди, оти қоқилиб, ерга йиқилди. Гардани синиб, у шу он ҳалок бўлди.

Қорақулоқ бу воқеаларни кўргандан сўнг шер нинг ҳузурига келиб, сафар қилмоққа уйдан ижозат сўради.

Шер деди:— Менинг давлатим соясида осойишта ҳаёк кечиряпсан. Инъомимдан баҳрамандсан, тагин нима учукетмоқчи бўлиб қолдинг?

Қорақулоқ деди:— Агар кетмасам, ғамдан юраги ёрилишга етди, айтсан бошим хатарда. Агар омон қојдиришга оят ичсанг, айтиб бераман.— Шер уни омс қолдиришга сўз берди.

Қорақулоқ деди:— Қилаётган ишларинг халойиқ озор ва бегуноҳларга ситам эканлигини кўриб турибма! Ўнинг оқибатидан кўрққанимдан хизматинги тарқ эмоқчиман. Сен туфайли менинг бошимга ёмон кунла келиши мумкин. Бу дунёни тоққа ўхшатадилар. Ўни орасида туриб нима деб бақирсанг, ўша сўзнинг аксадосини эшитасан...

Мен бугун бирорларга озор етказган кимсанинг абатта жазога мустаҳиқ бўлишининг шоҳиди бўлдим, деб ўз кўзи билан кўрганларини бирма-бир шерга айти берди.

Шер жуда мағрур ва ғазабиок бўлгани учун Қорақулоқниятини насиҳатлари унинг қулогига кирмади. Шундекейин Қорақулоқ шернинг хизматини тарқ этиб йўл чиқди. Ғазабидан тушмаган шер унинг изидан бораведи. Қорақулоқ буни сезиб, ўзини қалин тикинзор ичи олди. Шер уни кўрмай ўтиб кетди. Қаршисида бир охнинг икки боласи ўтлаб юрар, меҳрибон онаси эса улар кўриқлаб турар эди. Она оҳу шерни кўргач, фарёд қилдеди:

— Бу икки норасида гўдакни еганинг билан тўймасан. Ялинаман, нуридийдаларим фироқида мени йиғлама, бағримни қон қилма! Ахир сенинг ҳам фарзаи ларинг бордир. Уларга ҳам бало етиши мумкин, ўзи ҳам жазосиз қолмагайсан.

Ҳақиқатан ҳам шернинг икки боласи бор эди. Шоҳу болаларига қасд этиб турганида, бир овчи уни болаларига камонини тўғрилаб турган эди. Бу ерда она оҳунинг нолаи зорига боқмай, унинг болаларини е. у ерда эса, шернинг икки боласини овчи отиб, териси шилиб кетди. Шер келиб ўз фарзандларининг ўлдганликларини кўргач, юрак-бағри ўртаниб зор-зор йади.

Шернинг бир шағол қўшниси бор эдий. У шер қошиға келиб деди:— Нима бўлди, нега мунча фарёд қиласан?

Шер бўлган ҳодисани айтиб берди.

Шағол деди:— Ҳар бир нарсанинг аввали ҳам, охири ҳам бўлади. Умр ниҳоясига етиб, ажал келганда, унинг чорасини кўриб бўлмайди. Дунёнинг иши шундай. Ҳар бир ғам орқасидан шодлик, ҳар бир шодлик орқасидан кулфат келади. Оталаримиз, қазонинг ишига чидашдан бошқа чора йўқ, деганлар... Етар, қўй, оҳу фифон кўтarma. Қилган ишларингни кўз ўнгингга келтир. Сен бошқаларга бундан ҳам оғир кулфатлар етказгансан. Ким нима қилса, ўша нарса унинг олдига келади. Агар сен бу ёвуэзилкларингга барҳам бермасанг, бундан ҳам кўп мусибатлар кўрасаи. Роҳатда яшамоқчи бўлсанг, ўзингдан заифларга азият берма.

Шер деди:— Кўрқмай, фикрларингни очиқроқ баён эт.

Шағол сўради:— Сен неча ёшга кирдинг?

Шер жавоб берди:— Юзга.

Шағол сўради:— Сен бу юз йил ичида нима билан озиқландинг?

Шер жавоб берди:— Ҳайвонларнинг ва инсонларнинг гўшти билан.

Шағол деди:— Хўп, йиллар давомида сен еган бу ҳайвон ва инсонларнинг ота-опалари йўқми? Айрилиқ ва ҳижрон дарди уларнинг қалбларига ўт ёқиб, юракларига дөғ солмаганимкин? Агар қон тўкиш билан машғул бўлмаганингда, бундай бир мусибат сенинг бошиннинг тушмас эди...

Шер бу сўзларга сабр билан қулоқ солиб, уларнинг тўғри эканлигини англади. Қонхўрликдан воз кечиб, гўштемоқни тарқ этди ва мевалар билан кун кечира бошлидади.

Шағол ўз насибаси бўлган меваларнинг озайиб кетаётганини кўриб жуда хафа бўлди. Уларни шер еб қўяётганилигини билиб деди:— Қорин тўйдиришнинг хўп осон йўлини топиб олибсан. Энди сен ўзингдан заиф ҳайвонларнинг насибасини тортиб ола бошладинг. Сенга мева чидайдими? Сал ўтмай барча мевалар тугайди, кўп ҳайвонлар очликдан ҳалок бўладилар. Чунки уларнинг таомларига даҳшатли бир шерик пайдо бўлди. Сенинг гўшт ейишинг жониворларни даҳшатга солгандек, мева ейишига ўтишинг ҳам уларни ташвишлантиромоқда. Барич

Бир сейдан халқа аввал ҳам зулм ва ситам етар эди, ҳозир ҳам. Сенинг ахволинг маймуннинг мевасини еб қўйган чўчқанинг ҳолига ўхшайди.

Шер сўради:— Чўчқага нима бўити?

Ҳикоят. Шағол деди:— Бир маймун ўз ҳамжинларидан четланиб, ўрмоннинг бир бурчагида яшар эди. Бу ўрмонда бир неча анжир дараҳти бўлиб, улар фақат ёздагина ҳосил берар эдилар. Маймун ҳар куни анжир қоқиб тўйгунича ер, қолганини қуритиб қилига ғамлаб қўяр эди.

Маймун бир куни ўз одати бўйича апжар дараҳтига чиқиб анжир тераётганида тасодифан бир чўчқа овчидан қочиб, бу ерга келиб қолди. Маймуннинг кўзи чўчқага тушиб, кайфи учиб кетди. Чўчқа ҳам маймунни кўриши билан марҳабо, деб салом берди. Маймун эса истеҳзо билан деди:

— Агар илгарироқ одам юбориб хабар берсалар эди, зиёфат тайёргарлигини кўриб қўяр эдик. Энди яхши кутиб олмасак, айбга буюрмагайсиз.

Чўчқа деди:— Мен узоқ йўлдан келяпман, нима бўлса ҳам иштаҳа билан ейман. Такаллуф қилмай, бор нарсангни олиб кел.

Маймун анжир қоқиб берди. Чўчқа иштаҳа билан еб олди, лекин тўймади. У маймунга деди:— Эй мезбон, қорним тўймади, нафсим қонмади, бошқа дараҳтни қоқиб бер.

Маймун оғрина-оғрина яна бир дараҳтни қоқиб берди. Чўчқа ҳаял ўтмай ҳамма анжирни еб тугатди, кейин бошқа дараҳтга ишора қилди.

Маймун деди:— Эй азиз меҳмон, инсофии унутма. Бир ойлик овқатимни сенга бердим. Бундан ортиқ карам кўрсата олмайман.

Чўчқа ғазабга келиб деди:— Сен неча йиллардан бери бу ўрмонда яшаб, меваларни еб келасан. Энди ўрмондаги меваларнинг барчаси менинг насибамдир.

Маймун деди:— Бирорвоннинг мўлкини зўрлик билан олиш шумлик ҳисобланади. Зўравонликнинг оқибати яхши бўлмайди. Заифларга озор бериш, бегуноҳларни ранжитиш яхши эмас.

Чўчқанинг жаҳли чиқиб:— Мен сени ҳозир дараҳтдан тушириб, жазонгни бераман,— деди ва дараҳтга тирмашди. Бир шоҳга оёқ қўйган эди, шоҳ синиб чўчқа йиқилиб тушди ва ҳалок бўлди.

Бу масални шунинг учун көлтиридимкӣ, сен ҳам чўчқага ўшаб, бошқаларнинг ризқини зўрлик билан тортиб олсанг, жамоат очликдан ўлса, сен ҳам жазонгни тортасан.

Шер бу сўзларни эшитгандан сўнг, мева емоқни ҳам тарк этди, тоат-ибодат билан машғул бўлди.

Инсонларга азият бериб, қилган ишйининг оқибатини тушуммаган, ўз бошига фалокат келтандан кейингина хатосини англаб, зулмни тарк этган одам ҳақидаги ағсона шундан иборатдир.

## ЗОҲИД ВА МЕҲМОН БОБИ

Рожа бараҳманга деди:— Бошқаларга зулм қилиб, ўзига баҳтсизлик юзлангандан кейингина тавбасига таянган одам ҳақидаги масални эшидим. Энди шундай бир қисса айтиб берсангки, унда ўз ҳунарини қўйиб бошқа бир ҳунарга ёпишган, сўнгра бу янги машғулотнинг уддасидан чиқа олмасдан ўзининг аввалги ҳунарига қайтишин истаган, лекин уни ҳам эплай олмай аросатда қолған одам ҳақида ҳикоя қилинсин.

Бараҳман деди:— Ҳар ишнинг ўз одами бор. Ким ўз қўлидан келадиган ишни ташлаб, қўлидан келмайдиган бир ишга ёпишса, албатта муваффақиятсизликка учраб расво бўлади, кейинги пушаймони ёрдам бермайди. Дейдиларки: «Ҳунар ёддан чиқмаса-да, лекин нозик томонлари унтилиди». Инсон ўз ишни яхшилаб ўрганиб, уни ҳеч қачон қўлдан бермаслиги керак. Бўлмағур хаёлларга бериллиб шоҳдан-шоҳга қўйнамаслиги, ҳар қандай гулнинг гўзаллигига учмаслиги керак. Бунга мисол қилиб, қуидаги ҳикояни келтириб бўлади.

Рожа сўради:— У қанақа ҳикоя?

**Ҳикоят.** Бараҳман деди:— Қинуч деган вилоятда тоату ибодат билан машғул бўлган бир зоҳид яшар эди. Бир куни унинг уйига меҳмон келди, зоҳид уни самимий кутиб олди. Ҳол-аҳвол сўрашгач, меҳмоннинг қаердан эканлигини ва қаерга кетаётганлигини суриштириди.

Меҳмон жавоб берди:— Саргузаштларим жуда узун. Сизга малол келмаса, айтиб берай.

Зоҳид деди:— Кимки қиссага қулоқ солса, албатта, унинг ҳар биридан ўзига ҳисса олади. Кўрган-билганла-

рингизни ва ҳар бир сафардан олган фойда ва зааранингизни сўзлаб беринг.

Меҳмон деди:— Менинг аслим фарангdir. Ўз юртимда оғир меҳнат билан тириклигимни ўтказаман. Менинг бир дехқон дўстим бор эди. У менга ёрдам қилиб, қарзга ғалла бериб турар, пулимни бер, деб шоширмас эди. Бир куни мени ўз боғига чақириб меҳмон қилди ва қизғин суҳбат асносида мендан сўради:— Сен ўз касбингдан қанча фойда оласан? Сармоянг қанча-ю, фойданг қанча?

Мен ўз аҳволимни қисқача баён қилиб дедим:— Дўконимдаги дастмоям йигирма харвар<sup>1</sup> ғалладир, ундан оладиган фойдам онламга стиб туради.

Дехқон деди:— Иўғ-э, фойданг кўпроқ бўлса керак?

Мен дедим:— Сенинг ҳунаринг қанча фойда беради?

У жавоб берди:— Менинг дастмоям кам бўлмаса ҳам фойдаси бениҳоядир. Озгина уруғ сепиб кўп ҳосил оламан.

Мен ҳайрон бўлдим ва дедим:— Қандай қилиб?

Дехқон деди:— Таажжуб қилма, бир дона бошқоқ ҳеч нарса эмас, лекин ундан анча буғдои ундириб олса бўлади. Касбим жуда фойдали.— Дехқоннинг бу сўзларини эшигандан сўнг дўконни беркитиб дехқончилик қилмоқчи бўлдим.

Буни маҳалламиздаги бир шайх эшитиб қолиб, мени чақиртириди ва деди:— Сен ўз касб-корнинг қаноат қил. Ундан ортиғини истама. Ҳирс шумллик келтиради.

Мен дедим:— Эй шайх, мен фойдаси кўпроқ ин билан шуғулланмоқчиман. Шунда тириклигим осонлик билан ўтади деб ўйлайман.

Шайх деди:— Кўп муддатдан бери шу касбинг билан кунинг ўтиб турибди. Дехқончилик куч ва меҳнат талаб қиласи. Соддалик қилма ва ўз ишингни ташлама. Кимки ўз касбини ташлаб, номуносиб ишга ёнишса, қарғанинг бошига тушган савдо унинг ҳам бошига тушади.

Мен сўрадим:— Қарғанинг бошига нима савдо тушибди?

**Ҳикоят.** Шайх деди:— Бир кир юувучи бор эди. У ҳар куни сув лабида кир ювар ва ўша сувда қурт-кумурсқаларни тутиб еб юрадиган бир ғозни кўрас эди. Бир куни бир лочин семиз какликни тутиб келиб, гўштидан бир оз еди-да, қолганини ташлади. Буни кўриб ғоз

<sup>1</sup> Бир эшак кўтарадиган юк (овирлик ўлчови).

ўзига ўзи деди:— Бу құш-кічкина жүссаси билан катта құшларни тутиб ейди, мен бұлсам шу шакл ва ҳайбатим билан майда-чүйда нарсаларга қаноат қилиб юрибман. Энди каттарөқ кабутар, какликлар тутишга ҳаракат қилдай.

Шу вақт бир кабутар сув лабига құнмоқчи бұлған эди, фоз унинг кетидан құвди. Аммо кабутар чап беріб учіб кетді. Фоз сув лабига йиқілди, оёғи лойға ботиб қолди. Қутулишга ҳаракат қилиб зұр берған сари баттарроқ бота бошлади, кир юувучи югуриб келиб уни ушлаб олди-да, уйига олиб кетди. Иұлда учраган бир дұсти ундан сүради:

— Құлингдаги нима?

Кир юувучи деди:— Бу лочин ишини құлмоқчи бұлған фоз. Ұз әхтиёжидан ортиқча нарса кетидан югуриб ұз ҳаётини барбод қилди.

Бу масални шунинг учун келтирдімки, билиб қўй: ұз ишинг билан машғул бўлмай, сенга тўғри келмайдиган ҳунарга ёпишмоқчи бўлсанг, оқибати худди шундай бўлади.

Шайх бу масални айтіб бергандан кейин, дехқончиликни яна ҳам ортиқроқ орзу қила бошладим. Унинг сўзларини қулоққа олмадим. Ұз ишимни ташлаб, дехқончик билан шуғуллана бошладим. Дон сепиб, ҳосилини кутиб ўтиредім. Бу орада оиласмининг рўзгори танг бўлиб қолди, чунки дўкондан ҳар куни озгина фойда қўлга киритиб, уйга харажат қиласр эдим, энди эса ҳосил олгунча ярим ийл кутишим керак бўлди. Ұз-ўзимга дедим:— Катта хато қилдим. Улуғлар сўзига қулоқ солмадим. Яхшиси бирорда озроқ пул қарз олиб, аввалги ишимни бошлаб юборай. Шундан кейин шаҳарда ўзига тўқ бир одамдан пул қарз олиб, яна дўкон эшигини очдим. Гумашта солдим. Ұзим гоҳ дехқончилик билан, тоғ дўкон иши билан шуғулланар эдим. Шу аҳволда иккі ой ўтди. Бир куни далага чиқиб кетган эдим, гумашта хиёнат қилиб дастмоямни уриб кетибди. Қўлимда қолган пул қарзни тўлашга ҳам, кун кечиришга ҳам етмас эди. Фурратни ғанимат билиб, бир кун кечаси шаҳардан қочиб кетдим. Қўп ранжу аламлар тортиб узоқ жойларга бордим. Бир қанча вақт ўтгандан кейин бола-чақам ўлиб кетганини эшийтдим. Үй-жойим ва қолган бисотимни қарз бергандар бўлишиб олибдилар. Мана энди мен ватанга қайтмоқдан ноумид бўлиб, манзил-

ма-манзил саргарддон бўлиб юрибмән. Ву саргўзаштларимнинг бир шингилигинаadir.

Зоҳид деди:— Сўзларинг ростга ўхшайди. Неча йиллаб ватандан узоқда— жудолик дардини тортиб, сафар машаққатини чекибсан, аччиқ-чучукни тотиб, яхши тажрибалар орттирибсан. Бундан кейин фарогат билан яшагайсан.

Сұхбатдан сўнг зоҳиднинг буйруғи билан келтирилган хурмони ея бошладилар.

Меҳмон деди:— Бизнинг ерларда жуда ширин ве лаззати мевалар кўп. Хурмо бир оз бадҳазм бўлса ҳам, лекин фоят ширин мевадир. Ағсуски, бизнинг вилюятларда ўスマйди.

Зоҳид деди:— Хоҳлаган нарсасига муҳтож бўлғанини баҳти деб бўлмайди. Орзу қилған нарсасига эришмаган одам саодатманд эмас. Ёлғиз орзу қилиш билангина қаноатланиб, унга эришиш учун ҳаракат қилмаслик ақлга хилофдир.

Зоҳид ўтқир нотиқ эди. Арамий тилини яхши биларди. Унинг бу тилда жуда чиройли сўзлаши меҳмонга ёқди. Меҳмон бу тилни бilmаса ҳам кўпинча шу тилда сўзланг, деб зоҳиддан илтимос қиласр эди. Зоҳид фасоҳат ва балогат билан меҳмонга шу тилда гапирап эди. Охири меҳмон уни ўрганиши орзу қилиб қолди.

Бир куни у зоҳидга деди:— Эмон кўздан асрасин, жуда чиройли гапирасиз. Мен шу вақтгача бундай фасоҳати бир сўз, бундай балогатли бир жумла эшийтмаган эдим... Сиздан илтимос қиламан: менга шу тилни ўргатсангиз.

Зоҳид деди:— Жоним билан. Бизнинг тилимизни ўрганиши хоҳлаганингиз учун фаҳрланаман, агар жазминиг қатъий бўлса, мен меҳнатимни аямайман.

Меҳмон узоқ муддат бу тилни ўрганиши билан машғул бўлди. Қўп вақт сарф этди, кўп азият чекди. Лекин ҳеч нарса чиқмади. Бир куни зоҳид унга деди:— Бу жуда қийин иш... Кучи етмаган ишга ёпишган ва ўзига ярашмаган кийим кийган одам кулги бўлади. Қимки она тилини унутиб, ота-боболарнинг одат ва анъаналарини тарқ этса шундай бўлади.

Меҳмон деди:— Аждодларининг заарарли одатлариға тақлид этмоқ ҳам нодонликдир. Фазилат әгаларининг билим ва ҳунарларини ўрганмоққа интилиш ғаса етукликдан далолат беради.

Зоҳид деди:— Мен ўз бурчимни бажардим. Айтиш мумкин бўлган гапларнинг ҳаммасини гапириб ўтдим. Сиз тағин каклик юришини ўрганмоқчи бўлган ғозга ўхшаб қолманг.

Меҳмон сўради:— Унга нима бўлган экан?

Ҳикоят. Зоҳид деди:— Бир кун бир ғоз бир какликни кўрди. Унинг ноз ва ғамза билан юриши ғозга ёқиб қолди. У ҳам какликнинг юришини ўрганмоқчи бўлиб, унинг изидан қолмасдан бутун ҳаракатларига тақлид қилди, лекин бундан ҳеч нарса чиқмади. У какликнинг юришини ҳам ўргана олмади, ўз юришини ҳам унуди.

Бу масални шунинг учун келтирдимки, яхшилаб би-диги олинг: бекорга ўзингизни ўзингиз қийнаб юрмайт, арамий тилини ҳам ўргана олмайсиз, ўз она тилингизни ҳам унутасиз.

Айтибдурлар: энг нодон одамгина қўлидан келмайдиган ишга ёпишади. Бу масалада айниқса шоҳлар эҳтиёт бўлишлари керак. Раият аҳволини яхшилаш, душманларни тор-мор келтириш фикрида бўлган ҳукмдор истеъдодсиз, қўлидан иш келмайдиган шахсларни ўзларига муносиб бўлмаган вазифаларга қўймаслиги ва хизматчиларнинг бир вазифадан иккинчи вазифага қўчаверишларига йўл қўймаслиги керак. Давлат ишларидан ҳар одамнинг ўз ўрнини тўғри белгилай олиши буюк маҳорат талаоб қиласди.

Истеъдодсиз, нодон ва разил одамлар юксак мавқега чиқиб олишга уринсалар, бу нарса одат шаклига кирса, идора ишларидан бузғуналлик рўй беради, ахлоқ бузилади ва пасткаш одамлар билан истеъдодли одамдар орасида низо бошланади. Натижада подшоҳларга итоатсизлик каби хатарли ҳодисалар юз беради.

Ўз ҳунарини ташлаб қўлидан келмайдиган ишга ёпишган одамнинг қандай аҳволга тушиши ҳақидаги ҳикоя шундан иборат.

## БИЛОР ВА БАРАҲМАНЛАР БОБИ

Рожа деди:— Ўз ҳунарини ташлаб ҳар мақомга йўрғалаган, натижада ҳеч нарсага эришолмаган одам ҳақидаги ҳикояни эшитдим. Энди менга мамлакатни идора этиш ва давлатни мустаҳкамлаш учун подшоҳларнинг қандай хусусиятларга эга бўлишини, беозорлик, саховат ва шиҷоатдан қайси бири энг яхши фазилат эканлигини баён қилувчи ҳикояни лутфан айтиб берсанг.

Бараҳман деди:— Шоҳларнинг қудрат ва шавкатидан далолат берувчи нарса беозорлик ва донолиkdir. Айни замонда у халқнинг осойишта яшашлиги ҳам давлатнинг мустаҳкамлиги учун энг зарур хосиётдир... Чунки саҳиyllик билан бирор тоифани рози қилиш мумкин, шиҷоат эса ҳар доим керак бўлавермайди. Беозорлик ва донолик эса ҳамма вақт, ҳам жамоат билан муоммалада, ҳам лашкарни ва раиятни идора этишда даркор бўлади... Беозорликнинг асосий шарти ақлли ва тажрибали одамлар билан маслаҳатлашмоқ, нодон ва жоҳил одамлардан қочмоқдир... Чунки ҳеч нарса ишонга дўстлик каби кучли таъсир эта олмайди. Шунинг учун ҳам оталар дебдурлар: «Сен дўстингнинг кимлигини айтиб бер, мен эса сенинг кимлигингни сўзлаб бераман».

Саҳиyllиги билан бутун дунёни олтинга тўлдирган, шиҷоат билан урушларда голиб чиққан киши беозорлик хислатидан маҳрум бўлса, бир ножӯя ҳаракат билан буларнинг ҳаммасини йўқقا чиқариб юбориши мумкин. Лекин саҳиyllиги ва жасурлиги бўлмаса ҳам мулойим ва доно бўлса, шу билан ҳамманинг кўнглини олиши, ҳатто душманин ҳам бартараф қилиши мумкин. Шуни-

си ҳам борки, биргина беозорликнинг ўзи етмайди, беозорлик ирода ва қатъият билан бирга бўлса яхши, бу ҳислатлар бўлмаса беозорликнинг ўзи нуқсон ҳисобланади. Агар шоҳ бу нарсани назаридан қочирса, унинг ҳаётдан олган лаззати, мамлақатни идора этиш ишларида қозонган муваффакиятлари арзимаган бир ғазаб туфайли йўқ бўлиб кетади. Маълумки, шоҳларнинг баҳт-толеи уларнинг ақл ва камолига, вазирларнинг тадбир ва садоқатига боғлиқдир. Подшоҳ олим ва беозор бўлса, унинг вазири маърифатли бўлса, у барча мурод-мақсадларига эришиб, ҳар ишда ғалаба қозонади. Кайси тарафга юз ўгирса, зафар, баҳт ва давлат унинг кетидан юради. Бутун қулоқлар унинг овозига, кўзлар унинг ишорасига мунтазир бўлиб туради. Агар подшоҳ ақлли вазирнинг тадбир ва маслаҳатлари асосида иш олиб борса, баҳтсизлик ва фалокатдан омон қолиши мумкин. Бунга мисол қилиб ҳинд шоҳи билан бараҳманлар орасидаги можарони баён этувчи ҳикояни келтириш мумкин.

Рожа сўради:— У қандай ҳикоя?

**Ҳикоят.** Бараҳман деди:— Ҳинд вилоятларидан бирида бир Ҳемлон номли подшо бўлган. Бир куни кечаси у етти марта етти хил туш кўриб, кўрқиб уйғонди, кўйруғи қирқилган илон каби тўлғаниб, чаён чаққан одамдек бетоқат бўлиб чиқди. Тонг отгач, шоҳ бараҳманларни чақириб, кўрган тушларини уларга айтиб берди ва таъбирини сўради. Бараҳманлар шоҳнинг сўзларини диққат билан эшитиб дедилар:— Жуда даҳшатли тушлар курибсиз, агар ижозат берсангиз, биз бирор соат хилватга чекиниб, китобларга мурожаат қилсак, кейин тушлар таъбирини айтиб, нахкот йўлларини кўрсатиб берсак...

Шоҳ деди:— Боринг, ижозат!

Улар шоҳнинг ҳузуридан чиққач, хилват хонага йиғилишиб, бир-бирларига дедилар:— Бу золим шоҳ озвакт ичиди бизлардан ўн икки минг одамин ўлдирди. Энди бу тушини бизга айтиб бериб қўлнимизга тушди. Агар ўлкамизда тушни таъбир қила оладиган бирорта бошқа одам бўлса эди, у бизга мурожаат қилмаган бўларди. Энди фурсатни ғанимат билиб, жадал бир тадбир кўрмоғимиз, интиқом олмоғимиз лозим. Энг яхшиси шуки, бу тушга даҳшатли таъбир бериб, уни шундай қўрқитайликки, сўзимиздан чиқмай, нима десак,

шуни қилишга мажбур бўлсин. Биз унга шундай деяйлик: «Яқин қариндошларинг ва вазирларингдан баъзиларини ўз кўзининг ўнгидан қиличдан ўтказмасанг, фалокатни бошингдан даф қилиб бўлмайди». Агар кимларни қатл этиш зарурлигини сўраса, шундай деб жавоб берайлик: «Азиз ўғлинг, хотининг Эрондухт, вазиринг Билор, муншининг Камол, минадиган оқ филинг, энг севимли икки кул ранг филинг, сўнгра бир кечада мамлақатнинг бу бошидан кириб, у бошидан чиқиб кета оладиган т.чнг». У буларнинг ҳаммасини қиличдан ўтказгандан кейин, шу қиличини синдириб, улар билан бирга кўмиб ташласин. Сўнгра оққан қонларни бир чуқурга йиғиб, подшо унинг ичиди бир соатча ўтирсин. Чуқурдан чиққанида бизлардан тўрт бараҳман тўрт тарафдан дуо ўқиб унга дам солишлари ва баданини ювиб қондан тозалашлари керак. Шундан кейин уни кўтариб, секин-аста ўз тахтига ўтқазайлик. Агар у шу айтганларимизнинг ҳаммасини қилса, тушида кўрган гуноҳлари ювилади, агарда қилмаса, унга бир катта бало юзланади: ё подшоҳликдан маҳрум бўлади, ё ҳаётидан. Агар у бизнинг шу сўзларимизга амал қилса, ундан яхшилаб интиқом олган бўламиз. У ёлғиз ўзи қолади, кейин биз ўз ишимизни билиб қиласиз.

Улар сўзни бир ерга қўйгандан сўнг, шоҳнинг ёнига келдилар ва юқоридаги сўзларни айтдилар. Шоҳ уларнинг таъбирини эшитгандан кейин ғазабга келиб деди:— Сизнинг сўзингизга киргандан кўра ўлганим яхшидир. Ўз ҳаётимдек азиз ва ширин бўлган фарзандим ва яқин одамларни ўлдиргандан сўнг, яшамоғимнинг нима фойдаси бор? Маълумки, ҳаёт абадий эмас, ҳамманинг бошида ўлим бор. Менинг ҳам эртами-кечми, ўлишим аниқ. Сиз бундан кўра яхшироқ бошқа бир тадбир тоғинг...

**Бараҳманлар дедилар:**— Шоҳимиз соғ-саломат бўлсинлар, ҳақ сўз аччиқ ва тўғри маслаҳат оғир бўлади. Садоқатли одамларнинг насиҳатига қулоқ осинг. Машҳур масалда дебдурлар: «Кулдириб гапиргранлар эмас, ачитиб гапиргранлар сўзига қулоқ сол». Шоҳ ўз жонини ва молини ҳамма нарсадан устун қўйиши, бу ишда тарааддулланмасдан тез ҳаракат қилиши лозим... Агар шоҳ соғ бўлса, унга хотин ҳам топилади, фарзандлар ҳам. Шунингдек, ҳокимият бўлса, унга доно вазирлар ҳам топилади.

Шоҳ бу сўзларни эшитиб жуда хафа бўлиб кетди. Уларнинг ёнидан туриб уйига кирди, йигисини тўхтата олмай, қуруқликка отилган балиқдек типирчилаб ўз-ўзига дер эди: «Агар азиз ёронларимдан воз кечсам, роҳат ва фароғатдан бенасиб бўламан. Умр бевафо, инсон ҳаёти бебақо, тож, давлат ўткинчи нарсадир. Кўзимнинг нури, юрагимнинг парчаси, белимнинг қуввати, ўлимидан кейин давлатимнинг вориси бўлган ўғлимни ҳалок қилисам, менга шоҳликнинг нима кераги бор?! Давлатим душман қўлига ўтиб кетади. Ўғлим ҳам шундай бир ўғилки, унинг ақл ва фаросати кўзидан, бахт толеи эса пешанасидан кўриниб туради.

Боламнинг онаси, жамоли қўёшдек порлоқ, юзи ойдек нурағшон, суҳбати ширин, назокатли, соғ виждонли Эрондухтдан ажралсан, менинг ҳаётим заҳарга айланади-ку.

Инсонларнинг энг доноси, хунар эгаларининг энг истеъодлиси, ғаддор фалакнинг сирларидан боҳабар вазирим Билор бўлмаса, ким давлат ишларини тартибга солади, бож-хирож йифиб, хазинани ким тўлдиради?

Ўз фасоҳат ва балогати билан дунёни ҳайратда қолдирган, ҳар сўзи инжу, ҳар сатри бир марварид шодаси бўлган котиб Мирзо Камол бўлмаса дунё ҳодисаларини ким қаламга олади?!

Дунёни кўрувчи кўзим, бўлиб турган гапларни эшигутви қулоғим бўлган бу икки мулоғимим бўлмаса, мамлакатни қандай қилиб идора этиш мумкин?

Оҳу каби тез югурадиган, тош қалъа каби мустаҳкам, кучли оқ фильм бўлмаса, мен душман олдига қандай қилиб чиқа оламан?

Булут каби баҳайбат, яшиндек тез, хартумлари тоғ тепасидан тушиб келаётган аждаҳога, калласи денгиз тўлқинлари орасидан бош чиқарib турган наҳангага ўхшаган, уруш вақтида қўшиниларни сел каби олдига солиб ҳайдайдиган у икки фильм бўлмаса, мен жанг кунларида қайдай қилиб ғалаба қозона оламан?

Сабо елидек учқур у Хуросон түяси бўлмаса, мен мамлакат ишларидан қандай қилиб хабар топаман?!

Садафли дастаси осмондаги Сомон йўлидек порлаган, қайрилма тиги қаршиисида ҳеч нарса бардош бера олмаган, мамлакатимиз шон-шарафининг ҳимоячиси, чақмоқ каби кескир қиличим бўлмаса, мен нима қила оламан?!

Мен азиз, меҳрибон ёрдамчиларимни қўлдан бергандан кейин бу давлат ва юз-неъматдан лаззат ола билармидим?! Яқин одамларнинг фироғи ичиб бўлмайдиган аччиқ бир шароб, чираб бўлмайдиган оғир бир дарддир. Ёрдамчилари ва хизматчилари бўлмаган бир одам буюк ва масъулиятли ишларни қандай қилиб бажара олади?!

Хуллас, шоҳнинг фикрга толиб, изтироб чекаётганини кўрган фуқаро: «Подшоҳимиз бошига бир мусибат тушганга ўхшайди», деб гапира бошлади. Бу хабар подшоҳнинг вазири Билорга етганда, у ўз-ўзига деди:— Шоҳ мени чақирмади, шунинг учун мен ўзим унинг ёнига бориб ҳол сўрасам, яхши бўлмайди, мулоғимлик расмодатларини бузган бўламан. Бепарволик қилисам, вағосизлик бўлади.

Кейин у, шоҳнинг хотини Эрондухтнинг қошига борди ва деди:

— Ажиб бир воқеа юз берганга ўхшайди. Шу вақтгача шоҳ бирорта сирни мендан яширмаган эди. У мен билан маслаҳатлашмасдан ҳеч иш бошламас эди. Лекин охириги вақтда у бир-инки марта бараҳманларни ўз ҳузурига чақирди ва улар билан суҳбат ўтказди. Шундан кейин ғамбода бўлиб қолди. Сиз бу ўлканинг маликаси, қўшин ва халқнинг умидисиз. Шоҳнинг саховат ва қарамидан кейин ҳамма сизнинг марҳамат ва шафқатингизга кўз тутади. Бу ҳийлакор бараҳманлар бир иш қилиб қўйиб, унинг охири расволик ва пушаймонлик билан тугамаса деб қўрқаман. Сиз шоҳнинг ёнига бориб, нима гап ўтганилигини билиб, менга хабар қилинг, мен шунга қараб тадбир кўрай.

Эрондухт деди:— Шоҳ билан орамизда бир гап ўтган эди. Шунинг учун мен унинг ёнига кира олмайман.

Билор деди:— Шоҳ шу қадар изтироб чекаётганида раиятнинг гина сақлашига ҳақи йўқдир. Мен айтган нарсани сиздан бошқа ҳеч ким бажара олмайди. Мен бир неча марта шоҳнинг: «Хафа бўлган вақтларимда Эрондухт ёнимга келса, ҳурсанд бўлиб кетаман», деганини эшитганиман. Боринг, сирини билиб олинг. Шу билан бутун сарой аҳли, шоҳ мулоғим ва маҳрамлари олдida катта иш қилган бўласиз.

Эрондухт рози бўлди. У шоҳнинг ҳузурига кириб, таъзим қилди ва деди:— Нега бунчалик фикр дарёсига фарқ бўлибсиз, у малъун бараҳманлардан нимаики

Эшитган бўлсангиз, ҳаммасини айтиб беринг. Фуқаролар ҳам сиз билан ҳамдард бўлснилар.

Шоҳ деди:— Бу шундай нарсаки, уни эшитсанг, дору дунёng қоронги бўлиб кетади, унинг учун сўрамай қўя қол.

Эрондухт деди:— Шоҳимни хафа қилган бир сабаб бор. Агар шундай сабаб бор бўлса, сиздан жонини аймайдиган дўстларингиз билан маслаҳатлашинт. Сабр ва совуққонлик инсоннинг энг яхши фазилати эканлигини шоҳим билади. Айтибдурларки: «Мусибат тўзимли одамга бир, тўзимсиз одамга эса икки ҳисса оғир тулади». Сизнинг ғамгин бўлишингизга ҳеч бир асос йўқ. Нима истасангиз ҳаммаси бор. Ҳамма сизнинг фармонингизга муте, амрингизга тобе.

Катта ҳодисалар рўй бергандага ақл билан фалокатнинг олдини олган, саросимага тушмаган одам баҳтиёрdir. Инсон ожиз қолган вақтда яқинлари билан маслаҳатлашиб керак. Ақл ва иродага таянмаган одам бундай пайтларда најжот топа олмайди.

Шоҳ деди:— Агар төғнинг қулоғи бўлса-ю, бараҳманлар айтган сўзлардан бирини эшитса, парчаланиб кетарди, фалак эшитса, ҳаракатдан тўхтарди, қуёш тутилар, ой қорайиб кетарди... Сен ҳам эшитсанг, дилинг пора-пора бўларди. Бу малъун бараҳманлар кўрган тушим таъбирини айтиб, ҳалокатдан халос бўлишим учун сени, ўғлиниги, бутун садоқатли хизматчиларни, оқ филни ва яна бошқа икки филни, Хуросон тусини, хуллас, нимаики яхши нарсам бор бўлса, ҳаммасини ҳалок қилишимни таклиф этдилар.

Эрондухт фаросатли ва ҳуշёр аёл бўлганидан ўзи ни йўқотмасдан деди:— Шоҳим шу гап учун хафа бўлиб, изтироб чекмасликлари керак. Бандаларининг жони шоҳига қурбон бўлсин. Агар шоҳим соғ бўлса, хотин ҳам, фарзанд ҳам топилади, давлат барқарор бўлса, қул ҳам, мулоzим ҳам топилади. Аммо ноҳақ қон тўймсөқ оғир гуноҳдир, шошиб қилинган ишнинг оқибати пушаймонлик бўлади. Утмишни қайтариб, ўлини тирилтириб бўлмайди. Бараҳманларнинг шоҳга дўст бўла олмасликларини ҳам ёдга солиб ўтай. Тўғри, улар илмли одамлардир, лекин олим бўлишнинг ўзи — содиқ бўлиш демак эмасдир. Илми бор экан, деб бараҳманларга ишонмоқ ва уларга сир айтиб, маслаҳат олмоқ яхши натижага бермайди. Разил ва чиркин одамларни илм

фазилатли қила олмайди, давлатга эришиб улар садоқатли бўлиб қолмайди. У мурдор бараҳманлар фурсатдан фойдаланиб шоҳдан қасос олиш, юракларидағи кин ва разаб оловларини сўндириб ўз дардларига шифотини мақсадида тушни қасдан мана шундай таъбирлаганлар. Улар аввало шоҳнинг кўзининг оқу қораси бўлган, манглайидан ақл ва камол асари кўриниб турган ёлғиз ўғлини ҳалок қилишини истайдилар, сўнгра шоҳнинг садоқатли хизматчиларини ҳалок этиш, фили, туяси ва отини йўқ қилиш орзуидадирлар. Аммо менинг унчалик аҳамиятим йўқ, чунки шоҳ хизматида мендаҳалар кўп. Шоҳ бараҳманлар таклифини қабул этиб, бир зарба билан ўз яқинлари ва мулоzимларининг ҳаммасини ҳалок қиласа, ёлғиз ўзи қолади, шундан кейин бараҳманлар шоҳимдан истаганича қасос оладилар. Кўрган тушингизни ва бараҳманлар таъбирини садоқатли, тажрибали, дунё кўргаи, келажакни тушунадиган Коридун ҳакимга айтиб берсангиз яхши бўларди. У гарчи бараҳманлар тоифасидан бўлса ҳам ўзи юмшоқ табиатли ва доно кимсадир. Бу иккӣ фазилат бирлашса дунёда ундан юксак нарса бўлмайди... Агар унинг таъбири бараҳманларнинг айтганларига тўғри келса, шак ва шубҳа орадан кўтарилади. Аксинча бўлса, шоҳнинг комил ақли ёлғон билан ростни, ҳақ билан ноҳақни ажратабилади. Шундан кейин шоҳ фармонини амалга оширишга тўсиқлик қиласидаган ҳеч нарса қолмайди.

Бу сўз шоҳга маъқул тушди. Шоҳ дарҳол отга мишиб, Коридун ҳаким қошига борди. Ўнга салом бериб, бош эгганича туриб қолди. Коридун деди:— Бу ерларга шоҳнинг қадам ранжида қилишларининг боиси нима? Амр ётганларида мен ўзим шоҳнинг хизматларига борар эдим... Нима учун шоҳимнинг муборак юзида ҳаяжон ва ташвиш аломатлари кўринади?

Шоҳ кўрган тушини ва бараҳманлар таъбирини унга батафсил сўзлаб берди. Коридун шоҳнинг айтганларини охиригача тинглаб деди:— Бунда хатога йўл қўйилибди. Бараҳманлар тушга иотўғри таъбир бергандар. Уларда на ақл ва маърифат бор, на инсоф, на мурувват. Шоҳим бу тушдан шод бўлишиб керак, шукур қилиб садақа берсалар арзийдиган туш. Тушининг таъбири қуйидагичадир: икки қизил балиқ — Ноҳованд шоҳининг сизга юбораётган икки элчиси ва устига тўрт сандиқ ёқут юкланган икки филидир; подшоҳимнинг орқасидан

учиб ўтган икки ўрдак Балх подшоҳининг сизга инъом қилган икки оқ отидир; шоҳимнинг чап оёғига чирмашган илон Чин ҳоқонининг сизга юборадиган қиличидир; шоҳимнинг ўзини қонга беланган кўргани — Қазрун вилоятидан юборилаётган, қимматбаҳо тошлар билан безанган қизил ранг либосидир; шоҳимнинг тушидаги оқ тия — Бутхонагар шоҳининг шоҳим хизматига юборган бир оқ филидир; шоҳининг бошида порлаган нарса Арзан шоҳининг ҳадя қилиб юборадиган тожидир; шоҳимнинг бошини чўқиган қуш нимага ишора эканлигини билиш учун бир оз сабр қилиш керак. Лекин унинг зарар ва зиёни деярли йўқ — бу шоҳининг якин одамларидан бирининг баъзи бир норозилигига ишорадир. Шоҳ кўрган тушларининг таъбири шундан иборат. Етти марта туш кўрганинг юқоридаги ҳадяларни келтираётган элчиларининг етти кунда шоҳим даргоҳларига етиб келишларини кўрсатади. Бундан бўён шоҳ ноаҳил одамларга сир айтмаслиги керак.

Шоҳ бу сўзларни эшитиб, ўзида йўқ севинди. Қўлини кўксига қўйиб шукурлар қилди. Коридунга ташаккурлар айтиб, шоду хуррам саройга қайтди. Етти кундан кейин элчилар кетма-кет тухфалар билан етиб келдилар... Шоҳ севиниб деди:— Тушларимни душманларимга сўзлаб катта хато қилдим. Эрондухтнинг насиҳат ва маслаҳатлари бўлмагаида, бу тушларининг скрабати даҳшатли бўлар эди. Кимнинг ақли бошида бўлса, самимий дўстлар, садоқатли мулозимларнинг маслаҳатларига қулоқ солади.— Сўнgra юзини ўғлига, вазирига ва миросига ўғириб деди:

— Бу ҳадялар хазинага олиб борилмасин, уларни шу ерда бўлишиб олинглар, чунки сиз жуда катта бир таҳлика остида қолган эдингиз. Энг қимматбаҳо ҳадяни Эрондухт олади. Бу балонинг олдини олишда у буюк фидокорлик кўрсатди.

Билор деди:— Хизматчилар бирор ҳодиса рўй берганда, ўзларини балога қалқон қилиб, ҳукмдорлари учун жон фиде қилишга тайёр бўлишлари ва бу билан фахрланишлари керак. Ҳамма нарса подшоҳининг толеига боғлиқидир; хизматчилар ўз-ўзларича, ҳукмдорнинг дастуриламали ва ёрдамларисиз бир нарса қила оғмайдилар. Лекин фидокорлик кўрсатиш керак бўлиб қолганда, улар ҳаммадан олдин ўзларини майдонга ташлашлари керак... Мулозимлардан бирининг бахти кулиб, бундай

фидокорликдан кейин сог-саломат қолса, ўз бошлигидан мукофот кутмаслиги керак. Лекин асримиз маликаси Эрондухтнинг бу ишда хизмати жуда катта бўлганлиги учун ё жавоҳирлар билан безалган тож ёки қизил либос унга берилиши лозим.

Шоҳ бу икки совғани саройга олиб боришни буюрдид, ўзи ҳам ўша ерга жўнади, унинг орқасидан бошқалар ҳам эргашдилар. Шоҳ тож билан қизил либосни Эрондухтнинг олдига қўйишларини амр қилди ва унга қараб деди: «Қайсисини хоҳлассанг, ол». Эрондухтнинг кўзига тож яхши кўринди, лекин тараддулданиб, Билор менга қайсисини маслаҳат кўрса, шуну оламан, деб унга қарди. Билор либостга ишорат қилди. Шоҳ Билордан шубҳаланиб, унга қаради. Эрондухт Билор билан ўзининг орасидаги имо-ишорани шоҳ сезганини билиб, шоҳининг шубҳасини тарқатмоқ учун либосни эмас, тожни олди. Ана шундан кейин Билор қирқ йил умр кечирди ва ҳар сафар шоҳининг ҳузурига кирганда, шоҳининг кўнглидан шубҳасини чиқарib юбориш учун четга боқар эди. Шундай қилиб, вазирнинг ақли ва Эрондухтнинг фаросати бўлмаса эди, уларнинг ҳар иккаласи ҳам ҳалок этилган бўлардилар.

Шоҳ бир кечани Эрондухт билан, бир кечани Базмафруз билан ўтказар эди. Эрондухтнинг навбати эди, шоҳ унинг хилватига борди. Гўзал Эрондухт тожни ўзининг бошига кийиб, қўлида заррин товоқда таом тутиб шоҳининг олдига келди, шоҳ унинг қўлидан овқат ея бошлади. Шу тахлитда улар ширин-ширин сўзлашиб ўтирган эдилар, кундоши Базмафруз қирмизи ранг либосини кийиб уларнинг ёнидан ўтиб кетди. Шоҳ уни кўриб, овқатдан қўл торти. У қўзларига ишонмай қолди, эҳтиросининг шиддати унинг ихтиёрини қўлидан олди, ўзини тута олмай, Эрондухтга қараб деди:— Уша либосни танламасдан хато қилибсан.— Кундошига шоҳининг қизиқиб боққанлигини кўрган Эрондухт рашик ўтида ёниб, ўзини босиб ололмай, қўлидаги товоқни шоҳининг бошига отди, унинг юз-кўзини, уст-бошини булгатди.

Коридуннинг таъбири тўғри чиқди.

Шоҳ ғазабга тўлиб Билорни чақириди ва деди:— Бу нодоннинг тарбиясизлигини қара. Замон шоҳини, даврон ҳукмдорини қандай аҳволга солди-я! Олиб бориб бўйини уз. Бу аҳмоқ билиб қўйсинки, унинг бундай жасорат қилишга ҳақи йўқдир.

Билор Эрондуктни ташқарига олиб чиққандан кейин ўзига деди:— Бу ишда шошилмаслик керак. Бу мисли йўқ доно, гўзал хотиндир. Мен ишонаманки, шоҳ унинг ҳижронига чидай олмайди. Шунча одам бу аёлнинг ақл ва фаросати туфайли ўлим гирдобидан қутулиб қолди. Мен аниқ биламанки, эртага шоҳ, бир оз сабр қиласанг бўлмасмиди, деб газабланади. Шунинг учун шоҳнинг қарори қатъий бўлмагунча мен уни ўлдирмай турай. Шоҳ пушаймон бўлса, хотин саломат қолади, мен ташаккур өшитаман; Эрондуктни ўлдириш қийин эмас. Шу билан учта хайрли иш қилган бўламан: биринчидан, Эрондуктнинг ҳаётини сақлаб қоламан; иккинчидан, шоҳни хурсанд қиласман, учинчидан, халқ ичида ҳурмат ва шуҳрат қозонаман.

Шундан кейин у Эрондуктни ўз уйига олиб келиб, уни подшоҳ ҳарамхонасида ишловчи икки содиқ маҳрамга топширди. Ўз уйидагиларига уни яхши ҳурмат қилиб, хизматида бўлишларини буюрди. Ўзи эса қиличини қонга бўяб, ғамгин ҳолда шоҳнинг ҳузурига келди ва деди:— Шоҳнинг амр-фармонларини бажо келтирдим.

Шоҳнинг ғазаби бир оз совиган эди, бу сўзни эшитиб, бутун вужуди ларзага келди. Эрондуктнинг ақл ва камоли, гўзал жамоли унинг кўз ўнгига намоён бўлди. Қалбини чуқур қайфу қоплади, лекин ўз ҳаяжон ва изтиробини Билордан яширишга, пушаймон бўлганини билдирилмасликка уринди. Амрининг ростдан ҳам бажо келтирилганлигичи ё келтирилмаганлигини сўрашдан уялар эди. Шоҳ вазирнинг сабрли, доно, юмшоқ кўнгилли ва тажрибали эканлигини билгани учун Эрондуктнинг ўлими кечинтирилганлигига кўнглида ишонар эди, лекин аксни эшитиб қолишдан кўрқиб, унинг номини тилга олишга ботинмас эди. Бу масаланинг нақадар ноzioni эканлигини фақат оқил одамларгина эмас, ҳатто ноzonлар ҳам тушунарди.

Вазир шоҳнинг юзида пушаймонлик аламларини кўриб, деди:— Эй шоҳим, ғамнок бўлманг, бекорга ташвиш тортишининг фойдаси ўйқ. Хафагарчилик бадани бўшашибтириб, ақлни заифлаштиради. Подшоҳнинг ғамбодалигини кўриб, мулоzимлар ҳам қайгурадилар, душманлар хурсанд бўладилар. Сабр қилинг, шоҳим. Агар истасалар мен бу ҳодисага ўҳшаган бир ҳикоя сўзлаб берай.

Шоҳ сўради:— У қандай ҳикоя?

Ҳикоят. Билор деди:— Бир жуфт қабутар бор эди. Улар уяларини ариа-буғдойга тўлдириб кўйдилар.

Нар модага деди:— Ҳозир ҳамма ёқ ўт билан қопланган. Йиққан донларимизни асраб қўйсак, қишида кунимизга ярайди. — Мода унинг гапини маъқуллади. Донлар нам бўлгани учун уянинг ичи лиқ тўлиб кетган эди. Ёғингарчилик ўтиб, ёзниг иссиқ кунлари бошлангандан кейин у қуриб, камайиб қолди. Нар қабутар узоқ сафарга кетганди. Қайтиб келганида доннинг камайиб қолганини кўриб, модага деди:— Ахир буни қиши учун олиб қўйган эдик-ку, нега единг?! Мода «мен еганим йўқ», деб қанчалик онт ичмасин, нар ишонмади, газабланиб, модани шундай урдики, бечора шу он жон берди. Қиши келиб, ёғинлар бошланди, ҳаво намланиб, донлар яна бўртиб, аввалгидек бўлиб қолди. Буни кўрган нар қабутар фарёд қилиб, ғамгусор ёри фироқида куйиб дер эди: «Ағфуски, сўнгги пушаймондан фойда йўқ».

Ақлли одам нар қабутар каби ҳижрон ўтида ёниши истамаса, одамларга жазо бериш ва уларни қатл этиш учун шошилмаслиги керак... Амалга оширадиган тадбирнинг натижасини олдиндан биладиган, атрофлича ўйлаб иш қиладиган адолатли, саховатли ва раиятпарвар шоҳ баҳтиёр саналади. Шоҳнинг, албатта, бундай насиҳатомиз сўзларга эҳтиёжи ўйқ. Бу сўзларни айтишдан мақсадим шуки, шоҳ бир хотин учун бу қадар алам чекиб, ғамгин бўлмасин. Саройда ўн икки минг хотин бор...

Шоҳ вазирнинг бу сўзларини эшитиб Эрондукт қатл қилинибди, деб ташвишга тушди ва деди:— Тасодифан оғзимдан чиққан бир сўзни ҳўкм деб билиб, бир одамни ҳалок этдинг. Ҳикмат эгаларига хос бўлган сабр ва тоқатни унутдинг...

Вазир деди:— Икки тоифа одамнинг боши ғамдан чиқмайди: бири — ҳаётини ёмон ишларга сарф қилладиган, иккинчиси — имконияти бўлса ҳам яхшилик қилмайдиган одамлар. Уларни ҳаётida хурсандчиликдан кўра хафагарчилик кўп.

Шоҳ деди:— Сендан узоқ бўлмоқ лозимдир.

Вазир деди:— Икки хил одамдан узоқ бўлмоқ лозимдир: бири — қилган ишининг натижаларини ҳисобга олмайдиган, яхши билан ёмонни фарқ қилмайдиганлардан; иккинчиси — кўзларини бошқаларнинг молига тиккан, қулоқларини фисқу фасод ва фийбатларга ўргатган, вақ-

тини айшу йшрат билан ўтказган ёмон нафсли одамлардан.

Шоҳ деди:— Билор, сен жуда ҳозиржавобсан.

Билор деди:— Уч тоифа одамда шундай хосият бўлади: ўз мол ва давлатини лашкар ва халқ билан баҳам кўрган шоҳларда; ўз эрига лойиқ бўлган хотинларда; иши билан сўзи тўғри келадиган олимларда.

Шоҳ деди:— Эй Билор, сенинг ёнимдалигинг мени асабийлаштирмақда.

Билор деди:— Икки тоифа одам кишининг асабини қўзратади: тили аччиқ ва ифлос хотин; хотинини ҳар доим сўгадиган, урадиган жирканч эр.

Шоҳ деди:— Сен нонкўрлик қилиб маликани ўлдинг, менга шу вақтга қадар қилган хизматинг зое кетди.

Билор деди:— Уч хил одамнинг меҳнати зое кетади: оқ кийим кийиб ифлос иш қўлганларнинг; гўзал хотини ва чиройли болаларини ташлаб, эҳтиёжи бўлмаса ҳам фурбатда умрини ўтказганларнинг; янги этик кийиб сувга тушиб кўн ювганларнинг.

Шоҳ деди:— Сен азоб ва искаижага лойиқсан.

Билор деди:— Азоб ва искаижага икки хил одам лойиқ; бири — халқни сабабсиз ранжитланлар; иккинчиси — ўринисиз саволлар билан одамларни танг қилиб, берилган жавобларга қулоқ осмаганлар.

Шоҳ деди:— Хой, борган сари аҳмоқлашиб кетаётисан-а!

Билор деди:— Бу сўзни эшитишга уч тоифа одам лойиқ; биринчиси — уйи кичик бўлса ҳам тахта йўниб, пайраҳа ва қириндини йигиштириб олмаган, бу билан хотин, бола-чақасига уйи тор келиб қолган дурадгор; иккинчиси — соч олишда маҳорати бўлмаган, тез-тез одамнинг бошини кесиб яра қиладиган сартарош; учинчиси — фурбатда яшаб, мол-давлати хотинига ва болаларига эмас, душманларга насиб бўлган саводгар.

Шоҳ деди:— Эрондухтни кўргим келяпти.

Билор деди:— Уч хил одам эришиш мумкин бўлмаган уч нарсага эришишни орзу қиласди: гуноҳ иш қўлганлар — савобни; ёмонлик қилганлар — яхшиликни; умрини фосиқлик ва дилозорлик билан кечирганлар — жаннатни.

Шоҳ деди:— Мен ўзимни-ўзим жазоладим.

Билор деди:— Уч хил одам ўзини-ўзи жазоласа бўла-

ди: эҳтиёjt чораларини кўрмай, жангга кириб ярадор бўлганлар; вориси бўлмаган, судхўрлик билан мол тўплаган, арzon олиб, қимматга сотадиган саводгарлар; ёш ва ахлоқсиз хотин олиб ҳар куни дакки еган, хотини эса эрсираб унинг ўлимини тилайдиган чоллар.

Шоҳ деди:— Қара, сенинг кўз ўнгингда обрўйим нақадар тушиб кетганки, менга шунчалик ярамас нарсаларни сўзлашга журъат этяпсан.

Билор деди:— Фақат уч тоифа одамлар ўз хўжалирига ҳақорат кўзи билан қарайдилар: биринчиси — ўз ҳурматини сақламаган, суюқ ҳазилларни севадиган, орқа-ўнгига қарамасдан гапирадиган, катталар билан қандай сўзлашиш қоидаларидан хабарсиз, оғзига келганини қайтармаган, хўжаси билан ўтириб ичкилик ичишган навкарлар.

Иккинчиси — қисқа муддатда бойлик орттириб, хўжасидан кечган, шунинг учун ўзини хўжасидан юқори тутган нонкўр хизматчилар.

Учицчиси — ўзи лойиқ бўлмагани ҳолда ишонч қозониб, хўжасининг яқин одамлари қаторига кирган, суҳбат вақтида унинг сирларидан воқиф бўлгани учун кеприлган мулизимлар.

Шоҳ деди:— Сен жуда эзма, ўринисиз сўзлайдиган, оғзи бўш бир дўст экансан!

Билор деди:— Уч хил одамини бундай айб билан қораласа бўлади: биринчиси — нодонни тўғри йўлга солиб, уни илмга қизиқтиришин истаган, лекин меҳнат қилиб нарсаларни ўргатгандан кейин ташаккур ўринига ярамас сўзлар эшигтан, сўнгра афсус еган одамни;

иккинчиси — аҳмоқни ишига эмас, сўзига қараб юқасак вазифага тайин этган; унга ишониб яширия топшириқ берган, сўнгра эса ҳар дақиқа ўзи ҳақида унинг минг хил ёлғон ва уйдирма тарқатгаётганини эшигтиб пушшаймон бўлган одамини;

учинчиси — ўз сирини сақлай олмайдиган шахсга сирдайтган одамини.

Шоҳ деди:— Сен жуда ҳам лақма экансан-ку!

Билор деди:— Уч хил одамини лақма деса бўлади: биринчиси — ташимаган одамга қарз берган, нотаниш одамни душман билан ўзи ўртасида воситачи қилиб одамини;

иккинчиси — шижаот, жасурлик, сабр, вазминлик, садоқат, дўстлик, маслак ва эътиқоддан лоф уриб, урущ

куни фалокат юз берганда, душман ҳужумга ўтиб, ватани таҳлика остида қолганда қочиб яширинган одамни;

учинчиси — тилида ўзини художўй қилиб кўрсатиб, бутун кунини айш-ишратда кенирадиган фосиқ одамни,

Шоҳ деди:— Сен менга мамлаятни бошқариш саборини бериб, ўзингни истеъдодли ва ишбилармон вазир қилиб кўрсатишни истаётганга ўхшайсан.

Билор деди:— Лаёқати бўлмагани ҳолда уч тоифа одам ўзини истеъдодли гумон қиласи: биринчиси — юқори ва қуий пардан ажрата олмаган, паст ва баланд овозини фарқ қила олмаган, тор билан камонни аралаштирадиган билимсиз муғаний; иккинчиси — ранг беришини билмаган, соя билан нурни ажратмайдиган тажрибасиз рассом; учинчиси шеърдан лоф уриб, ғазалдан сўз очган, лекин ўқиғанда тутиладиган, ғазал ёзишига мажбур бўлганда қўл, остидагиларидан қофия сўраган шоир.

Шоҳ деди:— Эй Билор, сен Эрондухтни ноҳақ ўлдирдинг.

Билор деди:— Уч тоифа одам ноҳақ иш қиласи: биринчиси — билиб туриб ёлғон гапирганлар, сўз бериб устидан чиқмаганлар, иккинчиси — ғазабларини боса олмаган ҳукмдорлар; учинчиси — мақсадларини, айниқса, муҳим сирларини дуч келган одамга гапирган шоҳлар.

Шоҳ деди:— Эй Билор, мен сендан қўрқаман.

Билор деди:— Ёлғиз тўрт хил жонивор сабабсиз қўрқади: биринчиси—читтак, осмон йиқилиб кетишидан қўрқиб, оёғини осмонга қилиб ётади; иккинчиси—лайлак, икки ёгини қўйса ерга ботиб кетишидан қўрқиб доим биттасини кўтариб туради; учинчиси —чувалчанг, кўп лой есам тугаб қолади, деб қўрқиб, оч юради; тўртинчиши — қўршапалак, инсон унинг гўзалигига мафтун бўлишидан ва бошқа қушлар каби тутиб қафасга солишидан қўрқиб кундузлари уясидан чиқмайди.

Шоҳ деди:— Эй Билор, сен марҳаматни хиёнатдан ажрата олмаяпсан!

Билор деди:— Тўрт хил одам буларни бир-биридан ажрата олмайди: биринчиси—оғир, давосиз касалликка мубтало бўлиб, ўз ширин жонини қадрламаган ва бошқалар ҳам шундай деб ўйлаган бемор; иккинчиси — шавкатли ва кучли хўжасига дуч келганда ўзини йўқо-

тиб қўйган гуноҳкор қул; учинчиси — жанг майдонида душманга юзма-юз келганда ҳар нарсани унугиб қўйган аскар; тўртинчиши — ўзидан ҳам шафқатсиз бир жалдунинг қўлига тушиб ўлимини кутган золим.

Шоҳ деди:— Энди сенга ишониб бўлмайди.

Билор деди:— Ақлли одам тўрт тоифага ишонмайди, қўйруғи босилган илонга, оч қолган йиртқич ҳайвонга, раҳмисиз шоҳга ва инсофисиз ҳукмдорга.

Шоҳ деди:— Иккимизнинг фикримиз бир-бирига тўғри келмайдиганга ўхшаяти.

Билор деди:— Тўрт хил нарса бир-бирига тўғри келмайди: гўзаллик билан хунуқлик; яхшилик билан ёмонлик; ёргулик билан қоронгилик; кундуз билан кечা.

Шоҳ деди:— Сенинг эътиборинг қолмади.

Билор деди:— Тўрт хил одам эътибордан қолади: ўғрилика шуҳрат қозонгандар; ахлоқизлика ном чиқарганлар; ёлғончилика донг чиқарганлар; ақли кам, оғзи бўшлар.

Шоҳ деди:— Менинг қалбимда шу чоққача бўлмаган шундай бир чексиз ғам, шу даражада оғир бир дард борки, бунинг давоси ёлғиз Эрондухтдир. Афсуски, у энди йўқ.

Билор деди:— Беш хил аёллар учун қайфу-ҳасрат чекеа арзиди: олижаноб, покиза ва гўзаллар учун; ақлли, қаноатли, иффатли, вафолилар учун; бутун ҳаракатларини ўйлаб қиласидиган, эрининг борида ҳам, йўғида ҳам ҳурматлаб, ўзини ва номусини сақлаганлар учун; яхши ва ёмон кунларда фидокор бўлишни ўзларига шиор қилиб олганлар учун; юзидан кулги аrimайдиган, тилиши ширин, қўли баракали, қадами қутлуғ бўлганлар учун.

Шоҳ деди:— Қимда-ким месига Эрондухтни топиб келтирса, унга истаганидан ҳам кўпроқ бойллик бахшида қилиб, юксак мансабларга кўтарар эдим.

Билор деди:— Фақат беш тоифа одам дунё молини ўз жонидан азиз қўради; горат учун уруш очганлар; қалин девор остига қўмилган хазинани қазиб чиқаришга киришганлар; фойда учун денгиз саёҳатига чиқсан савдогарлар; маҳбус кўпаярмикан деб зориқсан зин-дончилар; пораҳўр қозилар.

Шоҳ деди:— Сен Эрондухтни ўлдириб, менинг юрагимга шундай адсоват ўтини солдингки, уни ҳеч нарса сўндира олмайди.

Билор деди:— Ёлғиз тўрт махлук ўртасидагина щундай адоват бўлиши мумкин: бўри билан қўйниг, мушук билан сичқоннинг, лочин билан какликнинг, бойқуш билан қарғанинг...

Шоҳ деди:— Сен бутун умринг бўйи қилган яхшиликларингни зое кетказдинг.

Билор деди:— Етти хил одамнинг меҳнати зое кетади: бирорга эҳсон қилгандан сўнг унга миннат қилганлар; бирорни кечиргандан сўнг унга азият берганлар; тузалмас дангаса ва ёлғончи одамларни тарбияламоқчи бўлган шоҳлар; қўрслиги мулоимлигидан, зулми раҳмидан устун бўлган ҳокимлар, нонкўр фарзандларига ҳаддан ташқари умид боғлаган меҳрибон оналар; бирорнинг ҳақидан қўрқмайдиган одамларни мўътабар ҳисоблаб, уларга омонат берган сахий олижаноблар; ўртоқларининг бемаъни сұҳбатлари билан фахрланадиганлар, тўғри ва мўмин одамларга инонмаганлар.

Шоҳ деди:— Эй Билор, бундан сўнгра бизнинг орамизда дўстлик бўлиши мумкин эмас.

Билор деди:— Ҳикмат эгалари олти хил одамлар билан дўст тутинмайдилар: ақлдан маҳрум бўлганлар ила маслаҳатлашганлар; буюк ишлардан сабри тез тугайдиган, кам ҳафсалалилар билан; ўзи айтган сўзидан тонган ёлғончилар; пулни ҳаётдан афзал кўрган очкўзлар, узоқ сафарга чиқишига қасд қилган заиф одамлар; ўз муаллимини ва бошлигини танимаган худписандлар билан.

Шоҳ деди:— Эй, Билор, ахир сен синовдан ўтган эдинг-ку?

Билор деди:— Одамии ёлгиз ўн хил йўл билан синовдан ўтказиш мумкин: йигитни — урушда; деҳқонни — экиш-иёғишида; хўжани — ғазабланганида; савдогарни — ҳисобда; дўстни — ишинг тушгандада; қариндошни баҳтсизлик юз берганда; зоҳидни — қаноатда; камбағални — сабрда; давлатмандни — саҳоватда; хотини ва давлати қўлдан кетганни — тоқатда.

Билор шоҳнинг сиймосидан ғазаби ҳаддан ошганлигини, сабр косасининг тошганлигини кўриб, сўз шу ерга келганда жим қолди ва ўз-ўзига деди: «Энди хафагарчиликни хурсандчиликка айлантириш, Эрондухтнинг саломатлигини хабар қилиш вақти келди. Шоҳнинг эҳтироси алангаланди. Висол ҳаваси сўнгги даражага етди. Шуниси ҳам борки, у юқорида мен айтган аччиқ ва таҳ-

қиромиз сўзларга чидади, ғазаби қўзиса ҳам ўзини босиб ўтириди. Бундан ортиқ имтиҳон қилиб бўлмайди». Сўнгра шоҳга қараб деди:— Шоҳнинг умри узун, давлати абадий бўлсин. Унга тенг келадиган шоҳни мен дунёда кўрмаганман. Қайси бир шоҳда шундай қудрат борки, у мен каби хокисор, вазифаси кичик бир бандасининг қаттиқ ва бейбо сўзларига, андазадан тамомила чиқиб кетиб, ҳаддан ошганлигига узоқ чидаб тура олсин? Ҳолбуки, бизнинг шоҳ ўзини тутиб ғазабнинг болиб келишига йўл қўймади... Унинг беозорлиги ҳадсиз, илми ҳудудсизdir. Шоҳнинг адолати ва раҳмидил эканлиги тилларда достон, саҳовати, мулоимлиги дилларда муҳаббат уйғотган, мулоимлиги ва юрагининг кенглиги оламга машҳурдир. Бениҳоя қудрат ва иқтидорга эга бўлган шоҳ мен каби қулиниг соvuқ ва қаттиқ сўзларини чидам билан эшишиб уни жазолашга жазм қилмади. Қайси қул бу миннатдорликни унута слади. Ахир ўткир ханжари кўлда ярқираб турган шоҳ кесилнишни керак бўлган бошни ташдан жудо қилмади. Буни ҳукмдорининг донолиги ва беозорлигидан бошқа нарса билан изоҳлаб бўлмайди. Мен шоҳ олдида гуноҳкор эканлигими эътироф этаман. Агар шоҳ мени исканжага гирифтор этиб, жазога мустаҳниқ қилса ҳақи бордир. Мен гуноҳ бўлса ҳам шоҳнинг амрини бажо келтиришини кечикиришини ўзимга раво кўрдим, айтган гапларнинг ҳаммасини қўрқа-нимдан гапириб ўтирибман. Энди эса, шоҳимга таъзим қилиб, дунёнинг маликаси Эрондухт ўлдирилмаганилигини эълоӣ этаман.

Шоҳ бу сўзни эшитиши билан қалби шодлик билан тўлиб, юзи порлаб кетди, кўзларида севинч учқуни чақнади. У Билорга деди:— Мен сенинг самимият ва садоқатингга ишонар эдим, сен ғазаб вақтида берилган бу амрини бажо келтиришида шошилмаслигиниг, масалани тубдан ўрганиб чиқсандаи кейинигина уни ижро этишинингни билар эдим. Эрондухт катта айб иш қилиб қўйди. Лекин гуноҳидан ўтиб бўлмайдиган жиноят қилгани ўйқ. Бағодор ёр, ишончли сирдош, қадами кутлуғ бўлган Эрондухтнинг жонини сақлаб, нақадар улуг иши қилганинг яна ҳам равшан бўлди. Юқоридаги сұҳбатда айтган сўзларинг учун сени гуноҳкор қилиш мумкин эмас. Чунки сен менинг буйргумини кўр-кўрона ижро қилмай, масалани тушуниб етганингдан кейин уни амалга ошироқчи бўлибсан. Бу сенинг ақл ва камолинг юксакли-

тіден, әхтиёткор ва тажрибанг ўткирлигидан далолат беради, бизнинг кўз ўнгимизда сенинг қадр-қимматингни, обрў ва эътиборингни янада ортиради. Сен бу ишинг билан бизга катта хизмат қилдинг. Биз ҳам унга лойиқ даражада яхшилигингни қайтарамиз. Шоҳлар ёзларига ниҳоятда әхтиёткор ва тажрибали, сабрли ва иш билар мон хизматчилар топмоқлари лозимдир. Дебдурларки: «Ийни истаганга эмас, билганга топшириш керак». Энди бизнинг бу сұхбатимизни, орзу ва истагимизни, узр ва пушаймонимизни бориб Эрондухтга етказмөк сенинг бурчинг.

Эрондухтга айт, тез келсин, янгидан жўш урган севги ва шодлигимиз авжига етсин. Биз ҳам фироқ зинданидан чиқиб висол айёмига етишайлик, мажлис қуриб кайфу сафо сурайлик.

Билор деди:— Рост айтасиз, энди висол дамини ортиқ кечикириб бўлмайди.— Сўнгра Эрондухтнинг ёни келиб, подшоҳ билан бўлиб ўтган ҳамма воқеани гапириб берди ва уни таклиф этаётганици билдириди.

Эрондухт бу хабарни эшитгач, бир зумда ясанди. Билор билан бирга шоҳнинг ҳузурига келди, таъзим қилиб, деди:

— Мен шоҳнинг бу олижаноблигига қандай қилиб ташаккур этишимни ҳам билмайман. Билор шоҳнинг марҳамат ва карамига, адл ва саҳоватига қаттиқ ишонмаганда эди, буйруқни кечикиришга журъат эта олмаган бўларди.

Шоҳ Билорга деди:— Сен бизни қарздор қилиб қўйдинг. Мен сенинг хайриҳоҳ эканлигингга ҳеч вақт шубҳа қилмаган эдим, лекин шу бугун хайриҳоҳлигинг яна бир марта исбот қилинди. Бундан кейин сенинг мартағанг яна ҳам улуғ, хукуқинг бошқаларникидан яна ҳам ортиқ бўлади. Бундан буён ҳеч бир катта-кичик масала сенинг маслаҳатингиз ҳал қилинмайди.

Билор деди:— Шоҳнинг давлати абадий, қудрати мустаҳкам, умфи узоқ бўлсин. Унинг барча бандалари сидқидиллик билан хизмат қилишга, қўлларидан келганича яхшилик қилишга мажбурдирлар. Улар минг йил умр кўриб, минг йил камарбаста бўлсалар-да, хизматлари шоҳнинг кўргазган мутф ва марҳаматининг мингдан бирига ҳам тенг бўла олмайди. Мен шоҳдан фақат бир нарсани сўрардим, у ҳам шундан иборатки, шоҳ бундан кейин амр қилиш, ҳукм чиқаришда ҳеч вақт шошилма-

син, ҳовлиқмасин, газаб вақтида одамнинг тақдирин ҳал этмасин.

Шоҳ деди:— Сенинг насиҳатингни қабул қиласман. Бундан кейин ўйламасдан, сенек мулоғимларнинг маслаҳатини олмасдан, ўлчаб-бичмасдан туриб амр-фармон бермайман.

Шоҳ вазирга ва Эрондухтга қимматбаҳо либослар инъом қилди. Уларнинг икковлари унга ташаккур айтдилар. Эртаси кун шоҳ тушини нотўри таъбири қилган баражманлар тўғрисида маслаҳатлашиб, уларнинг баъзиларини қатл қилдирди, баъзиларини зинданга солдириди, баъзиларини дорга остирди.

Шоҳ Коридун ҳакимни саройга чақиририб келиб, унга бош-оёқ қимматбаҳо сарупо ҳадя қилди, баражманларнинг жазоланганини айтди.

Коридун унинг қилган ишини маъқуллаб деди:— Зом ва гаддор хоинларнинг жазоси шундай бўлади.

Коридун кетгандан кейин шоҳ Билорга деди:— Сен ҳам бориб дам ол, биз ҳам Эрондухт билан ўзимиз маҳрамона сұхбат қиласайлик...

Шоҳларнинг энг яхши хосияти бўлган донолик, беозорликнинг афзаллиги ҳақидаги ҳикоя мана шундан иборат.

## САИЕХ ВА ЗАРГАР БОБИ

Рожа бараҳманга деди:— Шоҳларнинг бошқа хосијатларига нисбатан беозорлиги, донолигининг устунлиги ва фазилати ҳақидаги ҳикояни эшиитдим. Энди менга бир қисса айтиб берсанг, унда султонлар хизматчиларни қандай танлаши ва қандайларини устун қўйиб, ўз дутғ-карами билан сарафroz қилиши баён қилинсин...

Бараҳман деди:— Подшоҳлар қандай одамни, қай вақт ва қандай ишга тайин этишини билиши керак. Шоҳ хизматчиларни танлашда уларни маҳак<sup>1</sup> тошига суртиб олиши, турли синовлардан ўтказиши, уларнинг ҳар бирисининг кўлидан нима келишини, нимага қобил эканлигини, ақл ва идрокининг даражасини, садоқати ва фидокорлигини билиб олиши керак... Чунки шоҳ хизматида бўладиган одамдан ҳар нарсадан олдин тўғрилик ва садоқат талаб этилади. Хизматчилар эътиборли ва вафоли бўлганларидагина уларнинг истеъоди фойдали бўлади. Бир одамнинг тўғрилиги ва садоқатли эканлигини аниқ билиб олиш учун ҳар нарсадан олдин, унинг аждоди, ота-боболари ким эканлигини билиш керак. Улар тўғри, садоқатли, қаттиқ кунда саботли, оғир вақтларда чидамли бўлишлари керак. Ота-боболари мана шундай хислатларга эга бўлиб, уларнинг авлодларига шу яхши хусусиятлар ўтган бўлса, уларни шоҳ хизматига тайёрлаш лозим. Агар бу масалада иштибоҳ бўлса, ундай одамларни асло яқинлаштирумаслик, шоҳга сирдош қил-

<sup>1</sup> Олтин ва кумушга сурнуб, буларнинг асллигини аниқлайдиган тош.

маслик керак. Улардан ҳеч қандай хайрли иш кутид бўлмайди.

Яхши хусусиятли одамлар танланиб олингандан кейин, уларни тўғри сўзлаш ва садоқатли бўлиш руҳида тарбия қилмоқ лозим. Ёлғончилик катта гуноҳдир, шоҳ атрофида бўлган одамлар ўзларини ёлғон гапиришдан сақлашлари керак. Ёлғончи деб ном чиқарган одамга ҳеч ким ишонмайди, уни ҳеч ким ҳурматламайди. Ҳеч бир ақлли шоҳ одамнинг қанчалик садоқатли эканлигини синовдан ўтказмасдан туриб, унга муҳим иш топшири майди. Пасткаш ва разил одамлар яхшиликнинг қадрини билмайдилар. Улар шамол қайси томонга эсса, ўша тарафга қараб кетаверадилар. Олижаноб одамлар, улуғ санъаткорлар бундай хосиятга эга бўлишдан ўлимни афзал кўрадилар.

Энг тўғри йўл шуки, шоҳлар хизматчи танлашда, унинг шаън-шавкатига, бойлиги ва давлатига эмас, истеъод ва қобилиятига, ахлоқ ва тарбиясига қарашлари керак. Чунки шоҳ хизматида бўлганлар учун ақл ва камол, шаън ва шавкат, илм ва истеъод буюк давлатdir... Илмли ва ҳикматли одамлар назарида бойликнинг қиммати бўлмайди. Шоҳ хизматига лойиқ топилган одам илмли, тўғри, нафсини тия билувчи бўлмоғи керак. Шоҳнинг вазифаси, ўзи тарбият қилган хизматчиларига вазифа топшириб, ўлқани идора этиш ишида уларга ишонч билдиришдан иборатdir. Хизматчи фидокорлик кўрсатганда шоҳ мукофот берни рағбатлантирсин, унинг вазифаси қанча кичик бўлса, шоҳ унга шунча катта марҳамат кўрсатсин. Аммо хизматчининг тўғри, садоқатли, ақлли ва етук эканлиги аниқ маълум бўлгандан кейин уни мукофотга сазовор этмоқ керак. Хуллас, подшоҳлар ўз хизматчиларининг ким эканликларини ва нимага ярай олишликларини билмоқлари лозим. Акс ҳолда агар улар ўйламасдан, тасодифий одамларга иш топшириб қўйсалар, кейин пушаймон бўладилар. Бунга мисол қилиб, заргар ҳақидаги ҳикояни келтириш мумкин.

Рожа сўради:— У қандай ҳикоя?

**Ҳикоят.** Бараҳман деди:— Овчилар ҳайвонларни тутиш учун чўлда бир қудуқ қазиб, устини беркитиб қўйган эдилар. Бир куни барс, маймун, илон, улардан кейин бир заргар ҳалиги қудуққа тушиб кетди. Ҳайвонлар ўзлари билан овора бўлиб, заргарга зарап етказмадилар.

Бу ҳодисадан бир неча кун ўтгандан сўнг у ердан бир сайёх ўтиб қолди. Заргарнинг ахволини кўриб, «бўкишини соҳдан қутқаришдан ҳам ортиқ савоб иш бўлмаса керак», деб арқон келтириб кудуққа солди. Биринчи бўлиб маймун, иккинчи бўлиб илон, учинчи бўлиб барс юқорига чиқдилар. Уларнинг ҳар учаласи сайёхга қараб дедилар:— Ҳар биримизнинг бўйнимизда қарзинг бор. Сен бизга жуда катта яхшилик қилдинг. Лекин афуски, бизлар ҳозир яхшилигининг қайтара олмаймиз.

Маймун деди:— Менинг ватаним шаҳар чеккасидаги тоғдадир.

Барс деди:— Мен шу яқин орадаги ўрмонда яшайман.

Илон деди:— Менинг уям шу шаҳар қўргонининг тагидадир. Ёрдамга муҳтоҷ бўлсанг, бизга хабар эт, балки бизга қилган хизматиниг эвазига яхшилик қайтарармиз. Энди эса бир маслаҳатимиз бор: у кишини қудукмиз. Важоҳатига алданма, хулқ-атвори жуда вафосиз одам. Бир неча кун бирга бўлиб, унинг хусусият жуда ёмон. Бир неча кун бирга бўлиб, унинг хусусиятларини билиб олдик. Ҳеч кимнинг қадрини билмайди. Айтганимизни қиласанг, охирида пушаймон бўласан...

Сайёх уларнинг сўзига қарамай арқон тушириб, заргарни қудуқдан тортиб олди. Заргар миннатдорчилик билдири ва деди:

— Агар йўлнингиз фалон ердан тушса, ҳамиша хизматигизга тайёрман.

Сўнгра видолашиб ҳар қайслари ўз уйларига кетдилар.

Орадан бир неча вақт ўтган, сайёхнинг йўли ҳалиғи шаҳарга тушди. Маймун уни узоқдан кўриб, юрганича олдига келди ва деди:— Маймунларда сени хурсанд қирадиган ҳеч нарса йўқ, бир нафас кутиб ўтиргин, мева келтираман.

Озгина вақт ўтгандан кейин маймун мева олиб келиди. Сайёх ундан тўйиб еб, йўлга равона бўлди. Узоқдан уни барс кузатиб турар эди. Сайёх уни кўриб қўрқиб кетди, қочмоқчи бўлиб турганда, барс келиб салом берди ва деди:— Қўрқма, биз ҳали сенинг яхшилигини унуганимиз йўқ. Бир нафас сабр қил, ҳозир келаман.

Барс сарой боғига кириб амирнинг қизини ўлдириди ва унинг маржонини олиб келиб сайёхга берди. Сайёх ташаккур билдириб, шаҳарга жўнади. Бирдан унинг ёдига заргар тушиб, ўз-ўзига деди: «Ҳайвоnlар аҳдларига

вафо қилиб, мени шунчалик ҳурмат билан кутиб олдалар, заргар қандай иззат-ҳурмат билан меҳмон қилар экан? Менга ҳадялар тақдим этиб, совғай салом билан кузатса керак, чунки у заргар ҳайвон эмас, одам-ку».

Шундай қилиб, сайёх шаҳарда заргарнинг уйини ахтариб топди. Заргар сайёхни кўриши билан гоят севиниб, меҳрибонлик билан қарши олди. Улар бир соатча у ёқ-бу ёқдан гаплашиб ўтиришди, ўтган кунларини эслаб дардлашишди. Сўнгра сайёх маржон ҳақида сўз очди. Уни сотиш фикрида эканлигини, бу ишда заргарнинг ёрдамига муҳтоҷ эканлигини айтди-да, маржонни ёнидан чиқариб кўрсатди. Заргар тасалли бериб, деди:— Ҳеч ташвиш тортма, буни сотмоқ менга сув ичишдек осон гап. Бир нафас сабр қил, ҳозир келаман.

Заргар чиқиб кетди. У маржонни кўриш биланоқ таниган эди — уни заргардан амирнинг ўзи қизи учун сотиб олган эди. Заргар ўз-ўзига деди: «Қўлимга нозик нарса тушди, агар фурсатдан фойдалана олмасам, мени одамлар аҳмоқ дейдилар, зўр давлат, сарупо ва инъомдан маҳрум бўламан».

Хиёнат қилиш қарорига келиб, у сарой томон йўл олди ва амирга қизини ўлдириб, маржонини ўғирлаган одамни тутганлигини хабар қилди. Амир бир одам юбориб сайёхни саройга келтирди.

Шоҳ сайёхни шаҳарда сазойи қилиб айлантириб, сўнгра зиндонга солишини, эртасига эрталаб эса дорга осишлини амр этди. Шаҳар девори ёнидан ўтаётганларида уларни илон кўриб қолиб деди:— Вафосиз одамга яхшилик қиласанг, ёмонлик қилади, деб айтмабидим?. Кимики разил, пасткаш ва нонхўр одамдан мардлик кутса, унинг оқибати мана шу бўлади. Мен сени бу аҳволдан қутқармоқ учун бир тадбир кўрайин. Бориб амирнинг ўғлини чақиб олай, бутун шаҳар уни муолижга қилмай сени маслаҳатга чақирсинглар. Сен аввал ўз бoshingdan ўтганларни гапириб бер, сўнгра мана бу ўтни касалга бер, у есин, ўша соат шифо топади, балки сен мана шу йўл билан нажот топарсан.

Сайёх ташаккур айтиб деди:— Мен ўз сиримни но-мардга айтиб, катта хато қилибман.

Илон деди:— Пушаймон еб ўтиришнинг вақти эмас. Ўтган ишга саловат дерлар. Охири хайрли бўлсин.

Илон саройга йўл олди ва у ерга бориб, амирнинг ўғлини чақди. Сўнгра ҳаммага эшиттириб: «Шаҳзодани

илон чаңди, давосини фақат қамалган сайдынга била-  
ди», — деди-да, юрганича инига кириб кетди, уни ҳеч  
ким кўрмай қолди.

Сайдын зиндоидан чиқарип, амир ёнига олиб бор-  
дилар. У аввал бошидан ўтганларни гапириб берди,  
сўнгра шаҳзодани муолижка қила бошлади. Шаҳзода со-  
ғайди. Сайдынинг гуноҳсиз ва тўғри одам эканлиги амири-  
га аён бўлди. Сайдынга қимматбаҳо либос ва яхши инъ-  
га аён бўлди. Сайдынга заргарни дорга осдилар. Хо-  
номлар бериб, унинг ўрнига заргарни дорга осдилар. Хо-  
ининг қисмати дор ёғочи бўлди. Қимики бирорга қудуқ  
қазиса, ўзи йиқилади, яхшилик ҳеч вақт ўнутилмайди,  
ёмонлик эса жазосиз қолмайди, деб бекорга айтмаган-  
лар.

Ақлли одамлар бирорга жабр қилишдан қочиб, яхши-  
лик қиладилар; шу билан ҳам бу дунёнинг, ҳам у дунё-  
нинг нозу неъматларини қўлга киритадилар.

Шоҳларнинг хизматчилар танлаш, раиятнинг хусу-  
сиятини ўрганиш, тасодифий одамларга вазифа ва ман-  
саб топшириб бўлмаслик ҳақидаги ҳикоя мана шундан  
иборатдир...

## ШАҲЗОДА ВА УНИНГ ЎРТОҚЛАРИ ҲАҚИДАГИ БОБ

Рожа бараҳманга деди:— Шоҳларнинг хизматчи тан-  
лаши, пасткаш, разил ва ионкўр одамларни вазифага та-  
йин этмаслик ҳақидаги ҳикояни эшитдим. Энди шундай  
бир ҳикоя айтиб берсангки, унда ақлли, ишбилармон,  
беозор бир одамнинг бало занжирига дучор бўлиб, ун-  
дан қандай қилиб қутулгани, аҳмоқ, қўлидан иш келмай-  
диган, жоҳил бир одамнинг фароғат ва роҳатда ҳаёт ке-  
чириши ва юксак мавқега етишиб, кейин завол кўриши  
тасвир этилсин.

Бараҳман деди:— Ақл барча эзгу ишларнинг асоси,  
саодат дарвозаларининг калитидир. Бу хислат кимда  
бўлса, унга илм ва мулоимлик фазилати қўшилса, у  
одам шаън ва шавкатга, иззат ва ҳурматга сазовор бў-  
лади. Лекин унинг бу мавқега эришиш-эришмаслиги  
тақдирнинг қўлида. Бир шаҳзода Настур шаҳрининг  
дарвозасига шундай деб ёзиб қўйған эди: «Асл саодат  
қисмат ва толега боғлиқдир...» Бу ҳақда бир ҳикоя ҳам  
бор.

Шоҳ сўради:— У қандай ҳикоя экан?

Ҳикоят. Бараҳман деди:— Бир куни тўрт киши йўлда  
кета туриб, бир-бирлари билан дўстлашиб қолдилар.  
Улардан бири — шаҳзода, иккинчиси — зодагоннинг ўғ-  
ли, учинчиси — савдогарнинг ўғли ва тўртинчиси — дех-  
қоннинг ўғли эди... Уларнинг ҳаммаларининг бошига  
оғир кунлар тушиб, устларидаги кийимларидан бўлак  
ҳеч нарсалари қолмади.

Бир куни шаҳзода деди:— Бу дунёнинг бутун ишла-  
ри тақдирнинг қўлидадир. Ўзингни ўтга-сувга урганинг  
дан бирор нарса чиқмайди.

Зодагоннинг ўғли деди:— Бахт-саодатнинг асоси гўзаллик ва асл наасабдир.

Савдогарнинг ўғли деди:— Яхши ўйлаб тўғри тадбир кўриш саодатнинг қалитидир. Бахтсизлик юз берганда одамга ақлдан бошқа ҳеч нарса ёрдам бера олмайди.

Деҳқоннинг ўғли деди:— Ҳар нарсаға саъни ҳаракат орқали эришилади. Заҳмат чекиб меҳнат қилиш инсонларни орзуларига етказади, уларга севинч ва шодлик либосини кийдиради. Қатъият билан ишга бел боғлаганлар эрта ё кеч ўз мақсадларига етадилар; мабодо мағлубиятга учрасалар ҳам ҳеч ким улардан кулмайди.

Тўртала ўртоқ узоқ ўйл юриб, Настур деган шаҳарга келдилар ва бир ер топиб истиқомат қила бошлидилар. Биринчи кун деҳқон ўғлига дедилар:— Ҳаммамиз жуда чарчадик, бутун умидимиз сенинг саъни ҳаракатингга боғлиқ бўлиб қолди. Бор, бугунга етадиган бирор овқат топиб кел. Даммизни олиб, эртага бизлар ҳам навбат билан бирон нарса топиб келармиз.

Деҳқон ўғли шаҳарга борди ва шаҳарликлардан, нима иш қилсан кўп пул топа оламан, деб сўради.

— Ҳозир ўтин пул, — деб жавоб бердилар.

Деҳқон ўғли дарҳол тоққа чиқиб ўтин кесди, шаҳарга келтириб сотди, пулига овқат олиб, жўралари ёнига жўнади. Кетаётганида шаҳарнинг дарвозасига: «Бир кунлик меҳнат тўрт одамнинг овқатига баробардир», — деб ёзиб қўйди.

Эртаси кун зодагоннинг ўғлига дедилар:— Қани, бор, бугун сен ўз гўзаллигинги билан бир нарса топиб келтир, биз эса бир оз дам олайлик.

Зодагоннинг ўғли кета туриб ўз-ўзига деди: «Қўлимдан ҳеч қандай иш келмайди, ўртоқларим олдига қўлим бўш қайтсан, шарманда бўламан-ку». Ўйлаб-ўйлаб шаҳарга етиб келди ва ғамгин ҳолда бир дараҳтга суюниб, ҳима қилсан экан, деб фикр дарёсига чўмди. Шу вақтда бир бадавлат хотин унинг ёнидан ўтиб қолди. Йигитни кўриши билан унга ошиқи бекарор бўлди ва деди: «Брабий, шундай ҳам гўзал одам бўларкан-а?!» Бир оздан кейин чўрисини юбориб, уни уйига таклиф этди. Йигит ҳам хонимнинг хизматига ҳозирман, деб равона бўлди. Икковлари бутун кунни айш-ишрат билан ўтказдилар. Қечқурун хотин унга беш юз динор бериб жўнатди. Зодагон ўғли бу пулга овқат олиб, шаҳар дарвозасиди.

га: «Гўзалликнинг бир кунлик баҳоси беш юз динор», — деб ёзиб, ўртоқлари ёнига келди.

Эртаси куни ёронлар савдогарнинг ўғлига дедилар: — Бу кунни сенинг ақлининг ва ишбилармоилигинги келтирадиган нарса билан ўтказмоқчимиз.

Савдогарнинг ўғли йўлга тушди. Лекин сал юрмай, дарё бўйидаги катта кемага кўзи тушди ва унинг олдинга борди. Шаҳар аҳолиси, молларнинг эгаси баҳосини пасайтирар, деган мақсадда ҳеч нарса харид қилмай кутиб турган эди. Савдогарнинг ўғли яширинча кемага чиқиб, ундаги ҳамма молни насяга олди. Кейин у худди шу ернинг ўзидаёқ молларни сотиб, юз минг динор фойда қилди. Сўнгра ўртоқлари ёнига кетаётib, дарвозага: «Ақлнинг бир кунлик баҳоси юз минг динор», — деб ёзиб қўйди.

Тўртинчи куни ўртоқлари шаҳзодага дедилар:— Бор, агар толеинг ёр бўлса, бугунги харажатнимизни сен қилиб кел.

Шаҳзода таваккал қилиб шаҳарга йўл олди. Шу куни тасодифан шаҳарнинг амири қазо қилиб, жамоат мотам ичиди эди. Шаҳзода теварак-атрофга қараб, сарой дарвозаси ёнига бориб ўтирди. Дарвозабон уни кўриб, таъзияда иштирок этмастганлиги учун койиди. Ҳамма амирини дафи этишга кетиб, сарой бўш қолди, лекин шаҳзода ўтирган еридан қимирламади. Дарвозабон шубҳаланиб, уни жосус гумон қилди ва ҳибсонага қамаб қўйди.

Эртаси кун сарой аҳллари йиғилиб, мамлакат муқаддаротини кимга топшириш — кимни подшоҳ кўтариш ҳақида сўзлаша бошладилар. Амирнинг вориси йўқ эди. Баҳс жуда қизиб кетди. Шу замон дарвозабон деди:— Баланд овоз билан баҳслашманг, мен бир жосус тутганман, агар у сизларнинг орангиздаги иҳтилофдан хабардор бўлиб қолса, яхши бўлмас.— Сўнгра бор гапнинг ҳаммасини уларга айтib берди. Йиғилганлар яқдиллик билан, жосусини ким эканлигини ойдинлаштириш кепрак, деган қарорга келдилар. Шаҳзодани ҳибсонадан чиқариб келтиридилар. Унинг ким эканлигини, қаердан келиб, қаерга кетаётганигини суриштиридилар. Шаҳзода ўзини бардам тутиб, жуда доно жавоблар берди. Унинг дадил, ҳушёр, жасоратли ва шижоатли эканлигини кўрган аъёнлар шаҳзоданинг туғилгай ери ва асл наасаби билан қизиқдилар.

Шаҳзода деди:— Отам бу дорилғанодан дорилбақо. Ра риҳлат қилиши билан оқ, биродарим тож-тахтга эга бўлиб, салтанатни забт этди. Мен ҳаётимни сақлаш мақсадида ватанин тарк этиб, сизнинг мамлакатингизга келдим.

У ерда ҳозир бўлган савдогарлар шаҳзодани танидилар, унинг аждоди, ота-боболарининг шаън ва шавқатидан сўз очдилар. Аъён ва ашрофлар шаҳзоданинг бу өрларга келиб қолганидан жуда севиниб, дедилар:— У бу шаҳарнинг амири бўлишга лойиқdir. Томирида шоҳ қони бор. Мамлакат идора этишда ўз ота-боболариниң ҳам жорий қилиши аниқdir...

Шу соатдаёқ шаҳзода номига хутба ўқиттириб уни ўзларига шоҳ кўтардилар. Мамлакат шаҳзода қўли-га ўтди. Бу шаҳар аҳолисининг шундай одатлари бор эди: биринчи куни янги шоҳни оқ филга миндириб, бутун шаҳарни айлантириб чиқар эдилар. Шаҳзодани ҳам филга миндириб шаҳар кездира бошладилар. У шаҳар дарвозаси ёнига келганида дўстларининг ёзувларини заллик, ақл — омад келгандагина самарали бўлади.. Менинг бир кунлик толеим бунга мисол бўла олади», — деб ёздриб қўйди.

Сўнгра шоҳ саройга келиб тахтга ўтириди ва дўстларини чақиртириб келди. Ақл эгасини вазир қилиб тайинлади, ҳамма нарса саъии ҳаракатга боғлиқ, деган ўтргони мамлакатнинг барча хўжалик ишларига бош қилиб қўйди, чиройнга ишонган ўтроғига, кўп давлат бахш этиб, унга бу шаҳардан чиқиб кетишликни маслаҳат кўрди ва деди:— Шундай қиммасак, хотинлар сенга мафтун бўлиб фиск-фасод кўпаяди.

Шоҳ шаҳарнинг олимлари ва улуғларини йигиб деди:— Сизларнинг кўпларингиз мейдан ақлли, шиҷоатли, истеъодли ва ишбилармон эканлигингизни билали. Лекин тақдирнинг тақозоси бўлмаса подшоҳликман. Лекин тақдирнинг тақозоси бўлмайди. Менинг дўстларимнинг ҳар бирисининг бир фазилати бор. Улар бир нарсани қўлга киритиши умидида эдилар. Мен эса на ўз билимим кутига ишонар, на ўзганинг ёрдам беришига, биродарим мени юртимдан қувғандан кейин бу даражага этиша олишилигимга ақлим етмас эди...

Ўтирганлар орасида жуда кўпни кўрган бир сайдер бор эди, у ўрнидан туриб деди:— Шоҳ тажрибали, заколи, адолатли ҳукмдорларга лойиқ сўзларни айтди. Омад билан илм ва донолик бирга қўшилса, шоҳ баҳтиёр, фуқаро саодатманд бўлади. Сизни бизга толенинг ўзи юборди... — сайдер сўзини тугатиши билан яна бошқаси туриб деди:— Мен шоҳнинг фазилатлари ҳақида бўлак вақтда фурсат топиб гапиришни истардим... Шоҳим ижозат берса, ҳозир ёдимга тушган ва мени ҳайрон қолдирган бир ҳодисани айтиб берар эдим.

Шоҳ ижозат берди.

У деди:— Мен бир замонлар буюк бир одамнинг хизматини қиласар, Фалак кўп шоҳларни маҳв этганингини, кўп ошиқларни саргардон қилганлигини кўриб, бу дунёга ҳирс қўймай, савоб иш билан машғул бўлишга қарор қилдим. Хўжайним билан хайрлашдим, у қўлимга икки динор берди. Бир кун бозорда иккита кабутар кўтариб, сотмоқчи бўлиб турган овчининг ёнига келдим. Савоб учун уларнинг иккаласини ҳам сотиб олиб, азобдан қутқармоқчи бўлдим. Овчи икки динор сўради. Таваккалга такя қилиб, қушларнинг иккаласини икки динорга сотиб олдим. Уларни шаҳардан ташқаридаги ўрмойга олиб бориб, қўйиб юбордим. Улар париллаб учуб бориб дараҳтга қўндиларава менга ташаккур билдириб дедилар:— Сен бизга яхшилик қилдинг. Биз ҳам яхшилигингни қайтаришимиз керак. Мана шу дараҳтинг тагида кўмилган пул тўла кўзача бор. Уни ковлаб ол.

Мен уларнинг бу сўзларига таажжубланиб дедим:— Қизиқ, осмонда учуб юриб, ерининг тагидаги кўзачани кўрибсизлар, қандай қилиб шундай катта овчининг доимига тушдинглар?

Улар жавоб бердилар:— Қазо юз берганда ҳеч нарсани кўриб бўлмайди, ақл шошиб, кўз кўрмай, қулоқ эшитмай қолади.

Мен ерни ковлаб кўзачани чиқариб олдим. Илтимос қиласман: шоҳ амр берсин — уни хазинасига келтириб қўйисинлар. Менга бир оз нарса берсалар кифоя.

Шоҳ деди:— Яхшилик уруғини сепиб, баҳра топибсан. Менга ҳеч нарса керак эмас. Ҳаммасини ўзингга баҳш этдим.

Бараҳман бу бобни тугатиб шоҳга қаради. Рожа индамай ўтириб қолди. У бошқа савол бермади..

## ИЛОВАЛАР

### ХОТИМА

Рожанинг сукут этиб турганини кўрган бараҳман деди:— Имконим борича мен шоҳнинг бутун саволлари га жавоб бериб, ўз вазифамни ўтадим. Бу китоб ҳақида жуда чуқур ўйлаб, ундаги ҳикматли сўзлардан холосатлар чиқара олган зот тақдир ёрдами билан буюк ишлар қиласди, улуғ даражага эришади.

Бу китоб ҳукмдорнинг аввалги шоҳлардан устун бўлишини таъмин этади, унга ҳикматдан дарс бериб, жаҳз-газаб ўтини сўндиради, ақл фонуси билан табиатини равшан қиласди. Бу китоб шоҳнинг довругини оламга ёйиб, номини абадий қолдиради.

Ҳар сўзнинг аввалию охири бор,  
Бу ноёб асар — биздан ёдгор.

### 1

#### КАБУТАР, ТУЛКИ, ЛАЙЛАК ЁКИ БИРОВЛАРГА ИҮЛ ҚУРСАТИБ УЗЛАРИНИ ФАЛОКАТДАН ҚУТҚАРА ОЛМАГАНЛАР ҲАҚИДАГИ БОБ

Рожа бараҳманга деди:— Энди бошқаларга йўл кўрсатиб, ўзи йўл тополмаган одам ҳақида бир ҳикоя сўзлаб берсанг.

Бараҳман деди:— Бунга кабутар, тулки ва лайлак ҳақидағи ҳикоя яққол мисол бўла олади.

Рожа сўради:— У қандай ҳикоя экан?

**Ҳикоят.** Бараҳман деди:— Бир кабутар жуда баланд бир хурмо дараҳти устига зўр машаққатлар билан уя соглан эди. Болалари тухумдан чиқиб учирма бўлиш вақтида бир тулки келиб, болаларингни ташламасанг ҳозир чиқиб ҳаммангизни ейман, дер эди. Ундан кўрқиан кабутар боласини ерга ташларди. Кабутарнинг икки боласи учирма бўлишига яқин қолганида бир лайлак учиб келиб, ўша хурмо дараҳтига қўнди. Кабутарни фамгин кўриб, ҳол сўради:— Кабутар синглим, сенга нима бўлди, нега бунча хафа кўринасан?— Кабутар деди:— Эй азиз лайлак, нима қиласди? Бир тулки мени ҳолу жонимга қўймаяпти. Қай вақт бола очсан, у мени кўрқитиб болаларимни олиб кетади.

Лайлак деди:— Бу сафар тулки келганида унга мен энди сенга болаларимни бермайман. Қўлингдан келса дараҳтга чирмашиб чиқ, у вақт болаларим сеники, ўзимга ҳеч нарса қила олмайсан — учиб кетаман, дегин. Лайлак кабутарга бу сўзларни уқтиргач, ўзи учиб бориб сув қирғоғига қўнди. Тулки дараҳтнинг остига келди ва ўз одати бўйича қичқириб, дўқ қила бошлади. Кабутар лайлак ўргатганидек жавоб берди. Бундай жавобни кутмаган тулки сўради:— Буни сенга ким ўргатди?

Қабутар деди:— Лайлак.

Тулки дарҳол дарё қирғоғига, лайлакнинг ёнига келди. Ўнга қараб деди:— Эй лайлакжон, шамол ўнг томондан эсгандада, сен бошингни қаёққа ўгирасан?

Лайлак деди:— Сўл томонга ўгираман.

Тулки сўради:— Сўлдан эсгандада чи?

Лайлак жавоб берди:— Ўнг томонга.

Тулки деди:— Агар шамол ҳар томондан эсса, нима қиласан?

Лайлак деди:— У вақтда бошимни қанотим остига беркитаман.

Тулки деди:— Бундай қилиш мумкин эмас, мен ишонмайман. Сен бошингни қанотинг остига ололмайсан.

Лайлак деди:— Оламан.

Тулки деди:— Бўлмаса, кўрсат. Агар шундай бўлса, оллоҳ қушларни биздан афзал қилиб яратган экан. Сиз бир соатда қиладиган ишни биз бир йилда ҳам бажара олмаймиз, сиз шундай ишлар қиласизки, унга бизнинг сира ақлимиш етмайди. Айтишингча, сиз бошигизни қанотларингиз остига олиб, совуқдан ва шамолдан сақланасиз. Офарин, сизларга. Қани кўрсат, сен буни қандай қиласан?

Лайлак бошини қаноти остига олган ҳам эдики, тулки бир сапчиб, тутиб олди ва шундай сиқдики, бечоранинг умуртқа суюги синиб кетди. Қанот ва думларини юла туриб тулки деди:— Эй бошқаларга норин қилиб бериб, ўзига атала ҳам пишира олмаган аҳмоқ! Сен кабутарга йўл кўрсатиб хийла ўргатдингу, лекин ўз жонингни душмандан қутқара олмадинг.— Тулки шу сўзларни айтиб, бир зумда лайлакни еди-қўйди.

## II

### СИЧҚОНЛАР ПОДШОҲИ ВА УНИНГ ВАЗИРЛАРИ

Ҳинд рожаси бараҳман Бейдабога деди:— Бу масалини ҳам эшиитдим. Лекин мен истар эдимки, сен инсон қандай қилиб садоқатли, доно ва ҳалол кенгашчиларни топа олади ва улардан қандай қилиб фойдалана олади, шу ҳақда ҳикоя қилиб берсанг.

Бараҳман деди:— Қимки садоқатли ва доно кенгашчи топиб олиб, унинг маслаҳатларига қулоқ солса, у сичқонлар подшоҳи ўзининг садоқатли вазири билан маслаҳатлашиб, ўзини ва бутун сичқонларни фалокатдан кутқариб қолганидек, фалокатдан халос бўлади.

Рожа сўради:— У қандай ҳикоя?

**Ҳикоят.** Бараҳман деди:— Бараҳманлар яшайдиган мамлакатда Дуран деган бир вилоят бўлган. Бу вилоятнинг ўртасида маҳсулдор далалар билан қуршалган Идоzinун деган бир шаҳар бор эди. Бу шаҳарда Меҳроз номли бир сичқон бўлиб, у шу шаҳардаги ва шаҳар атрофидаги сичқонларнинг подшоҳи эди. Унинг уч вазири бор бўлиб, шоҳ ҳар ишда улар билан маслаҳатлашар ва айтганларига амал қиласар эди. Улардан бирининг оти Зузама эди. У ақл, камолда бошқалардан устун эди. Иккинчисининг оти Шира, учинчисининг оти Богдоз эди.

Кунлардан бир куни уларнинг учаласи ҳам подшоҳ ҳузурида баҳслашиб қолишиди. Сўз сичқонларга ва уларнинг ота-боболарига душман бўлган мушукдан халос бўлиш устида борар эди. Биринчи бўлиб шоҳ сўз бошлиди:— Мен ҳикмат эгаларидан эшигтанман, улар айтадурларки, инсон ишончли ва номусли маслаҳатчи танлай билиши, фарзандларига икки нарсани тушунтириши лозим. Улардан биринчиси шуки, инсон ўтмишда кўрган фойда ва зиён ҳақида ўйламаслиги, бу ҳақда қайғурмаслиги керак; иккинчиси— қўлда мавжуд бўлган неъматларни муҳофаза этиши, рўй бериши мумкин бўлган зарарларнинг олдини олишга ҳаракат қилиши керак. Биз ота-боболаримизнинг саъий ҳаракати соясида эсономон яхши кун кечирдик. Энди бизнинг зўр бир ташви-

шимиз бор, у ҳам бўлса мушуклардан бизга етадиган озордир. Эндиликда биз ота-боболаримиз кўп машққат чекиб ҳалос бўла олмаган бу оғир вазиятдан қутулиш йўлини топишимиз керак. Бизнинг вазифамиз бўалони даф қилиш учун бир восита топмоқдан иборат бўлиб қолди. Нозу неъматлар ичida яхши кун кечиришимизга қарамасдан, бу бало туфайли бу ноз-неъматлар тати-маяпти. Донишмандлар: «Ватани, бола-чақасини, хоти-нини ташлаб, сарсону саргардон бўлган, тунашга жой тополмай, қўрқув ва даҳшат ичida яшаган одамнинг ҳаётидан ўлим яхшидир»,— деганлар.

Шоҳ сўзини тугаллагандан кейин Шира ва Боғдоз дедилар:— Шоҳим, бизнинг фаровонликда яшашимизнинг боиси сенсан, сен ҳар жиҳатдан комил, ақлирасо подшоҳсан, машойхлар дебдурларки: «Аҳмоқ навкарнинг хожаси ақлли ва баҳодир бўлса, унинг кўрсатган қаҳрамонлиги ва жасорати туфайли қозонган шуҳратига навкар ҳам шерик бўлади». Биз сенинг донишманд-лигиннинг ишонамиз, бу ишда толе сенга ёр бўлсин, бутун орзуларинг рўёбга чиқсин, биз эса сенинг амрингга ҳозирмиз. Шоҳимизнинг мангу ном қозонишига биз аминмиз. Унинг шарофати билан бизни ҳам баъзан ёд этарлар, чунки шоҳнинг бу истагини амалга ошириш учун биз жонимизни ҳам, қонимизни ҳам фидо қилишга тайёрмиз.

Бу икки вазир сўзларини тугатганларида шоҳ учинчи вазирга назар ташлади. У сўз бошламаётганини кўриб шоҳ газаб билан қичқириди:

— Ҳой, менга қара, инсон жамиятида ишончли, садоқатли дўстлари бўлган шоҳлар турли масалаларни муҳокамага қўйиб, бунда айтилган фикрларнинг қайсиси тўғри, қайсисини амалга ошириш мумкину қайсиси мумкин эмаслиги ҳақида ўз мулоҳазаларини билдирадилар. Агар ҳозир муҳокама қилинаётган масалани ҳал этиш бўлмаса, сен тош каби қотиб индамай ўтирмасдан ўз мулоҳазаларингни бизга айтишинг керак.

Вазир деди:— Шу пайтгача индамай ўтирганим учун шоҳ мени койимасин. Мен фақат дўстларимнинг гапларини бўлмай, улар айтган ажойиб фикрларни диққат билан тинглай, деб жим ўтирдим. Аввал ўйлаб, сўнгра ўз билимим доирасида мулоҳазаларимни айтмоқчи эдим.

Шоҳ деди:— Яхши, гапир, кўрайлик-чи, сен а фикрдасан?

Вазир деди:— Мен шундай фикрдаман: шоҳ мақсадга етишиш учун нима қилиш зарурлигини ё билади, ёки билмайди. Агар билмаса у вақтда бундай мақсадга эришиши орзу қилиш ва у ҳақда ўйлашнинг фойдаси йўқ. Биз ота-боболаримиз синовларидан ўтмаган, кўп меҳнат сарф этилмай қўлга киритилган бирор нарсани мерос олганимиз йўқ. Жониворларнинг хосияти оллоҳ томонидан яратилади. Ҳеч ким, ҳеч қандай шоҳ ҳайвонларнинг табиатини, хосиятини ўзгартириш қудратига молик эмас.

Шоҳ деди:— Бу ерда гап ёлғиз авлоддан-авлодга ўтадиган ирсий хусусиятлар устида кетаётгани йўқ, ҳеч бир иш, хоҳ катта бўлсин, хоҳ кичик, ташқаридан таъсир бўлмаса, амалга ошмайди.

Вазир деди:— Шоҳнинг айтганлари тўғридир. Лекин ота-боболардан мерос бўлиб ўтган ирсий хусусиятлар билан курашиб оғир ва имконсиз бўлса, у вақтда бундай ишга киришмаслик керак, зотан, кимки, ирсий хусусиятларга қарши кураш очса, у кескин қаршиликларга дуч келади. Үндай одам ўз ожизлигини сезгач, бошлаган ишидан воз кечишига мажбур бўлиб, секин-аста аввалги мавқеига қайтади. Баъзи ҳолларда бунинг натижаси даҳшатли бўлиб, ўлим билан якунланиши мумкин, бундай ҳолда аввалги мавқеи ҳам қўлидан кетади. Баъзан кўп заҳмат чекиб меҳнат сарф қилгандан кейин бундай одам бир шоҳнинг бошига тушган аҳволга тушади.

Шоҳ сўради:— У қандай аҳволга тушган экан?

Ҳикоят. Вазир деди:— Нил бўйидаги вилоятларнинг бирига бир шоҳ хукмрон эди. У ерда сербулоқ ва қалин мевали дараҳтлар билан қопланган бой, ғоят баланд бир тог бор эди. Бу тогда йиртқич, ваҳший ҳайвонлар яшар эдилар. Шу тогнинг бир ёриқ жойи бўлиб, етти иқлимдан эсган шамолнинг ҳаммаси шу ердан ўтар эди. Бу ёриқнинг яқинида дунёда мисли кўрилмаган дараражада гўзал бир уй бор эди. Шоҳнинг ўзи ота-бобоси яшаган шу уйда турар эди. Уларнинг баъзилари даҳшатли шамол ва бўронлар натижасида ҳалок бўлиб кетар эдилар, лекин муҳташам бинони, меваларни ва она юртни ташлаб, бошқа ерларга кўчиб кетишини истамас эдилар. Шоҳнинг бир маслаҳатчи вазири бор эди. Бир куни шоҳ унга деди:— Бизнинг аждодларимиз саъий ҳаракати билан бахти кунларга етишганлигимизни сен яхши бидасан. Агар шамол бўлмаса, бу ер худди жаннатнинг ўзи, даҳшатли шамоллар эсадиган бу ёриқни беркитиши

учун бир чора топиш зарур. Шундай қислак ҳозир ва келажак авлодларимизни фалокатлардан қуттарган, бу дунёда ҳам бир жаннат пайдо қилган бўлур эдик.

Вазир деди:— Мен шоҳнинг амрига мунтазир бўлган қулиман.

Шоҳ деди:— Бу менинг сўзларимга жавоб бўлмади.

Вазир деди:— Менинг бошқа жавобим йўқдир. Чунки шоҳ ҳар жиҳатдан биздан кўра билимли ва ақллидир. Шоҳ ер юзининг ҳукмдоридир, лекин у айтган ишини қилиши одамнинг қўлидан келмайди, уни амалга ошириш учун илоҳий куч-куvvват керак. Кичиклар улуғларга қарши туролмайдилар.

Шоҳ деди:— Одамларнинг бир-бирлари билан мусобақалашиб қўлга киритишга урииган нозу неъматлари самодан берилади, лекин шундай бўлса-да, уларнинг қандай кун кечиришлари ўзларининг ҳаракатларига боғлиқ. Бу нарса қудрати илоҳий эмас, одамнинг ўзига боғлиқ. Қани, бу ҳақда нима дейсан?

Вазир деди:— Менинг ўлашимча, шоҳ қилмоқчи бўлган ишга диққат билан қараши керак, сўзнинг эса аҳамияти оздир. Бу ишдан келадиган фойда ва заарага келганимизда, уларни олдиндан билиб бўлмайди, бунга инсоннинг ақли етмайди. Шунинг учун ҳам шоҳ эҳтиёт бўлиши керак, тағин ўзига шоҳ ахтариб кетган эшакнинг вазиятига тушиб қолмасин.

Шоҳ сўради:— Эшак қандай аҳволга тушибди?

Ҳикоят. Вазир деди:— Бир кишининг бир эшаги бўлган. Уни эгаси нуқул арпа билан боқар эди, эшак семириб кетиб қутура бошлади. Бир куни уни эгаси суғормоққа олиб кетаётган эди, у узоқдан мода эшакни кўриб қолди. У ҳанграб, эгасининг қўлидан чиқиб кетмоқчи бўлди. Эгаси эшакни зўрга бир дарахтга боғлаб, ўзи мода эшак эгасининг ёнига борди ва деди:— Мочангни четроққа ол, тағин менинг эшагим унга зарар етказиб қўймасин.

У киши мода эшакни четга олди.

Нар эшак ҳамон ҳанграп ва арқонни узуб кетишга тиришар эди. Бошини силтаб нўхтасидан чиқариб олмоқчи бўлиб, ерга энгашган эди, бир таёққа кўзи тушди ва ўз-ўзига деди:— Бу ёғоч ёрдами-ла одамлар билан уришиб бўлмайди, бунинг устига мен ёғоч билан жанг қилиш қоидаларини билмайман, лекин ҳар ҳолда дуч келганларни, айниқса бундай курол билан уришишни бил-

маганларни савалаб голиб келаман. Агар қўлимга наиза тушиб қолса, нималар қилмас эдим? Үнда мен осонликча юз отлиқни ерга қулатардим. Демак, албатта бир наиза топишим керак. Агар ота-боболарим шундай бир нарсанинг ҳозирлигини кўриб кетганларида эди, мени бу оғир вазифадан озод қилган бўлар эдилар.

Шу пайт бир киши узун шоҳли бир эчкини етаклаб сув томон ўтиб қолди. Эшак эчкини, унда ўзи орзу қилаётган нарсани — учи ингичка шоҳларини кўриб ҳайрон қолди, кейин ўз-ўзига деди: «Бу эчкининг наиза, ўқ ва бошқа аслаҳалари бўлмаса эди, бундай мағрур юрмас эди. Шубҳасиз, у уришиш қоидаларини ҳам яхши билади. Бу ердан қочиб, эчкининг ёнига боришига муваффақ бўла олсан, унга бир оз хизмат қилиб, ҳамма нарсани ўрганиб олар эдим. Кейин хизматларим эвазига аслаҳаларидан баъзиларини менга берарди».

Эчки эса эшакнинг хатти-ҳаракатларидан қутурганини билиб, турган жойида қотиб қолди. Сув ичиш ҳам ёдидан кўтарилиди. Эшак ҳам эчкининг сув ичмай, афрайиб турганини кўриб, ўйлай кетди: «Унинг сув ичмаётганидан кўриниб турибдик, менинг миямдагиларни билди олган. У менга қараб севинмоқда. Улуғ оллоҳ бу ишда менга мадад қилди, бу хаёл кўнглимга келиши биланоқ орзумга етишдим. Менинг юлдузим қайси юлдуз эканлигини, пешанамга нималар ёзилганини, бошимга нималар келишлигини билсайдим, қандай яхши бўлар эди! Агар менга баҳт-саодат юз берса, унда оддий маҳлуқ эмас эканман, ер юзидағи ҳамма ҳайвоnlарининг, шубҳасиз, энг афзали эканман.

Эчкининг эгаси унинг сув ичмаганини кўриб уйига қайтариб олиб кетди. Унинг уйи шу яқин орада эди. Эшак эчкини кузатиб, қайси ҳовлига кириб кетганини билиб олди. Бир оздан кейин эшакнинг эгаси ҳам уни қайтариб олиб кетди, охурга боғлаб ем тўқди. Лекин эчкининг олдига бориш орзуси билан ўртанаётган эшакни на ем, на сув қизиқтириласди. У ўйлаб тадбир ахтара бошлади ва ниҳоят, ўз-ўзига деди: «Мен кечасигина қочиб, эчки ёнига боришим мумкин...»

Кечаси ҳамма ухлаганидан кейин эшак эшикни бузиб эчкининг ёнига кетди. Бориб қараса, эшик қулф экан. Эшик тирқишидан мўралаб эчкининг боғсиз турганини кўрди ва эрталабгача бир бурчакда яшириниб турди. Эрталаб эгаси эчкини узун арқонга боғлаб суғоргани

олиб кетди, эгаси олдинда, эчки анча орқада кетар эди. Эшак эчкига яқинлашиб ўз тилида унга гапира бошлиди. Эчки бу тилни билмаганлиги учун тушуммай қўрқиб кетди. Эшак яқинлашгани сари у ҳуркиб қочар эди. Буни сезган эчкининг эгаси эшакни тутиб олмоқчи бўлди, кейин ўз-ўзига деди: «Агар эшакни олиб кетсан, булар бир ерда тура олмай уришадилар. Яхиси, уни қувиб юбора қолай». У қўлидаги ёғоч билан эшакни урди. Эшак қочди. Лекин эчки эгаси йўлга тушиши билан у яна қелиб эчкига гапира бошлиди. Эчки уни сузмоқчи бўлиб шоҳларини қўрсатди. Буни сезиб қолган эчки эгаси эшакни урди, эшак қочди, кейин яна эчкига яқинлашди, киши яна уни урди. Шундай қилиб, эшак уч маротаба эчкига яқинлашишга ҳаракат қилди, ҳар гал калтак еди. Шунда эшак ўз-ўзига деди: «Эчкига яқинлашиб ўз мақсадимни унга тушунтиришга халағ берәётган биргина шу кишидир». Ушбу сўзларни айтиб киши устига ташланди ва елкасига тишлари билан шундай қаттиқ ёпишиб олдики, бечора ўз жонини эшакдан зўрға қутқарив қолди.

Киши эшакнинг қутураётганини қўриб деди:— Уни ушлаб боғлаб қўйсам, менинг бошимга бир фалокат солиши мумкин. Яхиси, унда бир нишон қолдирай, эгасини қўрганимда эшаги етказгай зарарни тўлашни ундан талаб қиласай.— Айтганини қилиб, пичоғини чиқарди ва эшакнинг икки қулоғини шарт кесиб олди. Эшак уйига қайтиб келди. Эгасидан шундай калтак едики, бу қулоғининг кесилишидан ва қулоқсиз қолищдан кўра оғирроқ туюлди. Шундан кейин эшак деди:— Менинг аждодларим ишнинг оқибати бундай хушуқ бўлишини билгандаридан, азоб-уқубатга чидаб инсонга хизмат қилишини афзал қўрган эканлар-да!

Шоҳ деди:— Мен айтганингни эшитдим, аммо сен нега бу ишдан қўрқасан? Худо кўрсатмасин, агар бу ишнинг уддасидан чиқа олмасак, сен зарар кўрмайсанку. Биз ҳамиша ўзимизни унинг зиёнилни натижаларидан сақлай оламиз.

Шоҳнинг ўз фикрида қаттиқ туриб олганлигини кўрган вазир ортиқча қаршилик қилмай, розилик берди.

Сўнгра шоҳ фармон бериб бутун мамлакатга жар солдирди: «Ҳар бир ёшу қари төғдан бир боғ ўтин кесиб, фалон куни, фалон соатда саройга келсин». Одамлар зўр қизиқиш билан бу ишга киришдилар. Шоҳ шамол

пасайиб турган пайтни пойлаб, ўтиларни тешик оғзига қалашни, устини тош билан бостиришни, рўпарасида катта девор қуришни буюрди. Жамоат бу ишни ҳам ортиғи билан бажарди. Ёриқдан эсадиган шамол бутунлай тўхтаб, ўлка елсиз, шамолсиз қолди. Бир йил ўтмасдан тоғдаги ўлтар, дараҳтлар қурий бошлади. Йиртқич, ваҳший ва бошқа ҳайвонлар қирилиб кетди, ариқ ва булоқлар қуриди. Даҳшатли қурғоқчилик бошланди. Вабо кўп одамларни ҳалок қилди. Мамлакат аҳолиси қанчалик уриниб ҳаракат қилмасин, фалокат ва мусибатдан ўзини халос эта олмади. Ниҳоят, тирик қолганлар қўлга қурол олиб исён кўтардилар, саройга бориб шоҳни, унинг вазирини, хотини, бола-чақасини ўлдирдилар. Кейин ёриқка бориб деворни бузиб ташладилар, тошларни улоқтиридилар, бостирилган ўтинга ўт қўйиб юбордилар. Ёриқ очилди. Қўпдан бери ўтишга йўл топа олмай турган шамол бирдан гувиллаб ўша очилган ёриқдан отилиб чиқди ва оловни бутун мамлакатга ёйиб юборди, ҳар ерда ёнғин икки кечаю икки кундуз давом этиб, барча шаҳар ва қишлоқлар, дараҳтлар, ҳайвонларнинг кулини кўкка совурди...

Сичқонлар шоҳи деди:— Айтиб берган ҳикоянгни эшитдим. Лекин оталар дебдурларки: «Аяган кўзга чўп тушар». Манфаати кўп бўлган ишни бошлашни истаган, лекин бирор хато, зарар рўй бериши мумкинлигидан қўрқиб бу ишдан қўл тортган одам юксак марта-баларга етиша олмайди. Бундай одамлар ёлғиз тақоди-фган юксак даражага кўтарилишлари мумкин. Одам учун мардлик ва қаҳрамонлик буюк баҳтдир. Бу дунёдан кетаётганида инсон яхши номдан бўлак ҳеч нарса, ни ўзи билан олиб кета олмайди.

Вазир деди:— Шоҳим, сен ҳақлисан. Лекин ҳар бир ишнинг оқибати яхши бўлавермайди. Ақлли одамлар айтадурларки, «қасддан ўзларининг бошига бало келтирувчилар халос этилишга лойиқ эмасдирлар. Ўз ўлимига сабабчи бўлганларга жаннатда жой бўлмайди».

Шоҳ деди:— Менинг фикримча: «Бундай ақлли маслаҳат бера олар экансан, демак, ғалаба муқаррардир». Албатта сен бизнинг зафар қозонишимизга ёрдам этишинг керак.

Бу масала устида аввалдан режа тузиб қўйган вазир шоҳнинг бу ишга бутун вужуди билан берилганли-

гини кўриб, деди:— Мен фақатгина қўлимдан келган маслаҳатни беришим мумкин. Мен шоҳнинг ақл ва зақода бебадал эканлигини билганим учун юқоридаги гапларни айтишга журъят этдим. Менинг ўзимга келгандага эса, шоҳ билади, унчалик илмим зўр эмас, режаларимнинг муваффақиятли бўлиши ёлғиз шоҳнинг баҳти ва толеига боғлиқдир. Олимлар ҳам, жоҳиллар ҳам ақлли одам аҳмоқ билан маслаҳатлашиши керак, дейдилар. Чунки аҳмоқнинг айтганинг акси қилинса, фойдали бўлади. Лекин ақлли одам аҳмоққа фақат иккни ҳолдагина мурожаат қиласди: биринчи — бошқаларнинг сирини ўрганиш ва ўз сирини бошқаларга ошкор бўлган ёки бўлмаганини билишини истаганди; иккинчи — аҳмоқнинг табиатида ишга фойдаси тегадиган хусусият бўлган тақдирда. Мен бу ҳақда гапирав эканман, шоҳнинг ақл ва закосига суюниб, унинг ғазабланмай, сўзларимни сабр билан тинглашига ишонардим.

Шоҳ деди:— Сўзларингнинг барчаси тўғри, аммо илминг етарли эмаслиги ҳақида айтганларинг ўринли эмас. Менинг фикримча, сен ҳаммадан ҳар соҳада устунсан...

Шундан кейин шоҳ учала вазири билан маслаҳатлаша бошлади. У энг кичик вазирига мурожаат қилди. Вазир деди:— Менингча, биз жуда кўп қўнғироқчалар тайёрлаб, уни ҳар бир мушукнинг бўйнига илиб қўяйлик. Улар юрганда қўнғироқчалар овозини эшитиб, бизлар ўз инларимизга беркиниб оламиш ва шундай қилиб жонимизни сақлаб қоламиш.

Шоҳ иккинчи вазиридан сўради:— Сен бунга нима дейсан?

У деди:— Мен бу фикрга қўшилмайман. Айтайлик, қўнғироқчалар тайёр бўлди, лекин ким уни ҳатто энг кичик мушукларнинг бўйнига тақишига журъят эта олади? Менингча, ҳаммамиз бир йилга саҳрого чиқиб кетсак. Биз ўйиб бўлгандан кейин одамларнинг мушукларга ҳўтиёжлари қолмайди, беҳуда боқишидан тинкалари қуриб, уларни қириб ташлайдилар. Кошиб кутулганлари эса, ҳар томонга тўзиб кетадилар, саҳроларда ёввойилашиб, шаҳарга келмайдиган бўладилар. Ана шундан кейин биз шаҳарга қайтиб келиб, мушукларсиз тинч ҳаёт кечиришимиз мумкин.

Шоҳ катта вазиридан сўради:— Шеригингнинг бу айтганларига нима дейсан?

У деди:— Менинг фикримча, бу режа ҳам тўғри эмас. Аввало, бир йилда одамлар барча мушукларни бошқа ерларга кўчириб ё йўқ қилиб юборишларига ишонмайман. Иккинчидан, саҳрода бошимизга шундай азоб-уқубатлар тушиши мумкинки, уларнинг олдида мушукларнинг зулми ҳолва бўлиб қолади. Ахир саҳро-да мушукдан ҳам ёмон илон, қўшоёқ, калхатлар бор.

Шоҳ деди:— Рост айтдинг. Қани, сен нима тадбир кўришга маслаҳат берасан?

Вазир деди:— Мен фақат биргина тадбирни маъқул деб топаман. У ҳам бўлса қўйдагидир: шоҳ амр эт-синларки, саройда яшайдиган, шаҳарда ин қурган, атрофга ёйилган барча сичқонлар бу ерга тўплансинлар; ҳар бир сичқон ўзи яшайдиган жойида бутун сичқонларни сиғдира оладиган бир уя қурсин ва унга ўн кунга етадиган озиқ-овқат ғамласин, ундан ташқарига чиқадиган еттита тешик ва гилам, мато сақланадиган омборга учта тешик очсин. Ана шундан кейин ҳаммамиз биттагина мушуги бор бирон давлатманд одамнинг омборига тўпланиб бориб, унинг матолари, гиламлари, кийим-бошларни чайнаб, тит-питисини чиқара бошлайлик, лекин дон, озиқ-овқат ва бошқа озуқаларга тегмайлик. Буни кўрган уй хўжайини бир мушук сичқонларнинг уддасидан чиқа олмаяпти шекилли, деб иккичи мушукни ҳам олиб келади. Шундан кейин биз ишга яна ҳам қаттиқ киришиб, яна ҳам кўпроқ зиён етказа бошлаймиз. Учинчи мушукни келтиргандан кейин биз аввалидан кўпроқ ҳаракат қилиб, ёлғиз тўқилган ва тикилган молларнингна эмас, барча озиқ-овқатларнинг ҳам пеҳ-моҳовини чиқара бошлаймиз. Уй эгаси мушуклар сонини орттирган сари биз ҳам кўпроқ зарар етка заверамиз... Шундан кейин уй эгаси ўйлаб, «мен мушуклар сонини орттирганим сари сичқонлар молларими ни шунча кўп ҳароб қилмоқдалар, энди мушукларни озайтириб қўрай-чи, нима бўлар экан», деб ўйлаб қолади. У, мушукнинг бирини қувиб юборади, шунда биз ҳам бир ёз ўзимизни тиямиз. Буни кўриб мушукнинг нима фойда, нима зиёни бор эканлигини тезда фаҳм қилган хўжайин иккинчи мушукни ҳам ҳайдайди, шундан кейин биз ҳам унга зарар беришни тўхтатамиз. Буни кўрган хўжайин мушукнинг учинчисини ҳам қувиб юборишга мажбур бўлади. Шундан кейин биз ҳам унинг уйини бутунлай тарк этамиз. Уй эгаси унга берилган зарар-

ларнинг боиси мушуклар эканлиги, уларнинг бизларга қилган жабру зулми туфайли қасос олиш учун бу ишларни қилаётганимизни тушунади ва уларни уйдан қува бошлайди. Натижада, мушуклар бу уйга мутлақо келмайдиган бўладилар. Шундан кейин биз ўз ишимизни давом эттириб, бошқа уйга борамиз, ундан яна бошқасига ва ҳоказо. Хуллас, шундай қиламизки, охирида ҳамма одамлар мушукларнинг заарали эканлигини тушунадилар ва хонаки мушукларнигина эмас, ёввойиларини ҳам қириб ташлайдилар. Шундай йўл билан биз мушуклар балосидан халос бўламиз.

Шоҳ вазирнинг бу тадбирини маъқуллadi ва уни амалга оширишга киришишни амр этди. Олти ой ўтариётmas одамлар сичқонлардан келадиган заарнинг ҳаммасини мушуклардан кўрадиган бўлдилар. Уларни уйларидан қувиб, ўлдира бошладилар. Оз вақт ичida шаҳардаги барча мушукларни қириб юбордилар ёки узоқузоқ ерларга олиб бориб ташладилар. Охирда шундай аҳволга етиб келиндики, agar бирор одам бирорнинг кийими ёки палоси тешилганини кўргудек бўлса, «бу шаҳар ёнидан мушук ўтиб кетибди шекилли», дейдиган, одамлар ва ҳайвонлар орасида касаллик тарқалса, «бу шаҳарга мушук келибдими», дейдиган бўлиб қолдилар. Сичқонлар мана шу ҳийла билан мушуклардан қутулиб, роҳат-фароғатда яшадилар.

Жисман заиф кичкина бир ҳайвон ўз душманидан халос бўлиш чорасини топа олар экан, ўзининг билимдонлиги ва тадбирчанлиги билан бутун жониворлардан юксак бўлган инсон ўз душманидан халос бўлишга киришса, нима кашлар қилмаслиги мумкин?

### III

#### КУР ВА КУЗИ ОЧИҚ

**Ривоят.** Димна деди:— Бир замонда бир зоҳид бор эди. У узлатга чекиниб кеча-кундуз тоат-ибодат билан машғул бўларди.

Уша вилоятнинг диндор бир подшоҳи бор эди. У қари зоҳиднинг таърифини эшитган замониёқ дарҳол отланиб уни зиёрат қилгани келди, зоҳиднинг ачинарли аҳволини кўриб, кўзидан ёш чиқиб кетди. Сўнгра зоҳиддан дуо олиб, бир неча кун унинг қошида қолишга ижозат сўради. Зоҳид дуодан сўнг дунё ва охиратдан гап очди, шоҳнинг олдига фақирона бир дастурхон ёзида. Подшоҳ бир неча кундан кейин қайтища зоҳидни ҳам ўзи билан бирга саройга олиб келди.

Сал ўтмай зоҳид ҳар масалада шоҳнинг энг яқин маслаҳатчиси бўлиб олди. Унинг розилигисиз ҳеч бир жиддий тадбир кўрилмас, ҳеч бир фармон берилмас, ҳеч бир ҳукм чиқарилмас эди. Мол-давлат, шаън-шавкат зоҳиднинг табиатини ўзгартирди. У, ибодатдан юз ўгириб, хиёнатга қўл чўзди, ҳокимиятни қўлга киритиш хаёлига тушди.

Подшоҳ зоҳиднинг бошида ўзга бир савдо борлигини, мамлакатга шоҳ бўлиш орзуисида эканлигини пайқаб қолди. Илгарилари бир бурда ноннинг ташвишини еган зоҳид эндиликда бир мамлакатни қўлга киритиш хақида фикр юритмоқда!

Тасодифан шу вақтда зоҳиднинг қадимги танишларидан бўлган бир дарвиш унинг маҳмон бўлиб келди. У зоҳиднинг тамомила ўзгариб кетганлигини, муомаласини кўриб ҳайрон бўлди.

Зоҳид дарвишни кўриб ўзини танимаганга солди ва унга эътибор қилмади. Дарвиш деди:— Э, зоҳид, бу нима қилганинг? Узингдан хабаринг йўқ, такаббур ва ғурур шароби сени маст қилибди. Сенинг ишинг кўр ҳақидаги масалга ўхшайди.

Зоҳид деди:— Кўрга нима қилибди?

Дарвиш деди:— Бир кўр билан кўзи очиқ киши ҳамроҳ бўлиб сафарга чиқибдилар. Кўрнинг қўлидаги қамчиси қўлидан тушиб кетди, у отидан тушиб, қамчи ни қидира бошлади. Бир заҳарли илон тун совуғи таъсиридан Мусонинг ҳассаси каби ерда карахт бўлиб қотиб ётарди. Кўр уни ўз қамчиси деб ўйлаб қўлга олди ва отга минди. Кўзи очиқ унинг қўлидаги илонни кўргач, қичқирди:

— Дўстим, қамчи хаёл қилиб олганинг заҳарли илон-ку! Ташла!

Дўстим қамчини кўрди, мендан олмоқчи, деб ўйлади кўр. Шунинг учун ҳам деди:— Дўстим, оллоҳ менга эс-ки қамчи ўрнига янгисини баҳш этди. Уни мендан тортиб олмоқчимисан?

Кўзи очиқ деди:— Эй, азиз дўстим, сендан қамчи та-ма қиласётганим йўқ. Аммо ҳамроҳликнинг шартларидан бири, ўйлдоши хатарда бўлса уни хабардор қилишдир.

У гапни қизганчиқ кўрга маъқуллата олмади. Бир оздан кейин ҳаво қизиди, илон жонланиб, кўрнинг қўлининг чақди ва уни ҳалок қилди. Бу масални шунинг учун келтирдимки, кўр тутганини қўймагандек, сен ҳам дунё молига ҳирс қўйма!

## НОЕБ АДАБИЙ ЁДГОРЛИК

«Калила ва Димна» ривоятларга кўра аслида қадим замонларда ҳинд файласуф олимлари тарафидан ёзилган. У ҳинд фольклори асосида яратилган бўлиб, «Панчатантра», «Хитопадеша» ва бошқа асарлар билан илдизи бирдир.

«Калила ва Димна» Эрон шоҳи Ануширвон (531—579) даврида Ҳиндистондан сарой фузалоларидан бўлган Барзуя ҳаким томонидан яширича Эронга келтирилиб, паҳлавий тилига таржима қилинган<sup>1</sup>. Бу таржима йўқолиб кетган, лекин наҳлавий тилидан сурённий тилига қилинган таржима (тахминан 570 йиллар, мутаржим Буд номли шахс) адабиётга нодир ёдгорлик сифатида қўшилди. «Калила ва Димна»нинг аббосийлар халифалиги даврида ўша замоннинг энг донишманд олимларидан бўлмиш котиб Абдулла иби ал-Муқаффа (721—757)<sup>2</sup> томонидан араб тилига қилинган таржимаси унинг бутуни дунё бўйлаб тарқалишига сабаб бўлди.

Эски Шарқ анъанасига кўра, Ибн ал-Муқаффа «Калила ва Димна»ни таржима этиш асосида фақат муқаддима ёзибина қолмай, асарнинг асосий текстига ҳам бирмунча ўзгаришлар киритган. Масалан, у «Димна ишининг текширилиши» фаслини ўзидан қўшган.

X—XI асрларда «Калила ва Димна» Ибн ал-Муқаффа таржимаси асосида яна сурённий тилига, XI асрнинг охирларида юон тилига, XII асрда юончадан славия тилига, XIII аср ўрталарида яхудий тилига, бир неча ўн йиллардан кейин эса латин тилига таржима қилинган. Ана шу охирги таржима француз, итальян, немис ва бошқа Ғарб тилиларида қилинган таржималарга асос бўлиб хизмат қилган.

1889 йилда машҳур рус шарқшунослари М. Аттае ва М. Рябинин «Калила ва Димна»ни рус тилига таржима қилдилар. Буюк со-

<sup>1</sup> Қаранг: F. Каримов. Ҳинд масали «Калила ва Димна»нинг ўзбекча версиялари. В. И. Ленин номидаги Тошкент Давлат университетининг илмий асарлари. «Ўзбек адабиёти», Тошкент, 1960, 140-бет.

<sup>2</sup> Ибн ал-Муқаффа ҳақида қаранг: И. Ю. Крачковский. Избранные произведения, том II, стр. 435—437. Р. Султонов. «Калила ва Димна»нинг озарбайжон тилидаги нашри сўзбошиси, Боку, 1961, 315—322-бетлар.

вет олими И. Ю. Крачковский ўзининг ёш истеъдодли шогирди И. П. Кузьминга «Калила ва Димна»нинг арабча версиясини рус тилига таржима қилишни топширади.

И. П. Кузьмин машҳур арабист Л. Шайхо томонидан 1905 йил Байрутда нашр қилинган, 1923 йилда эса қайтадан таҳрир қилиниб тутатилгай варзишни асос қилиб олади. И. П. Кузьминнинг бевақт вафоти таржиманинг тугалланмай қолишига сабаб бўлади. И. Ю. Крачковский уни тутатиб, Л. Шайхонинг текстига мослаштириб қайта ишлаб чиқади. Бу таржима Е. Э. Бертельс сўзбошиси билан 1957 йилда Москвада иккичи дафа нашр этилади.

Араб ва сурёнт тилларига қилинган таржималардан кейин тоҷик адабиётининг отаси, машҳур шоир Рудакий (940—41 йилда) вафоти этди) «Калила ва Димна»ни форс-тоҷик тилига назм билан, 1143—44 йилда эса Низомиддин Абулмаолий Насруллоҳ наср билан таржима қиласидар.

XVI асрга келиб «Калила ва Димна»ни Ҳусайн Бойқаро фармони билан ҳиротлик шоир Ҳусайн Вонз Кошифий форс тилига қайтадан таржима қиласди, асарга «Анвори Суҳайлий» деб ном беради ва уни Султон Ҳусайн Бойқарога бағишлади.

Нихоят, Ҳиндистонда бобирийлар даврида Ақбаршоҳнинг (1556—1605) вазири Абул Фазл бин Муборакшоҳ «Анвори Суҳайлий»ни қайтадан ишлайди, унинг тили, услубини бирмунча соддалаштиради ва уни «Ийёри доңиш» деб атайди. XVI асрда бу ноёб ёдгорликнинг форс тилидан туркӣ тилга «Хўмуоннома» номи остида қилинган таржимаси кенг шұҳрат қозонади.

XIX аср охирларида Қозонда Габдалгалим Файзхон ўғли бу асарни арабча оригиналдан татарчага таржима қилиб топография усулида босмадан чиқартириди.

Бу ерда қўйидагиларни айтиб ўтмоқ лозим. Фарбда таржима қилишда асл текстни мумкин қадар ўз ҳоли-ча сақлаб қилишга интилиб, Шарқда эса аксари асл текстни эркин таржима қилиши тенденцияси кучлидир, Шарқда таржимон асл текстни қисман бўлса-да, ўз дунёкараши ва даври талабларига кўра талқин этиш ва шу билан бирга, ҳатто ўзидан қўшишга ҳаракат қиласди, бу айнан тусиға кирган. Шарқ ҳалқлари тилларига қилинган таржималарга ёндашибашда шуни кўзда тутмоқ лозим. Араб, форс ва бошқа Шарқ тилларига қилинган таржималар шундан далолат беради. Бу нарса «Калила ва Димна»нинг ўзбек тилига қилинган таржималарига ҳам ондидир.

Унинг ўзбекчага қилинган биринчи таржимаси таҳминан XIII асрда тўғри келади. Бу таржиманинг ягона нусхаси Лондонда «Ин-дия оффис» кутубхонасида сақланмоқда. Мутаржими Итфихориддин Муҳаммад Бакрий. Инглиз шарқшуноси Эте ўз каталогида мазкур нусхасига қисқача шарҳ беради<sup>1</sup>.

1131 (1718—19) йилларда «Калила ва Димна» Қашқарда Мулла Темур томонидан «Анвори Суҳайлий» асосида таржима қилинади ва унга «Осори Имомия» деб ном берилади.

1253 (1837—38) йилларда «Калила ва Димна» Хивада Ҳоразм хонларидан Оллоқулихон хукмронлиги даврида Мулла Муҳаммад Ниёс томонидан форсчадан ўзбек тилига таржима қилинади. Мутаржимнинг таржимага ёзган муқаддимасида асарнинг Ўрта Осиёда кенг

таржалганилиги, севилиб ўқилганлиги, аввал ҳам бир неча бор таржи ма қилинганлиги айтилади.

«Калила ва Димна»нинг ўзбек тилидаги таржималари орасида ҳалқ ичидаги энг машҳури 1898 йилда Тошкентда литография усулида нашр этилган Қори Фазуллоҳ (тахаллуси Алмай) томонидан бажарилган таржимадир<sup>1</sup>. Бошқа Шарқ таржимонлари каби Алмай ҳам оригинални жуда эркян таржима қиласди, маълум даражада асарга ўз ҳиссасини ҳам қўшади. Бу масаланинг бир мухим томонидир. Масаланинг иккичи томони шуки, унинг (Алмайнинг) ўзига ҳос таржима тили ва услуби бор. Бу иккى гоят диққатга сазовор нарса революцияга қадар бўлган ўзбек адабиёти тарихини ўрганувчилар ва ўзбек тили тарихини текширувчилар томонидан маҳсус тадқиқотта лойиҳидир.

Алмай таржимаси қисқа муддат — 1901—1913 йиллар ичидаги уч марта тошбосмада нашр этилади.

ЎзФА Абурайҳон Беруний номидаги Шарқшунослик институти қўллэзмалари фондида «Калила ва Димна»нинг 1131 (1718—19) йилларда Мулла Темур томонидан Қашқарда бажарилган учта қўйилга нусхаси (инв. № 7451, 5807, 1321), Алмай таржимасини 1318 (1900)да кўчирилган нусхаси ҳам сақланади.

Булардан ташқари, шу фонда бу нодир асарнинг бир неча форсий қўллэзма нусхалари ва талайгина тошбосма нашрлари ҳам мавжуд.

Шуни қайд этмоқ лозимки, Алмай таржима қилинади, юқорида айтганимиздек, асл текстга жуда эркян муносабатда бўлган, диний-мистик моментларни анчагина кучайтирган. Бунинг устига, унирги оғир, форсий-арабий иборалар билан тўлган, кенг ўкувчилар оммаси аксар уларни тушуна олмайди.

1960 йилда «Калила ва Димна»нинг Р. Султонов томонидан озарбайжончага қилинган таржимаси нашр этилди. У ўз даврининг машҳур олими, адаби Абулмалой текстини асос қилиб олган. 1962 йилда мазкур таржиманинг мукаммаллаштирилган иккичи нашри чиқди. Бу ҳозирга қадар туркӣ тилларда бўлган ва чоп этилганлар орасида энг эътиборлисиадир. Китобхонларга тақдим этилаётган бу асарни таржима қилинади биз Эронда 1938 йили Абдулазим Фарид томонидан нашр этилган текст ва озарбайжон таржимасини асос қилиб олдик.

Асарни таржима этиш ва нашрга тайёрлашда қўйидаги принциплар юзасидан иш олиб бордик.

1. Мумкин қадар мукаммалроқ текстни ўқувчиларга тақдим этиш. Шу мақсадда, юқорида айтганимиздек асоссан охирги озарбайжон нашрни олиб, унга Алманийдан баъзи ҳикоялар қўшилди.

2. Биз асос қилиб олган текстда кераксиз қайтариқлар, ҳаддән ортиқ тағсилотлар қисқартирилди. Шу билан бирга, ортиқларни тарбияга, одобга хилоф, гоят беҳаё парча ё жумлалар ҳам қисқартирилди. Буни амалга оширишда ҳам асарнинг умумий хусусиятига пуртуп етказмаслик қўзда тутилди.

3. Асарнинг айрим парчалари эркин таржима қилиниб, уларнинг муҳтасар баёни берилди, шунинг учун бу китобга «Калила ва Димна»нинг академик нашри эмас, оммабоп нашри деб қараш керак.

4. Маълумки, «Калила ва Димна»нинг тили ва стили фольклор тилини ва стилига монанддир. Биз ҳам тарихий ҳақиқатга ва оригинал

<sup>1</sup> Қаранг: F. Каримов. Ўша асар, 148—152-бетлар.

<sup>1</sup> Қаранг: F. Каримов. Ўша асар, 148—152-бетлар.

га зид иш кўрмаслик мақсадида шу нарсага риоя қўйдик. Шу билан  
бирга, жонли халқ тилининг хусусиятлари ва бойликларидан фойда-  
ланишга ҳаракат қўйдик.

5. Асардаги батъзи персонажлар номи ҳар хил нашрларда ҳар  
хилдир. Биз Алмай нусхасида берилган номларни олдик.

«Қалила ва Димна» узоқ вақтлардан бери ўзбек халқига маъ-  
лум; унинг кўп ҳикматли сўзлари, ажойиб ҳикоялари ҳар хил йўллар  
билинг халқ орасига кенг ёйилиб, оғиздан-оғизга ўтиб келмоқда.  
Асарнинг ўзбек халқ ижоди ва ёзма адабиётига ҳам таъсири катта.  
Бунинг изларини машҳур адабий ёдгорликларимизда яққол кўриш  
мумкин. Асарнинг XIX-асрда ўзбек тилида, тошбосмада уч дафъа  
нашр этилиши адабий-маънавий ҳаётимизда ғоят муҳим ҳодиса бўл-  
ди. Натижада, бу шоҳ асар ўзбек халқининг ҳам мулкига айланниб  
кетди.

*Суйама Фаниева, филология  
факултии кандидати.*